

წიგნების
კლუბი

ჯონ ბენვილი

ზღვა

ჯონ ბენვილი

ზღვა

დიდგენის
ბიბლიოთეკა

ჯონ ბენვილი
ზღვა

John Banville
THE SEA

მთარგმნელები ზაზა ქილაძე, გია ჭუმბურიძე
რედაქტორი ირმა ტაველიძე
სერიის დიზაინერი ბესიკ დანელია
დიზაინერი ნინო გურული

წიგნი გამოცემულია მთარგმნელობითი ფონდის Ireland Literature Exchange-ის ფინანსური დახმარებით. დუბლინი, ირლანდია.

www.irelandliterature.com
info@irelandliterature.com

The Publisher acknowledges the financial assistance of Ireland Literature Exchange (translation fund), Dublin, Ireland.

www.irelandliterature.com
info@irelandliterature.com

© John Banville 2005
All rights reserved.

© გამომცემლობა „დიოგენე“, 2013
ყველა უფლება დაცულია.

ISSN 2298-0210
ISBN 978-9941-11-426-7

www.diogene.ge

ვუძღვნი ქოულმს, დაგლასს, ელენსა და ელისს

ადგნენ და წავიდნენ, ღმერთები, სწორედ იმ უცნაური მოქცევის დღეს. მოყამულ ცისქვეშ მთელი დილა ყურეში წყალი მატულობდა და მატულობდა, მანამდე არნახულ ნიშნულს მიაღწია, მომცრო ტალღები კი ჯიუტად ედებოდნენ გამომშრალი ქვიშით დაფარულ სანაპიროს, რომელიც კარგა ხანია, წვიმის მეტს არაფერს დაენამა, და ლამის დიუნებამდეც უწევდნენ. ყურის შორეულ ბოლოში, ვინ იცის, მინაში როდის ჩაფლული სატვირთო მანქანის დაჟანგებული ძარა იქნება და ფიქრობდა კიდეც, ეგაა და მეშველაო... იმ დღის მერე ცოცხალი თავით წყალში ჩამსვლელი აღარც ვიყავი.

თოლიები ჭყიოდნენ და წრეზე დაფრინავდნენ, არც რაიმე უჩვეულო აღელვება ეტყობოდათ ფოლადისფრად, ბოროტად და პირქუშად მოელვარე წყლის ამ ვეება მოთუხთუხე ქვაბის შემხედვარეთ. თავად ჩიტებსაც იმ დღეს არაბუნებრივად თეთრი ფერი დასდებოდათ; ტალღები სანაპიროს ქვიშანარევი, მოყვითალო ქაფის არშიად ეხეთქებოდნენ. თვალის განვდენაზე ერთი აფრაც არსად მოჩანდა. არა, ცხოვრებაში აღარასოდეს ჩავალ ზღვაში საცურაოდ-მეთქი, გავიფიქრე ისევ.

თითქოს ვილაცას ჩემს საფლაგზე გადაეაროს. რა ვიცი, ვის.

ძველი, გარდასული წესისამებრ, სახლს სახელიც დაა-
ნათლეს: „კედრები“. სურნელოვანი ფისით გაყავისფრებულ,
საზარლად ტანდაკორძილ და დაკლაკნილ ხეთა მოზრდილი
კორომი ჯერაც დგას სახლიდან მარცხნივ და აქედან, მოუვ-
ლელი მდელის გადაღმა, ყველაზე კარგად მოჩანს სასტუმრო
ოთახის მოჩუქურთმებული ფანჯარა (თუმცა მის ვაეასური
ამჯობინებს, საკუთარ წრეში ბუდუარად მოიხსენიოს იქაურო-
ბა). წინკარი სახლის მოპირდაპირე მხარესაა. მის წინ ზეთით
დალაქავეებული, მოხრეშილი მომცრო ბაქანია, მერე კი – ჯე-
რაც მწვანე საღებავშერჩენილი ჭიშკარი, ოლონდ ეგაა, უანგს
მისი ანჯამები მთლად გაუცრეცია და გაულევია. მიკვირს,
რა ცოტა რამ შეიცვალა აქ ჩემი ბოლო სტუმრობის მერე...
არადა, ნახევარ საუკუნეზე მეტი გავიდა. მიკვირს და მწყინს
კიდევ. მეტსაც ვიტყვი: გული მიკვდება. მაგრამ მიზეზს თა-
ვადაც ვერ ვხვდები; ვერაფრით ვიტყვი, რატომ ვისურვებდი
რაიმე ცვლილებას მე, ვინც სწორედ ამ წარსულის ნანგრევებ-
ში დასაბინავებლად დავბრუნდი! ვერ გამიგია, რატომ ააშენეს
ეს სახლი ასე, გვერდულად; რატომ მოაქცევინეს ქვით მოპირ-
კეთებული, უფანჯრებო, თეთრი უკანა კედელი შარაგზისკენ;
ან ვინ იცის, რკინიგზის გაყვანამდე იქნებ შარაგზაც სხვაგან
გადიოდა – ალბათ სწორედაც წინკარის მხარეს... მის ვ. თა-
რილებს ძნელად იხსენებს, მაგრამ ვარაუდობს, ამ ადგილას
კოტეჯი გასულ საუკუნეში აუშენებიათ, უფრო სწორად, იმის
წინა საუკუნეში და მერე რალაც-რალაცები უწესრიგოდ მიუ-
შენებიათ აქეთ-იქიდანო. ალბათ ამით თუ აიხსნება შენობის
უთავბოლობა: მომცრო და დიდი ოთახების უაზრო მონაც-
ვლეობა, უსახური კედლების მხარეს გაჭრილი ფანჯრები და
ყველგან ერთნაირად დაბალი ჭერი. ფიჭვის იატაკი ხის გემბა-
ნივით ჭრიალებს, ისევე, როგორც ჩემი მალალზურგიანი სარ-

ნეველა-სავარძელი. თითქოს ვხედავ კიდეც, როგორც იქნა, ხმელეთზე დაბრუნებული ბებერი ზღვაოსანი როგორ უზის ბუხარს, ზამთრის სუსხი კი ფანჯრის შუშებს ჭირხლით ბურავს. ნეტავი მას, ნეტავ მის ადგილას ვყოფილიყავი!

უხსოვარ დროს, ღმერთების ხანაში, როცა მეც აქ ვბინადრობდი, „კედრები“ სააგარაკო სახლი იყო და ორი კვირით, ანდა სულაც მთელი თვით ქირავდებოდა ხოლმე. წლიდან წლამდე, ივნისის თვეში, აქ მავანი შეძლებული ექიმი ისვენებდა, თავისი მრავალრიცხოვანი, ხმაურიანი ოჯახით. ექიმის ცელქი და აბეზარი შვილები გულზე არავის გვეხატებოდა: დაგვცინოდნენ და შიგადაშიგ ჭიშკრის იქიდან ქვებსაც გვესროდნენ. იმათ მერე შუახნის, სიტყვაძუნნი და უცხვირპირო წყვილი ჩამოდიოდა; არავის სცემდნენ ხმას და ყოველ დილით, ერთსა და იმავე დროს, თავიანთ გამწლიკულ ძაღლსაც მდუმარედ დაასეირნებდნენ სადგურისაკენ მიმავალ გზაზე. ჩვენთვის ყველაზე მიმზიდველი დრო მაშინ დგებოდა, როცა აგვისტოს მდგმურები ეწვეოდნენ ხოლმე აქაურობას. ამ თვეში, ყოველ წელს, სახლს სულ სხვადასხვა ხალხი ქირაობდა – ინგლისელებიცა და კონტინენტიდან ჩამოსულებიც. უცნაური, ახლად ჯვარდანერილი წყვილები – ვცდილობდით, მათთვის მუდმივად გვეთვალთვალა. ერთხელ კი სულაც თეატრის მთელი დასი გვესტუმრა – დაბის კინოთეატრში დღის წარმოდგენის გასამართავად. მერე კი, სწორედ იმ წელს, გრეისების ოჯახიც გამოჩნდა.

თავიდან იმათი შავი ფერის მანქანა დავინახე – ჭიშკრის მიღმა, მოხრეშილ ბაქანზე გაჩერებული. დაბალი, დაკანრულ-დაფხაჭნილი და გვარიანად შელანძღული რამ გახლდათ, ტყავგადაკრული სავარძლებითა და დიდრონი, მბზინავი ხის საჭით. დალაქავებული და კუთხეებაპრეხილყდიანი წიგნები

დაუდევრად ეყარა ახდელ საბარგულში და იქვე საფრანგეთის, ეტყობა, ხშირად ნახმარი ტურისტული რუკაც მოჩანდა. სახლის კარი ყურთამდე გამოეღოთ, შიგნიდან კი ხმები გამოდიოდა – ქვედა სართულიდანაც და ზევიდანაც: ვილაც შიშველი ფეხების ტყაპა-ტყუპით დარბოდა და გულიანი კისკისიც მოისმოდა. ჭიშკართან შევჩერდი, თამამად მივაშტერდი იქაურობას. უცებ სახლიდან ვილაც კაცი გამოვიდა. ხელში სასმლით სავსე ჭიქა ეჭირა. ტანდაბალი იყო, მაგრამ ჩასხმული – ცარიელი მხრები და გულ-მკერდი. დიდი, მრგვალი თავი ჰქონდა; მოკლედ შეკრეჭილი, შავად მბზინავი თმა, თუმცა ნვერ-ულვაშში აქა-იქ უკვე ჭალარაც გამორეოდა. ფეხშიშველს, ბოლომდე ჩახსნილი, განიერი მწვანე პერანგი და ხაკის შორტები ეცვა. მზეზე გვარიანად დამწვარს, სახესა და მკერდზე კანი დასწითლებოდა. შევამჩნიე, მზე ფეხისგულეებზეც კი მოჰკიდებოდა. არადა, ჩემი დაკვირვებით, მამების უმეტესობა კისრის ქვემოთ მზეს არც იკარებდა ხოლმე. კამკამა ჯინით, ყინულითა და ლიმნის ნაჭრით სავსე ჭიქა მანქანის სახურავზე შემოდგა, წინა კარი გამოაღო და სანახევროდ მანქანაში შემძვრალმა, რალაცას დაუნყო ძებნა. ჩემთვის უჩინარი ზედა სართულიდან კიდევ ერთხელ მოისმა გოგოს სიცილი, მერე – ფეთიანივით შეკივლება და ბოლოს – ისევ შიშველი ფეხების ტყაპატყუპი. აშკარად დაჭერობანას თამაშობდნენ, ის გოგო და ვილაც მეორე, ჯიუტად რომ არ იღებდა ხმას. კაცი ნელში გასწორდა, ჭიქას დასწვდა და მანქანის კარი მიაჯახუნა. არ ვიცი, რას ეძებდა, მაგრამ ვერ კი ეპოვა. სახლში შესვლამდე ჩემი დაჟინებული მზერა შეამჩნია და უცებ თვალი ჩამიკრა. არა ისე, როგორც ჩვეულებრივ იციან ხოლმე დიდებმა – თან უფროსულად და თან ვითომ ტოლივით. არა, ეს უფრო მეგობრულ, მეტიც, შეთქმულის ნიშანს ჰგავდა, ლამის მასო-

ნურ იდუმალ ნართაულს... გამგების უსიტყვო გაგებას, იმის მიუხედავად, რას გულისხმობდა სათქმელი. სხვათა შორის, კაცს უჩვეულოდ ღია ცისფერი თვალები ჰქონდა და მერე, სანამ კარს მოიხურავდა, მისი სიტყვებიც მომესმა: *ჯანდაბას! ეტყობა... ამ დროს კარიც მიიხურა. ცოტა ხანს კიდევ შევიცადე, ზედა სართულის ფანჯრებს მიეჩერებოდი, თუმცა იქ არც არავინ გამოჩენილა.*

ეს იყო ჩემი პირველი შეხვედრა გრეისებთან: გოგოს ხმა, ფეხების ტყაპუნი და ცისფერთვალა კაცის ეს უტყვი და, ცოტა არ იყოს, ეშმაკური გამოცნაურება.

ახლა სტვენას მოვყევი – ბოლო დროს ნასწავლ ხრიკს მივმართე: კბილებშუა ვუშვებდი ჰაერს ნვრილ-ნვრილ ჭავლებად და ისეთ ხმას გამოვცემდი, როგორსაც კბილის ექიმის ბურღი: *ზზ-ზტ! ზზ-ზტ!* მამაჩემი უსტვენდა ხოლმე ასე და ვითომ მას ვემსგავსები? დერეფნის გადაღმა, თავის ოთახში, პოლკოვნიკი ბლანდენი რადიოს უსმენს. ყველაზე მეტად გადაცემა „შუადღის საუბრები“ მოსწონს, როცა გალიზიანებული საზოგადოება სტუდიას რეკვით იკლებს და ვინ პოლიტიკოსთა გაიძვერობას უჩივის, ვინ – სასმლის ფასსა და ვინ სხვა საჭირბოროტო საკითხებზე ამახვილებს ყურადღებას... „ღმერთო, ეს რა ხალხია!“ – ამბობს და მერე ჩაახველებს ხოლმე. ცოტა არ იყოს, შემკრთალიც ჩანს, წითლად დაყვლეპილ თვალებს მარიდებს, თუმცა, ჩემდათავად, კრინტიც არ დამიძრავს. ნეტავ ზის თუ წამოწოლილი უსმენს? ძნელია, წარმოიდგინო, მაგრამ ალბათ თავისი სქელი, რუხი შალის წინდები აცვია, ცერებს ათამაშებს; ყელსახვევი კი მოუხსნია, საკინძე გაულეღავს და ხელები თავქვეშ – გამხდარ, ბებერ კისერზე დაუკრეფავს. ისე, ოთახიდან რომ გამოდის ხოლმე, სარგადაყლაპულივით დაიარება, ერთიანად შემართული –

მრავალჭირგამოვლილი, მძიმე ნალების ლანჩებიდან ნონოლა თავის კინკრიხომდე. თმას ყოველ შაბათ დილით იკრეჭს სოფლის დალაქთან, კეფასა და საფეთქლებზეც ბლომად ააღებინებს ხოლმე, მარტო ზემოთ იტოვებს ქორივით აფოფრილ ჭალარა ქოჩორს. დიდი, პარტყუნა ყურები ლორის შებოლილ ნაჭრებს მიუგავს, თვალის გუგებზე კი მოყვითალო ლიბრი გადაჰკვრია. მესმის მისი რადიომიმღებიდან მომავალი ხმები, ოლონდ სიტყვებს ვერ ვარჩევ. აქ მართლა შეიძლება გავგიჟდე. ზზ-ზტ! ზზ-ზტ!

მოგვიანებით, იმ დღეს, როცა გრეისები ჩამოვიდნენ, ან შესაძლოა მეორე, ან სულაც მესამე დღეს შავი მანქანა ისევ დავინახე და მაშინვე მეცნო – რკინიგზის ლიანდაგზე გადებულ პატარა კუზიან ხიდზე გადადიოდა ბრაგაბრუგით. ის ხიდი ისევ არსებობს, სადგურიდან ცოტა მოშორებით. ეგრეა, საგნები ძლებენ, ცხოვრება კი წარმავალია. მანქანა სოფლიდან გადიოდა და ბელიმორად წოდებული ქალაქისაკენ ეჭირა გეზი. იქამდე ასე, ათიოდე მილი იქნებოდა. მოკლედ, ქალაქის სახელი ბელიმორია, სოფლისა კი – ბელილესი. დიდი ვერაფერი მრავალფეროვნებაა, თუმცა მე რას დავეძებ! საჭეს სწორედ ის ტანმორჩილი კაცი უჯდა, მე რომ თვალი ჩამიკრა. უკან თავგადაგდებული, ეტყობა, რალაცა სასაცილოს ჰყვებოდა და თვითონაც გულიანად იცინოდა. მის გვერდით მჯდომ ქალს ჩანეული ფანჯრიდან გამოეყო ხელი, თავი იმასაც უკან გადაეგდო და ნიავი ხორბლისფერ თმას უფრიალებდა. ქალი არ იცინოდა, მხოლოდ ილიმებოდა – პირადად ამ კაცისთვის შემონახული, ოდნავ დამცინავი, ყოვლის გამგები, მსუბუქი და სასიამოვნო ღიმილით... ტანზე თეთრი პერანგი ეცვა, თეთ-

რჩარჩოიანი მზის სათვალე ეკეთა და სიგარეტს აბოლებდა. სადა ვარ, სად მიპოვია სათვალთვალოდ ასე ხელსაყრელი ადგილი? არ ვიცი, ჩემს თავს ვერ ვხედავ. ისინი კი უცებვე მიეფარნენ თვალს. მანქანამ მოსახვევეში კუდი მოიქნია, ცისფერი ბოლის ქულა გამოისროლა და გაუჩინარდა. გზისპირა თხრილში ქალის თმისფერი მალალი ბალახი ერთი კი შეთროლდა და ისევ უწინდელ მთვლემარებას დაუბრუნდა.

შუადღის მზით განათებულ სიცარიელეში გავუყევი სადგურის გზას. მთის ძირას სანაპირო მუქ ლურჯად ციმციმებდა. ზღვის პირას ყველაფერი ვინრო ხაზებად ლაგდება, მთელი სამყარო რამდენიმე გრძელ, სწორ წრფემდე იკუმშება მიწასა და ცას შორის. „კედრებს“ ქურდულად მიეუახლოვდი. ნეტავ რატომ ედო ბავშვობაში ყველაფერ ახალს, რაც კი ცნობისწადილს მიღვივებდა, რალაც ზებუნებრივის იერი? სანდო ხალხი ხომ ამტკიცებს, ზებუნებრივი რაიმე ახალი კი არა, უკვე ნაცნობია, ოღონდ განსხვავებული სახით გამოვლენილიო... ისე, რამდენი ამგვარი უპასუხო კითხვაა და არც ეს ჩანს მათში უმთავრესი. სახლს რომ მიეუახლოვდი, გულისგამანვრილებელი ჭრიალი მომესმა: ჩემი ხნის ვილაც ბიჭი მწვანე ჭიშკარზე ჩამოკონწიალებულიყო, ცალ ფეხს ნაჰკრავდა ხოლმე და კარზე წინ და უკან დაქანაობდა. იმასაც იმ ქალივით ხორბლისფერი თმა და ზუსტად იმ კაცის-მაგვარი თვალეები ჰქონდა. როცა გვერდით ნელა ჩავუარე – მართალი გითხრათ, საგანგებოდაც შევანელე ნაბიჯი – ფეხი მიწას დააბჯინა, ჭრიალა კარი გააჩერა და მტრული ცნობისმოყვარეობით მომაჩერდა. საერთოდ, პირველი შეხვედრისას ჩვენ, ბავშვები, სწორედ ასე ვუცქერთ ხოლმე ერთიმეორეს. მის ზურგს უკან, ბალის გადაღმა, რკინიგზის ლიანდაგის გასწვრივ, ირიბად ჩარიგებული ხეები მოჩანდა. ახლა ეს ხეები აღარ დგას – ყველა

მოჭრეს, თოჯინების სახლების მსგავსი, ფერად-ფერადად შე-
ლებილი ბუნგალოებისთვის რომ მოესუფთავებინათ ადგილი.
უფრო იქით, სადამდეც თვალი მისწვდებოდა, ვრცელი მინ-
დვრები გადაშლილიყო. მინდორში ძროხები ძოვდნენ, ხოლო
ალაგ-ალაგ ყვითელ ნაკუნებად გაბნეულიყო იელის ბუჩქები.
სიშორეში ეული სამრეკლოს წვერი იკვეთებოდა, ქულა ღრუბ-
ლებით მოფენილი ცის ფონზე. უცებ, სრულიად მოულოდნე-
ლად, ბიჭი დამეჭყანა: თვალები დააეღმა და ენა გამომიყო.
გზა გავაგრძელე. ვგრძნობდი, როგორ გამომაყოლა დამცი-
ნავი მზერა.

ფლოსტები. დღეს ამ სიტყვას ველარც გაიგონებთ, ანდა
– იშვიათად, ათასში ერთხელ. თუ სწორად მახსოვს, თავიდან
მეზღვაურთა ფეხსაცმელი უნდა ყოფილიყო, და რალაციით –
გემბანის რეცხვასთან დაკავშირებული. პოლკოვნიკი ისევ ფე-
ხისადგილისკენ მიფრატუნებს. ნაძლევს დავდებ, პროსტატა
ანუხებს. ჩემს კართან კიდევ უფრო ანელებს ნაბიჯს – მგონი,
სულაც თითის წვერებზე დგება. ეტყობა, გარდაცვლილისად-
მი პატივისცემის ნიშნად... ადათ-წესებს ერთგულებს ეს ჩვენი
ღირსეული პოლკოვნიკი, ნამდვილად.

ახლა სადგურის გზაზე მივაბიჯებ.

როცა ახალგაზრდები ვიყავით, ცხოვრება მეტწილად
მდორედ მიედინებოდა, ან იქნებ ახლა მეჩვენება ასე – მშვი-
დად, აუმღვრევლად. რალაცას ველოდით ჩვენს ჯერაც მოუნ-
ყობელ სამყაროში და ისე იჭვნეულად შევცქეროდით მომა-
ვალს, როგორც მე და ის ბიჭი – ერთმანეთს. როგორც ჯარის-
კაცები ბრძოლის ველზე, გაფაციცებულნი ველოდით, ნეტავ
რა მოხდებოდა. ხის ძირას შევჩერდი და სამივე გზას გავხედე.
ერთი სანაპიროსკენ მიემართებოდა, მეორე – სადგურისკენ,
მესამე კი – პანია კინოთეატრისა და ჩოგბურთის მოედნი-

საკენ. მოედნის იქით მიმავალ გზას „კლდოვანას“ ეძახდნენ, თუმცა თუკი იქ ოდესმე რამე კლდეების მსგავსი იყო, ზღვას დიდი ხნის წინ გადაერეცხა. ამბობდნენ, ადრე ქვიშრობზე ეკლესია იდგა და მერე ისიც ზღვამ შთანთქა – მთლიანად, თავის სამრეკლოიან-ზარებიანად. ერთ ქარიშხლიან ღამით მომხდარა ეს ამბავი, საშინელი მოქცევის დროს. ასე ჰყვებოდნენ აქაურები, მაგალითად, მერძევე დუინანი და ყრუჩუნა კოლფერი, გოლფის ნახმარი ბურთების გაყიდვით რომ ირჩენდა თავს. ეტყობა, უნდოდათ, სტუმრები დაერწმუნებინათ, ეს პატარა, კოხტა ზღვისპირა სოფელი ოდითგანვე დიდად საზარელი ამბების მომსწრეაო. სანაპირო კაფეს აბრა ამშვენებდა: სიგარეტის რეკლამა. მარილიანი ჰაერით დაუნგებულ აბრის ანჯამებს ზუსტად „კედრების“ ჭიშკარივით აჭრიალებდა ზღვაური. ეს ჭრიალი – აბრისაც და ჭიშკრისაც – დღემდე ჩამესმის ყურში და სიზმარშიც არ მანებებს თავს. სანაპიროსკენ მიმავალ გზას დავადექი. სახლები, მალაზიები, ორი სასტუმრო: „გოლფი“ და „სანაპირო“; გრანიტის ეკლესია, მაილერის ერთდროულად ფოსტაცა და ლუდხანაც და იმის იქით – ჩვენი მინდორი, ზედ გაბნეული ფიცრული კოტეჯებით. ერთ-ერთში ჩვენც ვსახლდებოდით ზაფხულობით – მამა, დედა და მე.

თუკი მანქანაში მსხდომნი მისი მშობლები იყვნენ, უცხო ადგილას მარტო როგორ დატოვეს ბიჭი? ან ის გოგო სად იყო, სულ რომ კისკისებდა?

წარსული მეორე გულივით მიცემს მკერდში.

ექიმი-კონსულტანტი, გვარად მისტერ ტოდი, ანას მისის მორდენად იხსენიებდა, მე კი – რატომღაც, მაქსად. ვერ ვიტყვი, მომწონდა-მეთქი ასეთი ახირება, ან თუნდაც მისი ძმა-

ბიჭური ტონი. მისი კაბინეტი – უფრო სწორად, რამდენიმე ოთახი – ერთი შეხედვით, ცაში იყო გამოკიდებული, თუმცა მხოლოდ მესამე სართულზე მდებარეობდა. თავად შენობა ერთიანად შუშა-ლითონისაგან გახლდათ ნაგები. ლიფტის ხაროც კი ამ გამჭვირვალე მასალისაგან აეწყოთ და თითქოს რალაციით შპრიცსაც კი წააგავდა. ლიფტიც ვეება დგუშვიით მოძრაობდა ზევით-ქვევით. ექიმის მისაღები ოთახის კედლებიც – იატაკიდან ჭერამდე – სულ შუშის ბრტყელი ნაჭრებით დაეფარათ. როცა მე და ანას გვიხმეს, თვალი მომჭრა ადრეული შემოდგომის ამ შუშებზე აბრწყვილებულმა შუქმა. რეგისტრატორმა, ქერა, უსახურმა ქალმა, რომელსაც თეთრი ხალათი და წრიპინა, უქუსლო ფეხსაცმელები ეცვა – არადა, ვინ დაიმახსოვრებს ასეთ დროს რეგისტრატორის გარეგნობას?! – ანას ანამნეზი მისტერ ტოდს დაუდო მაგიდაზე და მაშინვე განრიპინდა ოთახიდან. მისტერ ტოდმა დასხდომის ნება დაგვრთო. მე ადგილს ვერ ვპოულობდი და შუშის კედელთან ავიტუზე. მერე გარეთაც გავიხედე. ზუსტად ჩემ ქვემოთ მუხა იდგა. ან შეიძლება – ვერხვი. მართალი გითხრათ, ვერასოდეს ვარჩევდი ერთმანეთისაგან დიდრონ, გაბარჯლულ ხეებს. თუმცა თელა ნამდვილად არ იყო – თელები ერთიანად გადახმა ჩვენს მხარეში. მართლაც დიდებული სანახავი გახლდათ ეს ხე – ხშირფოთლიანს ჯერაც შერჩენოდა ზაფხულის სიმწვანე და შემოდგომას ვერაფერი დაეტყო მისთვის. მანქანების სახურავები მზეზე ბზინავდა, ავტომობილების სადგომისკენ შავკაბიანი ქალი სწრაფად მიაბიჯებდა. თითქოს აქედანაც კი მესმოდა მისი ქუსლების პაკა-პუკი. ანას ფერმკრთალი სახე ჩემ წინ ირეკლებოდა მინაზე. ოდნავ გვერდულად, ნელ-გამართული იჯდა სკამზე, სამაგალითო პაციენტივით. ფეხი ფეხზე გადაედო და გადაჯვარედინებული ხელები თეძოზე

დაეკრიფა. მისტერ ტოდი მაგიდას მისჯდომოდა, ანას ქალაღდებს ფურცლავდა. მუყაოს ღია ვარდისფერმა საქალაღდემ ზაფხულის არდაღეგების მერე სკოლაში დაბრუნება გამახსენა – პირველი გაკვეთილები და ჯერაც ხელუხლებელი სახელმძღვანელოები, მეღნის მომწარო სუნი და წვერწამახული ფანქრები... საღ არ დაგვიქრის ხოღმე გონება ყველაზე დაღბულ ვითარებაშიც კი!

შემოვტრიაღღი. გარე სამყარო უკვე მთღად აუტანელი მეჩვენებოღა.

მისტერ ტოდი ზორბა კაცი გახღღათ, არც მაღალი და არც ტანსრული, თუმცა – ბეჭებფართე. რაღაც ოთხკუთხეღღის შთაბეჭდიღღებას ტოვებღა. ისე ირჯებოღა, ძველი სკოღღის ექიმებს რომ სჩვევიათ – ღინჯად და საქმიანად. ტვიღღის პიჯაკი და ჟიღღეტი ემოსა, ზეღ საათის ოქროს ძენკვით, და ისეთი მძიმი, ყავისფერი ფეხსაცმეღღები ეცვა, პოღკოვნიკი ბღანღენი უთუოღ მოუნონებღა არჩევანს. თმა ძვეღმოღღურად გაეპოხა, შუბღიღან უკან გაღაეღარცხნა. ისეთ მოკღღე, ჯაგარა უღღვაშს ატარებღა, ცოტა არ იყოს, უჯღათი კაციღს იერს რომ აძღღევღა. უცებ ისიც ვიაზრე, ამ სიღღინჯისა და გამოზომიღღი მიხვრა-მოხვრის მიუხეღაღვად, ჯერ მხოლოღ ორმოცღაათის თუ იქნება-მეტი. როღღის აქეთ მომრავღღენენ ჩემზე უმცროსი ექიმები? ის კი რაღაცას წერღა, აშკარად ღროს წეღავღა. არც ვამტყუნებღი – მის აღღიღას, მეც ასე მოვიქცეოღღი. როგორც იქნა, კაღღაში დაღო, ოღღონღ კრინტის დაძვრას მაინც არ ჩქარობღა. აშკარად ეტყობოღა, არ იცოღა, საიღან და როგორ მოეღღო. იყო მის ყოყმანში რაღაც ხეღღოვნური, თეატრალური და მივხვღღი, ისეღ იმავეს გაგონება მომიწევღა. ისე, ნებისმიერი ექიმი ისეთივე კარგი მსახიობი უნღა იყოს, როგორიც მკურნალი. ანა მოუთმენღღად შეიღრხა სკამზე.

– აბა, ექიმო... – თქვა საჭიროზე ცოტა უფრო ხმამაღლა და ხმაში ორმოციანი წლების კინოვარსკვლავებისათვის დამახასიათებელი ხრინნი გამოერია, – სასიკვდილო განაჩენით გამიშვებთ თუ სიცოცხლეს მჩუქნით?

ოთახში დუმილი ჩამონვა. ეს აშკარად წინდანინ მოფიქრებული ვითომ ხუმრობა უპასუხოდ დარჩა. საშინლად მომინდა, მივვარდნოდი, მკლავებში მომემწყვდია და ისე გამეყვანა იქიდან, როგორც მებანძრეს გაჰყავს ვინმე ცეცხლმოდებული შენობიდან. ოღონდ არც კი გავნძრეულვარ. მისტერ ტოდმა სწრაფი, დაფეთებული კურდღლის მზერა შეავლო და წარბები აზიდა.

– არა, მისის მორდენ... ჯერჯერობით არსად გაგიშვებთ, – თქვა და ყალბმა ღიმილმა დიდი მორუხო კბილები გამოუჩინა, – ნამდვილად არა.

ისევ დუმილი ჩამოვარდა. ანას ხელები ახლა კალთაში დაეკრიფა და მოლუშული ისე დასცქეროდა მათ, თითქოს პირველად ხედავსო. მარჯვენა მუხლი ამიძაგდაგდა.

მისტერ ტოდმა თავს ძალა დაატანა და გრძელ, ათასჯერ გამოვრებისაგან ყავლგასულ მსჯელობას მოჰყვა იმედისმომცემ მკურნალობაზე, ახალ ნამლებზე, მის ხელთ არსებული ქიმიური საშუალებების სასწაულებრივ თვისებებზე... გინდაც ალქიმიკოსი ყოფილიყო და ჯადოსნურ ნაყენზე ელაპარაკა... ანა ისევ მოლუშული დასცქეროდა საკუთარ ხელებს, არც კი უსმენდა. ბოლოს ექიმიც გაჩუმდა და იმ სასოწარკვეთილი, უიმედო მზერით მიაჩერდა, ადრეც რომ არაერთხელ მენახა მის სახეზე. ფსუტუნით სუნთქავდა, ტუჩები გაენელა და ისევ გამოუჩნდა ცხენივით კბილები.

– გამდლობთ, – თავაზიანად, თითქოს სადღაც, ძალიან შორიდან შეეხმიანა ანა; თითქოს რაღაც ფიქრს დაუქნია თავი.

- დიახ, - დაამატა კიდევ უფრო მშვიდად, - დიდი მადლობა.

ეტყობა, მისტერ ტოდს ცოტა გულზე მოეშვა, ხელისგულები მუხლებზე დაირტყა და მონყვევით წამოდგა სკამიდან. ერთი სული ჰქონდა, როდის გაგვისტუმრებდა. ანა რომ კარში გააცილა, მომიბრუნდა და კაცურად გამიყარა თვალი თვალში. გამიღიმა კიდევ, უსიტყვოდ. სხარტად ჩამომართვა ხელი. ზუსტად იმგვარად, როგორც, დარწმუნებული ვარ, ასეთ ვითარებაში იცოდა ხოლმე.

ნოხდაფენილი დერეფანი უხმაუროდ გავიარეთ. ლიფტი ტაატიტ დაიძრა ქვემოთკენ.

ქუჩაში გამოვედით. თითქოს რომელიღაც უცხო პლანეტაზე დავადგით ფეხი, სადაც ჩვენ გარდა, არც არავინ სახლობდა.

შინ დაბრუნებულები კარგა ხანს ვისხედით სახლის წინ, მანქანაში. ვფიქრობდით იმაზე, რაც ვიცოდით და არაფერს ვამბობდით ერთმანეთთანაც და საკუთარ თავთანაც ერთბაშად გაუცხოებულები. ანამ ყურეს გახედა, სადაც მზის გულზე აფრაგაშლილი ნაეები დასრიალებდნენ. მუცელი გამობერვოდა, კაბის ქამართან მრგვალი, მკვრივი წამონაზარდი აჯდა. თქვა, ხალხი იფიქრებს, ფეხმძიმედააო... ამხნის ქალი. ორივეს გაგვეცინა, თუმცა ერთმანეთისთვის არ შეგვიხედავს. ჩვენს საბუხრე მილებზე დაბუდებული თოლიები ახლა ისევ ზღვას დაბრუნებოდნენ, ან უცხო მხარეს გადახვენილიყვნენ, თუ რა ვიცი, სად. არადა, მთელი ის ნალელიანი ზაფხული დილიდან სალამომდე სახურავს დასტრიალებდნენ და დასცინოდნენ ყველა ჩვენს მცდელობას, ისე დაგვეჭირა თავი, თითქოსდა

არც არაფერი გვემუქრებოდა და სამყაროც თავისი გზით აგრძელებდა ბრუნვას. ოლონდ ის ხომ იქ იყო, მის სხეულში – წანაზარდი, სახელად სიკედილი. მართლა ნაყოფივით მწიფდებოდა და თავის დროს ელოდა.

როგორც იქნა, შინ შევედით, რაკი სხვა წასასვლელი არსად გვქონდა. შუადღის კაშკაშა შუქი სამზარეულოს ფანჯარას ეღვრებოდა და ყველაფერი შუშასავით ბრწყინავდა – თითქოს ოთახს კინოკამერის ლინზიდან შევცქეროდი.

რალაც უხერხულობასაც ვგრძნობდი მთელი ამ ოჯახური მყუდროების გამომხატველი ნივთების შემყურე – ქილებისა დაკიდულ თაროებზე, ჩამჩებისა ღუმელის თავზე, საპურისა, თავისი დაკბილული დანით... თითქოს მზერას გვარიდებდნენ ამ გაუცხოებულ, მათთვის სრულიად მიუღებელ ხალხს. აი, ამიერიდან სულ ასე იქნება, – გავიფიქრე, – სადაც არ უნდა წავიდე, კეთროვანივით წინ მუდამ ზანზალაკის წკარუნი წაუძღვება. *მშვენივრად გამოიყურები!* – შესცინებენ ნაცნობები, – *ასეთი ლამაზი ჯერ არც გვინახიხარ!* და ისიც, ვითომც არაფერიო, შეიფერებს და თავისებურად მომხიბლავად გაიღიმებს კიდეც, საბრალო მისის ძვალტყავა.

შუა ოთახში იდგა, ჯერაც პალტო ეცვა და თავშალი ეხვია ყელზე. ხელები ისევ ისე დაეკრიფა თეძოზე და დარდიანი სახით იხედებოდა აქეთ-იქით. მაშინ ჯერ ისევ ლამაზი იყო, ლანვმალაღი, სახეგადატკეცილი. მისი თითქოსდა სპილოსძვლისაგან ნაკვეთი, ნატიფცხვირიანი ანტიკური პროფილი მუდამ ყველაზე მეტად მხიბლავდა.

– იცი, ამას რა ჰქვია? – თქვა მწარე დანანებით. – რა ჰქვია და უსამართლობა!

თვალი ავარიდე – იმის შიშით, მზერამ არ გამცეს-მეთქი. ასეთ დროს ხომ საკუთარი მზერაც გეუცხოვება – თითქოს

შეშლილი და სასონარკვეთილი ჯუჯა ჩაგბუდებიაო. მივხვდი, რასაც გულისხმობდა: ეს მას არანაირად არ უნდა დამართოდა, ჩვენ არ უნდა დაგემართოდა... არ ვიყავით საამისო ხალხი. უბედურება, ავალობა, უდროო სიკვდილი – ამგვარი რამ სულ სხვანაირი ადამიანების ხვედრია: თავმდაბლების, აი, იმათი, *მინის მარილს* რომ ეძახიან, და არა – ანასი, არა – ჩემი. ჩვენი უდარდელი ერთობლივი ცხოვრების შუაგზაზე მხიარულ ბრბოს ერთი დაჭყანული არარაობა გამოეყო, მანჭვით დაგვიკრა თავი და ჩემს განწირულ დედოფალს ცხოვრებიდან დათხოვნის სიგელი გადასცა.

ანამ ჩაიდანი შემოდგა ქურაზე, ჯიბეში სათვალე მოიძია, გაიკეთა და ზონარი კისერზე გადაიგდო. მერე ატირდა, უხმოდ, თითქოს თავისდაუნებურად. უხერხულად მიუუახლოვდი, ჩახუტება დაეუპირე, მაგრამ უხეშად მომიშორა.

– თუ ღმერთი გნამს, ნუ ფორიაქობ... – მოსხიპა მკაცრად. – მხოლოდ ვკვდები, სხვა ხომ არაფერი.

ქურა ჩააქრო და აშიშინებული წყალიც მალევე ჩაცხრა. უკვე მერამდენედ მაკვირვებდა ჩვეულებრივი საგნების ეს ბოროტი თვითკმაყოფილება... თუმცა არა, ბოროტი ის სიტყვა არაა, არც თვითკმაყოფილება – უბრალოდ, გულგრილობა. მაგრამ სხვაგვარად, აბა, როგორ შეიძლება იყოს? შესაბამისად, ისევე უნდა აღმექვა საგნები, როგორც არის – არა ისე, როგორც მე წარმომედგინა, რადგან ეს ახალი სინამდვილე იყო. ჩაის ფინჯნებს დაუნვდი, კინალამ დავამტვრიე, ისე მიცახცახებდა ხელები, იმან კი – არ გინდაო. უკვე გადაეფიქრა. ახლა ბრენდი და სიგარეტი მოუნდა, თუმცა საერთოდ არ ენეოდა და ძალიან იშვიათად სვამდა. ჯიუტი ბავშვის მზერით გამომხედა. მაგიდასთან იდგა, ჯერაც პალტომოხურული, უკვე აღარ ტიროდა. სათვალე მოიხსნა და ქუთუთოებზე მოისვა ხელი.

ბრენდის ბოთლი გადმოვიღე და ხელის კანკალით ჩამოვასხი. ბოთლის ყელი ისეთი ხმით რაკუნობდა ჭიქის კიდეზე, თითქოს კბილი კბილს ეხლებო. შინ სიგარეტი არ გვქონდა – საიდან გამეჩინა? მაგრამ მითხრა, არა უშავს, მართლა კი არ ვაპირებდი გაბოლებასო. ჩაიდნის მუცელი შუქს ირეკლავდა, ცხვირიდან ორთქლის წვრილ ჭავლს უშვებდა და რატომღაც ბოთლში გამომწყვდეული ჯინისა და ჯადოსნური ლამპრის ამბავს მახსენებდა. ეს ერთადერთი სურვილი ამისრულე, რა იქნება.

– პალტო მაინც გაგეძრო... – ვთქვი ბოლოს.

ოლონდ რატომ „მაინც“? რატომ ვერ ველევით ამდენ ზედმეტსა და არაფრისმთქმელ სიტყვას?

ჭიქა მივანოდე. გამომართვა, მაგრამ პირიც არ დაუკარებია. ფანჯრიდან შემოსული შუქი გულზე ჩამოკიდებული სათვალის შუშებს ეცემოდა და თან მისსავე სახეს ირეკლავდა, იატაკზე ერთ ნერტილს ჩაშტერებულს. უცებ ერთიანად მოიძვარა და მძიმედ ჩამოჯდა სკამზე. მკლავები უცნაურად, რალაცნაირი უსასოობით განვართა მაგიდაზე – თითქოსდა სუფრის თავში მჯდომარე ვილაც უჩინარ მსაჯულს შეწყალეზას შესთხოვსო. ჭიქა მაგიდას დაეხალა და ნახევარი შიგთავსიც გადმოიღვარა. უმწეოდ შევცქეროდი. მყისიერად გამიელვა თავში, ველარასოდეს მოვიფიქრებ, კიდეც რა ვუთხრა, ამის შემდეგ სულ ასე გაგრძელდება, ბოლომდე, ამგვარ უსიტყვო ბორგვაში-მეთქი. დავიხარე და კეფაზე ვაკოცე – ზუსტად იქ, სადაც ყორნისფერი თმა გათხელებოდა და უკვე პანია, მქრქალი ლაქაც მოუჩანდა. სახემოლუშულმა ამომხედა.

– საავადმყოფოს სუნი აგდის, – მითხრა. – არადა, წესით მე უნდა ამდიოდეს...

ჭიქა გამოვართვი და შიგ ჩარჩენილი მწკლარტე სითხე სულმოუთქმელად გამოვცალე. მივხვდი, რა გრძნობა მღრღნი-

და მას მერე, რაც იმ დღით მისტერ ტოდის ერთიანად მბზინავ მისაღებში შეედგი ფეხი: დაბნეულობა. ეჭვი არ მეპარებოდა, ანაც იმავეს განიცდიდა. კი, დაბნეულობა. ის დამზაფრავე განცდა, როცა აღარ იცი, რა თქვა, რას შეხედო, როგორ მოიქცე და კიდევ რაღაც, რასაც მთლად სიბრაზე არ ეთქმოდა, მაგრამ განზილების მწარე გემოს კი გიჩენდა სულში; განაწყენება იმ ყოფის გამო, რომელშიც ასე მოუმზადებლად აღმოვჩნდით – თითქოს რაღაც ისეთი უმსგავსი, ბილნი საიდუმლო გაენდოთ ჩვენთვის, აღარც ერთად დარჩენა შეგვეძლო და ვეღარც უერთმანეთოდ ვძლებდით. ორივემ ვიცოდით, მეორემაც იცისო და ეს ცოდნა გვადულაბებდა. ამ დღიდან ყველაფერი თავდაყირა დადგებოდა: სიკვდილის ჩრდილქვეშ სხვაგვარად ვერც იცოცხლებდი.

ანა ახლა წელგამართული იჯდა მაგიდასთან, ისევ მარიდებდა თვალს. დუნე, უძრავი ხელის მტევნები ისე ამოეტრიალებინა, თითქოს ელოდა, ეგებ ვინმემ რამე მიწყალობოსო.

– აბა? – მკითხა უწინდებურად გახევებულმა. – ახლა რას ვშვრებით?

აი, პოლკოვნიკი ისევ თავის ოთახისკენ მიჩლახუნებს. ამ ჯერზე კარგა ხანი ინვალა ტუალეტში. შარდის შეხუთვას ეხუმრები? მთელ სახლში მხოლოდ ჩემი საძინებელი ოთახია, რომელსაც მის ვავასური, ცოტა არ იყოს, ამრეზით, მუდამ ფრანგულად მოიხსენიებს ხოლმე – en suite. ხედიც კარგი მექნებოდა, ბალის კიდეში ბუნგალოები რომ არ მოემრავლებინათ. საწოლიც ერთ რამედ ღირს – ძველებური, მაღალ-მაღალი, ხელნაკეთი და ვითომდა ვენეციელი დოჟისთვის საგანგებოდ შეკვეთილი... თავის ფიცარი მოჩუქურთმებულია და მთლად

სტრადივარიუსის ვიოლინოსავით გაპრიალებული. ერთი უნდა ვკითხო მის ვ-ს: მაინც სად გამოჩხრიკა? ეტყობა, ცოლ-ქმარ გრეისებს სწორედ აქ ეძინათ თავის დროზე, მე მაშინ მხოლოდ სიზმარში თუ გავცდენილვარ პირველ სართულს.

ახლალა შევამჩნიე, რა რიცხვია დღეს: ზუსტად ერთი წელი შესრულდა, რაც მე და ანა პირველად ვესტუმრეთ მისტერ ტოდს. უცნაური დამთხვევაა. ან იქნებ სულაც არა – პლუტონის სამფლობელოში დამთხვევებს რა უნდა? მით უმეტეს, ჩემისთანა გზაკვალაბნეული, ქნარდაკარგული ორფეოსისთვის... არადა, სრული 12 თვეა გასული. კარგი იქნებოდა, დღიური მენერა. ჟამიანობის წლის ჩემეული მატრიანე.

აქ სიზმარმა მომიყვანა. იმ სიზმარში სოფლის გზას მივუყვებოდი, ეგ იყო და ეგ. ვითომ ზამთრის ბინდ-ბუნდი იდგა, ან სულაც ლამე, უცნაურად დაბინდული შუქით განათებული – აი, ისეთი, მარტო სიზმარში რომ დაგესიზმრება. თან სველი თოვლიც მოდიოდა და გამიზნულად მივიჩქაროდი სადღაც, ალბათ – შინ, თუმცა არ ვიცოდი, სად ან რანაირი შეიძლება ყოფილიყო ის ჩემი სახლი. ხელმარჯვნივ ღია სივრცე გადაშლილიყო, ერთი ქოხმახიც არ მოჩანდა არსად; მარცხნივ კი გზას შავად ჩასდევდა ხეების ერთფეროვანი რიგი. წელიწადის ამ დროსაც კი ტოტებს ფოთლები ჯერ კიდევ შერჩენოდათ – სქელი, ჩამუქებული, ხშირი ფოთლები – თხელ, მყიფე ყინულად ქცეული თოვლით დამძიმებული. ეტყობა, მანქანა გამიფუჭდა... არა, უფრო ველოსიპედის ჯაჭვი თუ გამინყდა, იმიტომ, რომ მართალია, სიზმარშიც ამ ხნის ვიყავი, მაგრამ მაინც ბიჭი მეგონა თავი – ანონილი, ტლანქის ერთი. ეგრე იყო, შინ მივდიოდი, ანდა იქ, რასაც ერთ დროს

სახლი ერქვა ჩემთვის, და ბოლოს, როცა მივალნევედი, უთუოდ ვიცინებდი კიდევ. შორი გზა მქონდა გასაველელი, მაგრამ ეს სულაც არ მადარდებდა: მიზნისთვის ნებისმიერ შემთხვევაში უნდა მიმეღნია, თუმცა ჯერ თავადაც არ ვიცოდი, რატომ იყო ეს ასე მნიშვნელოვანი... გულმშვიდად ვიყავი, ბოლომდე თავდაჯერებული, და მართალია, წარმოდგენა არ მქონდა, საით მივაბიჯებდი, ეჭვიც არ მეპარებოდა, სახლის გზას ვადგავარ-მეთქი! ირგვლივ კაციშვილი არ ჭაჭანებდა. მთელი დღე ნელა, ჯიუტად ბარდნიდა, მაგრამ გზას არანაირი ნაკვალევი არ აჩნდა – არც საბურავის, არც ფეხსაცმლისა და არც ცხოველის, რაკი არავის და არაფერს გაველო ზედ და არც გაივლიდა... რალაცა მჭირდა მარცხენა ფეხზე – ვიღრძე, ეტყობა, თანაც დიდი ხნის წინ, რადგან არ მტკიოდა; ეგაა, რომ ყოველ გადადგმაზე რალაც უშნოდ მივიქნევედი. ეს კი დროს მაკარგვინებდა. ბევრს არა, მაგრამ მაინც. საკუთარი თავი მებრალეობდა – მიძინარეს მებრალეობდა ის, ვისაც სიზმარში ვხედავდი: ერთი ვილაც უგერგილო ტეტია! შებინდებისას ჯიუტად მივჩლახუნებდი თოვლში, უსასრულოდ გადაჭიმულ გზაზე და შინ დაბრუნებასაც პირი არ უჩანდა.

ეს იყო მთელი სიზმარი. გზა არ დამთავრებულა, არც მე მივსულვარ სახლამდე და არც არაფერი მომხდარა. მივდიოდი და მივდიოდი, მარტოსული და ჯიუტი. არც თოვლს ვეპუებოდი და არც ზამთრის ამ ბინდ-ბუნდს. მაგრამ გამთენიისას იმ განცდით კი არ გამომელვიძა, როგორც, ჩვეულებრივ, ბოლო დროს მელვიძება ხოლმე – როცა მგონია, ამ ღამით დამცავი კანის კიდევ ერთი ფენა გადამძვრა-მეთქი, არამედ იმაში ღრმად დარწმუნებულმა გავიღვიძე, რომ რალაცამდე მივედი, ყოველ შემთხვევაში, თითქოს რალაც მაინც დაინყო. ამიტომაც წამოვხტი მაშინვე და ღმერთმა უწყის, რამდენი ხნის მან-

ძილზე პირველად, ბალილესი გამახსენდა, სთეიშნ როუდზე მდგარი სახლი, გრეისები და ქლოი გრეისი... თავადაც არ ვიცი, რატომ. თითქოს სიბნელიდან მქრქალ, მარილიანი სუნით გაჟღენთილ მზის შუქზე გამოვედი. ეს მხოლოდ ნუთით გაგრძელდა, ან უფრო ნაკლებით – ეს ბედნიერი გამოფხიზლება, თუმცა კი მოასწრო, ეკარნახა, რა მექნა და საით წავსულიყავი.

ქლოი გრეისი პირველად ზღვის ნაპირას ვნახე. ნათელი, ქარიანი დღე იდგა და გრეისების ოჯახიც ქვიშაში ქარისა და მოქცევის დანატოვარ, ბუნებრივად გაჩენილ ქვაბულში მოყურებულები, სადაც ისე ჩარიგებულიყვნენ ყველანი, როგორც მსახიობები ავანსცენაზე. თადარიგიც წინდანინ დაეჭირათ: ზღვაურისაგან თავდასაცავად ზოლიანი ტილო გაებათ ორ ჭოკს შორის, გასაშლელი მაგიდა და სკამებიც წამოეღოთ და სანოვაგით სავსე მომცრო ჩემოდნისებელა კალათაც; ის კი არა, ჩაის ფინჯნები და ლამბაქებიც არ დავინწყებოდათ. სანაპიროს ეს ნაწილი სასტუმრო „გოლფის“ სტუმრებისთვის გახლდათ გათვალისწინებული. სასტუმროს ეზო ზუსტად ქვიშებთან თავდებოდა და იქაურობის სტუმრებსაც მრავალი ცნობისმოყვარე თვალი აჩერდებოდა ხოლმე. თუმცა გრეისები ამას, ეტყობა, არაფრად დაგიდევდნენ.

მისტერ გრეისს, სახელად კარლოს – ოჯახის მამას – მოკლე შარვალი და ზოლებიანი თხელი პიჯაკი ზედ შიშველ ტანზე შემოეცვა. ისე, მთლად შიშველიც არ ეთქმოდა, ბალნის ისეთი უსიერი ტევრი ედო მკერდზე. სხვათა შორის, ამგვარი ბანჯგვლიანი არც მანამდე მენახა და არც მას მერე შემხვედრია ვინმე... თავზე ქვიშაში სათამაშო სათლის ფორმის ტილოს ქუდი დაეკოსებინა. გასაშლელ სკამზე იჯდა, გაზეთს

ჩასწერებოდა და ჯიუტი ზღვაურის მიუხედავად, სიგარეტსაც მადიანად აბოლებდა. ქერა ბიჭი, სწორედ ის, ჭიშკარზე რომ კონწილობდა – ბარემ სახელსაც გეტყვით: მაილზი – მამის ფეხებთან ჩაცუცქულიყო და გაბუსუნებული, ზღვიდან გამო-რიყული პატარა ტოტით ხელში, რალაცას ჩიჩქნიდა. ცოტა უკან, ქვიშის ბუნებრივ კედელს მოფარებული, ხაოიან წითელ პირსახოცში გამოხვეული გოგო თუ სულაც ახალგაზრდა ქალი მუხლებზე იდგა და დიდი მონდომებით ცდილობდა სველი საცურაო სამოსის გახდას. თვალშისაცემად ფერმკრთალს, ნატიფ, მოგრძო სახეზე ფიქრიანი გამომეტყველება ედო და ხშირი, ყორნისფერი თმა ეფინა მხრებზე. შევამჩნიე, თითქოს შემფოთებული, დროდადრო როგორ გახედავდა ხოლმე კარლო გრეისის კეფას. ისიც შევნიშნე, ბიჭს თითქოსდა იმედიანად რომ გაურბოდა მისკენ თვალი – ეგება და ეს პირსახოცი ჩამოსძვრესო... მოკლედ, ასე ჩანდა, და-ძმანი არ უნდა ყოფილიყვნენ.

ზღვიდან ახლად ამოსულ მისის გრეისს ტანზე შემოტკეცილი შავი საცურაო სამოსი სელაპის ტყავივით უბზინავდა. ქვედაკაბად შემოხვეული თხელი ნაჭერი ქინძისთავით ჰქონდა დამაგრებული და ყოველი ნაბიჯის გადადგმისას ხორციანი, მზემოკიდებული, თუმც კი უზადოდ ჩამოქნილი ფეხები მოუჩანდა. ქმარს გაუჩერდა წინ, თეთრჩარჩოიანი მზის სათვალე შუბლზე აიჩია, შეიცადა, ვიდრე კაცი გაზეთს დაუშვებდა, ამოხედავდა და სიგარეტიან ხელს მოიჩრდილავდა. თვალმოჭუტული უსშენდა, სანამ ქალი რალაცას ეუბნებოდა. მერე მხრები აიჩეჩა, გაილიმა და მომცრო, თეთრი, ჩანიკნიკებული კბილები გამოაჩინა. მის ზურგს უკან ჯერაც პირსახოცშემოხვეულმა გოგომ, როგორც იქნა, სველი საცვლისაგან თავი გაითავისუფლა, შეტრიალდა, ქვიშაზე მოკალათდა, პირსახოცი

ახლა მხრებზე მოიგდო და შუბლი მუხლებზე ჩამოდო. მაილზმა გამეტებით ატაკა ტოტი ქვიშას.

აი, ეს გახლდათ გრეისების ოჯახი: კარლო, მისი ცოლი კონსტანსი, მათი ვაჟი მაილზი და ვილაც ახალგაზრდა ქალი – ეჭვიც არ მეპარებოდა, ნამდვილად არ გახლდათ ის გოგო, ვისი სიცილის ხმაც იმ პირველ დღეს მომესმა სახლიდან. თავიანთი ავლადიდება ირგვლივ მიმოეფანტათ, ტილოს სკამები გაეშალათ და გასაშლელ მაგიდაზევე ჩაის ფინჯნები და თეთრი ღვინით სავსე ჭიქები ერთად დაელაგებინათ. ახლაც თითქოს თვალნათლივ ვხედავ კონი გრეისის სიფრიფანა ქვედაკაბას, მისი ქმრის მაზალო ქუდს, გადაშლილ გაზეთსა და აბოლებულ სიგარეტს, მაილზის ტოტსა და ეს-ესაა წყლიდან გამორიყული, უცნობი ზღვის ცხოველივით ქვიშააკრულ, დაუდევრად მიგდებულ სველ საცვალს.

არ ვიცი, რამდენ ხანს იდგა ქლოი ქვიშის ბექობზე, სანამ ძირს გადმოხტებოდა – ეგებ მთელი ამ ხნის მანძილზე მიცქერდა კიდეც იმისიანებს მიჩერებულს. მზის ფონზე, თავიდან მხოლოდ ბუნდოვან სილუეტად აღვიქვი და მისი მოკლედ შეკრეჭილი თმა მბზინავ მუზარადად მომეჩვენა. მერე ხელები ასწია, ფეხები შეატყუპა და ბექობიდან ისკუპა. ჰაერის ტალღამ მოკლე შარვლის ტოტები წამით გამოუბერა. სველი ქუსლებით დაერჭო მშრალ ქვიშაში და გვარიანი ბუქიც დააყენა. პირსახოცშემოხვეულმა გოგომ – ბარემ იმისი სახელიც ვახსენოთ: როუზი, საბრალო როუზი – შიშისაგან შეჰყვირა. ჯერაც ხელებანუელი ქლოი კი ქუსლებზე იდგა და აქეთ-იქით ქანაობდა – იფიქრებდი, ზურგით დაენარცხება ან სულაც ადგილზევე ჩაჯდებო, მაგრამ წონასწორობა მაინც შეინარჩუნა. მერე თვალებში ქვიშაშეყრილ როუზს ერთი დამცინავად გახედა და თითქოს იმას აჯავრებსო, თავადაც აახამხამა

თვალეები. „ქლოი!“ – მისის გრეისს ხმაში საყვედური გამოერია, თუმცა ქალიშვილს ეს აინუნშიც არ ჩაუგდია, რამდენიმე ნაბიჯი გადადგა, ძმის გვერდით ჩაიცუცქა და ხელიდან ტოტის გამოგლეჯა დაუპირა. მე კიდეც ამ დროს პირქვე ვინეჩი პირსახოცზე, ვითომ წიგნს ვკითხულობდი. არადა, ქლოი ნაღდად ხვდებოდა, თვალს რომ არ ვაშორებდი, თუმცა ასე ჩანდა, სულაც არ ადარდებდა ეგ ამბავი. რამდენის ვიყავით მაშინ? ათის, თერთმეტის? ალბათ, უფრო თერთმეტის. იმასაც მაილზივით ბრტყელი გულ-მკერდი ჰქონდა ჯერ და არც თეძოები ექნებოდა ჩემზე განიერი. როგორც გითხარით, მოკლე შარვალი და თეთრი უსახელო მაისური ეცვა. მზეს ლამის მთლად გამოეხუნებინა ეს მისი მოკლედ შეკრეჭილი თმა. მაილზი ცოცხალი თავით არ თმობდა ტოტს, ბოლოს მაინც იმარჯვა, დას ტოტი დასცხო ხელზე, იმან კიდეც – უხ შენო! – გამოსცრა კბილებში და პანია, ძვალტყავა მუშტი ზედ გულისკოვზში უთავაზა.

„ერთი, ეს განცხადება მოისმინეთ!“ – ოჯახის უფროსი ვინმე ერთს არ მიმართავდა. მერე ხმამალლა, სიცილ-სიცილით წაიკითხა გაზეთში დაბეჭდილი: „გვესაჭიროება მაგარი ბიჭები ჟალუზის პარტიის გასასაღებლად. მანქანის მართვის უფლება აუცილებელია. გამოგვეხმაურეთ“. ისევე აუტყდა სიცილი. იმდენს იცინოდა, ლამის ჩაბჟირდა. „მაგარი ბიჭები მომინდომეს...“ – ძლივსლა ამოლერლა.

როგორ ყრუდ ისმის ყველა ხმა ზღვის ნაპირას – დაგუდულად და თან მაინც მკაფიოდ, როგორც შორეული თოფის გასროლა. ქვიშის ამბავი უნდა იყოს. თუმცა, მართალი გითხრათ, არც მახსენდება, როდის გამიგონია თოფის ხმა.

მისის გრეისმა ღვინო დაისხა, მოწრუპა, დაიჭყანა; მერე გასაშლელ სკამზე ჩამოჯდა, ერთი ჩამოქნილი ფეხი მეორეზე

გადაიდო და ცერა თითით ფლოსტი აათამაშა. ისევ იმ პირსახოცში გამოხვეული როუზი ახლა ჩაცმას ცდილობდა. მასავით მუხლებზე ნიკაპჩამოდებული კი უკვე ქლოი დასკუპებულიყო. ყველა გოგოს უყვარს ამნაირად ჯდომა – ყოველ შემთხვევაში, ასე მახსოვს. თითქოს არც ძვალი ჰქონდეთ და არც სახსარი, შემოიჭდობენ ფეხებზე ხელებს და გაიტრუნებიან. მაილზმა ფერდში ტოტი ატაკა. „მამ, უთხარი რა, გაჩერდეს!“ – გალიზიანდა ქლოი. მამამისი ისევ გაზეთს ჩაჰკირკიტებდა. კონი გრეისის ფლოსტი მხოლოდ მისი პატრონის ფიქრში გაუღერებული მუსიკის რიტმში ირნეოდა. ირგვლივ მზით გახურებულ ქვიშას რალაც იდუმალი, თან თითქოს ავი სუნი ასდიოდა. შორს, ყურეში, თეთრი იალქანი თრთოდა და ირნეოდა – ხან დაფერდებოდა, ხან ისევ გასწორდებოდა და თითქოს ნამით სამყაროც კარგავდა წონასწორობას. პლაჟის ბოლოში ვილაც ვილაცას ეძახდა. ბავშვები. მობანავეები. ჟღაგრული ძალი... იალქანს ისევ ნამოუბერა ქარმა და ჩემს სმენასაც აშკარად მოსწვდა მშრალი ტილოს ტკაცა-ტკუცი. მერე ზღვაური მცირე ხნით ჩადგა. ახლა სრულმა სიჩუმემ დაისადგურა ირგვლივ.

რალაცას თამაშობდნენ: ქლოი, მაილზი და მისის გრეისი. ბავშვები დედის თავს ზემოთ ბურთს უგდებენ ერთმანეთს, ქალი კი ხტება, დაჭერას ცდილობს – მეტნილად, უშედეგოდ. სირბილისას ქვედაბოლო უფრიალებს და თვალს ვერ ვაშორებ მკვრივ, შემოტკეცილ სამკუთხედს მის ჭიპს ქვემოთ. ხტის, ჰაერში იქნევს ხელებს, სუნთქვა ეკვრის და გულიანად იცინის; მკერდიც უთრთის. მისი ცქერა ერთი სიამოვნებაა და თან მაშინებს კიდევ: არსება, ვისაც სხეულზე ამდენი აღმართ-დაღმართი აქვს, ასე არ უნდა დახტუნაობდეს... ვაითუ რამე დაიშავოს შიგნით: ან კუნთი გაიჭიმოს, ან რამე სათუთი

სახსარი დაიზიანოს. მის ქმარს გაზეთი მუხლებზე დაუდვია და ისიც ჩემსავით შესცქერის. ნიკაპზე წვერს ინვალებს, თან ცივად ილიმება. ახლაც მოუჩანს მომცრო, უზადო კბილები; ნესტოები დაბერვია, თითქოს უნდა, რომ შორიდანვე შეისრუტოს მისი სურნელი. მზერაში ალგზნებაც იგრძნობა, მოწონებაცა და ოდნავი უკმაყოფილებაც; თითქოს უნდა, ქალი ქვიშაზე დაებერტყოს და მართლა იტკინოს რამე. წარმოვიდგინე, როგორ დავაჯახე მუშტი ბანჯგვლიან მკერდზე – ზუსტად ისევე, როგორც წელან ქლოიმ აჯახა თავის ძმას. უკვე ვიცნობ ამ ხალხს, უკვე მეც იმათიანი ვარ და უკვე მისის გრეისის შეყვარებაც კი მოვასწარი.

როუზმა პირსახოცი მოიშორა. ახლა ნითელი პერანგი და გრძელი შავი ფართხუნა შარვალი აცვია – ილუზიონისტის ნითელსარჩულიანი ლაბადის ქვეშიდან მოულოდნელად სცენაზე გაჩენილ ასისტენტს მაგონებს. ხაზგასმულად არ უყურებს არავის, მით უმეტეს, თამამით გართულ ქალსა და ბავშვებს.

უცებ ქლოის თამაშზე გული უცრუვდება. უსიტყვოდ ანებებს თავს და ქვიშაზე ებერტყება. მერე და მერე რა კარგად გავიცნობ მისი გუნება-განწყობის ამ მოულოდნელ ცვალებადობას! დედა ეძახის, გავაგრძელოთო, ის კი ყურსაც არ იბერტყავს და არც პასუხს სცემს. მხარ-თეძოზე წამოწოლილა, ფეხები გადაუჯვარედინებია და თვალმოჭუტული, ზღვას გასცქერის. მაილზი მის წინ რალაცას მაიმუნობს, ხელებს თეძოებზე იტყაპუნებს და გაუგებრად ლულლულებს. გოგო კი ვითომ არც იმჩნევს, ისევ ისე თვალგაშტერებული იყურება. „უზნეო“, – თავის უხიაგ ქალიშვილზე ამბობს მისის გრეისი, გულსგარეთ, და ისევ სკამზე ჯდება. სუნთქვა ასჩქარებია და გლუვი, ქვიშისფერი მუცელი ხშირ-ხშირად აუდ-ჩაუდის. ხელს მალლა სწევს, დაცვარულ შუბლზე ჩამოშლილ თმას ისწო-

რებს. თვალში მხვდება იდუმალი ჩრდილი მის ილლიაში – და-
ბინდული ქლიავისფერი, ჩემი სამომავლო, ღამეული, მშფოთ-
ვარე ზმანებების წყარო. ქლოი მონყენილი ჩანს, მაილზიც
ისევ გამეტებით ჩიჩქნის ქვიშას. ოჯახის თავი კვლავ გაზეთს
აშრიანებს და აღმაცერად გასცქერის ცას. როუზი პერანგზე
ანყვეტილი ლილის ნაკვალევს ათვალიერებს. მომცრო ტალ-
ლები დგაფუნით ეხლებიან ნაპირს, უღალბენვა ძალლი ყეფს
და ჩემმა ცხოვრებამაც უკვე საშუადამოდ იცვალა ნირი.

მაგრამ როდის არ იცვლება ცხოვრება ჩვენი, ვიდრე სულ
მთლად საბოლოო ცვლილების უამი არ დაგვიდგება?

იქ ყოველ ზაფხულს ჩავდიოდით – მამა, დედა და მე. რო-
გორც თავადვე ვამბობდით, ზაფხულს ვატარებდით ხოლმე.
თუმცა ახლა ასე უკვე აღარავინ ამბობს. ზედიზედ რამდენი-
მე წელი, სანამ მამა ინგლისში არ გაგვექცა. იმ დროს ზოგ-
ჯერ ასეც იცოდნენ მამებმა. თუმცა, ჩვენში დარჩეს, ახლაც
იციან. სოფლური სახლი, რომელსაც ჩვენ ვქირაობდით, ნამ-
დვილი სახლის მაკეტს უფრო მოგაგონებდათ. სულ სამი ოთა-
ხი იყო და სასტუმრო ოთახი სამზარეულოს მაგივრობასაც
სწევდა. უკანა მხარეს კი ორი პანია საძინებელი გაეწყობა.
ქერი საერთოდ არ ჰქონდა – მხოლოდ სახურავის გარანდუ-
ლი ფიცრები გადმოგვყურებდა ზემოდან. აი, კედლებზე კი,
რატომლაც, გრძელი, კობტა პანელები აეკრათ – მზიან ამინ-
დში საღებავისა და ფიჭვის ფისის სუნი რომ ასდიოდა. დე-
და საჭმელს ნავთქურაზე ამზადებდა, რომლის ვინრო ყელიც
უცნაურ, იდუმალ სიამოვნებას განმაცდევინებდა, როცა იმის
განმენდას მავალბდნენ. საგანგებოდ გამზადებული სპილენ-
ძის მავთულით ვუჩხიკინებდი ხოლმე. ნეტავ ახლა სად არის

ის ჩვენი ერთგული ნავთქურა? ელექტრობა არ გვექონდა და საღამოობით ნავთისავე სანათს ვანთებდით. მამა ბელიმორში მუშაობდა და დღის ბოლოს მატარებლით ამოდიოდა. უსიტყვო ბრაზით შეპყრობილი მთელი დღის ბოლმას ისე მოათრევდა, როგორც მაგრად ჩაბლუჯულ ბარგი-ბარხანას. ნეტავ დედა როგორ კლავდა დროს, როცა ის სამსახურში მიდიოდა, მე კი – გარე-გარე სახეტილოდ? თითქოს თვალნათლივ ვხედავ: იმ პატარა ხის სახლში მუშამბაგადაკრულ მაგიდასთან ზის, თავი ხელზე ჩამოუდვია და თავის სადარდელს ელოლია-ვება უსასრულოდ განელილი დღის მიღევამდე. მამინ ჯერ ისევ ახალგაზრდა იყო. ისიც და მამაც. ყოველ შემთხვევაში, უფრო ახალგაზრდები, ვიდრე მე რომ ვარ ახლა. დაფიქრდები და გაგიკვირდება. ასე გამოდის, ყველანი ჩემზე ახალგაზრდები დარჩნენ – მკვდრებიანად. ვხედავ ჩემს საბრალო მშობლებს, იმ გარდასულ დროს როგორ გააფთრებით ცდილობენ სახლობანას თამაშს: მათი უიღბლობა ჩემი ბავშვობის მუდმივი თანამდევი იყო – გამყინავი, გაუნელელებელი ზუზუნი სადღაც, სმენის იქით. არ მძულდნენ, ალბათ მიყვარდნენ კიდევ, ოღონდ წინ მეფარებოდნენ და მომავლის დანახვას მიშლიდნენ. დროთა განმავლობაში უთუოდ მივეჩვეოდი, მათ მიღმაც დამენახა დასანახი.

დედა მხოლოდ პლაჟიდან მოშორებით თუ ჩადიოდა ზღვაში – სასტუმროში დაბინავებული დამსვენებლებისა თუ ერთი დღით ჩამოსული ქალაქელების მზერას გარიდებულნი. იმ ადგილას, სადაც გოლფის ბილიკი თავდებოდა, ნაყარი ქვიშა წყალმარჩხ ყურეს შემოკეროდა და იმასაც გული იქით მიუნევდა ხოლმე. გაუბედავად, მცირე სიხარულით ნებივრობდა წყალში – არ ცურავდა, რადგან ცურვა არც იცოდა. უბრალოდ, დაებერტყებოდა ხოლმე წყალზე და ფსკერზე ხელე-

ბის ფათურით გადაადგილდებოდა, თავანუელი. კრემპლინის ნაჭრის უბრალო საცურაო სამოსი ეცვა, თავგისფერი, წელზე დატანებული კოხტა ზონრით. რეზინის შემოტყეცილ ქუდექვეშ ფერმკრთალი, თითქოს უკარება სახე მოუჩანდა. აი, მამაჩემი კი მართლა უბადლო მოცურავე გახლდათ – ფართო მხარულით მიაპობდა წყალს და თან, რატომღაც, მუდამ ცალ თვალს ხუჭავდა ხოლმე. თითქოს ცხადლივ ვხედავ: უკვე ნაპირთან მოსული, მთელი ტანით ნამომართულა, ოდნავ ქოშინებს და იპურჭყება; სველი თმა ჩამოშლია, ყურები ჩვეულებრივზე უფრო დიდრონი მოუჩანს და წყალიც ნურნურით ჩამოსდის. დოინჯშემოყრილი, დედაჩემის ჭყუმპალაობას მისჩერებია ოდნავ შესამჩნევი, დამცინავი ღიმილით და ყვრიმალზე ძარღვი უფეთქავს. მიუახლოვდა, ჯერ წყალი შეასხა, მერე მჯებში ჩაავლო ხელი და აკივლებული, ღრმა წყლისკენ ნაათრია. დედამ თვალეები მაგრად დახუჭა და გაჩერდით, უყვირა გაბრაზებულმა. შევცქეროდი ამ ბლლარძუნს და ლამის იყო, ზიზღისაგან გული ამრეოდა. როგორც იქნა, დედას ხელი უშვა. ახლა მე მომიბრუნდა – დამაგდო, წვივებში ჩამაფრინდა, ქვიშიან ნაპირზე გამათრია, თითქოს ურიკას მიაგორებსო. თან იცინოდა. ხელები ღონიერი ჰქონდა – გეგონებოდა, თუჯის ცივი ბორკილები დამადესო, ისე მაგრად მიჭერდა ხელს. საერთოდ, უხეში კაცი იყო, მიხვრა-მოხვრაც უხეში ჰქონდა და ხუმრობაც ეგეთივე იცოდა, ოღონდ თან – რალაცნაირად გაუბედავიც. არც მიკვირს, რომ მიგვატოვა, თავს რომ ვერ მოერია. წყალნაყლაპი, როგორც იქნა, დაუუსხლტი, დაფეთებული ნამოვხტი ფეხზე და იქვე, წყალში ვარწყიე.

წყლის პირას, მშრალ ქვიშაზე, ქლოი გრეისი და მისი ძმა იდგნენ, გვიყურებდნენ. ფეხშიშველებს, როგორც ყოველთვის, შორტები ეცვათ.

პირველად შევამჩნიე, რა საოცრად ჰგავდნენ ერთმანეთს. ნიჟარებს აგროვებდნენ, რომლებსაც ქლოი კუთხეებგამოკვანძულ ცხვირსახოცში ინახავდა. სრულიად უტყვი სახეებით მოგვჩერებოდნენ, თითქოს იმათ პატივსაცემად გაგვემართა რალაც სასაცილო წარმოდგენა, ისინი კი ამაში სასაცილოს ვერც ვერაფერს ხედავდნენ – უბრალოდ, ეუცნაურებოდათ და ეგებ მსახიობების მაგივრად რცხვენოდათ კიდეც. დარწმუნებული ვარ, ერთიანად გაენითლდებოდი, თუმცა კი მთელი ტანით ვკანკალებდი და ხორკლიც მეყარა კანზე. ვგრძნობდი, როგორ ჩამომდიოდა ფეხებზე წყალი. რომ შემძლებოდა, იქვე, იმ ნუთას გავაქრობდი ჩემს შემარცხვენელ მშობლებს, წავშლიდი, ზღვის ქაფივით ავაორთქლებდი – სახეგაფითრებულ დედაჩემსაც და ქონმოკიდებულ მამაჩემსაც. სანაპიროს ზღვაური მოაწყდა. გადაუსისინა. მშრალი ქვიშა ააშრიალა, მერე ისევ წყლისკენ მიბრუნდა და ზედაპირი პატარ-პატარა ლითონის წვეტებიან ნატეხებად დაუჩეხა. გამაჟრიალა, თუმცა სიცივისაგან არა – თითქოს რალაცამ გაიარა ჩემში, უჩუმრად, სწრაფად, გაუსაძლისად. და-ძმა შეტრიალდა და ქვიშაში ჩამარხული საბარგო კარჭაპისკენ წაფრატუნდა.

იქნებ სწორედ იმ დღეს შევამჩნიე მაილზის შეტყუპებული ფეხის თითები?

ქვემოთ მის ვავასური პიანინოზე უკრავს. ისე ფრთხილად ეხება კლავიშებს, მგონი, არც კი უნდა, ხმა გამოაცემინოს. ჩემზე თუ დარდობს, არ შევანუხოო. ამდენი და ამდენად მნიშვნელოვანი საქმით დაკავებული კაცი. შოპენს კი მშვენივრად უკრავს, ოღონდ იმედია, ჯონ ფილდზე არ გადავა – ამას უკვე ველარ ავიტან. ერთი პირობა ვცადე, გაბრიელ ფორეთი და-

მეინტერესებინა, მისი გვიანდელი ნოქტიურნებით. ნოტებიც კი ვუყიდე – ლონდონიდან გამოვიწერე და გვარიანი თანხაც დამიჯდა. ეტყობა, მეტისმეტი მოვიწოდებ. ასე მეუბნება, სამაგისოდ თითები არ მეყოფაო. იქვე გავიფიქრე, უფრო ჭკუა-მეთქი, მაგრამ თქმით არაფერი მითქვამს. სულმდაბლური ფიქრები. ნეტავ რატომ არ გათხოვდა თავის დროზე? არადა, ლამაზი ქალი ეთქმოდა – თავისებურად. უნინ ყორნისფერი თმა ახლა ერთიანად გასჭალარავებია. კეფაზე იხვევს და ორი გრძელი, საქსოვი ჩხირისოდენა სარჭით იმაგრებს ჯვარედინად. მე მგონი, სულ ტყუილად – თითქოს გეიშას ბაძავსო. იაპონური მოტივები კიმიონოს თარგზე აჭრილ, ქამრიან, ზურგზე დაქარგულ ქრელჩიტებიან და ბამბუკებიან, კოჭებამდე ჩამოგრძელებულ დილის ხალათსაც გასდევს. სხვა დროს კი უფრო ტვიდის მკაცრ სამოსს ანიჭებს უპირატესობას, თუმცა ვახშობობისას მე და პოლკოვნიკს ზოგჯერ მომწვანო ფერის, მუხლამდე ქვედატანითა და იმავე ქსოვილის მოსასხამით გვეცხადება; ანდა ესპანური ყაიდის მენამული ბოლეროთი, შავი, ფართხუნა შარვლითა და პრიალა, უქუსლო ფეხსაცმელებით გვაოცებს. ერთი სიტყვით, ფრიად დახვეწილი, ხნოვანი ქალბატონი გახლავთ და თუ ჩემი კეთილგანწყობილი მზერა დაიჭირა, სახეზე მსუბუქი ღიმილიც გადაურბენს ხოლმე.

„კედრებს“ წარსულის თითქმის აღარაფერი შერჩენია – წარსულის იმ ნაწილის, მე რომ მაკავშირებდა აქაურობასთან. იმედი მქონდა, გრეისების რაიმე კვალს მაინც ვიპოვიდი – სულ ერთია, რამდენად მცირეს ან უმნიშვნელოს: ვთქვათ, უჯრაში ჩარჩენილ გახუნებულ ფოტოს, თმის კულულს, თუნდაც თმისავე სარჭს, იატაკის ფიცრებს შორის ჩაკარგულს, მაგრამ მსგავსიც არაფერი დამხვედრია – იმ დროიდან შემორჩენილი ოდნავი სურნელიც კი. ეტყობა, მას მერე აქ იმ-

დენმა ვინმემ იცხოვრა – ბოლო-ბოლო, სახლიც ხომ ერთი უბრალო პანსიონი იყო – მკვდრების ყველა კვალი გადაშალა.

მანც რა გიჟური ქარი ქრის დღეს! ვეება, რბილ, მოუქნელ მუშტებს უშენს ფანჯრებს. შემოდგომის ზუსტად ისეთი ამინდია, ქარიანი და უღრუბლო, ყოველთვის რომ მიყვარდა. სხვებს თუ გაზაფხული აძლევს ახალ ძალას, ჩემზე ასე მხოლოდ შემოდგომა მოქმედებს. მთლიანად ვეთანხმები პუშკინს – ეს ხანა შრომისთვისაა მოგონილი. სწორედ ასე, ბატონო ჩემო: ალექსანდრეცა და მეც, ასე ვთქვათ, ნაღდი ოქტომბრისტიები გახლავართ. არადა, ერთიანად და სრულიად არაპუშკინისებურად დაუძღურებულს თითის თითზე დაკარებაც არ შემიძლია. თუმცა კი ჯიუტად ვუზივარ სანერ მაგიდას, უაზროდ ვანაცვლებ აბზაცებს, როგორც სათამაშო ქვებს, მაშინ, როცა თავად თამაშის წესები დამვიწყებია. მაგიდა ერთი ბენოა, მსუბუქი, მერხივით გადასაშლელი. მის ვავასურმა საკუთარი ხელით მომართვა, მორცხვი დაჟინებით. იდექი ახლა აქ და იჭრიჭინე. ჩემი სარწვეველა სკამიც აქვეა – ზუსტად ისეთი, ერთ დროს მე და ანას რომ გვედგა ნაქირავებ ბინაში კარგა ხნის წინ; ესეც ზუსტად ისევე ოხრავს და ხვნეშის, როცა საზურგეს გადავანვები ხოლმე. სამუშაო, რასაც, წესით, ახლა უნდა ვუჯდე, მონოგრაფიაა პიერ ბონარზე – მოკრძალებული ნამონყება, რაც ვერა და ვერ მიმიყვანია ბოლომდე. უკვე იმდენი ხანია, ვცოდვილობ, წლების სათვალავიც კი ამერია. ჩემი აზრით, მართლა დიდი მხატვარია, ვისზეც – ამას კარგა ხანია, მივხვდი – ახალს და გამორჩეულს მანც სიტყვას ველარ დავაგდებ. ანა იქედნურად „ქალების მექისეს“ ეძახდა – მე მგონი, მოსწრებული ნათქვამია, ვინდლო თავად ბონარსაც დაეფასებინა: Bonnard, Bonn'art, Bon'nargue... არა, ახლა ნამდვილად არ შემიძლია მუშაობა. სულ ასეთი სისულელეები მიტრიალებს თავში.

საერთოდ, შრომა ის სიტყვა არაა, რაც ჩემს საქმიანობას მიესადაგება – ეს ბევრად უფრო ფართო ცნებაა, ბევრად უფრო წონიანი. აი, მუშა შრომობს, გენიოსები შრომობენ, ჩვენ კი – საშუალო გაქანების ხალხს – ჯერაც ვერ მოგვიგონია სიტყვა, რომელიც ზუსტად ასახავდა, რას ვაკეთებთ, ან როგორ ვაკეთებთ... ცელქობა ჩემთვის მიუღებელი განმარტებაა – მოყვარულები ცელქობენ, ჩვენ კი – ანუ, ის მოდგმა თუ სახეობა, რასაც ახლა ვგულისხმობ – სხვა ვერაფერს დავიბრალებთ, პროფესიონალობის გარდა. რამე რომ იყოს, ვუიარაცა და მორის დენიც საქმეში ისეთივე მუყაითები – აი, კიდევ ერთი უპრიანი სიტყვა! – იყვენენ, როგორიც მათი მეგობარი ბონარი, მაგრამ მარტო მუყაითობით ხომ ვერ გაქაჩავე! ჩვენ არც მიმფუჩეებლები გვეთქმის და ვერც სიზარმაცეს დავაბრალებს ვინმე – პირიქით, შიგადაშიგ თავსაც კი ვაკლავთ საქმეს, ოღონდ სავალალოდ თავისუფალნი ვართ იმ წყევლისაგან, რასაც ბოლომდე დახარჯვა ჰქვია. ნამონყებულ საკეთებელს წერტილს კი ვუსვამთ, ოღონდ ჭეშმარიტი მშრომელი – როგორც, მგონი, ერთხელ პოლ ვალერიმ თქვა – საქმეს კი არ ამთავრებს, მხოლოდ დროებით თავისუფლდება მისგან. ისე, მართლა სახალისო ამბავი კი გადახდა ლუქსემბურგის მუზეუმში ამ ჩვენს ბონარს თავის მეგობართან ერთად – თუ არ მეშლება, სწორედ ვუიარი უნდა ყოფილიყო. იმას სთხოვა, მეთვალყურე შეიქცეო მცირე ხნითო, თვითონ კი იქვე გაშალა მოლბერტი და სახელდახელოდ შეუდგა თავისივე ნახატის გადაკეთებას, უკვე რამდენიმე წელი რომ ეკიდა მუზეუმის კედელზე. ყველა ნამდვილი მშრომელი იმედგაცრუებული კვდება. რამდენი უნდა მოესწრო და რამდენი დარჩა გასაკეთებელი!

აი, ისევ ვიგრძენი ჩხვლეტა. რამე ცუდის ნიშანი არ იყოს. აკი ანას ყველაფერი რაღაც სისულელეებით დაეწყო. ეს ბო-

ლო წელია, მედიცინაშიც გავინაფე. ან რა გასაკვირია... ვიცი, მაგალითად, რომ კიდურებში წვრილ-წვრილად ჩხვლეტის შეგრძნება გაფანტული სკლეროზის ერთ-ერთი ადრეული სიმპტომია. არადა, მჩხვლეტს აშკარად. თითქოს მწარე ნემსს მიკეთებდნენ და თან – ერთბაშად რამდენიმეს. მკლავშიც, კისერშიც. მახსოვს, ერთხელ ფეხის ცერა თითის სახსარშიც ისე გამკრა, სულ ასკინკილა დავბტოდი ოთახში და სიმწრისაგან ვღმუოდი. საშინელი ტკივილია, თუმცა მალე კი გაივლის ხოლმე. იფიქრებ, ვილაც ამონმებს, ჯერაც ცოცხალია თუ არაო, ნეტავ ტკივილს თუ იგრძნობსო.

ანას მხოლოდ ეცინებოდა ამ ჩემს ფეთებებზე; დოქტორ მაქსს მეძახდა. აბა, როგორ ბრძანდება დღეს ჩვენი დოქტორი მაქსი? ისევ ისეთი საბრალლობელია? ცხადია, მართალს ამბობდა – ყოველთვის წუნუნა ვიყავი, მუდამ ვაბუქებდი უბრალო განაკანრსა თუ სატკივარს.

ისევ გამოჩნდა ნაცნობი შაშვი. ყოველ საღამოს, ვინ იცის, საიდან მოფრინდება ხოლმე და ბალში, ფარდულის გვერდით, ამოჩემებულ ბუჩქზე ჯდება. შევამჩნიე, ყველაფრის სამ-სამჯერ კეთება უყვარს: ჯერ ზედა ტოტზე დასკუპდება, მერე კიდევ ორჯერ შეიცვლის ადგილს, ქვემოთ და ქვემოთ გადმოინაცვლებს და ბოლოს სამჯერ დაუსტვენს მჭახედ. ყველა სულიერს თავისი ჩვევა აქვს. ბალის შორეულ ბოლოში მეზობლის ჭრელი კატა მოიძურნება, უხმაუროდ. ფრთხილად, ჩიტუნია! აი, ბალახი კი გასაკრეფია. წელს ერთხელაც თუ მოესწრო, ცუდი არ იქნება. თვითონვე ვითავებდი ამ საქმეს. გავიფიქრე და წამსვე საკრეფ მანქანასთან აღმოვიჩნდი, ცხვირ-პირში ბალახბულახის მტვერი მეყრება, ირგვლივ ბუზები დამბზუიან, ჟილეტსა და ძველ შარვალში გამონწყობილი, ოფლად ვიღვრები. უცნაურია, ამ ბოლო დროს რა ხშირად ვხედავ საკუთარ თავს

თითქოს შორიდან – ვითომ ვიღაც სხვა ვარ და რაღაც ისეთს ვაკეთებ, რაც ყველა სხვას შეეძლო ეკეთებინა. თუნდაც ეზოში ბალახის კრეჭა. ეს ჩვენი ფარდულიც, მართალია, უკვე კარგა შეფერთხილია, მაგრამ მაინც კობტად გამოიყურება, თუკი ავი თვალით არ შეხედავ. ქარ-წვიმას ხის მორები დაუგლუვებია და ჩაუმუქებია, როგორც გვარიანად ნახმარი ნიჩბისა თუ ცულის ტარი. ბებერი ბონარი კარგად ჩაავლებდა ამ მრუმე ფერს, დაბინდულსა და ჩამცხრალს. შავი შაშვი გალობდაო, ჰეე...

კლერმა, ჩემმა ქალიშვილმა, წერილი მომწერა – მეკითხება, როგორ ხარო. ვერაფრით გაგახარებ, მშვენიერო კლარინდა, თავმოსანონი არაფერია. დარეკვით არ მირეკავს – გავაფრთხილე, ტელეფონის ზარს არ ვპასუხობ-მეთქი. სხვა კი ვინ დამირეკავს, როცა მის გარდა არც არავისთვის გამიმხელია ჩემი სამყოფელი. არც კი მახსოვს, რამდენისაა ახლა. ოცდარაღაცის. ძალიან გონიერი ვინმეა, ნამდვილი ჭკუის კოლოფი. თუმცა გარეგნობით ვერ დაიკვეხნის და ამას დიდი ხნის წინ შევეგუე. ოღონდ ვერც იმას დავიჩემებ, საერთოდ არ ვდარდობ-მეთქი. იმედი მქონდა, ანას დავემსგავსებოდა, ის კი მეტისმეტად მაღალი და ძვალმსხვილია. უხეში, ზამბარებივით დახვეული, ჟანგისფერი თმა და ჭორფლიანი სახე აქვს. როცა იცინის, პრიალა, ღია-ვარდისფერი ღრძილები მოუჩანს. მის წვრილ, გრძელ ფეხებს, ზორბა გავას, თმასა და განსაკუთრებით, მაღალ კისერს რომ შევცქერო – ეს მაინც გამოჰყვა დედისაგან – ჩემდა სამარცხვინოდ, სულ ტენიელის ნახატები მახსენდება კეროლის წიგნისათვის: თითქოს ეს-ესაა, ელისმა ის ჯადოსნური სოკო მოკბიჩაო... თუმცა შეუპოვარი ვინმე კია და გამირულად ებრძვის საკუთარ თავსაც და მთელ სამყარო-

საც. საკუთარ თავზე მწარე, პირქუში იუმორით ლაპარაკობს, რაც ხშირად გამოარჩევთ კიდეც ამგვარ შეუხედავ გოგობს. აქ რომ ჩამოსულიყო, ჩქარი ნაბიჯით შემოიჭრებოდა პირდაპირ ოთახში, ამ ჩემს ტახტზე დაენარცხებოდა, კალათბურთელივით ფეხებს განვართავდა, ცალ თვალს მონკურავდა, ტუჩს აიბზუებდა – ფუუჰ! – და მოჰყვებოდა გოდებას, თუ რა და რამდენ გაუგებრობაში მოხვედრილიყო მას მერე, რაც ბოლოს ვნახეთ ერთმანეთი. ჩემი საყვარელი, საყვარელი გოგო...

თან გამომყვა, როცა პირველად წამოვედი ბელილესში, აი, იმ სიზმრის ნახვის მერე, როცა ვითომ თოვლიან გზაზე მივაბიჯებდი შინისკენ. მე მგონი, ეშინოდა, ზღვაში არ დაიხრჩოს თავიო. არადა, უნდა სცოდნოდა, რა ლაჩარიც ვარ. იმდღევანდელმა მგზავრობამ ძველი დრო გამახსენა: მანქანით ხეტიალი ყოველთვის გვიყვარდა მამა-შვილს. სულ პატარა როცა იყო და ლამით ვერ ვაძინებდით – თავიდანვე უჭირდა, მამასავით – გავახვევდი ხოლმე საბანში, მანქანაში ჩავსვამდი და დავუყვებოდით სანაპიროს, ბნელში ჩანთქმული ზღვის გასწვრივ. თან, თუ რამ სიმღერა მახსოვდა, ყველას ზედიზედ ვლილინებდი. ამით საბოლოოდ ვუფრთხოვდი ძილს, ის კი ტაშს უკრავდა და გახალისებული, კიდე, კიდეო – მთხოვდა. ერთხელაც, უკვე მოგვიანებით, მხოლოდ ჩვენ ორნი ნავედით არდადეგებზე, მანქანით სამოგზაუროდ, თუმცა გემო კი ვერ ჩავატანეთ: მამინ უკვე მოზრდილი იყო და მალევე მობეზრდა ვენახების, შატოებისა და ჩემი ცქერა. იმდენი მენუნუნა, ფარ-ხმალი დავყარე – დროზე ადრე დავბრუნდით შინ. აქეთ წამოსვლაც არ იყო ბევრად უკეთესი...

დიდებული, შემოდგომის მართლა დიდებული დღე იდგათითქოსდა ბიზანტიის იმპერიის მთელ ოქროსფერ ბრწყინვალეებას აქ, ტიეპოლოს ლაჟვარდოვან, მომინაქრებულ ცის-

ქვეშ დაედო ბინა. მიდამო, გატრუნული და მზისგულზე მოციმციმე, იმდენად თავის თავს არ ჰგავდა, რამდენადაც საკუთარ ანარეკლს წყლის ზედაპირზე. სწორედ იმგვარი დღე იყო, ბოლო დროს რომ მგონია ხოლმე: მზე სამყაროს ხარბი თვალია და დაჟინებით მიცქერის, როგორ ვიკლაკნები ამ მოუშუშებელი ტკივილისაგან. კლერს ფერფლისფერი, ფართოკალთებიანი ნატის პალტო ეცვა, რომელსაც მანქანის გამთბარ სალონში სუსტი, თუმც კი ნაღდად ცხოველური სუნი ასდიოდა, რაც, ცოტა არ იყოს, ნერვებს მიშლიდა, ოღონდ მისთვის მაინც არაფერი მითქვამს. საერთოდ, ერთი ეგეთი ზნე მჭირს: შორიდანვე ვიყნოსავ ხოლმე ნებისმიერი ადამიანისაგან მომავალ სუნთა ნაზავს. ეს მართლა სატანჯველად მექცა. იქნებ სატანჯველი არასწორი სიტყვაა? მაგალითად, ძალიანაც მსიამოვნებს ქალის დაუბანელი თმის თავისებური სუნი. ჩემს ქალიშვილს კიდეც, ამ ჭირვეულ შინაბერას – სამწუხაროდ, მისი გათხოვების ყველა იმედი კარგა ხანია, გადამეწურა – ჩვეულებრივ, არანაირი ისეთი სუნი არ უდის ხოლმე, ჩემმა ყნოსვამ რომ ჩაავლოს. ეს კიდეც ერთია იმ უამრავ განსხვავებათაგან, რაც მასა და დედამისს შორის არსებობდა – იმას უხეში, მაგრამ ჩემთვის საამო, თავად სიცოცხლის დარი გამაბრუებელი სურნელება გამოარჩევდა, რომელსაც უმძაფრესი სუნამოს არომატიც კი ვერ ახშობდა. სწორედ ამით არ მიმიზიდა მაშინ, პირველივე შეხვედრისას? ახლა ჩემს ხელებსაც, თუმც კი სუსტად, ჯერ ისევ შერჩენია იგივე სურნელი. ვერაფრით მოვიშორე, რამდენიც არ ვეცადე. არადა, ბოლო თვეებში მხოლოდლა წამლის სუნი თუ ასდიოდა, ეგ იყო და ეგ.

როცა ჩავედით, გამიკვირდა კიდეც, რამდენი რამ დარჩენილიყო სოფელში უცვლელად – ზუსტად ისეთი, როგორიც მახსოვდა. თუკი, რა თქმა უნდა, იცოდი, რა მოგეძია. სწორედ

ისე, ძველ სატრფოს რომ გადაეყრები სადმე და იმის მომ-
ჭკნარ ნაკვეთებში გარდასულ სინატიფეს დაინახავ. რკინიგ-
ზის უკაცრიელ ბაქანს ჩაუვარეთ და პანია ხიდს მივადექით
– ძველებურად ყანყალებდა, თუმცა იხტიბარს არ იტეხდა და
ახლაც მშვიდობიანად გადაგვატარა. მეც უწინდებურად შემი-
ქანდა გული, მაგრამ სამშვიდობოს გასულმა, ყველაფერი ისევ
ისე, უწინდელი თვალთ დავინახე: გორაკს შეჭიდებული გზა,
ქვემოთ გადაშლილი სანაპიროცა და თავად ზღვაც. სახლთან
არ შევჩერებულვარ, მხოლოდ ოდნავ შევანელე სვლა. დგება
ხოლმე ისეთი წუთი, როცა წარსული იმოდენა ძალას იძენს,
გეგონება, ერთიანად წაგშლის და გაგაქრობსო.

– აი, ეგ იყო! – აღელვებულმა ვუთხარი კლერს, – „კედ-
რები“...

მანამდე, გზაში, ყველაფერი ვუამბე – უფრო სწორად,
თითქმის ყველაფერი გრეისების შესახებ.

– ამ სახლში ქირაობდნენ ბინას.

სკამზე შეტრიალდა და ერთხელაც გახედა.

– რატომ არ გააჩერე? – მკითხა.

რა უნდა მეპასუხა? აქ, ამ ღვთისაგან მივიწყებულ სამყა-
როში უცებ გამაბითურებელი სიმორცხვე მომეძალა-მეთქი?!
უხმოდ გავაგრძელე გზა და სანაპიროსაკენ გადავუხვიე. ძვე-
ლი კაფე აღარსად ჩანდა. მის ადგილას ბრტყელი, დაბალი
და თვალშისაცემად მახინჯი შენობა იდგა. ორი სასტუმრო კი
ძველებურად დამხვდა, თუმცა, ცხადია – უფრო პატარა და
შეუხედავი, ვიდრე ეს ჩემს მახსოვრობას შემოენახა. „გოლ-
ფის“ თავზე ამყად და თავმომწონედ ფრიალებდა ვეება დრო-
შა. მანქანაში მსხდომთაც კი გვესმოდა – თვლემამორეული
პალმები დაშაშრულ ფოთლებს აშრიალებდნენ და ეს ხმა იყო
სწორედ, უხსოვარ დროს, ზაფხულის იისფერ ლამეებში თით-

ქოს 1001 ლამის ყველა საოცრებას რომ მპირდებოდა. ახლა კი, ოქტომბრის საღამოს მრუმე ნათელში – ჩრდილები უკვე გვარიანად წაგრძელებულიყო – ყველაფერს გახუნებული ფერი დასდებოდა, როგორც ძველისძველ ღია ბარათებს. მაილერის ლუდხანა (იგივე ფოსტა და საბაყლოც) ახლა კაშკაშა სუპერმარკეტად ქცეულიყო, მიმდებარე მოასფალტებული ავტოსადგომით. გამახსენდა, ნახევარი საუკუნის წინ, ერთ უკაცრიელ, მდუმარე, მზით დაბანგულ შუადღეს, სწორედ ამ ადგილას რომ გადავეყარე, ერთი შეხედვით, უწყინარ ფინიას; არადა, როგორც კი თავზე ხელის გადასმა დაეუპირე, კბილები დაკრიჭა – მაშინ ეს მეგობრულ ღიმილად ჩავუთვალე – უცებ ჩამკბინა მაჯაში და ძალიან კმაყოფილი, ისე გაცუხცუხდა, თვალის დახამხამებაც ვერ მოვასწარი. შინ დაბრუნებულს, დედამ ერთი ამბავი დამანია – ყველა მხეცს რალა შენ სწრი პირში ხელსო – და ძალისძალად გამაგდო სოფლის ექიმთან. ისე, სულაც არ ჰგავდა სოფლის ექიმს – ქალაქურად გამონკეპილი და ენაგაკრეფილი ვინმე გამოდგა. სალბუნი კი დამადო წითლად შესივებულ მაჯაზე, ოლონდ მერე გაშიშვლება მომთხოვა, კალთაში ჩამისვა და დიდხანს მიხსნიდა, როგორ მესუნთქა სწორად. თან თავის ფუმფულა, დამანიკურებულ თითებს მალი-მალ მისვამდა ჭიპს ქვემოთ: „მუცელი მოადუნე, ჰაერი გამოუშვი...“ – მელულუნებოდა და ახურებული, ბრტყელი სახე ზედ ჩემს ყურთან მოჰქონდა.

კლერმა უგულოდ ჩაიცინა:

– მერე რა უფრო დაგემჩნა – ძალღის კბილები თუ ემაგ ექიმის თათი?

მაჯა გავუშვირე, ჯერაც მაჩნდა ძალღის ნაკბილარი.

– არც აქაურობაა კაპრის კუნძული და არც ის ფუმფულახელებიანი ექიმი მყავდა ნერონი...

თუმცა ცოდვა გამხელილი სჯობს და, დღემდე საამოდ მახსენდება ყავის სუნი მისაღებ ოთახში და ასისტენტი ქალის ეჭვიანი მზერა.

როგორც იქნა, „ველად“ ნოდებულ ადგილსაც მივადექით. თუმცა, სინამდვილეში, აქ აღარც ველია და აღარც მინდორი – პატარ-პატარა ნაკვეთებად დაუყვიათ და მიჯრით ჩაუდგამთ სახელდახელო ბუნგალოები. ეჭვი მაქვს, იმავე ხელმარცხიანი ხუროთმოძღვრის ნაცოდვილარია, ბალის კიდეზე ჩადგმული სიმახინჯეებისთვისაც რომ მოეკითხება ოდესმე. ის კი მესიამოვნა, ამ უმსგავსობისთვის სახელად „მგლისკბილა“ რომ დაურქმევიათ და მშენებელსაც – ხომ იქნებოდა ვილაც მშენებელი – ამ ხშირი, ველური ბუჩქებისთვის ხელი არ უხლია, ძველებურად დაუტოვებია სასაცილოდ თავმომწონე, დიდი, ვითომ გოთური კარიბჭის გაყოლებაზე.

სწორედ ამ ბუჩქნართან თხრიდა ყოველი კვირის ბოლოს ორმოს მამაჩემი, გინებ-გინებით. ნიჩაბს და სანათს ნამოიყოლებდა სახლიდან და რბილ, ქვიშიან მინას უჯიგროდ ებრძოდა ხოლმე, იქ ჩვენი ბიოფეხისადგილის შიგთავსი რომ ჩაემარხა. ახლა, როგორც კი ამ ბუჩქების სუსტი, უცნაურად ადამიანური სუნი მეცემა, უნებურად მაშინვე ბიოფეხისადგილის ნელსურნელება მაგონდება.

– შენ რა, გაჩერებას საერთოდ არ აპირებ? – მკითხა კლერმა. – ცოტაც და მანქანაშივე ამერევა გული.

რაც წლები გადის, სულ უფრო მიმძაფრდება ის მატყუარა განცდა, თითქოს ჩემი ქალიშვილი ასაკით დამენია და ახლა ლამის თანატოლები ვართ. ეტყობა, ამას ვერც გაექცევი, როცა ასეთი გონიერი შვილი გყავს – ცოტა მეტი სიჯიუტეც რომ გამოეჩინა, ისეთი მეცნიერი დადგებოდა მისგან, ჩემდათავად ვერც ვიოცნებებდი. თან იმდენად კარგად მიცნობს, ზოგ-

ჯერ მაშინებს კიდეც. არც აკვიატებებსა და გამოხდომებს მაპატიებს – მათგან განსხვავებით, ვინც ნაკლებად მიცნობს და შესაბამისად, მიფრთხის კიდეც. არადა, მართლა გამოვიფიტე, ტკივილიც არ ყუჩდება და მცირეოდენი თანაგრძნობაც არ მანყენდა. ცოდვების შენდობის იმედი თუ მექნება, ეგებ აღსარების თქმაც არ დავიზარო. *შემეშვი რა...* – ვუყვირე კიდეც გონებაში, – *მაცალე ამ ბებერ, ყავლგასულ „კედრებსაც“ ჩავუარო, გამქრალ კაფესაც, „მგლისკბილას“ ბუჩქებსაც და ველობსაც... მთელ ამ წარსულს, თორემ თუ გავჩერდი, იცოდე, მერე თავად შეგრცხვება, ცრემლებს რომ დავაღვარღვარებ... თუმცა ლაჩრობამ მაინც მძლია და მანქანა გზისპირას მივაყენე. ხმისამოულებლად, პირგამეხებული გადავიდა. ისეთი ძალით მოაჯახუნა კარი, სილის განვნას ჰგავდა. მაინც რა დავუშავე, რით მოეშხამე ასე? ზოგჯერ წამოუვლის ხოლმე და ისე უცებ ეცვლება გუნება-განწყობა, მთლად დედამისს ემსგავსება.*

და აი, უცებ, სრულიად მოულოდნელად, ჯუჯა ბუნგალოების იქით, დუინანის ფერმისკენ მიმავალ გზას ვკიდე თვალი – უნინდელივით ოღროჩოღროს, ჯიუტად რომ მიიკლაკნებოდა ერთ მხარეს ეკალ-ბარდსა და მეორე მხარეს მტვრიან კედლად განელილ მოცხარის ბუჩქნარს შორის. ნეტავ როგორ გადაურჩა ამნეებისა და საბარგოების, ბულდოზერებისა და ნიჩბების შემოსევას? ბავშვობაში ყოველ დღით დავიარებოდი ამ გზით, ფეხშიშველი. გვერდშეგარდნილი ბიდონი მეჭირა ხელში, მერძევე დუინანისგან და იმისი თეძომსხვილი, მარად მოცინარი ცოლისაგან დღიური ულუფა რძის საყიდლად მივეშურებოდი. კარგა ხნის წინ ამოსული მზე ჯერ კიდეც ვერ მორეოდა ლამის სინოტივს იმათ ეზოში, სადაც ქათმებიც კი ფეხაკრეფით მიიკვლევდნენ გზას საკუთარსავე მომწვანო-მოცარცისფრო სკინტლის გროვებში. მუდამ ფორნის ხელნაზე გამობმული

ძალი ეჭვიანად მადევნებდა თვალს, როგორ ვფრთხილობდი, მეც არ მეტუცა ფეხი ქათმის სკინტლში. თავლის ნახევარკარს მომდგარი მრეში ცხენიც ზედ თავს ჩამოდებდა და ნაამებ, ლამის ნეტარ მზერას გამომაყოლებდა ხოლმე ქოჩორს ქვემო-დან, ფერით ზუსტად ახლადაყვავებულ იელს რომ მიუგავდა. არ მიყვარდა კარზე დაკაკუნება – დუინანის დედის მეშინო-და: დაბალ-დაბალი, გოდორა დედაბრის, ხენეშა-ხენეშით რომ სუნთქავდა, მარად სველი ენის ნვერს რომ გადმოიკიდებდა ხოლმე ქვედა ტუჩზე. ამიტომაც მორჩილად ველოდი თავლის ბინდ-ბუნდში, როდის გამოჩნდებოდა თავად დუინანი ან მისი თანამეცხედრე და ამ საფრთხეს ამარიდებდა.

ეს დუინანი ერთი აყლაყუდა, უფერულნამნამებიანი და თი-ვისფერთმიანი ბეყეჩი გახლდათ. მუდამ ძველმოდური, უბრალო მიტკლის ყელმოლიავებული პერანგი და მოთუთხნულ რეზი-ნის ჩექმებში ტოტებჩატანებული, მოფლამული შარვალი ეცვა. სარდაფში თავისი ჩახლექილი, თან ნერილ-ნერილი ხმით – დი-დი დღე არ ეწერა, მალე გარდაიცვალა ყელის კიბოთი – მუდამ გოგოებზე ჩამომიგდებდა ხოლმე სიტყვას: ვიცი, რომ ვილაცა გყავს და ის მაინც მითხარი, კოცნა-პროშტნის ნებას მაინც თუ გაძლევსო. ოღონდ არც ბიდონში მოთქრიალე რძის ქაფქაფა, თეთრ ჭავლს აცილებდა თვალს, თან იმ თავის უფერულ ნამ-ნამებს ახამხამებდა და ილრიჭებოდა. მართლა შეუხედავი ვინმე იყო, მაგრამ რალაცით მიზიდავდა კიდეც. ისეთი გრძნობა მქონ-და, აი, ახლა დააძრობს უბიდან რაიმე სიბილნის ამსახველ ფო-ტოს და იმას გამიმხელს, რაც მხოლოდ მოზრდილების საცოდ-ნელია-მეთქი. დაბალჭერიანი სარდაფი იყო, ოთხკუთხა, უსია-მო ცარცისფერ-თეთრად შებეთქილი. უჟანგავი ლითონის რძის ბიდონები ბრტყელჩაჩქნიანი, ჩაფსკენილი ჯარისკაცებივით ჩა-რიგებულიყვნენ, თითოეულ მათგანს კარიდან შემოჭრილი მზის

ათინათი მხარზე თითქოს ორდენივით უბრწყინავდა. იატაკზე კი დოლბანდგადაკრული, დაბალი, რძით სავსე ვარცლები მდუმარედ ელოდნენ ბლანტი სითხის დანკნობას და ძველებური, ხისგან ნაკეთი კარაქის სადღვებელიც, რამდენი არ მივედი, უქმად მდგომი დამიხვდა; არადა, ერთი სული მქონდა, საქმეში მენახა. რძის გრილი, ნოყიერი, იდუმალი სურნელიც, ჩემდა უნებურად, მისის გრეისს მახსენებდა. ერთი-ორჯერ ძლივს შევიკავე თავი, დუინანის დაჟინებას არ ავეყოლოდი და მართლა გული არ გადამეშალა – ყველაფერი მემამბო ამ ქალზე. კიდეც კარგი, ჭკუა მეყო და ენას კბილი დავაჭირე.

აი, ახლაც ფერმის ჭიშკართან ვიდექი ისევ, ოღონდ ის ბიჭი უკვე გაზრდილიყო და ის კი არა, ლამის ერთიანად გაჭალარავებულიყო კიდეც. ჭიშკრის ბოძზე ფერგადასული წარწერა გამვლელს სასტიკად უკრძალავდა ამ კერძო საკუთრების რაიმე სახით ხელყოფას. ზურგს უკან კლერი რალაცას მიჩინებდა ფერმერებსა და იმათ მარილით დატენილ თოფებზე. ნაუფურუე, გზა გავაგრძელე. ქვაფენილზე გადავიარე – ზუსტად იგივე, ხელუხლებელი ქვები! – არადა, მეგონა, კი არ მივაბიჯებ, უშნო, სანახევროდ დაჩუტული, მძიმე აეროსტატივით მიმათრევს მინაზე რალაც ძალა-მეთქი, და წარსულის ხსოვნაც მუჯლუგუნების კვრით მიბიძგებდა წინ. მერე თავლა და იმისი ნახევარკარიც დავინახე: დაჟანგებული გუთანიც ზუსტად იქ აეყუდებინათ, სადაც ადრე დუინანის ურიკა იდგა ხოლმე – თუ ეს ურიკა სულაც ჩემი რიოში მოგონებაა? თავად სარდაფი კი კარგა ხნის მიგდებული ჩანდა, თუმცა ჭრიალა კარზე ვეება ბოქლომი დაედოთ, რატომღაც. სარკმლებს ტალახი მიხმობოდა, ზოგან შუშაც ჩაემტვრიათ, ჩარჩოებს კი ხავსი მოსდებოდა. ფერმისთვის რალაც ახლებური პარმალ მიედგათ – მინისა და ალუმინის მინაშენი; ვეება, ან გადაშე-

ნებული მწერის მესამე თვალს ჰგავდა. ბოლოს სახლის კარი გაიღო და გაუგებარი ასაკის ქალი გამოჩნდა, პარმალის შუშის შესასვლელთან გაჩერდა, ზარმაცად შემათვლიერა. ყურებამდე გაღიმებული, თავის კანტურით დავიძარი მისკენ, როგორც ვინმე ზონზროხა, ბრიყვი მისიონერი გაემართებოდა რომელიმე, საბედნიეროდ, ჯერაც მოუქცევი პიგმეების ტომის ციციქნა დედოფლისაკენ. თავიდან ფრთხილობდა, მეც შუშის იქით მდგომს ველაპარაკებოდი ხმამაღლა, ხელებს ვიქნევდი და ვცდილობდი, მიმეხვედრებინა, ვინ ვიყავი. უხმოდ შემომცქეროდა, მოხუცის როლის უნიჭოდ შემსრულებელი ახალგაზრდა მსახიობივით. ფეხსაცმლის ყავისფერ საცხისფრად შეღებილი თმა სქელ, მზინავ ტალღებად დაეხვია, რაც სრულიადაც არ შეეფერებოდა მის გალეულ სახეს და ხშირი ეკალბარდის გვირგვინივით მჭიდროდ შემოჯარული, პარიკს უფრო მოგაგონებდათ. უეჭველად საკუთარი ხელით ნაქსოვი ჯემპრის ზემოდან გამოხუნებული წინსაფარი ეკეთა; მუხლებთან გამობერილი, კაცის ველვეტის შარვალი და ელვაშესაკრავიანი, მჭახე ლურჯი ფერის, ხელოვნური ნატის დაბალყელიანი ნალები ეცვა – სწორედ ისეთი, ყველა ქალს რომ ჭკუა ეკეტებოდა ჩემს ახალგაზრდობაში, ახლა კი მხოლოდ ხელმოკლე, ანდა სულაც სასამელს მიძალებულ, მომჭკნარ ქალბატონებს თუ შემორჩენიათ. შუშის აქედან ყვირილ-ყვირილით მოვახსენე, რომ ბავშვობაში ამ მხარეში ვატარებდი ზაფხულს, ნაქირავებ პატარა სახლში, და დილაობით რძე ამ ფერმიდან მიმქონდა ხოლმე. ყურადღებით მისმენდა, თავსაც მიქნევდა და ისე უთრთოდა ტუჩის კუთხე, თითქოს გულიანად გაცივება უნდა და თავს ძლივს იკავებსო. როგორც იქნა, შუშის კარიც გამოაღო და ეზოში, ქვაფენილზე ჩამოვიდა. ისე ვიყავი აღგზნებულ-აღტაცებული – თავადაც მიკვირდა გრძნობების

ასე აყოლა – კინალამ ვეცი და გულში ჩავიხუტე. ჩქარ-ჩქარა დავაყარე კითხვები დუინანების თაობაზე: ცოლ-ქმარზე, იმ ავ დედაბერზე, მთელ ფერმაზე და არც ის ვერაგი ფინია დამვიწყებია. ისევ ისე უხმოდ მიქნევდა თავს, ეჭვიანად წარბებანკეპილი და მზერა უფრო ჭიშკართან გაჩერებული კლერისკენ გაურბოდა, გულხელდაკრეფილი რომ იდგა ძვირფასი ბენვის ქობამოვლებულ, ფართო პალტოში გამოხვეული.

ვერილი მქვიაო – მითხრა ბოლოს. ვერილი. გვარი არ გაუმხელია. ბუნდოვნად, თითქოს თავისთავად ამოტივტივდა რაღაც, რაც კარგა ხნის გამქრალი მეგონა: გამახსენდა, ფერმის უკანა, გაბოლილ ეზოში პატარა გოგონა დგას, ხელში მაგრად ჩაუბლუჯავს მოვარდისფრო, უთმო, ტიტველი თოჯინა და ჯუჯის დაჟინებული, ჯიუტი, მკაცრი მზერით მომჩერებია. მაგრამ ჩემ წინ მდგომი ქალი არაფრით არ შეიძლებოდა, ის ბავშვი ყოფილიყო – ის ახლა, სულ ცოტა, ორმოცს მაინც იქნებოდა გადაცილებული... ეტყობა, ის ბავშვი ამის და თუ იყო, ბევრად უფროსი, ბევრად ადრე დაბადებული. მაგრამ ან ეს როგორ იქნებოდა? დუინანი ხომ ახალგაზრდა გარდაიცვალა, ორმოცს მიტანებული – ესე იგი, შეუძლებელია, ვერილი მისი ქალიშვილი ყოფილიყო, რაკი თავად დუინანი ზრდასრული კაცი იყო, როცა მე ჯერ ბავშვი გახლდით და... ამ გამოთვლებმა მთლად ამირია თავგზა. თანაც ვერილი ჰქვია. არა, მაინც ვის მოუვიდოდა აზრად, ამ კუმტ მხარეში შვილისთვის ამისთანა ნაზი და საგაზაფხულო სახელი შეერჩია?

მერე ისევ დუინანების ოჯახზე ვკითხე და მეუბნება – კი, ქრისტი დუინანი უკვე მკვდარიო. დაიცა, რა – მართლა ასე ერქვა? ქრისტი? მისის დუინანი კი ჯერაც ცოცხალია, მოხუცების თავშესაფარში გაამწესეს სადღაც, სანაპიროზეო. „პატსიმ ოლდბოუნის მახლობლად წამოინყო საკუთარი საქმე, მერი

ინგლისში გადაბარგდა, სანყალი უილიც გარდაიცვალა..." ამ ყველაფერს მიაშობდა და მეც თავს ვუქნევდი, მაგრამ უცებ მივხვდი, აღარ შემეძლო დუინანების ამ საგვარეულოს ჩამომავლების ამბის მოსმენა: თუნდაც მარტო ამ ძირძველი, ასე მინიერი სახელების გაგონება – ფერმერი პატსი, ემიგრანტი მერი, პანია, ან გარდაცვლილი უილი; ყველანი – ცალ-ცალკე და ერთად – მოგონებების ამ მარტო ჩემთვის გამართულ ქელეხს კართან ატუზული ღარიბი, დაუპატიჟებელი ნათესავე-ბივით უკარგავდნენ სიმძაფრეს. პასუხად ვერაფერი მომეფიქრებინა. წელანდელი ალტკინება უცებვე გაქრა და ახლა ისეთი შეგრძნება დამეუფლა, თითქოს სრულიად უდროო დროს, სრულიად უადგილო ადგილას შემოვხეტებულყავი. უაზრო ღიმილი ვერ მომეშორებინა სახიდან, გაუბედავად ვუქნევდი თავს და ვგრძნობდი, როგორ ერთიანად ვიფიტებოდი. საკუთარ თავზე ვერიღმა სახელის მეტი არც არაფერი მითხრა: ეტყობა, ეგონა, უნდა მცნობოდა და უნდა მეცნო კიდევ – მაგრამ აბა, როგორ, საიდან? გინდაც ერთ დროს დუინანების საგვარეულო სახლის წინ მდგარი... ვერც იმას მივმხედარიყავი, საიდან იცოდა ასე წვრილად დუინანების ამბავი, თუკი ერთი იმათიანი არ იყო? არადა, აშკარად არ იყო. ყოველ შემთხვევაში, სისხლით ნათესავი მაინც. ვერანაირი უილი, მერი თუ პატსი მისი მშობელი ვერ იქნებოდა – მაშინ აქამდეც ხომ მეტყოდა! უეცრად მთელი ჩემი უგუნებობა ერთიანად შენივთდა და ამ ქალის მიმართ მწარე წყენად იქცა, თითქოს რალაც სულელური, მხოლოდ მისთვის გასაგები მიზეზით, ასე უშნოდ გადაცმულ-შენიღბული შემოხეტებულყავი მხოლოდ იმიტომ, რომ ყოველად დაუმსახურებლად ნაეგლიჯა და მიეთვისებინა ჩემი ტკივილიანი წარსულის თუნდაც ერთი ნაკუნე. უფერულ სახეზე წვრილ-წვრილად დაყრილი ქორფლი შევნიშნე, ოღონდ არა ისეთი ჟღალ-ჟღალი, როგო-

რიც კლერს ჰქონდა, არც ისეთი დიდრონი, უცნაურად ქალურ მხრებზე რომ ეყარა ქრისტი ღუინანს და ჩვენში დარჩეს, არც ისეთი შემაშფოთებელი, ამ ბოლო დროს მე რომ გამიჩნდა ხელის მტევენებზე და უფრო ზემოთაც, ფითქინა-თეთრ მკლავებზე – ეს უფრო მუქი იყო, თითქმის კლერის პალტოს ფერი, და ნემსის ნაჩხვლეტისოდენა. სულო ცოდვილო, დაუბანლობის შედეგიც კი გეგონებოდა კაცს. ამ ჭორფლის შემხედვარეს, ბუნდოვნად მომაგონდა რალაც, ოღონდ ვერ მივმხვდარიყავი – რა.

– იცით, ახლახან ცოლი გარდამეცვალა... – ვუთხარი ბოლოს.

არ ვიცი, ეს რატომ წამოვროშე. იმედია, კლერი ვერ გაიგონებდა. ევრილი არაფრისმთქმელი მზერით მომაჩერდა. ეჭვი არაა, ელოდა, რომ კიდევ დავამატებდი რამეს. მაგრამ რა უნდა დამემატებინა? ზოგჯერ იტყვი რამეს და ვერც ველარაფერს დაამატებ. იმანაც უხმოდ თანამიგრძნო – ცალი მხარი აიჩეჩა და ტუჩიც დაბრიცა.

– საწყენია, – თქვა ჩუმი, გრძნობადაცლილი ხმით. – ცუდი ამბავია.

თუმცა მაინც უფრო ვალის მოსახდელად ნათქვამივით გამოუვიდა.

შემოდგომის მზის სხივები ირიბად ეცემოდნენ ეზოს და ქვაფენილს მოცისფროდ ანათებდნენ. პარმალზე, ქოთანში ჩადგმულ ყვავილებს თითქოს მოსასწრებად გახდომოდათ საქმე და ბოლოჯერ აფეთქებულიყვნენ ცეცხლისფრად. რას იზამ, სულ ამაოა ამქვეყნად ყველაფერი.

როგორც ჩანს, სასტუმრო „გოლფის“ ხავერდოვანი მდუმარებით მხოლოდ მე და ჩემი ქალიშვილი ვსარგებლობდით. კლერმა ნაშუადღევის ჩაი მოისურვა და როცა შევეუკვე-

თე, გაუმთბარ ორანჟერეაში შეგვიპატიყეს – შენობის უკანა მხარეს, საიდანაც სანაპირო და მიქცევისას გამიშვლებული ზღვის ფსკერი მოჩანდა. სიცივისა და სინოტივის მიუხედავად, პაერში ჯერ ისევ იგრძნობოდა ჩავლილი ზაფხულის დანატოვარი, გარდასულ ხმაურიან მხიარულებათა კვალი. ერთმანეთში არეულიყო დაღვრილი ლუდისა და თამბაქოთი გაბოლილი სივრცის მწკლარტე სუნი. კუთხეში, შემალლებულზე, თითქოს ველური დასავლეთიდან გადმობარგებულ, ფეხმორყეულ პიანინოს დაეფინა პირი და ალაგ-ალაგ ჩამტვრეული კბილებით დაეკრიჭა კლავიატურა. ფერმაში სტუმრობის მერე გუნება მომეშხამა და რალაც უქმურ ხასიათზე დავედექი – ზუსტად ოპერის იმ პრიმადონასავით, სცენიდან კულისებში საჩქაროდ გასვლას რომ ნატრობს, რადგან ტონალობაც არევია, ხმაც გაბზარვია და არიის ტექსტიც დაეინყებია...

მე და კლერი გვერდიგვერდ ვისხედით დივანზე. ცოტა ხანში ერთი უშნოდ აწონილი, უღალთმიანი ბიჭიც გამოჩნდა. მიმტანის შავ ქურთუკსა და ლამპასებიან შარვალში გამოწყობილმა, ლანგარი ხმაურით დაგვიდგა დაბალ მაგიდაზე და დიდრონი ფეხსაცმელების ფრატუნით უსიტყვოდ გაგვეცალა. ჩაის პაკეტი დიდად უსინდისო გამოგონებაა – ჩემი, ეგებ მეტისმეტად ზიზლიანი მზერისთვის ყოვლად მიუღებელი, თითქოს ფეთხუმ დიასახლისს ჩარჩენოდეს სუფთა ქიქაში. კიდევ კარგი, აქ ეს მაინც არ შემოგვთავაზეს: ჩაიდან ტორფისფერი ნაყენი ჩამოვისხი და განუყრელი მათარიდან ცოტაოდენი მაცოცხლებელი სითხეც ჩავუმატე – ეს ბოლო წელია, წესად დავიდე, ამნაირი ტკივილგამაყურებლის გარეშე ფეხი არ გავადგა არსად.

ნაშუადღევის ბინდშერეულ შუქს უკვე ზამთრულად მრუმე ფერი დასდებოდა და ცისკიდურზეც მკერივ, ტალახისფერ კედლად გროვდებოდა ღრუბლები. ტალღები დამყოლ ქვიშას

ბრჭყალებით კანრავდნენ სანაპიროს გაყოლებაზე, ცდილობდნენ, როგორმე მიწაზე მოეკიდათ ფეხი, ჩასანგრულიყვნენ, მაგრამ არაფერი გამოსდიოდათ. აქეთ მეტი პალმის ხე იდგა – სპილოს ტყავივით დანაოჭებულქერქიანი. ეტყობა, რალაც გამძლე ჯიში შეერჩიათ, ამდენ ხანს რომ არ დამზრალიყო ცივ ჩრდილოეთში. ნეტავ იმათ უჯრედებს მაინც თუ ახსოვდათ უდაბნოს მწველი ხვატი? პალტოში გამოხვეული, აბუზული ჩემი ქალიშვილი გასათბობად ორივე ხელს მაგრად უჭერდა ფინჯანს. შევამჩნიე, როგორი ბავშვური, მქრქალი იისფერი ფრჩხილები ჰქონდა და გული მომეწურა. შვილი მაინც შვილია.

მინდვრებზე, პატარა ხის სახლსა და დუინანებზე ჩამოვუგდე სიტყვა.

– შენ სულ შენს წარსულში ცხოვრობ, – მითხრა.

დავაპირე, რამე მწარე მეპასუხა, მაგრამ თავი შევიკავე. ბოლოსდაბოლოს, ხომ მაინც სიმართლეს ამბობდა. ცხოვრება – ნამდვილ ცხოვრებას ვგულისხმობ – წესით, სულ ბრძოლაში, მუდმივ მოქმედებასა და თვითდამკვიდრების მცდელობებში უნდა გაატარო; უნდა ცდილობდე, თავით გაიტანო ყველა კედელი და არ გატყდე, მაგრამ როცა უკან ვიხედები, ვხედავ, რომ ჩემი ძალისხმევის უდიდესი ნაწილი იმთავითვე თავშესაფრის, სიმყუდროვის – კი, ბატონო, ვალიარებ – სიმშვიდის ძიებას მივახარჯე. უცნაური აღმოჩენაა, რომ არ ვთქვა, ჩემთვისვე გასაოცარი-მეთქი! ადრე საკუთარი თავი ზღვის მეკობრედ მესახებოდა, კბილებში ხმლითა და ხელებში დამბაჩებით რომ ხვდება ყველას, მის გემბანზე დაუპატიუებლად ამოსულს. ახლა კი ვხვდები, თავის მოტყუება იყო ეს ყველაფერი. გულის სიღრმეში მუდამ ერთი და იგივე მინდოდა: საკუთარ ნაჭუჭში გამოკეტვა, დამალვა, გარიდება ყველა იმ საფრთხისაგან, რასაც ცა თუ მიწა უმზადებს ადამიანს. ამიტომაცაა, მუდამ წარსულს

რომ ვეპოტინები, ხალისით ვუბრუნდები, ნებისმიერ პასუხის-
მგებლობას ვიხსნი ცივ ანმყოზეც და კიდევ უფრო ცივ მომა-
ვალზეც. და მაინც, არსებობს კია სინამდვილეში ეს ნარსული?
ჩვენში დარჩეს, ეს ხომ ისაა, რაც ანმყო იყო ერთ დროს, და
მერე გაქრა, წავიდა – ეგაა და ეგ. თუმცა რა გითხრათ...

კლერმა კუსავით ღრმად შემალა თავი პალტოს ბაკან-
ში. მერე ფეხსაცმელები წაიძრო და ფეხები დაბალი მაგიდის
კიდეზე ჩამოაწყო. რატომღაც, ყოველთვის გული მიჩუყდე-
ბა ფეხსაცმელგახდილი ქალის დანახვაზე; მეჩვენება, თით-
ქოს წინდაში მათაც მაილზ გრეისივით აქვთ ფეხის თითები
შეტყუებული. ოლონდ იმას ბუნებრივად ჰქონდა ასე, უფრო
სწორად – არაბუნებრივად. როცა აათამაშებდა ხოლმე, ისევე
იოლად, როგორც ჩვენ ხელის თითებს ვათამაშებთ, თხელი,
ვარდისფერი, ნახევრად გამჭვირვალე აპკები უთხელეს აბლა-
ბუდასავით ეწელებოდა.

უცებ, საღამოს ამ ლურჯად გამკვრივებულ ბუნდში, სა-
თამაშო დათუნიების ოჯახი გამახსენდა, მთელი ბავშვობა
გვერდიდან რომ არ იშორებდა კლერი. მუდამ ერთგვარი ამ-
რეზით ვუყურებდი – ალბათ იმიტომ, რომ წამდვილებს ზედ-
მეტად მიმსგავსებული მეჩვენებოდა. ძილის წინ შუბლზე სა-
კოცნელად ნახრილს, ლამის სანათის მომწვანო შუქზე, სამი
წყვილი პანია, ბრჭყვიალა, შუშის უძრავი თვალი დაძაბული
გაფაციცებით მომაჩერებოდა ხოლმე.

– ის შენი დრუნჩა დათუნიები როგორა გყავს? – ვკითხე
ახლა. – ალბათ ისევე საწოლში იწვენ ხოლმე...

ნაპირს უკვე დამრეცად ეცემოდა მზის ბოლო სხივები და
წყლის პირას ქვიშას ძვალავით თეთრად აჩენდა. თეთრი თო-
ლიაც, თვალშისაცემი შავი ღრუბლების კედლის ფონზე, უხ-
მოდ, ნამგალა ფრთების გამალებული ქნევით, შურდულივით

მიქროდა მოუსვენარი ზეცის შორეთისკენ. კლერი ცოტა ხანს გაუნძრევლად იჯდა, მერე ატირდა. უხმოდ ტიროდა, მხოლოდ ცრემლები უბრწყინავდა ყვრიმალეებზე, ვერცხლისწყლის პანია ბურთულეებით. დედამისმაც ასე უჩუმრად, უნებურად იცოდა ხოლმე ატირება.

– მარტო შენ არ იტანჯები, – მითხრა.

სინამდვილეში, რა ცოტა რამ ვიცი საკუთარი ქალიშვილის შესახებ... ერთხელ, მგონი, თორმეტის იყო ან ცამეტის – დაქალებას აღარაფერი უკლდა – შემთხვევით სააბაზანოში შევეხებტე, კარის დაკეტვა დავინწყებოდა და დედიშობილა იდგა, მხოლოდ პირსახოცი ჰქონდა თავზე დოლბანდით შემოხვეული. მხარს ზემოდან გამომხედა, დაორთქლილი ფანჯრის შებურულ შუქზე, სრულიად მშვიდად, აულელვებლად. მკერდი ჯერ ისევ კოკრებად აჩნდა, აი, ტაკო კი უკვე გვარიანად ნამოზრდოდა. რა ვიგრძენი მაშინ? სრული შინაგანი დაბნეულობა, და თან სინაზე და აუხსნელი შიში. ათი წლის მერე ხელოვნების ისტორიის სწავლას მიანება თავი – ვობლენსა და მის ე.წ. ნატიფი ხანის სტილს. აი, ეგეთია ჩემი გოგო – უფრო სწორად, ეგეთი იყო – მერე კი ადგა და უნარდაქვეითებული ბავშვების მასწავლებლობა დაიწყო ქალაქის გარეუბნებში მომრავლებული ინტერნატებიდან ერთ-ერთში. სანყენია ნიჭის ასეთი უაზრო ფლანგვა. ვერც მაშინ ვაპატიე და ვერც ახლა ვაპატიებ. ვცდილობ კია, მაგრამ არაფერი გამომდის. ერთი ყმანვილკაცის დამსახურებაა ეს ყველაფერი: ნიგნიერის – მეტიმეტად ნიგნიერის, ბლანჟემოშვებულისა და ეგალიტარული იდეების მოტრფიალის... ნახა რალა, ვისზე შევარდნოდა გული! მთელი ეს სატრფიალო ამბავი კი – ისე, ეჭვი მაქვს, ჯერაც ქალწული უნდა იყოს – უიღბლოდ შემოუბრუნდა. იმ მამაძალმა ჯერ დაარწმუნა, რალაც უაზრო საზოგადოებრივი

თავგანწირვის გულისთვის მთელი ცხოვრების საქმეზე აელო ხელი, მერე კი ეს ჩემი უიღბლო ქალიშვილი ყოვლად უსინდისოდ მიატოვა და აორთქლდა. ჩემი ნება იყო, საკუთარი ხელით დავახრჩობდი. ვუთხარი, რიგიან ადვოკატს მაინც ვიჭირავებ, სიტყვის გატეხისთვის პასუხს ვაგებინებ-მეთქი, მაგრამ დედამისმა გამაჩერა. მითხრა, ეგ კიდეც უარესი იქნებაო. მაშინ უკვე ავად იყო, რა უნდა მექნა.

გარეთ თითქმის მთლად ჩამობნელდა. აქამდე მდუმარე ზღვამ ნელ-ნელა ხმა ამოიღო და ხენეშას მოჰყვა – ეტყობა, მოქცევა ახლოვდებოდა. კლერი აღარ ტიროდა, თუმცა ცრემლები არ მოუნმენდია. მგონი, ვერც კი ამჩნევდა. გამაჟრიალა. ამ ბოლო დროს რალაც ძალიან დამჩემდა ეს ამბავი.

ვილაცა ზორბა, მოკლექურთუკიანი კაცი შემოვიდა, კარგი გამოჯეკილი ლაქიასავით უხმაუროდ ჩაგვიარა, თავაზიანი ცნობისმოყვარეობით გამოგვხედა და ჩემი მზერა რომ დაიჭირა, უსიტყვოდ გააგრძელა გზა. კლერი აქსუტუნდა, ჯიბეში მოიფათურა ხელი, ცხვირსახოცი ამოიღო და ხმაურით მოიხოცა ცხვირი.

– გააჩნია, ტანჯვაში შენ რას გულისხმობ, – ვუთხარი ნაძალადევი სიმშვიდით.

აღარაფერი უპასუხია. ცხვირსახოცი ისევ ჯიბეში ჩაიდო, ნამოდგა და ბრაზიანად მიიხედ-მოიხედა, თითქოს რალაცას დაეძებს და არც კი იცის, რასო. მანქანაში დაგელოდებო – დამიგდო ბოლოს და თავჩალუნული, პალტოს ჯიბეებში ხელეზანყობილი, გასასვლელისკენ გაემართა. ამოვიოხრე. ცის ჩამუქებულ ფონზე თოლიები დაგლეჯილი ნოხის ნაკუნებით დაფარფატებდნენ. მივხვდი, თავის ტკივილი მანუხებდა ამდენ ხანს. მას მერე მირტყამდა საფეთქლებში, რაც ამ ჩახუთულ, შემინულ ყუთში ამოვყავი თავი.

ახალგაზრდა მიმტანი კიდევ ერთხელ შემოვიდა, მელიის ლეკვივით გაფაციცებული. ლანგრის ნაღება დააპირა და შუბლზე სტაფილოსფერი თმის კულული ჩამოუვარდა. თავისუფლად შეიძლებოდა ისიც დუინანების კლანის წევრი ყოფილიყო, რომელიმე გვერდითი შტოს წარმომადგენელი. სახელი ვკითხე. გაირინდა, უშნოდ მოიხარა წელში და დაძაბულმა უფერულ წარბებს ქვემოდან ამომხედა. ქურთუკი სიძველისაგან უბზინავდა და პერანგის სახელოებიც ვერ დაიკვეხნიდა უზადო სითეთრით.

– ბილი, სერ. – მითხრა.

ფეხის ქირა გავუნოდე. მადლობა გადამიხადა, ფული ჯიბეში შეინახა, ლანგარი აიღო და ნასვლამდე ერთიც შეყოყმანდა.

– რამე ხომ არ განუხებთ, სერ?

მანქანის გასაღები მეჭირა ხელში და უაზროდ დავცქეროდი. ყველაფერი, რატომღაც, რალაც სხვა მეგონა. არა, კარგად ვარ-მეთქი, დავამშვიდე და ისიც გამეცალა. ირგვლივ ზღვასავით უსაზღვრო მდუმარება ჩამონოლილიყო. შემალღებულზე მდგომი პიანინო ამრეზით მილიმოდა.

ჰოლში ისევ დავინახე ის მეორე, ზორბა ვილაც. ფართო, უტყვი, უცნაურად არაფრისმთქმელი სახე ჰქონდა. მონინებით მიკრავდა თავს. მომუშტული ხელები მკერდზე დაეკრიფა და ლამის ბისზე გამოსული ოპერის მომღერალივით მიხდიდა მადლობას. არც კი ვიცო, რისთვის. რა სჭირთ ამ ყაიდის ადამიანებს ისეთი, სამუდამოდ რომ მამახსოვრდებიან ხოლმე? მოკრძალების მეტს არაფერს გამოხატავდა, მაგრამ თან შიშისმომგვრელიც კი აჩნდა რალაც. იქნებ იმისთვისაც უნდა დამეტოვებინა რამე? აკი ვამბობ, ამაოებაა-მეთქი ყველაფერი.

კლერი მანქანასთან მelloდებოდა, ბელურასავით მობუ-
ზული. ხელის მტეენები ჯვარედინად შეემალა პალტოს სახე-
ლოებში.

- გასალები რატომ არ გამომართვი? - ვკითხე. - გეგონა,
არ განდობდი?

უკანა გზაზე დაიჟინა და ჩემი დიდი წინააღმდეგობის
მიუხედავად, თავად მიუჯდა საჭეს. უკვე ღამე ჩამონოლი-
ლიყო და მანქანის თვალეზდაყვლეპილი ფარები ჯერი-ჯერ-
ზე გამოსტაცებდნენ ხოლმე სიბნელეს საფრთხობელებს
დამსგავსებულ, შემოძარცულ, გაშიშვლებულ ხეებს, მერე
კი ნამში ისევ უჩინარდებოდნენ, თითქოსდა ჩვენი სიჩქა-
რით წელში გადაჭრილები. კლერი ისე წახრილიყო წინ მთე-
ლი ტანით, ღამის შუბლი მიედო საქარე მინაზე. პლაფონის
მომწვანო შუქი სახეზე რალაც იმქვეყნიურ ელფერს ადებდა.
ვუთხარი, გეყო-მეთქი, მაგრამ მთვრალი ხარო - ასე მიპასუ-
ხა. მთვრალი არა ვარ-მეთქი, ვუთხარი. როგორ არა, მთელი
მათარა გამონრუპეო, დაიჟინა ისევ. ნეტა როდის დაინახა.
ეგ შენი საქმე არაა-მეთქი, შევუღრინე. იმან კი ისევ ტირი-
ლი დაიწყო, ოღონდ ახლა მიყვიროდა კიდეც. ვუმტკიცებდი
- მთვრალიც კი შენზე უხიფათოდ ვატარებ მანქანას, მით
უმეტეს, როცა ასეთ დღეში ხარ-მეთქი. მერე კი წავიდა და
წავიდა - როგორც ხდება ხოლმე. არც ის მზოგავდა და არც
მე ვრჩებოდი ვალში. გავახსენე - მხოლოდ დასაზუსტებლად
- რომ გასული წლის მეტი წილი, ანუ თითქმის მთელი წელი
- ღმერთო, რა უსუსურია ენა, როგორ გლალატობს ყველაზე
საჭირო დროს! - მთელი ის წელი, რაც დედამისი სასიკვდი-
ლოდ იყო გადადებული, ქალიშვილმა საზღვარგარეთ გაა-
ტარა, სწავლა-განათლებას გადაჰყვა, მე კი ამასობაში რა
წემსის ყუნწში არ ვძვრებოდი!

ამან გაჭრა. კრიჭაშეკრულმა, ამოიგმინა და ხელისგულე-
ბი საჭეს დაუშინა. მერე კი მომდგა და რალა არ დამაბრალა!
ისიც კი მითხრა, ჯერომი შენ გამიქციეო. ენა ჩამივარდა. ჯე-
რომი... ვინ ჯერომი? ა-ჰა, იმ თავის ბლანჟიან „კეთილის-
მყოფელს“ გულისხმობდა. აბა რა, დიდი სიკეთე უყო... ჯერო-
მი. სწორედ ასე ერქვა. კი, მაგრამ მე რითი გავაქციე-მეთქი,
ვეკითხები, თან ვცდილობ, ბოლომდე შევიკავო თავი. ამაზე
პასუხი აღარ გამცა, მხოლოდ თავი გადააქნია. ჩავეფქრდი.
მართალია, თვალში არ მომდიოდა და არც თავად ჯერომის-
თვის დამიმალავს ეს – ბევრჯერაც ვაგრძნობინე – მაგრამ
ეს ახლა ისე ლაპარაკობდა, თითქოს შოლტით ხელში გამოვ-
დევნებოდი ოდესმე. ეგეც არ იყოს, თუ მართლა ჩემ გამო
გაიქცა, ეს ვითომ მისი ხასიათის სიმტკიცესა და განზრახვის
სინრფელეზე მიუთითებს? არა, ნამდვილად. ამისთანებს სა-
თოფეზე არ უნდა გაეკარო, ორი აზრი არ არსებობს. თუმ-
ცა მაშინ, მანქანაში, მეტი აღარაფერი მითქვამს და ორიოდ
მილის გავლის შემდეგ კლერიც ცოტა ჩაცხრა. ქალებს სულ
ეგრე ემართებათ – თუ არ შეედავე, თუკი მოთმინება გეყო,
უთუოდ გაუნელდებათ ჯიბრის ჟინი.

შინ რომ დავბრუნდით, მაშინვე სახლში შევედი – მანქა-
ნის დაბინავება მას მივანდე. სატელეფონო ცნობარში „კედ-
რების“ ნომერი მოვძებნე, მის ვაფასურს დავურეკე და ვუთხა-
რი, თქვენი ერთ-ერთი ოთახის დაქირავება მინდა-მეთქი. მერე
ზემოთ ავედი, გავიხადე და ლოგინში შევწექი. უცებ მომერია
დაღლილობა. საკუთარ ქალიშვილთან ომი მხოლოდ ძალას
თუ გამოგაცლის კაცს და ვერაფერს მოგცემს სასიკეთოს. იმ
დროისთვის ჩემი და ანას საძინებლიდან უკვე სამზარეულოს
თავზე, საბავშვო ოთახში ვიყავი გადაბარგებული, სადაც ერ-
თადერთი დაბალი და ვიწრო სანოლი იდგა. მესმოდა, როგორ

ხმაურობდა სამზარეულოში კლერი. ტაფებს და ქვაბებს აჩხარუნებდა. ჯერ არ იცოდა, სახლის გაყიდვა რომ მქონდა გადანყვეტილი. მის ვავასურმა ტელეფონში მკითხა, რამდენ ხანს აპირებთ დარჩენასო. ხმაზე იჭვნიული გაოცება შევატყვე. მაინც არ გავუფანტე ეჭვები. რამდენიმე კვირა, შეიძლება თვეც-მეთქი, ვუთხარი. ცოტა ხანს ხმა არ ამოულია, ეტყობა, ფიქრობდა რალაცას. მერე პოლკოვნიკი მიხსენა, მუდმივი მდგმურია და თავისი უცნაურობები სჭირსო. ესეც ყურსგარეთ გავატარე. რა საქმე მქონდა ვილაც პოლკოვნიკებთან? თუ სურდა, სულაც მთელი შტაბი შეეძლო შეეფარებინა ჭერქვეშ. მერე გამაფრთხილა, სარეცხი სამრეცხაოში გექნებათ სატარებელიო. ვკითხე, თუ გახსოვართ-მეთქი. „კი, როგორ არა“, – მიპასუხა რალაც ისე, უგულოდ.

მალე კლერის ფეხის ხმაც გავიგონე კიბეზე. ბრაზი გამოწნელებოდა და ახლა მძიმე-მძიმედ, ფეხათრევით ამოდიოდა. დარწმუნებული ვარ, ამგვარი კამათი მისთვისაც დამლელი რამაა. ოთახის კარი ღია დავტოვე, მაგრამ არ შემოსულა. დერეფნიდანვე მკითხა, ხომ არ გშიაო. შუქი ჯერაც არ ამენტო და ოთახში შემომავალი სინათლის წაგრძელებული, პირბასრი სხივი ლინოლეუმზე თითქოსდა ისარივით მიუთითებდა არა მარტო ჩემი შვილის, არამედ ჩემი ბავშვობისკენაც. როცა პატარა იყო და ამ ოთახში ეძინა, ამ სანოლში, ქვემოდან ამომავალი ჩემი საბეჭდი მანქანის კაკუნის მოსმენა უყვარდა; ასე ამბობდა, მამშვიდებსო. თითქოს შენს ფიქრებს ვუსმენო. არადა, არ მესმის, როგორ შეიძლება ჩემი ფიქრის მოსმენამ ვინმეს სიმშვიდე განაცდევინოს. უფრო პირიქით – აი, ამის თქმა დაბეჯითებით შემიძლია. მაგრამ რა შორს დარჩა ის დღეები და ის ღამეები! ყველაფრის მიუხედავად, მაინც არ უნდა ეყვირა ჩემთვის მანქანაში. ეს არ დამიმსახურებია. „მამა, რამეს

შეჭამ-მეთქი?" – მკითხა ისევ და ახლა ხმაში გალიზიანებაც გამოერია. არაფერი მიპასუხია და ისიც წავიდა. თურმე ნუ იტყვიტ და, წარსულში ვცხოვრობ.

კედლისაკენ გადავბრუნდი, ზურგი ვაქციე სუსტ შუქს. მუხლები კი მოვკეციე, მაგრამ ტერფები მაინც ჰაერში მქონდა გამოკიდული. სანამ ქვეშაგებს ვებრძოდი – ამ საბან-ზენარს მთელი ცხოვრება ვერაფერი მოვუხერხე – საკუთარი მოთბო, მწკლარტე სუნი მეცა. სანამ ანა ავად გახდებოდა, ჩემს ხორციელ გარსს მზრუნველი თანაგრძნობით ვეკიდებოდი, ისევე, როგორც ადამიანთა უმეტესობა – ყველაფერ იმას, რასაც პარტფორდელი ბიჭები ენამოსწრებულად „ქვენა ნაწილაკებს“ ეძახდნენ. თუმცა როცა ანას საკუთარმა სხეულმა უღალატა, როცა მის მიმართ შიშმა შეიპყრო და მტერი დაინახა მასში, მეც მტანჯველი ზიზლი გამიჩნდა ჩემივე ხორცისადმი. არა, იმას არ ვამბობ, მუდმივად საკუთარი თავის სიძულვილი მჭამს-მეთქი – ყოველ შემთხვევაში, მუდმივად მაინც ვერ ვაცნობიერებ ამას, მაგრამ თავად განცდა, ეტყობა, არ ქრება და მხოლოდ დროს ელოდება, როდის დაერჩები მარტო ღამით, ან გამთენიისას, რათა სწორედ მაშინ ჭაობის აირივით მომეგრანოს ირგვლივ. და კიდევ, ვატყობ, ზედმეტად ვაქციე ყურადღებას საკუთარ სხეულში მიმდინარე ცვლილებებს – მუდმივს, შეუნელებელს. მაგალითად: როგორ მეზრდება ჯიუტად თმა და ფრჩხილები, იმის მიუხედავად, რა გუნებაზე ვარ, ან რა სატანჯველი მტანჯავს. იმგვარი უდიერება და უდარდულობა ახლავს, შეიძლება ითქვას, უკვე მკვდარი მატერიის სიჯიუტეს, როგორიც იმ ცხოველებს, თავიანთ ცხოველურ საქმეებს ძველებურად რომ აგრძელებენ და წარმოდგენაც არა აქვთ, თუ პატრონი თავის ოთახში, თავისსავე ცივ საწოლში გახევებული, პირდაფრენილი და მზერაგაყინული, ველარასო-

დეს ჩამოვა მათთვის საკენკისა თუ სალაფავის დასაყრელად.

რაც შეეხება საბეჭდ მანქანებს – აკი ცოტა ხნის წინ უკვე ვახსენე – სწორედ ნუხელ დამესიზმრა ერთი, ამოდ ვცდილობდი ზედ ანდერძი დამებეჭდა, რადგან ასო მ-ც აკლდა და ე-ც – მთავრულიცა და ჩვეულებრივიც.

აქ, ზღვისპირას, ღამის სიჩუმეს სულ სხვა ზნე სჭირს: არ ვიცი, იქნებ სულაც ჩემშია საქმე, იქნებ თავად შევეძინე ჩემს ოთახში გამეფებულ სიჩუმეს რალაც სხვანაირი ნირი – ოთახშიცა და მთელ სახლშიც; ან იქნებ ამ ადგილის ბრალია ყველაფერი – ჰაერში გაჯერებული მარილისა თუ ზოგადად, ზღვისპირეთის ჰავის. თუმცა ბავშვობაში, როცა აქ ვატარებდი ზაფხულს, მსგავსი არაფერი შემიმჩნევია. სიჩუმე მკვრივია და იმავდროულად, ფუყეც. დიდი დრო დამჭირდა, არაერთი ღამე, სანამ მივხვდებოდი, თუ რას მაგონებს: რასა და, ბავშვობისდროინდელ ოთახს, სადაც ავად გამხდარი ნეცხარ, სიცხიანი, შუბლგავარვარებული, ნოტიო საბნებქვეშ გათანგული, ყურებში კი ისე გიბაგუნებს სიცარიელე, როგორც ნარჩენი ჰაერი – ნყალქვეშ ჩაყვინთულს. მაშინდელი ავადმყოფობა გამორჩეული ადგილი იყო – სწორედაც რომ ადგილი, სადაც სხვა ვერავინ შემოეხეტებოდა – გინდაც ყინულივით ცივსტეტოსკოპიანი ექიმი და გინდაც გახურებულ შუბლზე ხელდადებული დედაჩემი. ეს ზუსტად იმ ადგილს ჰგავს, სადაც ახლა ვიმყოფები: ყველასა და ყველაფრისაგან უსასრულოდ შორს. მერე სახლის სხვა ბინადრებიც მახსენდება: საკუთარ ოთახებში მძინარე მის ვავასური და პოლკოვნიკი. ვფიქრობ, იქნებ სულაც არ სძინავთ და ჩემსავით თვალდაჭყეტილები მისჩერებიან ტყვიისფრად ლურჯ სიბნელეს-მეთქი. იქნება და

ერთმანეთზეც ფიქრობენ: ყოველ შემთხვევაში, დარწმუნებული ვარ, რომ პოლკოვნიკს ჩვენს დიასახლისზე გული აქვს შევარდნილი. თუმცა ზურგს უკან ქალი მხოლოდ დასცინის და არცთუ უგულოდ, ხან უჯარო მეთაურს, ხანაც კი ჩვენს მამაც მეომარს ეძახის ხოლმე. ზოგჯერ, დილაობით, თვალეზი ისე აქვს ჩანითლებული, იფიქრებ, მთელი ღამე ტიროდაო. ვითომ მომხდარში საკუთარ თავს ადანაშაულებს და დღემდე იტანჯება? დარდისა და ვაების რა მყიფე, ერთი ბენო ჭურჭლებად გვატივტივებს ცხოვრება შემოდგომის წყვიდადის ამ ყრუ მდუმარებაში...

გრეისებზე განსაკუთრებით ღამ-ღამობით ვფიქრობდი ხოლმე, როცა იმ სოფლურ ხის სახლში, ჩემს ვინრო, რკინის სანოლზე ვინექი, ღია ფანჯარასთან. ტალღების გამაბეზრებელ, ერთფეროვან ხვნეშას ვუსმენდი ძილგამკრთალი, ეული თოლიას ყვილი მესმოდა და კიდევ – სასტუმრო „გოლფიდან“ მოღწეული საცეკვაო მუსიკის სუსტი ხმები; წინა ოთახში კი დედაჩემი და მამაჩემი ჩხუბობდნენ – როგორც ყოველთვის, როცა მძინარე ვეგონე. ხმადაგუდულები თათხავდნენ ერთმანეთს ყოველ ღამე, უსასრულოდ, სანამ ბოლოს სულ არ მიგვატოვა მამაჩემმა. ოღონდ ეს უკვე ზამთარში მოხდა, სულ სხვა ადგილას და წლების მერე. მაშინ კი, მათი ჯაჯღანი რომ არ მესმინა, თავშესაფარს იმაში ვპოულობდი, ათასნაირი თავგადასავალი მომეგონებინა, თუ როგორ ვარიდებდი მისის გრეისს რალაც საბედისწერო და საზარელ ხიფათს: ხან ჩასაძირად განწირული გემიდან ვიტაცებდი, ხან გრიგალს გამოვარიდებდი და მერე რომელიმე მღვიმეში ვაფარებდით თავს, მშრალსა და თბილ ადგილას, სადაც მთვარის შუქზე – უკ-

ვე გემიც ჩაძირულიყო და გრიგალიც ჩამდგარიყო – ფრთხილად ვშველოდი სველი საცურაო სამოსის გახდაში და შიშველ სხეულზე პირსახოცს ვახვევდი. მერე გვერდიგვერდ ვინექით – იმას თავი ჩემს მკლავზე ედო, მადლიერების ნიშნად სახეზე მეაღერებოდა და ჩუმად ოხრავდა. ასე ვიძინებდით ერთად, ისა და მე, ზაფხულის მსუყე, მშვიდი ღამით დანანავებულები.

იმხანად ძალზე მიტაცებდა ღმერთების ამბები. არა, მამაღმერთზე არ ვამბობ, ერთადერთზე – უბრალოდ, სხვა ღმერთებზე, ზოგადად. უფრო სწორად, ღმერთების იდეაზე, ანუ მათი არსებობის შესაძლებლობაზე. კითხვა მიყვარდა და ბერძნული მითებიც ზედმინევენით ვიცოდი, თუმცა მათი გმირებისათვის თვალის მიდევნება, ცოტა არ იყოს, მიჭირდა – იმდენად ხშირად იცვლიდნენ იერსახეს და იმდენ სხვადასხვა ფათერაკს გადაეყრებოდნენ ხოლმე. მათ გარეგნობაზე კი სრულიად გამოკვეთილი წარმოდგენა მქონდა: ვეება, ნახევრად შიშველი, ნაძერწი ტორსების მქონე დაკუნთულ გოლიათებად წარმოვიდგენდი, რისი წყაროც ჩემთვის იტალიური ალორძინების ოსტატების, განსაკუთრებით, მიქელანჯელოს ნამუშევრები გახლდათ, რომელიღაც ნიგნსა თუ უურნალში ნანახი. საერთოდაც, შემთხვევას არ ვუშვებდი ხელიდან, შიშველი სხეულისთვის მომეკრა თვალი და რა თქმა უნდა, ამ ციურ არსებათა ეროტიკული ვნებათაღელვაც ყველაზე მეტად მილიზიანებდა წარმოსახვას: თავად ამ მთრთოლვარე, დაძაგრულ, მოსასხამთა მარმარილოს ნაკეცებით სულ მცირედ დაფარულ სხეულებზე ფიქრიც კი როუზის პირსახოცსა თუ კონი გრეისის საცურაო სამოსს მახსენებდა და ჩემი ვნებიანი ზმანებები ამაფორიაქებელი სურათების უწყვეტ ჯაჭვად მილაგდებოდა. თუმცა იმდროინდელი ელადის ოქროსფერ მტკვერში გათამაშებული სასიყვარულო ვნებების თაო-

ბაზე ჯერ კიდევ საკმაოდ ბუნდოვანი წარმოდგენა მქონდა: უბრალოდ, თვალწინ მიდგებოდა, როგორ თრთოდნენ მზით გარუჯული თეძოები, მესმოდა ალგზნებისა თუ ტკივილნარევი სიამის ხმებიც, მაგრამ თავად დაუფლებისა თუ დანებების მექანიკა ჩემთვის მაინც ამოუცნობი რჩებოდა. ერთხელ, როცა უაზროდ დავეხეტებოდი ქალაში, ზღვის სანაპიროს ჩვენი მინდვრებისაგან რომ ჰყოფდა, ქვიშის მომცრო ქვაბულში სანვიმრის ქვეშ შეყუყულ, მოსიყვარულე წყვილს გადავანყდი. ეშხში შესულებს, უცებ სანვიმარი გადასძვრათ ისე, რომ სახეებს კი უფარავდათ, მაგრამ სხვას – არაფერს... თუმცა არ ვიცი, იქნებ შეგნებულადაც ამჯობინეს ასე, თავები ჩაემალათ სირაქლემებივით. ვუცქერდი, როგორ გამაღლებით ადი-ჩადიოდა კაცის გავა ქალის ფართოდ გადაშლილ ბარძაყებს შორის და რატომღაც, ყელში თითქოს რაღაც დამეცო, გამეჭედა. დაფეთებულსა და ზიზღმორეულს სისხლმა ამასხა თავში. აი, თურმე რა ყოფილა... – გავიფიქრე, თუ თითქოს ვილაცამ მიკარნახა ეს ფიქრი. აი, თურმე რას აკეთებენ ხოლმე.

ზრდასრული ხალხის სიყვარული. წარმოსადგენადაც კი მეუცნაურა – როგორ ებრძოდნენ ერთმანეთს თავიანთ ოლიმპიურ სარეცლებზე, ღამის სიბნელეში, მხოლოდ ვარსკვლავების დასანახად. როგორ ხვნეშოდნენ და ოხრავდნენ, როგორ ლულლულებდნენ საალერსო სიტყვებს, როგორ ყვიროდნენ ვითომ აუტანელი სიამოვნებისაგან... ამის მერე, ნეტავ დღისით რაღას ეუბნებოდნენ საკუთარ თავს? ეს ფიქრი საგონებელში მაგდებდა: რატომ არ რცხვენოდათ? წარმოიდგინეთ ერთი, როგორ მიეშურებიან კვირა დღით ეკლესიისკენ, ჯერ ისევ შაბათ ღამის ჟინით გათანგულები! მღვდელი პარმალზე ეგებებათ, ისინიც ურცხვად შეჰლიმიან და რაღაცას ლულლულებენ ვითომ მიამიტად. ქალი ნაკურთხი წყლით ისველებს

წინა ღამით სასიყვარულო ვნებით განებილ თითის წვერებს, საკვირაო კაბაში გამოწყობილს, ჯერ ისევ ექავება თეძოები. მუხლს იყრიან, და სულაც არ ადარდებთ, რა მწუხარე საყვედურით დასცქერით ჯვარცმული მაცხოვარი. საკვირაო სადილის მერე, ალბათ, ბავშვებს ეზოში გაუშვებენ სათამაშოდ, თავად კი საძინებლის კრეტსაბმელდაშვებულ საკურთხეველს მიაშურებენ – ისევ და ისევ იმავეს სახელდახელოდ მოსასწრაფად; თან წარმოდგენაც არ ექნებათ, როგორ მიშტერებიათ ჩემი გონების ამღვრეული თვალი. დიახ, სწორედ ასეთი ბიჭი გახლდით. უფრო სწორად, ჩემი ნაწილი ჯერაც იმ მაშინდელ ბიჭად დარჩა. სხვანაირად რომ ვთქვათ – პატარა მხეცად, ბინძური აზრები რომ არ ანებებენ თავს. ჩვენში დარჩეს და, ან სხვანაირები არიან კი სადმე? ჩვენ არასოდეს ვიზრდებით. ყოველ შემთხვევაში, მე ვერ მოვახერხე.

დღისით სადგურის გზაზე დავბორიალებდი ხოლმე იმ იმედით, ეგებ მისის გრეისს თვალი მოვკრა-მეთქი. იმ მწვანე რკინის ჭიშკარსაც ჩავუვლიდი ხშირ-ხშირად, საგანგებოდ ფეხსაც ვითრევდი და ვოცნებობდი, ნეტავ ისიც ისევ გამოვიდოდეს სახლიდან, როგორც იმ პირველ დღეს მისი ქმარი გამოვიდა-მეთქი, მაგრამ ქალი ჯიუტად არ იცვლიდა ფეხს შინიდან. მერე, სასონარკვეთილი, ბალშიც ვიჭყიტებოდი, თოკზე გაფენილ სარეცხს ვათვალიერებდი, მაგრამ იქ მეტწილად ბავშვების მოკლე შარვლები და წინდები შრებოდა ხოლმე; ერთი-ორჯერ ქლოის საცვლებსაც მოვკარი თვალი, მაგრამ ეგ ვერაფერი ნუგეში იყო. ცხადია, ოჯახის უფროსის ფართხუნა, მორუხო-მოყავისფრო ნიფხვებსაც ხშირად ვხედავდი, ერთხელ კი იმისი საბავშვო სათლივით ქუდიც მეცა თვალში, თოკზე უცნაურად ჩამოკონწიალებული. მისის გრეისისა კი ერთადერთი შავი საცურაო სამოსი დავინახე, ბრეტელებით

ჩამოკიდებული, მომჩვენარული და შეურაცხმყოფლად გამოცარიელებული, ამჯერად – მშრალი, რის გამოც ახლა სელაპის კანს კი არა, უფრო შავი ავაზის ტყავს ნააგავდა. ფანჯრებსაც ვათვალიერებდი, განსაკუთრებით – ზედა სართულის საძინებელს და ერთ დღესაც – როგორ შემიხტა გული! – ბედმა გამიღიმა, ფარდის იქით თითქოს შიშველი თეძო დავლანდე, რაც, ეჭვი არაა, მხოლოდ მისი სხეულის ნაწილი თუ შეიძლებაოდა ყოფილიყო... მერე ნანატრი სხეული შეირხა და ქმრის ბანჯგვლიან მკლავად გადაიქცა. ეტყობა, უნიტაზზე იჯდა და ქალაღდის მოსახევად თუ გაინვდინა ხელი.

ბოლოსდაბოლოს ის დღეც დადგა, როცა კარი მართლაც გაიღო, მაგრამ სახლიდან როუზი გამოვიდა – ისე გამომხედა, თვალი ავარიდუ, თავი ჩავლუნუ და საჩქაროდ გავეცალე იქაურობას. კი, როუზმა იმთავითვე შემატყო ყველაფერი. ცხადია, ახლაც მატყობს.

მტკიცედ გადავწყვიტე, როგორმე უნდა შემელწია შიგნით, იქ მევლო, სადაც მისის გრეისი დადიოდა, იქ დავმჯდარიყავი, სადაც ის ჯდებოდა, იმ საგნებს შევხებოდი, რასაც ის ეხებოდა. ამ მიზნის მისაღწევად გადავწყვიტე, ქლოი და მისი ძმა გამეცნო. ასეთი რამეები ბავშვობაში იოლია, თუნდაც ჩემისთანა უკარება ბიჭისთვის. ამ ასაკში არც ვინმეს წარდგენა გჭირდება, არც ზრდილობისთვის ხარკის გადახდა, საკმარისია, უბრალოდ, თვალში მოხვდეთ ერთმანეთს და მერე იმას დაელოდო, რაც თავისთავად მოხდება. ერთ დღეს და-ძმა სანაპირო კაფეს წინ მობორიალე დავლანდე. იქამდე ვუთვალთვალე, სანამ თვითონაც შემამჩნევდნენ, მერე კი გზა გადავჭერი, მივადექი და გავჩერდი. მაიღზი დიდი მონდომებით მიირთმევდა ნაყინს; ყველა მხრიდან თანაბრად ლოკავდა, როგორც კატა თავის კნუტს, ქლოის კი, მგონი, თავისი

უკვე შეესაძლებლა და ახლა მოწყენილი ელოდებოდა, როდის მოათავებდა მისი ძმა ამ საქმეს. კაფეს კარს მიყრდნობოდა, ცალი სანდლიანი ფეხის წვერი მეორეზე დაებჯინა და გულგრილი სახე მზისთვის მიეფიცებინა. არაფერი მითქვამს და არც იმათ გაულიათ ხმა. ასე ვიდექით სამნი, დილის მზისგულზე. კაფედან გამომავალი წყალმცენარეებისა და ვანილის სურნელში გახვეულები, და კიდევ იმის, რასაც იქ ყავად ასალებდნენ. ბოლოს ქლოიმ, როგორც იქნა, თავი დახარა, მზერა, რატომღაც, ჩემს მუხლებს მიაპყრო და ვინაობა მკითხა. სრული გვარ-სახელი ვუთხარი და იმანაც ისე გაიმეორა, თითქოს კბილებით ამონმებდა ლითონის ფულს – ყალბი ხომ არააო.

– მორდენი? – ჩამეკითხა. – ეგ რანაირი გვარია?

სადგურის გზას გავეყევით. წინ მე და ქლოი მივაბიჯებდით, უკან მაილზი მოკუნტრუშობდა და ლამის ქუსლებზე გვაბიჯებდა ხან მე და ხან იმას. ქალაქიდან ვართო, მითხრა ქლოიმ. ან იმის თქმა რად მინდოდა. შენ სად ცხოვრობო, მკითხა მერე და მეც მხრები ავიჩიჩე.

– ქვევითკენ... ეკლესიას რომ გასცდები, იქ.

– სახლი გაქვთ ნაქირავეები თუ სასტუმროში ცხოვრობთ?

წუთს არ კარგავდა. ერთი პირობა ვიფიქრე კიდევ, ვიც-რუებ და ვეტყვი, „გოლფში“ ვცხოვრობ-მეთქი, მაგრამ დროზე მივხვდი, რა მოკლე ფეხიც ექნებოდა ამნაირ ტყუილს.

– ფიცრულში, – ჩავიბურტყუნე.

– ყოველთვის მინდოდა, აგარაკზე მეცხოვრა, – ფიქრებში წასულმა დამიქნია თავი.

ვერაფერი ნუგეში იყო. პირიქით, წამში თვალწინ დამიდგა გადაბრეცილი ჩეჩმა ზედ ჩემი ფანჯრების წინ. მარცხენა მხარეს, ჟანგიან ლურსმანზე წამოგებული გაზეთების მონახევების სუნიც კი მეცა თითქოს...

„კედრებს“ მივადექით და ჭიშკართან ავიტუზეთ. სახლის წინ მანქანა იდგა. ეტყობა, სულ ცოტა ხნის წინ გაეჩერებინათ – ძრავა ჯერ კიდევ თბილი იყო და ნალვლიანად ტკაცუნობდა. სახლიდან რადიოს ხმა გამოდიოდა – ორკესტრი რალაც მიბნედილ საცეკვაოს უკრავდა და წარმოვიდგინე, როგორ ტრიალებდნენ ოთახში მისის გრეისი და იმისი ქმარი: ავეჯს გარს უვლიდნენ, ქალს თავი უკან გადაეგდო, შიშველი ყელი მოელერებინა, კაცი კიდევ, სატირივით უკანა ფეხებზე სასაცილოდ შემდგარი, ვნებიანად შესცინოდა სახეში: დაბალსა და ბანჯგვლიანს, პატარა, წვეტიანი კბილები გამოეჩინა და ცივი, უფერული თვალები ჟინმორეული ვნებით უელავდა. ქლოი სანდლის წვერით ხრეშზე რალაცებს ხაზავდა; წვივებზე ქერა ღინღლი უბზინავდა, თუმცა კი გლუვი მუხლისთავები რიყის ქვასავით გადაპრიალებოდა. უცებ მაილში შეხტა, შეიკუნტრუშა – თითქოს რალაც გაუხარდაო, მაგრამ თან ისე არაბუნებრივად, იფიქრებდი, დასაქოქ სათამაშოს ნაჰკრავილაცამ თითო. მერე ხუმრობით კეფაში მითავაზა გაშლილი ხელი, შეტრიალდა და ახითხითებული, ლობეზე გადაძვრა, ეზოში ჩახტა, ისევ ჩვენკენ შემოტრიალდა, ჯერაც მუხლებში მოხრილი და ხელებგაშლილი, და ტაშის მომლოდინე ცირკის მუშაითივით გაირინდა. ქლოი დაიჭყანა, ტუჩი აიბზუა.

– ყურადღებას ნუ მიაქცევ, – ხმაში დაღლილობა და გაღიზიანება ეტყობოდა. – ლაპარაკი არ შეუძლია.

ტყუპები იყვნენ, მე კი ცხოვრებაში არ მენახა ტყუპები და ახლა თან ცნობისმოყვარეობა მომეძალა და თან ცოტა დავიძაბე კიდევ. თითქოს რალაც უგვანიც კი იყო მათში: მართალია, გოგო-ბიჭი იყვნენ და მთლად ერთნაირები ვერც იქნებოდნენ – ზუსტად ერთნაირი ტყუპების წარმოდგენაზე ტანში გამცრა – მაგრამ მათ შორის მაინც იყო რალაც არც მთლად

ბუნებრივი იგივეობა. ნეტავ როგორია? აი, ორი სხეული რომაა და ერთი გონება? თუ მართლა ასეა, ამაზე ფიქრიც არ მინდა. როგორი წარმოსადგენია, როცა ვილაცამ იმთავითვე შიგნიდან იცის მეორის სხეულის ყველა წვრილმანი, იმის ყველა ორგანო, სუნი თუ მოთხოვნილება? რა უნდა ქნა ამ დროს? სიგიჟემდე მინდოდა გამეგო. ერთხელ, წვიმიან კვირა დღეს, იქაურ მომცრო კინოდარბაზში – ცოტა წინ ვუსწრებ ამბავს – ფილმს ვუყურებდით, რომელშიც ორი პატიმარი ციხიდან გარბის, ერთმანეთზე ჯაჭვით გადაბმული. ჩემ გვერდით მჯდომმა ქლოიმ ცქმუტვა დაიწყო, მერე არ ვიცი, ამოიოხრა თუ ჩაიფხუკუნა და გადმომიჩურჩულა: „აგე, მაილზი და მე!“ დავიბენი, ვიგრძენი, როგორ გავწითლდი და გამიხარდა, სიბნელეში რომ ვისხედით. შეიძლება რაღაც ძალიან პირადულსა და სასირცხოვსაც კი აღიარებდა ამით. და მაინც, ეს ნათქვამი მსგავსი სიახლოვის არაბუნებრიობაზე მინიშნებად მეჩვენა, რამაც უფრო მეტის გაგების მოურეველი სურვილი კი გამიჩინა, მაგრამ თან რაღაცნაირად შევჩქვიფდი კიდეც. ერთხელ – ახლა კიდეც უფრო წინ ვუსწრებ სათქმელს – როცა სითამამე მეყო და ქლოის პირდაპირ ვკითხე, მაინც რა გრძნობა გაქვთ ერთმანეთის მიმართ-მეთქი, წამით ჩაფიქრდა, ხელები სახესთან მიიტანა, ხელისგულები ერთმანეთს მიუახლოვა, თუმცა ბოლომდე არ შეუტყუპებია, როგორც ორ მაგნიტსო, – მითხრა, – ოღონდ ერთმანეთს რომ იზიდავენ და თან განიზიდავენ კიდეცო. მერე კარგა ხანს აღარ გაუღია ხმა, თითქოს იგრძნო, რაღაც სამარცხვინო საიდუმლო გავამხილეო. ზურგი შემაქცია და მეც წამით სწორედ ისეთივე შიშისმომგვრელი თავბრუსხვევა ვიგრძენი, როგორიც დიდხანს წყალქვეშ ჩაყურყუმალავებულს მეუფლებოდა ხოლმე. აი, ასეთი იყო ქლოი – მუდამ ერთიანად გაფორიაქებდა.

და-ძმას შორის კავშირი ლამის ფიზიკურად საგრძნობი ჩანდა. ჩემი წარმოსახვით, აბლაბუდას ჰგავდა, ან ფოთლიდან ფოთოლზე გადახობებული ლოკოკინას მბრწყინავ ნაკვალევს, ოღონდ თან თითქოს ნაწრთობი ფოლადისა იყო, მოჭიმული, როგორც ქნარის სიმი თუ გაროტა. გადაბმულნი, არა, მიდულაბებულნი იყვნენ ერთმანეთზე. ერთნაირად აღიქვამდნენ საგნებს, ერთნაირად სტიკოდათ, ერთი განცდა და შიში ეუფლებოდათ ხოლმე. და ზიარი ფიქრებიც. ღამღამობით გაელვძებოდათ, იწვნენ და ერთმანეთის სუნთქვას აყურადებდნენ – ერთნაირი სიზმარი ხომ არ დაგვესიზმრაო. ოღონდ სიზმრებს ერთმანეთს არ უყვებოდნენ, ან რაში სჭირდებოდათ, ისედაც ყველაფერი მშვენივრად იცოდნენ.

მაილზი დაბადებით მუნჯი იყო. უფრო სწორად, სიტყვა არასოდეს უთქვამს. ექიმებმა მისი ჯიუტი დუმილის ვერანაირი მიზეზი ვერ დაადგინეს. მერე აღიარეს კიდეც, რაღაც ძაან საეჭვოა ეს ყველაფერიო. ჯერ ეგონათ, უბრალოდ, გვიან განვითარდება და როცა იქნება, ყველა დანარჩენით ალაპარაკდებაო, მაგრამ გადიოდა წლები და ის კრინტსაც არ ძრავდა. როგორც ჩანს, არავინ იცოდა, ჰქონდა ლაპარაკის უნარი და შეგნებულად ამჯობინებდა დუმილს თუ რამე სხვა მიზეზი იყო. მუნჯი იყო თუ უენო? უენო თუ მუნჯი? თუ ჰქონდა ხმა, რასაც არასოდეს ამხელდა და თავისთვის ლაპარაკობდა ხოლმე, მარტოდმარტო დარჩენილი? წარმოვიდგენდი, როგორ ეჩურჩულებოდა ღამღამობით საკუთარ თავს საბნის ქვეშ შეყუჟული და თავისებურად ეშმაკური, ონავრული ღიმილით იღიმებოდა... ან იქნებ მარტო ქლოის ელაპარაკებოდა? მაშინ, ალბათ, რამდენს იცინოდნენ შუბლებმოდებულები და ერთმანეთის კისერზე ხელმოხვეულები, ამ საერთო საიდუმლოთი კიდეც უფრო დაახლოებულები!

– ალაპარაკდება, როცა რამე ექნება სათქმელი... – ჩვეუ-
ლი, მოჩვენებითი უდარდულობით იტყოდა ხოლმე მამამისი.

აშკარა იყო, მისტერ გრეისს ვაჟიშვილზე ნამდვილად არ ამოსდიოდა მზე და მთვარე. მასთან პირისპირ დარჩენას ერიდებოდა და როცა კი შეეძლო, გაურბოდა. ვერც გაამ-
ტყუნებდი, რადგან მაილზთან ყოფნა იმ ოთახში შესვლას
ჰგავდა, საიდანაც ეს-ესაა, ვილაც გავარდნილიყო კარის ჯა-
ხუნით. მისი სიმუნჯე თავგზას გიბნევდა და გორგუნავდა.
არაფერს ამბობდა, მაგრამ ჩუმადაც არასოდეს იყო. სულ
რალაცას ეპოტინებოდა, ეჯაჯგურებოდა, მოისროდა ხოლ-
მე და აბრახუნებდა. ხორხიდან კი მუდმივად ამოსდიოდა
მშრალი, სუსტი ხაველი და მუდმივად გესმოდა კაცს, რო-
გორ სუნთქავდა. დედა ერთგვარი დაუდევრობით ეპყრობო-
და: დღის მდინარებას აყოლილი – დიდი მსმელი არასდროს
ყოფილა, თუმცა ცოტ-ცოტას და ხშირ-ხშირად კი წრუპავ-
და ხოლმე, გუნება-განწყობის გამოსასწორებლად – თით-
ქოს მოულოდნელად შეამჩნევდა, თითქოს ბოლომდე ვერც
სცნობდა, კოპებს შეკრავდა, მერე კი უცებ გაუღიმიებდა,
სანყლად, უიმედოდ.

ნიშნების ენა რიგიანად ვერც ერთმა მშობელმა ვერ ის-
ნავლა და მაილზს რალაც მოგონილი, უცნაური პანტომიმის
მეშვეობით აგებინებდნენ სათქმელს, რაც იმდენად ურთიერ-
თობის დამყარების მცდელობას არ ჰგავდა, რამდენადაც ხე-
ლის უბრალო აქნევას – აქედან დაგვეკარგეო. ის კი ყველა-
ფერს მშვენივრად ხვდებოდა, ხშირად მანამდეც კი, ვიდრე
ისინი თავიანთ მიმიკურ ტანჯვა-წვალებას მოამთავრებდნენ,
რაც მშობლებს კიდევ უფრო აღიზიანებდათ. დარწმუნებული
ვარ, გულის სიღრმეში ორივეს ცოტა აშინებდა კიდევ ასეთი
შვილის ყოლა და არც ეს მიკვირს: ალბათ იმგვარი განცდა

ჰქონდათ, თითქოს ზედმეტად ხილულ, ზედმეტად ხელშესახებ პოლტერგეისტთან ერთად ერთ ჭერქვეშ ეცხოვრათ.

ჩემდათავად, მრცხვენია, ან ყოველ შემთხვევაში, ამის თქმა უნდა მცხვენოდეს კიდეც, მაგრამ მაილზი იმ ძალს მაგონებდა, ერთხელ რომ მომიყვანა მამაჩემმა: მოუსვენარ, დაუდგრომელ ტერიერს, რომელიც ძალიან კი მიყვარდა, მაგრამ ერთხელ, როცა არავინ მიცქერდა, სასტიკად ვცემე მხოლოდ იმიტომ, რომ საოცარ სიამოვნებას მანიჭებდა მისი საცოდავი წკავნკავი და წკმუტუნი. სანყალი პონგო!

მაილზს წვრილ-წვრილი თითები და გოგოსავით თხელი, მყიფე მაჯები ჰქონდა. მაცოფებდა ხოლმე: ხან სახელოზე მომქაჩავდა, ხან ქუსლებზე დამაბიჯებდა ფეხს, ხან ილლიის ქვეშ შემოყოფდა თავს და სულელურად გაღრეჭილი შემომცინებდა, ვიდრე ბოლოს მოთმინებიდან არ გამომიყვანდა, არ ვეცემოდი და ძირს არ დავანარცხებდი. იოლი საქმე კი იყო, მაშინაც უკვე ანონილი ვიყავი – მთელი თავით მასზე მაღალი და ჯანიანიც. მაგრამ როცა წამოვაქცევდი, მერელა ვინყებდი ფიქრს, ახლა რალა ვუყო-მეთქი; რადგან თავს თუ გავანებებდი, ისევ ისე ამეტორლიალებოდა, აბეზარი ლეკვივით. მკერდზე გადავაჯდებოდი ხოლმე და საზარდულით ვგრძნობდი, როგორ უხტუნავდა გული, როგორ ეძაგრებოდა მუცელი, როგორ აუდ-ჩაუდიოდა ნეკნები; კანი ეჭიმებოდა სახეზე და მაინც შემომცინოდა, აქოშინებული. სველ, უსარგებლო ენას მიყოფდა. თუმცა ვითომ გულისგულში – ან არ ვიცი, სხვაგან სად ბინადრობს შიში – მეც ხომ არ მეშინოდა მისი?

ბავშვობის დაუნერელი იდუმალი წეს-კანონის თანახმად – ვიყავით კი ოდესმე ბავშვები? იქნებ უფრო სხვა სიტყვა შეგვეფერებოდა? – იმ პირველ დღეს, როცა სანაპირო კაფესთან გავიცანი, შინ არ შევუპატიჟებოვარ. მართალი გითხრათ,

ახლა ვერც ვიხსენებ, როდის და რა ვითარებაში აღმოვჩნდი საბოლოოდ „კედრებში“. იმ პირველი, შემთხვევითი შეხვედრის მერე კი მახსოვს, როგორი იმედგაცრუებული გამოვეცალე იმათ მწვანე ჭიშკარს. მერე უკვე სხვა დღე მიდგება თვალწინ, როცა ბოლო-ბოლო, იმ საოცნებო სივრცეში შევალწიე. თითქოს მეც, რალაც ჯადოს ნყალობით, მაილზივით გადავევლე ლობეს, ყველა წინალობა გადავლახე და პირდაპირ სასტუმრო ოთახში ამოვყავი თავი. ეხედავ, მზის ირიბ შუქში ვდგავარ, მისის გრეისს ტანზე ხალვათად მომდგარი, ყვავილებიანი კაბა აცვია, ღია ცისფერი, ლურჯით განყობილი; მაგიდისკენ ნახრილი, ჩემკენ ტრიალდება და მილიმის – შეგნებულად არაფრისმთქმელად. ეტყობა, წარმოდგენა არა აქვს, ვინ ვარ, თუმცა მაინც დარწმუნებულია, რომ გულითადად უნდა მომესალმოს; ხვდება, პირველი შემთხვევა არ უნდა იყოს, როცა ერთმანეთისთვის მოგვიკრავს თვალი. და ქლოი სადღა იყო ამ დროს? ან მაილზი? დედასთან მარტო რატომ დამტოვეს? მკითხა, რამე ხომ არ გინდა – მაგალითად, ცივი ლიმონათიო? იქნებ ვაშლი? – აგრძელებს ცოტა შემცბარი. უარის ნიშნად უხმოდ ვაქნევ თავს. მის გვერდით ყოფნამ თან გულისცემა ამიჩქარა და თან რალაც ჩემთვის გაუგებარი დარდი გამიჩინა. ვინ იცის, რა კლანჭები ძიძგნიან პატარა ბიჭის გულს? თავი გვერდზე გადახარა, ცოტა გაკვირვებულმა და თან გამხიარულებულმა – ეგ აშკარად ეტყობოდა – ჩემს ამგვარ ჯიუტ სიმორცხვეზე ეცინებოდა. ვინ იცის, სანთლის ალთან მოფარფატი ფარვანას ვაგონებდი, ან სულაც თავად სანთელს, საკუთარი ალის მცხუნვარება რომ ადნობს.

ნეტავ მაგიდასთან რას საქმიანობდა? ყვავილებს თუ ასწორებდა ლარნაკში. ან იქნებ მახსოვრობა მლალატობს? ის ნუთი მხოლოდ ფერად, ჭრელ-ჭრელ ნაკუნებად მახსოვს, მისი

თითების თვალისმომჭრელ ციმციმად. ცოტა ხანს ამაზე შეეყონდები, სანამ ჯერ როუზი გამოჩნდებოდეს, მერე კი მაილზი და ქლოი დაბრუნდებოდნენ, არ ვიცი, საიდან და მისი ბანჯგვლიანი ქმარიც შემოეხეტებოდეს კადრში. მალე ის აღარ იქნება ჩემი ყურადღების ერთადერთი საგანი. ღმერთო, როგორ მჭრის თვალს ეს შუქი – ნეტავ საიდან? ეკლესიაში გეგონება თავი, თითქოს რალაც ჯადოქრობის ნყალობით, არარსებული ვარდისებრი ფანჯრიდან იფრქვევა ქვემოთ. უფრო იქით კი, გამოკეტილი ოთახების მრუმე სიმარტოვეში, ჩემი მახსოვრობა დაძაბული დაეძებს ნვრილ-ნვრილ ნივთებსა თუ მოზრდილ საგნებს, წარსულის უტყვე მონმეებს. მისის გრეისი, კონსტანსი, კონი ჯერ ისევ მილიმის, გულსგარეთ. ახლალა ვხვდები, როგორ უტყერდა საერთოდ ყველაფერს, ცოტა არ იყოს, სამყაროს სიმყარეში დაეჭვებული, მუდამ იმის მომლოდინე, აი, ახლა გადაიქცევა სულ სხვა რამედ ან აი, ახლაო.

მაშინ ალბათ ვიტყოდი, ულამაზესი ქალია-მეთქი, თუკი, რა თქმა უნდა, მეყოლებოდა ვინმე, ვისთანაც მსგავს რამეზე საუბარი შემეძლებოდა. მაგრამ ახლა ვხვდები, რომ სინამდვილეში სულაც არ იყო ასე. არც აღნაგობით გამოირჩეოდა, ხელებიც ხორციანი და მოწითალო ჰქონდა; ცხვირზე კეხი აჩნდა, ხოლო ორად გაყოფილი, მეჩხერი თმის ის კულულები, წამდაუნუმ ყურებს უკან რომ იმაგრებდა და მაინც ჯიუტად ჩამოეშლებოდა ხოლმე, ოდნავ უფრო მუქად მოუჩანდა და მუხის პარკეტივით უბზინავდა. სიარულიც მოუქნელი იცოდა და ზაფხულის მსუბუქ კაბებქვეშ თეძოებს მძიმე-მძიმედ მოათამაშებდა. ოფლისა და სამზარეულოს სუნი დაჰკრავდა, თუმცა კი სულ ოდნავ. მოკლედ, ერთი ჩვეულებრივი ოჯახის ქალი იყო, ჩვეულებრივი დედა. და მაინც, ჩემთვის, მთელი ამ ჩვეულებრიობის მიუხედავად, ისეთივე მიუწვდომელი, ისეთივე უიმედოდ სასურველი

რჩებოდა, როგორც ნებისმიერი სიფრიფანა, დახვეწილი, ნახატიდან გადმოსული ბანოვანი. თუმცა არა – საკუთარ თავთან მაინც უნდა ვიყო მართალი – გინდა ბავშვობით ვიმართლო თავი და გინდა რომანტიკოსობა დავიბრალო. ჩემთვისაც კი, არც სიფრიფანა ჩანდა და არც კალმით ნახატი. თავ-ფეხიანად ნამდვილი იყო, მიწიერი, ფერ-ხორციანი და მადის აღმძვრელი. საქმეც ეგ იყო: ერთსა და იმავე დროს ჩემი წარმოსახვის გვირგვინად რომ რჩებოდა და თან სრულიად ჩვეულებრივ, ხორციელ ადამიანად მეჩვენებოდა. ახლა უკვე წარსულს ჩაბარდა ჩემი უმანკო ზმანებები გადარჩენასა და უანგარო მზრუნველობაზე, ახლა მოუთოკავი ხილვები მომეძალა, მხურვალე და თან უიმედოდ დაცლილი იმ არსებითი შემადგენლისაგან, რასაც ცხელ ქვიშაზე მისი ტანის სიმძიმის ქვეშ მოქცევა ერქმოდა – მინებება, მიყოლა და მის თეძოებს შორის მომწყვდევა, ერთდროულად მის ბავშვად და საყვარლად ყოფნა...

ხანდახან სრულიად მოულოდნელად დამიდგებოდა თვალწინ: შიგნეული ამომიტრიალდებოდა და მთელ ჩემ არსებას ერთიანად გადაუვლიდა წადილის მწველი ტალღა. ერთხელ, ნანვიმარზე, სალამოს მომწვანო ბინდ-ბუნდში, როცა მზის ნოტიო სხივი ჯერაც იჭყიტებოდა ფანჯარაში და მგლისკბილას ნამიან ბუჩქებშიც ამ დროისათვის სრულიად შეუფერებლად ხმიანობდა შაშვი, პირქვე ვინეტი სანოლზე, დაუკმაყოფილებელი ჟინით გათანგული. ჟინი შარავანდივით რიალებდა ჩემივე სატრფოს სახების ირგვლივ, მაგრამ არაფერს უღრმავდებოდა, და უცებ – ჩემდა უნებურად – ხმამალალი, მწარე, გულამოსკენილი ტირილი ამიტყდა. დედაჩემმა გაიგონა და ოთახში შემოვიდა, თუმცა ამჯერად, ჩემდა გასაკვირად, არაფერი უთქვამს, არადა, ჯიქურ გამოკითხვასა და თავში ნათაქებასაც კი ველოდი – მხოლოდ ბორგვის დროს ძირს გადავარდნილ

ბალიშს დასწვდა და მცირე ყოყმანის შემდეგ ისევ გავიდა, უხმაუროდ მიიკეტა ზურგს უკან კარი. ვერც მაშინ მივხვდი და ახლაც ვერ ვხვდები, რა ნარმოიდგინა ჩემი ცრემლების მიზეზად. ვითომ მიმიხვდა, სიყვარულის სატანჯველი რომ შემყროდა? ვერ დავიჯერებ. ის ხომ მხოლოდ ჩემი დედა იყო, აბა, რანაირად გამიგებდა იმ ქარცეცხლს, რაც ჩემს სულში ტრიალებდა და ჯერაც ბავშვურად სუსტ ფრთებს მიბუგავდა? ეჰ, დედაჩემო, რა ცუდად მცნობიხარ, თურმე როგორ ვცდებოდი, როცა მეგონა, ჩემი საერთოდ არაფერი ესმის-მეთქი.

მოკლედ, ვდგავარ ჩემთვის სამყაროს ჭიპზე და ზემოდან ნათლის სვეტი მადგას, გვერდით კი ეს ყვავილებია – ვითომ ნარგიზები? ახლა, რატომღაც, სწორედ ნარგიზები დამიდგა თვალწინ. ქერათმიანი მისის გრეისი კი ვაშლს მთავაზობს, რომელიც სინამდვილეში არსად ჩანს და ასე მგონია, ყველაფერი ჭრიალ-ჭრიალით, თავბრუდამხვევად დაქანდება და ამოტრიალდება, უამრავი რამ მოხდება ერთბაშად და ერთდროულად. აი, გამოღებულ კარში პატარა, შავი, ბანჯგვლიანი ძაღლი შემოვარდა – ახლა, რატომღაც, მოქმედების ადგილი შეიცვალა და სასტუმრო ოთახი სამზარეულოდ იქცა – ბრჭყალებით გამალებული ფხოჭნის ფიჭვის იატაკს, კბილებში ჩოგბურთის ბურთი მოუგდია. იმნამსვე მაილზიც შემოჰყვა, იმას კი უკან როუზი მოსდევს. ბიჭმა მართლა თუ ვითომ ნაიფორხილა ძირს დაფენილი ნოხის აპრეხილ კიდებზე, ნაიქცა, ნამოხტა, ისევ გაგორდა, გადაკოტრიალდა, კინალამ დედაც ნამოაქცია, იმანაც შიშნარევი ბრაზით უყვირა – *თუ ღმერთი გნამს, გაჩერდი, მაილზ!* – ყურპარტყუნა ძაღლმა კი ამასობაში გეზი იცვალა, მაგიდის ქვეშ შევარდა, ჯერაც კბილებში ბურთგაჩრილი. როუზი თითქოს წაეტანა, მაგრამ ცხოველი გვერდზე გახტა. თვალნათლივ ვხედავ: კარლო გრეი-

სი შემოდის, თავად უსასრულო დროის განსახიერებასავით – შორტი და სანდლები აცვია, მხარზე დიდი, ხაოიანი პირსახოცი გადაუკიდია და ბანჯგვლიან ფაშვს წინ-წინ მოაგორებს. მაილზისა და ძაღლის დანახვაზე ვითომ ბრაზობს, მუქარით აბაკუნებს ფეხს, ძაღლიც ბურთს აგდებს და მერე ის და ბიჭი ისევე მოულოდნელად უჩინარდებიან, როგორც გამოჩნდნენ. როუზი იცინის – წვრილი ჭიხვინივით ხმა ამოსდის ყელიდან; სწრაფად, შეფარულად ესერის მზერას მისის გრეისს და ტუჩს იკვნეტს. კარი ჯახუნობს და სწრაფი ექოსავით, ახლა შემოდანაც მოისმის სხვა კარის გაჯახუნება – ეს უკვე საპირფარეშოში – და წუთით ადრე გავსებული უნიტაზის ავზიც სულმუხუთული ინყებს ბუყბუყს. ძაღლის დაგდებული ბურთი ნელა მიგორავს, ზედ დორბლი უბრწყინავს და შუა ოთახში ჩერდება. უცნობის დანახვაზე – ეტყობა, აღარც ახსოვს, როგორ ჩამიკრა მაშინ თვალი – მისტერ გრეისი კოპებს იკრავს, თავს უკან სწევს და გვერდზე კისერგადაგდებული, ვითომდა ყურადღებით მათვალაიერებს, დამცინავად ცალთვალმოჭუტული. კიბეზე ქლოის ფეხის ხმა გავიგონე, მისი სანდლების ტყაპა-ტყუპი. თუმცა სანამ შემოვიდოდა, მისის გრეისმა ქმარს წარუდგინა ჩემი თავი – მე მგონი, ჩემს ცხოვრებაში პირველი შემთხვევა იყო, როცა ვილაცის წინაშე ოფიციალურად წარმადგინეს. თუმცა სახელისა და გვარის თქმა თავადვე მომიწია, რადგან მისის გრეისს მოესწრო და დაევიწყებინა. ვითომ დიდი პატივისცემით ჩამომართვა ხელი, ძვირფასო ბატონოო, მომმართა კიდევ, კოკნის ყაიდაზე მოუქცია და საჯაროდ განაცხადა: ჩვენი ბავშვების მეგობარი, მთლათ ჩვენიანიაო... ქლოიმ თვალები გადაატრიალა და უკმაყოფილოდ შეათამაშა მხრები: „გეყო რა, მამა!“ – გამოსცრა კბილებში. იმანაც, ვითომდა ქალიშვილის შიშით აღარ ვარო, საჩქაროდ მიშვა

ხელი, პირსახოცი თავშალივით მოიხვია და ჩქარი ნაბიჯით, თითისწვერებზე გავიდა ოთახიდან, თან ლამურასავით მინრიპინებდა – აქაოდა, სანამ ლამაზი ვარ, თავს ვუშველოო. მისის გრეისი ამ დროს სიგარეტს უკიდებდა, ქლოის კი ჩემკენ არც გამოუხედავს, თვითონაც კართან მიიღბინა და მამას დაადევნა: „მეც გამიყოლე, გესმის?“ მანქანის კარი გაჯახუნდა, ძრავა აღმუვლდა და ფართო საბურავებმა ხრეში მოფხოჭნა. „ჯანდაბა!“ – გაბრაზდა ქლოი.

მისის გრეისი მაგიდას დაყრდნობოდა – იმას, რაზეც ნარგიზები იდგა, რადგან, რაღაც ჯადოქრობით, ისევ სასტუმრო ოთახში ამოვყავით თავი. სიგარეტს აბოლებდა, ზუსტად ისე, როგორც იმ დროის ქალებს სჩვეოდათ: იდაყვში მოხრილ ცალ ხელს მეორის მტევნით იმაგრებდა ქვემოდან. ნარბებანკეპილმა, გამომხედა, უხალისოდ გამიღიმა, მხრები აიჩეჩა და ქვედა ტუჩიდან თამბაქოს ნამცეცი ნეკა თითით მოიშორა. როუზი დაიხარა, ცხვირაბზუებულმა, დადორბლილი ბურთი ამრეზით აიღო. ჭიშკრის იქით მანქანის ორი მხიარული დაპიპინება გაისმა და მანქანაც ღმუილით გაუყვა შარას. ძალღი გადარეული იყეფებოდა, ისევ თავის ბურთს ითხოვდა.

რაც შეეხება ძალღს, მერე აღარასოდეს მინახავს. ნეტავ ვისი შეიძლებოდა ყოფილიყო?

დღეს რაღაც უცნაურ სიმსუბუქეს ვგრძნობ: თითქოს, თუ კარგად მოვინდომებ, ავფრინდები კიდეც... ისევ ქარია. ქარი კი არა, მთლად გრიგალი. ეტყობა, ამიტომაც მეხვევა თავბრუ. საერთოდ, ამინდის მიმართ ყოველთვის ზედმეტად მგრძნობიარე ვიყავი. ბავშვობაში, ზამთრობით, სალამოხანს რადიოსთან მოვკალათდებოდი ხოლმე და გემებისთვის გა-

მოთვლილ ამინდის პროგნოზს ვუსმენდი. წარმოვიდგენდი, ვითომ მეც ერთი მამაცი ზღვის მგელი ვიყავი, ქარიშხალს ვებრძოდი სადღაც, სამხრეთ-დასავლეთის წყლებში – იმედი-სა თუ ცეცხლოვან კონცხთან, ან სადმე სხვაგან, შორეულ სანაპიროებთან. ხშირად მერეც, უკვე ზრდასრულს, იგივე გრძნობა მეუფლებოდა ხოლმე, როცა ანასთან ერთად ჩვენს ლამაზ ძველ სახლში ვცხოვრობდი, მთებსა და ზღვას შორის; როცა შემოდგომაზე, საბუხრე მილში ქარი ღმუოდა და ყალყ-ზე შემდგარი, ქაფიანი ტალღებიც გრუხუნით ეხეთქებოდნენ კლდეებს. მოკლედ, იქამდე, ვიდრე ჩვენ ფერხითი უფსკრულ-მა არ დაალო ხახა მისტერ ტოდის მისაღებში – სუნით ძალიან რომ წააგავდა საგანგებოდ გალოკილ საპარიკმახეროს; და ხშირად მიფიქრია გაცეცხულს, რამდენი სიკეთე გამოუმეტებია ჩემთვის ცხოვრებას-მეთქი. თუკი რადიოსთან მეოცნებე იმ ბავშვს ვინმე ჰკითხავდა, რა გინდა რომ გამოხვიდო, საბოლოო შედეგი მეტ-ნაკლებად მართლა დაემთხვეოდა მაშინდელ ნაოცნებარს. ამაში ეჭვიც არ მეპარება და თუ ჩემს ამჟამინდელ სადარდებელსაც გავითვალისწინებთ, მართლა დამაფიქრებელი ამბავია: განა ადამიანთა უმრავლესობა, სასონარკვეთის ბორკილებს თავს რომ ვერაფრით აღწევს, განბილებული არაა საკუთარი ხვედრით?

საინტერესოა, ნეტავ ბავშვობაში სხვებსაც თუ წარმოედგინათ ერთდროულად ბუნდოვნად და დეტალურად, როგორები იქნებოდნენ ზრდასრულ ასაკში? არა, იმედებსა და მისწრაფებებზე არ ვლაპარაკობ და არც ბოლომდე გაუაზრებელ ოცნებებზე – იმთავითვე ზუსტად და მკაფიოდ წარმომედგინა, რისი მოლოდინი უნდა მქონოდა: არც მემანქანეობაზე მიოცნებია და არც სახელოვანი მოგზაური მინდოდა გავმხდარიყავი. როცა მეტისმეტად რეალური წარსულიდან

დაჟინებით ვუცქერ ბინდში ნეტარად წარმოსახულ ანმყოს, ეს, როგორც უკვე ვთქვი, ზუსტად ისაა, როგორც მაშინ ვხედავდი მომავალს, ანუ – კაცს, ვისი საქმე და გასართობიც ერთმანეთს დამთხვევია, ზედმეტი პატივმოყვარეობა არ ტანჯავს, დამჯდარა ზუსტად ამნაირ ოთახში, თავის სარწეველა-სკამზე, მაგიდისაკენ ნახრილი – წელიწადის სწორედ ამ დროს, როცა მომაკვდავი შემოდგომა მყუდროდ გატრუნულა, ფოთლები დაფრინავენ, დღეს თანდათან აკლდება ძალა და ყოველ სალამოს სულ უფრო და უფრო ადრინად ანთებენ ქუჩაში ფარნებს. დიახაც, სწორედ ასეთად წარმომედგინა ჩემი ზრდასრულობა, ერთგვარად განელილ, უსასრულო, ნაგვიანევ შემოდგომად, სიმშვიდის განცდად, წყნარ შეგუებად, როცა ბავშვობის ლამის აუტანელი მოუთმენლობიდან აღარაფერი რჩება, ყველა მტანჯველ კითხვას პასუხი ეძებნება, ყველა საიდუმლო ამოხსნილია და ნუთებიც თითქმის შეუმჩნეველად ენაცვლება ერთმანეთს ოქროს წვეთებად – საბოლოო, გარდაუვალ, შეუმჩნეველ აღსასრულამდე.

ცხადია, არსებობდა რალაცები, რისი წინასწარ განჭვრეტის უფლებასაც ის მაშინდელი ბიჭი არც აძლევდა თავს, თავის ყველაზე თამამ ფანტაზიებშიც კი. დანაკარგი, მწუხარება, შავი დღეები და უძილო ღამეები – მსგავსი რამეები, როგორც წესი, წარმოსახვის ფოტოფირფიტაზე არ აისახებოდა ხოლმე.

როცა ამ ყველაფერზე უფრო დაჟინებით ვფიქრობ, ვხვდები, რომ ჩემ მიერ წარმოდგენილი მომავლის სურათი უცნაურად ძველმოდურად გამოიყურებოდა. სამყარო, რომელშიც ახლა ვცხოვრობ, მაშინდელი, თუნდაც ყველაზე თამამი წარმოდგენითაც კი, რეალურად არსებულისაგან დიდად განსხვავებული არ უნდა ყოფილიყო: მთლად ერთი-ერთში ეგებ არც დამთხვეოდა, მაგრამ არც სხვაობა იქნებოდა მე-

ტისმეტად თვალშისაცემი. ხალხს იგივე ფეტრის ქუდები ეხურებოდა, იმავენაირად აჭრილი პალტოები ეცმებოდა და იმნაირივე გრძელი, ზიზილ-პიპილოებით განწყობილი მანქანებით ივლიდნენ ყველანი. ისე, მაინც სად ენახე მსგავსი რამეები ასე მკაფიოდ რომ ჩამებეჭდა გონებაში და მომავალშიც გადმოვიტანე? ეტყობა, რაკი ცხადად არ შემეძლო მომავლის სურათი აღმეჭვა და თან არც იმაში მეპარებოდა ეჭვი, ამ მომავალში მეც რომ გამორჩეული პიროვნება გავხდებოდი, ეს წარმოსახული სივრცე წარმატების იმ აუცილებელი მახასიათებლებით დავტვირთე, რაც ბავშვობისდროინდელ ექიმებს, ადვოკატებსა თუ იმ პროვინციულ მენარმეებს გამოარჩევდა, ვისთვისაც მორჩილად წევდა ჭაპანს მამაჩემი; და კიდევ, მდიდარ პროტესტანტთა იმ მცირერიცხოვან შთამომავლებს, ჯერაც მამაპაპისეულ დიდ-დიდ სახლებში რომ ცხოვრობენ ქალაქგარეთ, უკვე ბალახმოდებული გზების პირას.

თუმცა არა, არც ესაა საქმე – ასე და ამგვარადაც ვერ აიხსნება სრული სიზუსტით ჩემი ოცნებების გადაპრანჭულად ძველმოდური ხასიათი, ჩემი წარმოდგენა გარდაუვალ მომავალზე. საკუთარი თავი კი ზრდასრულ კაცად ამნაირად მესახებოდა: ვთქვათ, ძვირფასი, ფილეთიანი კოსტუმი მაცვია, ქუდი დარდიმანდულად მომიგდია და მდიდრულ ავტომობილში მძლოლის უკან ვზივარ, მუხლებზე პლედმოხურული. ეს ხატება, როგორც ახლა ვხვდები, ეს ფუფუნება და სიბარიტული მოთენთილობა ალბათ მაინც ჩემი ბავშვობამდელი დროების გამოძახილი იყო, როცა ქვეყანა სწორედ ასე ცხოვრობდა ორ მსოფლიო ომს შორის. ამდენად, რასაც ვითომ მომავლად ვჭვრეტდი, სინამდვილეში წარსული იყო, მხოლოდ და მხოლოდ ბავშვური ფანტაზიით აღდგენილი გარდასული დრო. მავანმა ეგებ თქვას კიდევ ჩემზე, იმდენად მომავალს არ ელ-

ტვოდა, რამდენადაც მისი ნოსტალგია ტანჯავდაო, რადგან ის რაც ჩემი ოცნების მიხედვით, მერე უნდა მოსულიყო, სინამდვილეში უკვე კარგა ხნის წინ იყო გარდასული. ახლა ჩემთვისაც კი სრულიად მოულოდნელად ვაცნობიერებ ამ არცთუ უმნიშვნელო ამბავს. ვითომ მართლა მომავალს ველოდი, თუ რალაც სხვას, მის იქით და მის მიღმა?

სიმართლე კი ის გახლავთ, რომ თანდათან ყველაფერი გამთლიანდა – წარსულიც, შესაძლო მომავალიცა და აუტანელი აწმყოც. იმ შეშლილი დღეებისა და საზარელი ღამეების ვნების კვირების დროს, როცა ანა იძულებული გახდა, ბოლოსდაბოლოს შეჰგუებოდა მისტერ ტოდსა და მკურნალობის მისეულ მეთოდებს, მე თითქოს დაბურულ ქვესკნელში აღმოვჩნდი, სადაც ლამის შეუძლებელი ჩანდა ძილ-ღვიძილის გარჩევა, რაკი გამოღვიძებაც და ძილიც ერთნაირი გამთანგავი ბურუსით იყო მოცული. მეც აქეთ-იქით ვაწყდებოდი, ალგზნებული და ძალაგამოცლილი, თითქოს ანა კი არა, მე ვიყავი განწირული – მალე კიდევ ერთ აჩრდილად გარდასაქმნელად, უამრავ და უამრავ სხვა ლანდთა შორის. ეს იმ მოჩვენებითი ფეხმძიმობის პირქუში სახესხვაობა გახლდათ, რაც მაშინ განვიცადე, როცა ანამ გამიმხილა, ბავშვს ველოდებო; ახლა კი მეჩვენებოდა, თითქოს მასთან ერთად უკვე მეც იმგვარივე დაავადება შემყროდა. ყოველი მხრიდან სიკვდილის წინამორბედი ნიშნები მახსენებდნენ თავს: დამთხვევები წამებად მექცა; უცებ მახსოვრობაში კარგა ხნის წინათ დავინწყებული ამბებიც ამოტივტივდნენ და მრავალი წლის წინ გამქრალი საგნებიც ხელახლა გამოჩნდნენ. თითქოს ჩემ წინ გათამაშებულ საკუთარ ცხოვრებას შევცქეროდი – არა ისე, რომ ამბობენ, დასახრჩობად განწირულს წამში გაურბენს თვალწინო, არამედ მდორე კრუნჩხვებით; ნელ-ნელა იცლევ-

ბოდა ყველა უწინდელი საიდუმლოსა და გაურკვევლობისა-
გან იმ წამისთვის სამზადისი, როცა ქარონის ნაეში უნდა ჩავ-
მჯდარიყავი, აჩრდილთა საუფლოში რომ გადამიყვანდა უკვე
გაყინულ ხელში ჩაბლუჯული სპილენძის ერთი ობოლის სა-
ფასურად. უცნაური კი ჩანდა, მაგრამ საბოლოო განშორე-
ბის მომასწავებელი ეს წინკარი მთლად უცხო და უჩვეულო
ადგილად სულაც არ მეჩვენებოდა. ზოგჯერ ადრეც, თავდა-
ვინყების წუთებში, ვთქვავთ, სანერ მაგიდასთან, როცა სიტ-
ყვებში ვიხრჩობოდი ხოლმე, სულ ერთია, თუნდაც სულ უბრა-
ლო სიტყვებში – ხომ შეიძლება, საშუალო გაქანების კაცსაც
ენვიოს შთაგონება – მიგრძნია, როგორ ვგლეჯ ცნობიერის
მემბრანას და სხვა სივრცეში გადავდივარ, რასაც სახელიც
კი არა აქვს, სადაც ჩვეულებრივი კანონები აღარ მოქმედებს,
დროც თუკი საერთოდ იძვრის, სულ სხვანაირად, და იქ არც
ცოცხალი გქვია და არც რაიმე სხვა, თუმც კი არსებობას უფ-
რო ცხადად შეიგრძნობ, ვიდრე ჩვენ მიერ ეგრეთ წოდებულ
„ნამდვილ“ სამყაროში. ეგ კი არადა, უფრო ადრეც, მრავალი
წლის წინ, როცა, მაგალითად, მისის გრეისის პირისპირ ვი-
დექი მზით განათებულ იმ სასტუმრო ოთახში, ანდა ქლოის
გვერდით ვიჯექი ბნელ კინოდარბაზში, თითქოს იქაც ვიყავი
და თან არც ვიყავი: მე მე ვიყავი და თან – აჩრდილიც, და
იმ წამში ბოლომდე ჩაკირული, გასაქრობად გამზადებული,
წონადაკარგული, ჰაერშიც დავფარფატებდი. ეტყობა, მთელი
ჩვენი ცხოვრებაც ესაა – სხვა არც არაფერი, მასთან განშო-
რების სამზადისის გარდა.

ავადმყოფობისას, ანასთვის ყველაზე აუტანელი ღამის
დადგომა იყო. არცაა გასაკვირი. თუმცა ბევრი სხვა რამეც
არ აღმოჩნდა გასაკვირი, როცა მთავარი და გამოუსწორებე-
ლი უკვე მოხდა. სწორედ ღამლამობით, ის, რაც დღის შუქზე

სრულიად წარმოუდგენელი ჩანდა – რალა მაინცადამაინც მე!
– ბლაგვ, უაზრო გაოცებად გარდაიქმნებოდა. ძილგამკრთალი
ჩემ გვერდით იწვა და მეც თითქოს მთელი არსებით ვგრძნობ-
დი, როგორ მორევით უტრიალებდა სხეულში დამადამბლავე-
ბელი შიში. ზოგჯერ, სიბნელებში, ხმამალლა გაიცინებდა ხოლმე,
ისეთნაირად, იფიქრებდი, ბოლომდე მაინც ვერ დაუჯერებია,
რა უსინდისოდ, დაუნდობლად მოჰქცევია განგებაო. თუმცა,
მეტწილად, ჩუმად იწვა, გვერდულად, კარავში მოკუნტული,
გზადაბნეული მოგზაურივით, რულმორეული და ტანში სიცი-
ვეგამჯადარი, უკვე ერთნაირად გულგრილი რომაა როგორც გა-
დარჩენის, ეგრევე შესაძლო დალუპვის მიმართ. ადრე მთელი
მისი განცდები დროებითი იყო, წარმავალი: მწუხარებას დრო
კურნავდა, სიხარული ჩვევაში გადასდიოდა, მცირე სატკივარს
კი თავად სხეული უმკლავდებოდა. მაგრამ ახლა სრული, ერ-
თადერთი, თავისთავადი აღსასრული მოახლოებულ იყო, რასაც
ვერც ითავისებდა, ვერც ერეოდა. მტკიოდეს მაინცო, იტყოდა
ხოლმე. ეს მართლაც რალაცის ნიშანი იქნებოდა – იმის საბუთი,
რომ რაც დამართოდა, მართლა ყველა სინამდვილეზე უფრო
ნამდვილი იყო. მაგრამ ტკივილები არ აწუხებდა – ჯერჯერო-
ბით; უბრალოდ, ზოგად აღგზნებას უჩიოდა, შინაგან ფორიაქს,
თითქოს მისი საბრალო, გაბითურებული სხეული შიგნიდან
უმართავდა წინალობებს იმ მომხდურს, ლალატით რომ შეელ-
ნია მის სხეულში და ახლა შავად მზინავ კლანჭებს ილესავდა.

ოქტომბრის იმ უსასრულო ღამეებში, როცა გვერდიგ-
ვერდ ვინექით, კვარცხლბეკიდან გადმოგდებული საკუთარი
ქანდაკებებივით, და აუტანელი ანმყოდან გაქცევას ერთა-
დერთ შესაძლო დროში, ანუ წარსულში, უშორეს წარსულში
ვლამობდით, ერთად გატარებულ პირველ დღეებს ვაფარებ-
დით თავს და რალაც-რალაცებს ვიხსენებდით – ისე ვეხმარე-

ბოდით ერთმანეთს, როგორც ორი მიხრწნილი მოხუცი, ხელი-ხელგაყრილი რომ დაბორიანებს იმ ქალაქის ძველ უბნებში, ერთ დროს მშობლიური რომ ერქვა.

განსაკუთრებით ხშირად იმ კვამლისფერ ლონდონურ ზაფხულს ვიხსენებდით, როცა ერთმანეთი გავიცანით და მალევე დავქორწინდით კიდეც. ანას პირველად ვილაცის ბინაზე გამართულ წვეულებაზე მოვკარი თვალი, ერთ ჩახუთულ საღამოს. ყველა ფანჯარა ბოლომდე გამოეღოთ, ქუჩიდან შემომავალი გამონაბოლქვის სუნი ყველა სხვას ახშობდა და მიმომავალი ავტობუსების საყვირებიც ვერაფრით ეწყობოდა ხალხით სავსე ოთახებში ატეხილ ჟიჟივს. პირველ რიგში, ჩემი ყურადღება აღნაგობით მიიქცია: არა, არც ძალიან მაღალი ეთქმოდა და არც ძვალმსხვილი; უბრალოდ, ჩემთვის ნაცნობ ყველა ქალთან შედარებით, თითქოს სულ სხვა საზომები უნდა მიგესადაგებინა მისთვის. განიერი მხრები ჰქონდა, გრძელი ხელები, გრძელი ფეხები, ფართო სახე და გრძელი, შავი, ხშირი თმა. ჩემსა და ფანჯარას შორის იდგა, მსუბუქ ქსოვილის კაბასა და სანდლებში გამოწყობილიყო. ვილაც ქალს ელაპარაკებოდა, როგორც იცოდა ხოლმე – ერთდროულად დაძაბულად და უყურადღებოდ. ფიქრებში წასული, თმის კულულს იხვევდა თითზე. წამით თითქოს გამიჭირდა მასზე მზერის შეჩერება, და თან ისიც მეგონა, რომ იმ ორში უფრო ტანადი ანა ჩემთან ბევრად უფრო ახლოს იდგა, ვიდრე მისი თანამოსაუბრე.

ეჰ, მაშინდელი წვეულებები – რამდენი იმართებოდა ხოლმე! როცა იმ დროს ვიხსენებ, სულ ერთი და იგივე სურათი მიდგება თვალწინ: აი, მივედით, ცოტა ხანს პარმალზე შეეყოვნდით, ხელი მის წელზე მაქვს შემოხვეული, თხელი აბრეშუმის ქვეშ გრილი ფოსო მხვდება, ნესტოებში მისივე ველური სურნელი მილიტინებს, ლოყაზე კი მისი თმის სიმხურვალეს

ვგრძნობ... ალბათ რა მომხიბლავი წყვილი ვიყავით – ყველა დანარჩენზე მალლები, მათი თავების ზემოთ მაცქერალნი; თითქოსდა რალაც ისეთს ვხედავდით, რასაც ჩვენ გარდა ვერავინ დაინახავდა.

იმხანად ფოტოგრაფობაზე ოცნებობდა – დილაუთენია დადიოდა ჟანრული ფოტოების გადასაღებად, ძირითადად – შავ-თეთრის, და ამისთვის საგანგებოდ არჩევდა ქალაქის ყველაზე მივარდნილ, დაჩრდილულ ქუჩაბანდებს. ძალიან უნდოდა ემუშავა, რამე ეკეთებინა, სახელი გაეთქვა. ისტ-ენდი უხმობდა, ბრიქ-ლეინი – სულ ეგეთ-ეგეთი ადგილები. მე ამ გატაცებას დიდად არასოდეს ვუწონებდი, არადა – სულ ტყუილად. მამასთან ერთად ცხოვრობდა, ნაქირავებ ბინაში, ჩაშავებული აგურით ნაშენებ სახლში, სლოუნ-სკვერის შორიახლო. ბინა უზარმაზარი იყო, მრავალოთახიანი, მაღალჭერიანი. დიდრონი ფანჯრები გულგრილად დაჰყურებდნენ და თითქოს კიდევ უფრო აკნინებდნენ ქვემოთ, ქვაფენილზე მორიალე კაცუნებს. მამამისს, ბებერ ჩარლი ვაისს – დარდი გაუშვი, ებრაელი არა ვარო – თავიდანვე მოვეწონე: მაღალი, ახალგაზრდა, გაურანდავი, და იმ ოქროვარაყიან ოთახებში ჩემი ხილვა ძაანაც ახალისებდა. მხიარული კაცი იყო, პატარა, ნატიფი ხელ-ფეხი ჰქონდა. მისი გარდერობი ერთ რამედ ღირდა: სევილ-როისზე ნაყიდი უამრავი კოსტუმი, შარვეს პერანგები – ღია ყავისფერი გინდა, მომწვანო თუ სულაც ლაჟვარდისფერი; და კიდევ, ათობით წყვილი ხელით ნაკერი, კოხტა ფეხსაცმელი. თმას ორ დღეში ერთხელ იკრეჭდა ტრამპერთან – ბალანია და კაცმა ცხვარივით არ უნდა მოიზარდოსო, ამბობდა. თავი კი უზადო კვერცხის ფორმისა ჰქონდა, გლუვი, და ზუსტად ისეთივე სათვალეს ატარებდა, დიდად რომ ფასობდა მაშინდელ ბობოლა საქმოსნებს შორის: ჩარჩომოჩუქურთმებულსა და იმოდენა

შუშებიანს, იფიქრებდი, მისი თვალები ცნობისმოყვარე, უცხო
 რამ თევზებივით დაცურავენ ამ ორგანყოფილებიან აკვარიუმ-
 შიო. ნამითაც ვერ ჩერდებოდა ერთ ადგილას: ნამოხტებოდა,
 დაჯდებოდა, ისევ ნამოხტებოდა და იმ მაღალ ჭერქვეშ თხი-
 ლის გულს ჰგავდა, მეტისმეტად დიდი ზომის ნაჭუჭში მოჩ-
 ხაკუნეს. პირველი სტუმრობისას ამაყად დამათვალიერებინა
 მთელი ბინა და ნახატებიც მიჩვენა – როგორც თავად ეგონა,
 სულ ძველი ოსტატების ნახელავი; კაკლისპანელებაკრულ კა-
 ბინეტში დადგმული უშველებელი ტელევიზორი, „დომ პერი-
 ნიონის“ ბოთლი და უბადლო, თუმცა კი საჭმელად უვარგისი
 ხილით სავსე კალათა, იმ დილით რომ გამოეგზავნა მევან კო-
 ლეგას; ჩარლის არც მეგობრები ჰყავდა, არც პარტნიორები,
 არც კლიენტები – მხოლოდ კოლეგები, მასავით საქმის ხალხი.
 ჩამაქრული თაფლივით სქელი ზაფხულის შუქი მაღალი ფან-
 ჯრებიდან იღვრებოდა და ნაყშებიან ხალიჩას ეფინებოდა. ანა
 ხელზე ნიკაპჩამოდებული იჯდა ტახტზე, ცალი ფეხი შეეკეცა
 და გულგრილად უცქერდა, როგორ ვეველებოდი თავს მის ჩია,
 კაფანდარა მამიკოს. ტანმორჩილ ადამიანთა უმეტესობისა-
 გან განსხვავებით, ჩვენ გვერდით სულაც არ გრძნობდა თავს
 უხერხულად, პირიქით, მგონი, ჩემი ზორბა ტანი ახალისებდა
 კიდევ. დიდი გრძნობით, ლამის სიყვარულით მელამუნებოდა
 და საკუთარი ნარმატების ამ უტყუარი მტკიცებულებების მო-
 ხილვისას ისეთი შთაბეჭდილება მრჩებოდა, აი, ახლა ისკუპებს
 და კისერზეც ჩამომეკონნილება-მეთქი. როცა მესამედაც ახ-
 სენა საკუთარი ბიზნეს-ინტერესები, ვკითხე, მაინც რას საქ-
 მიანობთ-მეთქი. ის თავისი აკვარიუმები მომანათა და ყოვლად
 უმანკო თვალები აახამხამა:

– მძიმე მანქანათმშენებლობა, – ისე მიპასუხა, ღიმილიც
 არ დასჩენია სახეზე.

ჩარლი საკუთარ ცხოვრებას აღტაცებული შესცქეროდა და ცოტა უკვირდა კიდეც, რა ყველაფერი საათივით მაქვს აწყობილიო. ცხადია, თაღლითი იყო; შესაძლოა, მაგარი თაღლითიც და სრულიად, სრულიად ამორალური ვინმე.

ანა მას რალაც სევდანარევი პატივისცემით ეპყრობოდა. ასეთ ერთი ციდა კაცს ამოდენა ქალიშვილი როგორ ეყოლა – აი, ეს კი ამოუხსნელ საიდუმლოდ რჩებოდა ჩემთვის. ახალგაზრდობის მიუხედავად, ანა მაინც უფრო მის მომთმენ დედას ჰგავდა, ის კი – ონავარ, დაუდგრომელ და მაინც საყვარელ შვილიკოს. ანას დედა თორმეტი წლისას გარდაეცვალა და მას მერე მამა-შვილი ისე აღიქვამდნენ ქვეყნიერებას, თითქოს XIX საუკუნის სათავგადასავლო რომანის გმირები არიანო – მაგალითად, ბანქოს მავანი პროფესიონალი მოთამაშე და მისი ასისტენტი ქალი. კვირაში ორჯერ ან სამჯერ წვეულებებს მართავდნენ და იყო ერთი ხორხოცი და გნიასი, შამპანური კი ქაფიან, შუშხუნა მდინარედ იღვრებოდა. ზაფხულის მინურულის ერთ გვიან სალამოს, პარკიდან ვბრუნდებოდით – მიყვარდა ანასთან ერთად ბინდ-ბუნდში სეირნობა, იმ ხეების ფოთლებქვეშ, უკვე რომ შეპარვოდათ შემოდგომის ხრაშუნა სიმშრალე – და სანამ ქუჩაზე შეუხვევდით, მათი ბინის გამოღებული ფანჯრებიდან მთვრალეების ღრინანცელი მოგვესმა. ანამ მკლავზე მომკიდა ხელი და შემაჩერა. სალამოს ჰაერი თითქოს თავისთავად დამუხტულიყო რალაც პირქუში დაპირებებით. ჩემკენ შემობრუნდა, ქურთუკის ღილზე ორი თითით ჩამაფრინდა და სეიფის ციფერბლატივით დაუნყო ტრიალი. მერე იმ თავისებურად მშვიდი, ძალდაუტანებელი ხმით მითხრა, მოდი, ცოლად შემირთეო.

მთელი იმ მოლოდინითა და ხვატით გაჯერებული ზაფხულის განმავლობაში მე თითქოს მხოლოდ ფილტვებში მო-

მარაგებულ ჰაერს ვსუნთქავდი, როგორც ის წყალში მხტომელი, ყველაზე ზედა ბაქანზე რომ ასულა და იქიდან გადმოსცქერის ერთი ბენო, ლურჯ ოთხკუთხედს სადღაც დაბლა, წარმოუდგენლად ქვემოთ... და აი, ახლა ყურებში ანას ძახილი ამიხმიანდა: გადახტი, გადახტი! დღეს, როცა მხოლოდ-დაბალი ფენების წარმომადგენლები და აქა-იქ შემორჩენილი „კეთილშობილნი“ თუ ქორწინდებიან, ყველა დანარჩენი კი პარტნიორს ირჩევს, ვითომ ცეკვაზე იყოს ლაპარაკი ანდა ბიზნეს-წამონყებაზე, ალბათ, ძნელია, წარმოიდგინო, რამდენად თავბრუდამხვევი გახლდათ ეს ნახტომი, ანუ ქორწინების განაჩენის გამოტანა საკუთარი თავისთვის. ანასა და მამამისის უცნაურ სამყაროში რომ გადავბარგდი, თითქოს სულ სხვა გარემოში აღმოვჩნდი – ფანტასმაგორიულში, სადაც აქამდე ჩემთვის ნაცნობი წეს-კანონები აღარ გამოდგებოდა, სადაც ყველაფერი ციმციმებდა, მაგრამ არაფერი იყო ნამდვილი; ან იქნებ ნამდვილი კი იყო, მაგრამ მაინც ყალბს ჰგავდა, როგორც ის ხილი, კალათში რომ ეწყო ჩარლის ბინაში. ახლა კი მეპატიჟებოდნენ, ამ თავბრუდამხვევი, სრულიად უცხო სიღრმეების ბინადარი გაემხდარიყავი. ის, რაც ანამ ზაფხულის იმ მტვირნიან საღამოს სლოუნ-სტრიტის კუთხეში შემომთავაზა, იმდენად დაოჯახება არ იყო, რამდენადაც საკუთარ თავზე ჩემივე წარმოდგენების ხორცშესხმის შესაძლებლობა.

ქორწილი ზოლებიან ჩარდახქვეშ გავმართეთ მათივე სახლის უკან, მოულოდნელად დიდ ბაღში. გამორჩეულად ცხელი ზაფხულის ერთი ბოლო დღეთაგანი იდგა. ჩახუთულ ჰაერს შუშასავით კანრავდა მზის ირიბი სხივები. გრძელი, პრიალა ავტომობილები მთელი საღამო ზედიზედ ენაცვლებოდნენ ერთმანეთს ჭიმკართან და ახალ-ახალი სტუმრები მოჰყავდათ: ყანჩისფეხება, ფართოშლაპიანი ქალბატონები; მაღალყელიან

ტყავის თეთრ ჩექმებში გამოკვართული, უფერულპომადიანი გოგოები, ზოლიან თუ ღია ფერის შარვალ-კოსტუმში გამონ-
ყობილი, ნახევრადპატივსაცემი ბატონები, ანონილი ახალ-
გაზრდა კაცები, მრავალმნიშვნელოვანი გამომეტყველებით
რომ ეწეოდნენ მოსაწევს და კიდევ ვიღაც გაუგებარი ტიპები,
ეტყობა, ჩარლის კოლეგები – სლიპინა, გაფაციცებული, სა-
ხეგაქვავებული ვაჟბატონები, პრიალა ნაჭრის პიჯაკებსა და
ასევე პრიალა, ფერად-ფერად პერანგებში გამოკვართულნი.
ამათ ყველას ფეხზე წვერნამახული, ყელიანი, უთასმო ნა-
ღები ამოეცვათ. ჩარლი სტუმრებს შორის დაკუნტრუშებდა,
სილურჯედაკრული თავი უბზინავდა და ოფლივით სდიოდა
კმაყოფილება. უფრო მოგვიანებით კი ზანტი, წყლიანთვა-
ლებიანი, ჩასუქებული, ფერად-ფერად თავსაბურველებსა და
გრძელ, თეთრ ჯელაბებში გამოხვეული, მორიდებული ბატო-
ნებიც მობრძანდნენ და ჩვენ შორის მტრედების გუნდით
აღულუნდნენ. კიდევ უფრო გვიან მავანი ფუმფულა ქერი-
ვი ისე გამოტყვრა, ძირს გაიშლართა და საკუთარმა სახე-
გაქვავებულმა მძლოლმა გაიყვანა ხელში ატატიებული. რო-
ცა ხეების ტოტებს შორის შუქი შესქელდა და მეზობლად
მდგომი სახლის ჩრდილი ბაღში ფარდასავით გადმოეფინა,
როცა უკანასკნელი შექეიფიანებული, ჯამბაზურ სამოსში
გამონყობილი წყვილები ძლივ-ძლივს დაათრევდნენ ფეხებს
საგანგებოდ მონყობილ საცეკვაო ფიცარნაგზე, თვალგაშ-
ტერებულები და ერთმანეთის მხრებზე თავმიდებულები, მე
და ანა ცალკე ვიდექით და ველოდით, როდის მოთავდებოდა
ეს ყველაფერი. უცებ საიდანლაც მოფრენილმა ქილყვავების
გუნდმა შავი ღრუბელივით გადაუფრინა ჩარდახს – ისე დაბ-
ლა-დაბლა, რომ მათი ფრთების ტყლაშუნი დამცინავი ტაშის-
ცემასავით გაისმა ირგვლივ.

მისი თმა. გამახსენდა ეს თმა – გრძელი, შავი, მზზინავი. შუბლიდან ზემოთ და გვერდულად მაღალ, ირიბ ტალღასავით გადაფენილი. უკვე შუახნისასაც კი ერთ თეთრ ღერს ვერ უპოვიდი. ერთხელაც საავადმყოფოდან შინ მივდიოდით მანქანით, როცა მხარზე შერჩენილ ღერს დასწვდა, თვალებთან მიიტანა და გულდასმით შეათვალიერა მოლუშულმა.

– მართლა თუ არსებობს ეგეთი ჩიტა, ქაჩალა? – მკითხა.

– მე მგონი, ბელოტას ეძახიან, – ვუპასუხე, ცოტა არ იყოს, დაეჭვებულმა. – თუმცა მთლად დარწმუნებულიც არა ვარ, იქნებ ფრინველიც არაა. რა იყო, რატომ მეკითხები?

– ეტყობა, ერთ-ორ თვეში მეც მთლად გავმელოტდები.

– ეგ ვინლა გითხრა?

– ერთმა ქალმა საავადმყოფოში. იმას უკვე ჩაუტარეს ის მკურნალობა, მე რომ მიპირებენ. ღერი თმა აღარ ჰქონდა თავზე. მაგაზე უკეთ ვის ეცოდინება...

ცოტა ხანს ფანჯრიდან იცქირებოდა, ჩვენდამი სრულიად გულგრილ სახლებსა და მაღაზიებს მისჩერებოდა. მერე ისევ ჩემკენ შემობრუნდა.

– კი, ნაღდად ბელოტა ჰქვია, ახლა გამახსენდა. და მართლა ჩიტია, წყალი არ გაუვა.

– ალბათ.

– იცი, – ჩაიცინა ნაძალადევად, – სულ რომ გამცვივდება თმა, გამოცხადებული ჩარლი ვიქნები.

ბოლოს მართლა ძალიან დაემსგავსა.

საწყალი, ბებერი ჩარლი ტვინში სისხლის ჩაქცევით გარდაიცვალა, ჩვენი ქორწილიდან სულ რამდენიმე თვეში. მთელი მისი ფული ანას დარჩა. არც იმდენი, როგორც ვვარაუდობდი, მაგრამ მაინც საკმარისი.

მრავალთაგან ერთი უცნაურობა, რაც მისის გრეისისადმი ჩემს ლტოლვას ახლდა, ისიც იყო, რომ ლამის იმნამს გამიქრა, როცა, სავარაუდოდ, უკანასკნელი ზღვარისთვის უნდა მიეღწია. ეგ ყველაფერი კი პიკნიკის დღეს მოხდა. იმ დროისათვის უკვე თითქმის ყველგან ერთად დავიარებოდით – ქლოი, მაილზი და მე. გენახათ ერთი, როგორ მემამაყებოდა ამ ორი საოცრების გვერდით ყოფნა: მე ხომ ისინი რალაც ღვთაებებად მიმაჩნდა, იმდენად განსხვავდებოდნენ ჩემთვის ნაცნობი ნებისმიერი ადამიანისაგან! ჩემი იქაური ძველი მეგობრები კი, ვისთანაც უკვე აღარც ვთამაშობდი, ამ ღალატით მართლა აღშფოთებულები იყვნენ.

– ახლა მთელ დღეებს იმ მდიდარ ბავშვებთან ატარებს...
– გავიგონე, როგორ უთხრა ერთხელ დედაჩემმა რომელიღაც იმათგანის დედას. – ბიჭის ამბავი ხომ იცით... – მოიბოდიშა თითქოს, – რალაც სიჩერჩეტე ჩაიდო თავში.

მგონი, მართლა უკვირდა, რატომ არ ვთხოვდი გრეისებს, მიშვილეთ-მეთქი. როგორღაც მითხრა კიდევც, მაღლობელი დავრჩები, ფეხებში თუ აღარ ამებლანდებო. თან მშვიდად მიცქერდა, გამომცდელად, დაჟინებით, როგორც მერეც ხშირად შემოუხედავს, როცა მამამ მიგვატოვა. თითქოს მეუბნებოდა, ახლა შენი ჯერია, ახლა შენ მიმატოვებო... სხვათა შორის, ასეც მოხდა.

ჩემს მშობლებს მისტერ და მისის გრეისები არასოდეს გაუცნიათ, სურვილიც კი არ ჰქონიათ, რადგან რიგიან სახლებში დაბინავებული ხალხი დიდად არ უყადრებს თავს ჩვენსავით სადღაც ქოხმახში შეხიზნულებს. ჩვენი მხრივ, არც ამის იმედი ჰქონია ვინმეს. ჩვენ არც ჯინ-ტონიკს გეახლებოდით, არც წვეულებებს ვმართავდით შაბათ-კვირა, არც ვითომ შემთხვევით მივაგდებდით ხოლმე დაუდევრად მანქანის სავარძელზე, გამოსაჩენად, საფრანგეთის ტურისტულ რუკას.

ეგ კი არა, ჩვენნაირ ფიცრულებში მცხოვრებთა უმეტესობას საერთოდ არ ჰყავდა მანქანა. ჩვენი საზაფხულო სამყაროს სოციალური კიბე მკაცრად დადგენილი და ზიკურატივით ძნელად ასასვლელი იყო: ნვერზე საკუთარი სააგარაკო სახლების მქონე სულ რამდენიმე ოჯახი იდგა; იმათ ისინი მოსდევდნენ, ვისაც შეეძლო თავისთვის სასტუმროში გაჩერების უფლება მიეცა: ამ მხრივ, „სანაპირო“ უფრო „ნონიანი“ ადგილი გახლდათ, ვიდრე „გოლფი“. მერე ნაქირავებ სახლებში მობინადრენი მოდიოდნენ და სულ ბოლოს – ჩვენ. ისინი კიდეც, ვინც მთელი წელი ცხოვრობდნენ აქ, იერარქიის სათვალავში საერთოდ არც იგულისხმებოდნენ. ზოგადად, სოფლელები, მაგალითად, მერძევე დუინანი ან გოლფის ბურთების შემგროვებელი ყრუ კოლფერი, აივი-ლოჯში დაბინავებული ორი გაუთხოვარი პროტესტანტი დაიკო თუ ჩოგბურთის მოედნის მეთვალყურე ფრანგი ქალბატონი, ვისზეც ამბობდნენ, მუდმივად თავის ნაგაზთან აქვს სიყვარულობაო, ყველანი ცალკე კლასს შეადგენდნენ და მუდამ ჩვენი მბრწყინავი, მზით განათებული სცენის კულისებში რჩებოდნენ. ის, რომ ამ სოციალურ კიბეზე მთლად ძირისძირიდან გრეისების საფეხურამდე აფოფხება მოვახერხე – სხვათა შორის, ისევე, როგორც მისის გრეისისადმი ჩემი ფარული ლტოლვა – გამორჩეულობის ნიშნად მიმაჩნდა. მეგონა, ამდენ უგვანთა შორის მაინცადამაინც ჩემთვის გაელიმა ბედს. ღმერთებს ვუყვარდი.

ახლა რაც შეეხება თავად პიკნიკს: ნაშუადღევს მისტერ გრეისის თვალისმომჭრელი მანქანით კარგა შორს გავემგზავრეთ – იქამდე, სადაც მოკირწყლული გზა თავდებოდა. უცნაური უინი მაშინვე მომეძალა, როგორც კი სავარძლის ნოტიო ტყავი შევიგრძენი მოკლე შარვლის ქვემოთ. მისის გრეისი ნინ, ქმრის გვერდით იჯდა, სანახევროდ მისკენ შებრუნებული.

მკლავი სავარძლის საზურგეზე ჩამოედო, მის ილლიას მშვენივრად ვხედავდი და ქარის ყოველ მობერვაზე ოფლისა და მხურვალე სხეულის თავბრუდამხვევ, გამაბრუებელ სუნსაც შევიგრძნობდი ხოლმე. ქალს რალაც უცხო რამ ეცვა, ახლა რომ ცოპიკს ეძახიან: თეთრი ქსოვილის მომცრო, უზონრებო ზოლი მჭიდროდ შემოტმასნოდა ზედ და მის სახვე მკერდსაც უფრო აჩენდა, ვიდრე მალავდა... ისევ ის პოლივუდური სათვალე მოერგო და მსუქანა, მოკლე სიგარეტს აბოლებდა. ყოველ ჯერზე გული შემიხტებოდა ხოლმე, როცა ღრმა ნაფაზს დაარტყამდა და ქვედა ტუჩს ოდნავ მობრეცდა, ბოლის რგოლების გამოსაშვებად. ფრჩხილები კაშკაშა ნითლად შეეღება. ზუსტად მის უკან ვიჯექი, გვერდით ქლოი მეჯდა და უფრო იქით – მაილზი. გაჩხინკული ქლოის თეძოს ძვალი წამდაუნუმ ბარძაყში მერჭობოდა, თუმცა იმას სულაც არ ადარდებდა ეს ამბავი. და-ძმა რალაც თავიანთებური უსიტყვო შეჯიბრით იყო გართული, ბლლარძუნობდნენ, იმანჭებოდნენ, დაძაგრული თითებით ერთმანეთს ჩააფრინდებოდნენ ხოლმე – ეგებ როგორმე სკამიდან ჩამოვადგოო. ამგვარი თამაშების წესები ვერაფრით დავადგინე, თუკი ჰქონდათ კიდევ რამე წესი. თუმცა ბოლოს გამარჯვებული უცილობლად რჩებოდა რომელიღაც – მეტწილად, ქლოი. ახლაც რომ მახსენდება, ისევ სიბრაღული მომეძალება ხოლმე სანყალი მაილზისადმი – ჯერ კიდევ იმ დროიდან გამოყოლილი, როცა პირველად შევესწარი ამგვარ თამაშსა თუ უფრო ორთაბრძოლას. წვიმიანი დღე იყო და „კედრებში“ დავრჩით, ოთხ კედელში გამომწყვდეულები. მაინც რა ველურ მხეცს აღვიძებს ბავშვებში ამგვარი წვიმიანი დღეები! ტყუპები სასტუმრო ოთახში პირისპირ ჩაცუცქულიყვენ, მუხლისთავები მიეტყუპებინათ და დაჟინებით მისჩერებოდნენ ერთმანეთს თვალებში. თითები გადაეხლართათ, სამ-

კედრო-სასიცოცხლო ბრძოლაში ჩაბმული ორი სამურავით ირნოდნენ ადგილზე. მერე რალაც მოხდა, რალაც გადამწყვეტი, თუმცა მე ვერ დავინახე – რა, და მაილზიც იძულებული გახდა, დანებებულყო. დის მარწხებიდან თითები გაითავისუფლა, ნატკენი ხელები ილღებში შემოიჭდო – ნანყენ-დაჩაგრულის გათამაშება მშვენივრად ეხერხებოდა – და ტირილი მორთო. ლაპალუპით ჩამოსდიოდა მსხვილ-მსხვილი ცრემლები, წვრილი ხმით ზღუქუნებდა, თეატრალურად და ჯამში, არცთუ მთლად დამაჯერებლად. ერთი გენახათ, მხარს ზემოდან როგორ ეშმაკურად, გამარჯვებული სახით გამოძებდა ქლოიმ, უსიამოდ კბილებდაკრეჭილმა, პატარა მტაცებელი მხეცივით. ახლაც, მანქანაში, ისევ ის გამოვიდა გამარჯვებული. ეტყობა, მაჯა ატკინა მაილზს და იმანაც ნკმუტუნი მორთო. „მორჩით რა, ორივე...“ – მოთენთილი ხმით შეუნყრა დედა, თუმცა ხეირიანად არც კი შეუხედავს ამათთვის. ქლოი ამჯერადაც ეშმაკურად ილიმებოდა, კიდევ ერთხელ გამარჯვებული; უფრო მაგრად მომაჭირა თეძო ფეხზე, მაილზი კი იჭყანებოდა, გაბუტული სახით ბრეცდა ტუჩებს და ცრემლს კი იკავებდა, მაგრამ ეტყობოდა, მართლა სტკიოდა განითლებული მაჯა.

გზის დასასრულს მისტერ გრეისმა მანქანა გააჩერა, საბარგულიდან სენდვიჩებით თავმობმული კალათა, ფინჯნები, ღვინის ბოთლები ამოვალაგეთ და მერე ძველისძველი, ჟანგმოდებული, სანახევროდ ნამოქცეული ეკალხლართის ლობით შემოსაზღვრულ, დატკეპნილი ქვიშის ფართო ზოლს გაუწყევით. სულ არ მომენონა იქაურობა. ის კი არა, ცოტათი მაშინებდა კიდევ ეს ვერანი, ტალახისფერი, ჭუჭყიანი ადგილი, სადაც თითქოს ყველაფერი ზურგს აქცევდა მინას და მხსნელის გამოჩენის უტყვი იმედით მისჩერებოდა ჰორიზონტს. ტალახი ახალ სისხლჩაქცევასავით ლურჯად ბზინავდა, შამბნა-

რი უსიამოდ სისინებდა და მიტოვებულ, ლპობაშეპარულ ხის ბოძებზე უკვე ფერგადასული, არაფრისმთქმელი ნიშან-ნარ-ნერები შერჩენილიყო. მოქცევა აქ არასდროს აღემატებოდა ათიოდე სანტიმეტრს – ზღვა სწრაფად გადაურბენდა ხოლმე ნყლისპირს, ვერცხლისწყალივით, და მერე იქვე ინრიტებო-და. მისტერ გრეისი მხნედ მიაბიჯებდა წინ, ილღიებში თითო გასაშლელი სკამი ამოეჩარა და ის თავისი სასაცილო ქუდიც ცალ ყურზე ჩამოფხატოდა. კონცხს შემოვუარეთ და სრუტის გადაღმა, გორაკებზე შეფენილი ქალაქი დავინახეთ – სათამა-შოსავით პანია, მოიისფრო კუთხე-სიბრტყეები და ერთადერთი ნონოლა კოშკურა. მისტერ გრეისმა, ეტყობა, იცოდა, საითაც ეჭირა გეზი: ქვიშარიდან მდელიოზე გადაუხვია, ლერწმინათან. ჩვენ უკან მივყვებოდით – მისის გრეისი, ქლოი, მაილზი და მე. ლერწამი ლამის ჩემს სიმაღლე გაზრდილიყო. მდელის ბოლო-ში მისტერ გრეისი ქოლგასავით გაშლილი ფიჭვის ქვეშ გვე-ლოდებოდა, მაგრამ იქამდე ფეხი გადახლეჩილ ლერწამს და-ვაბიჯე, რამაც შიშველ კოჭთან დანასავით გადამისერა კანი.

ბალახზე თეთრი სუფრა გავაფინეთ. მისის გრეისმა ჩაი-მუხლა – სიგარეტს ეწეოდა და ცალი თვალი მოეჭუტა ბოლით შენუხებულს – საგზალი გაანყო, ქმარი კი, ახლა უკვე ორივე ყურზე კიდევ უფრო სასაცილოდ რომ ჩამოფხატოდა ქუდი, ბოთლის საცობს ებრძოდა ერთი-ერთზე. მაილზი ლერწმინაში გაუჩინარებულიყო. ბაყაყივით ჩაცუცქული ქლოი კვერცხიან სენდვიჩს ლეჭავდა. როუზი კი – დაიცა, როუზი სადღაა? აქ-ვეა, ალისფერი პერანგი ჩაუცვამს, უქუსლო ფეხსაცმელი და შემოტკეცილი, ტოტების ბოლოებში ფოჩებჩამოყრილი შავი შარვალი – აი, მოცეკვავეებს რომ აცვიათ, ისეთი; ეს ფოჩე-ბიც ფეხსაცმლის ლანჩებქვეშ ეთრევა, შავი თმა ცხენის კუ-დივით გამოუკრავს კობტა კეფაზე. ოღონდ აქამდე როგორ

ჩამოაღწია? მანქანაში ჩვენთან ერთად არ მჯდარა. გამახსენდა - ველოსიპედით. აქვე გდია, ლერწმებთან, საჭეამოტრიალებული და თითქოს იმას წინასწარმეტყველებს, რაც ახლა უნდა მოხდეს. მისტერ გრეისმა ბოთლი მუხლებში მოიქცია და ერთხელაც დაეჯაჯგურა. ყურის ბიბილოები ნითლად აუვარვარდა. ჩემს ზურგს უკან, სუფრის კუთხეში როუზი ზის, სამაჯურიან მკლავს ეყრდნობა, ლოყა მხარზე ჩამოუდვია, ფეხები მუხლებში მოუკეცავს და მართალია, რალაც უშნოდ კი ჩამომჯდარა, მაგრამ არც იმდენად. მესმის, როგორ დაშლივინებს მაილზი ლერწმიანში. უცებ საცობმა იბუთქა და მოულოდნელობისაგან ყველანი ადგილზევე შევხტით.

საგზაღს შევექცეოდით. მაილზი ვითომ რალაც გარეულ მხეცს ასახიერებდა: გამოხტებოდა ხოლმე ლერწმებიდან, სუფრიდან რამეს დაითრევდა და აჭიხვინებულ-აქოშინებული ისევ უკანვე ბრუნდებოდა. მისტერ და მისის გრეისებმა ერთი ბოთლი ღვინო სწრაფადვე გამოწრუპეს და ცოტა ხანში კაცს მეორის გახსნაც მოუწია - ამჯერად ნაკლები წვალეების ფასად. როუზმა თქვა, არ მშიაო, მაგრამ მისის გრეისი შეუწყრა - ნუ სულელობ რალაცას, რამე მაინც უნდა გადაილოო, და გაღრეჭილმა მისტერ გრეისმა, რატომღაც, მაშინვე ბანანი შესთავაზა. ზღვაური უბერავდა, ცაზე ერთი ფთილა ღრუბელიც კი არსად ჩანდა. წელში მოხრილი ფიჭვი თავზე დაგვხენეშოდა, წინგების სურნელებას გაეჟღინთა იქაურობა და კიდევ - ბალახის, მოშიშინე ლერწმებისა და ზღვის მარილის სუნს. როუზი გაბუსუნებული იჯდა, მე მგონი იმიტომ, მისის გრეისმა რომ დაუცაცხანა, მისმა ქმარმა კი ის სულელური ბანანი გაუნოდა. ქლოი დიდი გულმოდგინებით ინვალებდა მკლავზე იმ ადგილს, სადაც წინა დღით ეკალი შესობოდა. მეც დავიხედე კოჭზე, ლერწმით გაჭრილი შევითვალეიერე. მოვარ-

დისფრო, ავი კვალი შემრჩენოდა მოთეთრო კანზე. სისხლი არ მდიოდა, თუმცა ლიმფას კი ბლომად გამოეყოფოდა. მისტერ გრეისი ერთიანად მოღვენილიყო თავის გასაშლელ სკამზე, ფეხი ფეხზე გადაედო, სიგარეტს აბოლებდა და ის სასაცილო ქუდი ახლა თვალებზე ჩამოეფხატა.

უცებ რაღაც მსუბუქად მომხვდა ლოყაზე: ქლოის თავისი ჭრილობების წვალება მობეზრებოდა და პურის დასორსოლებული ნამცეცების სროლით ერთობოდა. გავხედე, იმანაც არაფრისმთქმელი მზერა მომაგება და კიდევ ერთხელ გაიმეორა იგივე, ოღონდ ამჯერად ამაცვილა. ბალახში ჩავარდნილ პურის ბურთულას დავნვდი და ვესროლე, მაგრამ მეც ავაცილე. მისის გრეისი ზარმაცად გვადევნებდა თვალს, ზუსტად ჩემ პირდაპირ, მხარ-თეძოზე განოლილი, თავქვეშ ხელამოდებული. ღვინის ჭიქა ბალახში ჩაედგა და ირიბად დახრილ, თიბთიბა ძუძუზე მიეყრდნო. ბევრჯერ მიფიქრია, ნუთუ არ უჭირს ამ ორი ვეება ჯიქნის ტარება-მეთქი... თითის წვერი გაიტლიკა და ჭიქის პირს მოატარა – ალბათ სურდა, ხმა გამოეცემინებინა, მაგრამ არაფერი გამოუვიდა. ქლოიმ პურის პანია ლუკმა პირში ჩაიდო, ნერწყვით დააღბო, გამოიღო, თითებში მოსრისა, მოამრგვალა, უნდოდ დამიმიზნა და მესროლა. ამ ჯერზე საერთოდ ვერც მოანვდინა ჩემამდე. „ქლოი!“ – უნდილად შეუნყრა დედა, თუმცა ქლოის ყურადღება არ მიუქცევია. მე გამიღიმა – თავისებურად, ეშმაკურად, ზარმაცი კატასავით. დიდი გულბოროტი გოგო კი იყო ჩემი ქლოი. მახსოვს, მთელი დღე კალიებს მაჭერინებდა ხოლმე, მერე ფეხებს აგლეჯდა – გასაქცევს უსპობდა, საცოდავად მოფართხალებს, თუნუქის ქილაში ყრიდა, ნავთს ასხამდა და ცოცხლად წვავდა. მონუსხულივით მიაჩერდებოდა ხოლმე ამ უბედური არსებების ტანჯვა-ნამებას, საკუთარ წვენში რომ იხრაკებოდნენ...

უკვე ახალ ბურთს ამზადებდა. „ქლოი, უკვე ზედმეტი მოგდის!“ – ამოიოხრა მისის გრეისმა. იმას კიდევე, ეტყობა, უცებვე მობეზრდა ეს გართობა, პური გადმოაფურთხა, ნამცეცები ჩამოიფურთხა, წამოდგა და ფიჭვის ჩრდილისაკენ გაემართა ფეხათრევიტ.

ვითომ დაიჭირა ჩემი მზერა კონი გრეისმა? ვითომ მართლა თანამზრახველივით მილიმოდა? ერთხელაც ამოიოხრა მძიმედ, ზურგზე გადაბრუნდა, თავი უკან გადააგდო, ცალი ფეხი მოხარა და მაშინ უკვე ნება მომეცა, მისი ქვედაკაბის ქვეშაც მეხილა დასანახი – მისი ბარძაყის შიდა მხარე, მთელ გაყოლებაზე, საზარდულამდე და თეთრ, მჭიდრო ქსოვილში შემალულ მომცრო ბორცვამდე. მაშინ იყო სწორედ, ყველაფერი რომ ერთბაშად შენელდა: დაცლილი ჭიქა გულნასული ქალივით გადაპირქვევდა და შიგ ჩარჩენილი უკანასკნელი წვეთი ზანტად დაიძრა ტუჩისკენ, ზედ დაეკიდა, მონყდა... თვალს ვერ ვაშორებდი, შუბლი გამიხურდა და ხელისგულები დამეცვარა. ქუდჩამოფხატული მისტერ გრეისი, მგონი, ულვაშებში იღიმებოდა, მაგრამ მე უკვე არას დაგიდევდით. მისი ტანსრული მეუღლე, ამ დროისთვის კიდევე უფრო გაფაშფაშებული, ვის ფეხებთანაც შიშისაგან ერთიანად მოვკუნტულიყავი, გაინვართა, კიდევე უფრო მალლა ასნია მუხლი და სამზეოზე გამოიტანა ხორციანი ბარძაყის ნაკეცები – სწორედ ის ადგილი, საიდანაც უკანალი ენწყებოდა. საფეთქლებში აბაგუნებულმა დოლებმა დღის შუქი დამიბნელა, გაჭრილი კოჭი მტკივნეულად მითრთოდა. საიდანღაც, ლერწმიანი სიშორიდან, წვრილი, გამყინავი ხმა მოისმა, ძველთაძველი სალამურის ბგერასავით გაკვეთა მოსარკული ჰაერი და ფიჭვექვეშ მჯდომმა ქლოიმაც წარბი შეიჭმუხნა; მერე, თითქოს მხოლოდ მისთვის გასაგებ ბრძანებას ემორჩილებო, დაიხარა, ბალახი

მოგლიჯა, პირთან მიიტანა და შეტყუებული ხელისგულების ნიჟარიდან საპასუხო ბგერა ამოუშვა.

ერთი თუ ორი უსასრულოდ გაჭიმული წუთის შემდეგ ამ ჩემმა განვართულმა მახამ ფეხი ჩამოუშვა, ისევ გვერდზე გადაბრუნდა და მართლა გამაოგნებელი სისწრაფით მიეცა ძილს – წამსვე გავიგონე, როგორ მშვიდად ფშვინავდა, თითქოს პატარა, სუსტი ძრავა ამოდ ცდილობს ამუშავებასო. მეც წამოვდექი ფრთხილად – თუნდაც უმცირესი მოუზომავი მოძრაობით რაღაც მყიფე და ძვირფასი რომ არ დამეზიანებინა საკუთარ არსებაში. მაშინვე ვიგრძენი გამოცარიელების მომწარო გემო. წელანდელი მღელვარება სადღაც გამქრალიყო, უკვალოდ. უბრალოდ, ახლა ოფლი მასხამდა ქუთუთოებსა და ზედა ტუჩზე, მოკლე შარვლის წელთან კი დანამული ხორცი მიხურდა და მენვოდა. გაოგნებული ვიდექი, უცნაური წყენა მომეძალა, ვითომ მისი კი არა, ჩემი სხეულის იდუმალი ადგილები ეთვალეირებინოს ვინმეს ასე უტიფრად. არადა, ხომ ჩემი თვალით ვიხილე ღმერთქალის გამოცხადება! თუმცა, ეჭვი არაა, ღვთაებრიობის ეს გაელვება დამამცირებლად ხანმოკლე გამოდგა. ჩემმა ხარბმა თვალმა მისის გრეისი ქალიდან ჯერ ხილვად აქცია და მერე, წამსვე – ისევ ჩვეულებრივ მდებრად. თავიდან ის, უბრალოდ, კონი გრეისი იყო – საკუთარი ქმრის მეუღლე, საკუთარი შვილების დედა, თვალის ერთ დახამხამებაში კი უიმედო თაყვანისცემის საგანი გახდა, პიროვნულობანაშლილი კერპი, უძველესი და პირველყოფილი, ჩემი სურვილის ძალით გაჩენილ-განსხეულებული. მერე კი ისევ მოირღვა რაღაც, მეც ზიზლისა და სირცხვილის გორგალი მომანვა ყელში, ოღონდ ჩემ გამო, ჩემი საქციელის გამო კი არ მცხებენოდა, არამედ – გაუაზრებლად, თავად ქალის მიზეზით; და ეს არა იმიტომ, რომ რაღაც უგვანი ჩაედინა, არამედ იმის გამო, რაც იყო, როგო-

რიც იყო, როცა დაგუდული ხენეშით გვერდზე გადაბრუნდა და
ქილს მისცა თავი - უკვე არა მაცდუნებელმა დემონმა, არამედ
წიკვდავმა, ჩვეულებრივმა, უბრალოდ, ქალმა.

მაგრამ, მთელი ჩემი განბილების მიუხედავად, სწორედ
ჩიკვდავი და არა ღვთაებრივი მიდგას ჯერაც თვალწინ, ბადა-
;გვით მბზინავი იმ სხვა, სამარადისოდ გარდასულ აჩრდილთა
შორის. საკუთარი თავის ავატარად შემორჩა ჩემს მახსოვრო-
ბას. რომელი იყო უფრო ნამდვილი - ჩემი მოგონებების ბა-
ლახიან მდებლოზე ნამონოლილი ეს ქალი თუ ერთი ბლუჯა
მისი მტვერი, ან გამომშრალი ძვლები, რაც, ვინ იცის, საერ-
თოდ შეინახა კია მინამ? ცხადია, რომ სადღაც ვილაცისთვის
ის კვლავაც ცოცხლობს, კვლავაც მიდი-მოდის მახსოვრობის
ცივილის ფიგურათა მუზეუმში, მაგრამ იმათი მოგონებანი ერ-
თმანეთისაგანაც განსხვავებული იქნება და ჩემი მოგონებე-
ბისგანაც. ან რაში გვარგია სხვათა სულისა თუ ფიქრის გან-
ჩხრეკა - ესეც ამოვებაა, და არც უკვდავებაზე ლაპარაკში
ყრია რამე. გარდაცვლილებს მხოლოდ მანამდე დავატარებთ
თან, სანამ თავადაც არ ამოგვხდება სული, მერე კი ცოტა
ხანს უკვე ჩვენ ვრჩებით ვილაცის ხსოვნაში და ასე გრძელდე-
ბა უსასრულოდ, თაობიდან თაობაში. მე ანა მახსოვს, ჩვენს
ქალიშვილ კლერს ანაც დაამახსოვრდება და მეც, მერე კლე-
რიც გაქრება და ვილაცები მას მოიგონებენ, ოღონდ ჩვენ უკვე
- აღარ და აი, მაშინ საბოლოოდ გავითქვიფებით არარაში.
მართალია, რალაც სახით კიდევ შემოვრჩებით ამ ქვეყანას -
გახუნებულ ფოტოდ, თმის კულულად, თითის ანაბეჭდად, მო-
რიალე ატომებად იმ ოთახში, სადაც უკანასკნელად ამოვი-
სუნთქავთ, თუმცა ეს არ იქნება ჩვენი მთავარი მე, ანუ ის,
ვინც ვართ, რანიც ვიყავით. დარჩება მხოლოდ ბლუჯა მტვერი
და სხვა არაფერი.

ბავშვობაში რელიგიურიც კი მეთქმოდა: არა, თავგადაკ-
ლული მორწმუნე არასოდეს ვყოფილვარ – უბრალოდ, უფალს
ვალთარებდი. ჩემი ღმერთი იაჰვე იყო, სამყაროთა დამამხობე-
ლი და არა კეთილი იესო, გამგები და მიმტევებელი. უფალი
ჩემთვის მაინც მუქარას განასახიერებდა და მეც შიშითა და
მისი მარადი თანამდევის – დანაშაულის განცდით ვიყავი შეპ-
ყრობილი. რაც შეეხება დანაშაულის განცდას, მაშინ ამაში
მართლაც არ მყავდა ბადალი და საქმე-საქმეზე თუ მიდგა,
არც ახლა, სიბერემიტანებული, დავუდებ ვინმეს ტოლს. პირ-
ველი ზიარების, უფრო სწორად, მისი წინამორბედი პირველი
აღსარების დროს ჩვენთან, სამონასტრო სკოლაში, ზედიზედ
რამდენიმე დღე დაიარებოდა მავანი მღვდელი, ახლად წამო-
ჩიტული ყვინჩილები ქრისტიანული სწავლების ანაბანაში რომ
გავერკვიეთ. ხმელ-ხმელი, ფერმკრთალი, ნამდვილი ფანატი-
კოსი გახლდათ, ტუჩის კუთხეებში მუდმივად ნერწყვი უგროვ-
დებოდა ხოლმე. განსაკუთრებით მკაფიოდ მახსოვს, მაისის
ერთ მზიან დილას როგორი თავდავიწყებით გვიხსნიდა ფა-
რულად ჭვრეტის ცოდვის მთელ საშინელებას. დიახ, სწორედ
ამაზე გველაპარაკებოდა. მანამდე ცოდვის ათასნაირ სახეო-
ბებშიც გაგვარკვია: ნებსითსა თუ უნებლიეში, მომაკვდინე-
ბელსა თუ მისატყვებელში, შვიდ უმძიმესსა და კიდევ მრავალ
სხვა საზარელ შეცოდებებში, რასაცაო – როგორც თავად ამ-
ბობდა – მხოლოდ არქიეპისკოპოსი თუ შეგინდობთო. და, აი,
უცებ სრულიად ახლებური ცოდვაც ამოტივტივდა: პასიური.
ნუთუ ფიქრობთ, – დამცინავად კითხულობდა ძმა ფომფლეკი,
გამალებული რომ მიდი-მოდიოდა კარსა და ფანჯარას შო-
რის, ანაფორა უფრიალებდა და ვინრო, შემელოტებულ შუბ-
ლზე ვარსკვლავად უციმციმებდა მზის შუქი, თითქოს თავად
ღვთიური მადლის ანარეკლი, – *ნუთუ ფიქრობთ, რომ ცოდვა*

უცილობლად რაიმეს ჩადენას გულისხმობს? უინით, შური
თუ სიძულვილით ცქერაც თავად უინი, შური და სიძულვილია!
ალუსრულებელი უგვანი სურვილი სულს ისეთივე დაღს
ასვამს, გინდაც უგვანი საქციელი ჩაგედინოთ... განა თავად
უფალმა, - აყვირდა უცებ, - თავის სამწყსოს არ ჩააგონა,
რომ როცა კაცი უინით უცქერს ქალს, ის უკვე სცოდავს და
მრუშობს?! ნელ-ნელა ისე შევიდა ეშხში, საერთოდ გადავა-
ვინყდით, ჩვენ კი თავგებივით გასუსულები ვისხედით და ში-
შით სულგაპარულები, თვალეზდაყვლეპილნი, მივჩერებოდით.
მართალია, ვერც მე და ვერც ჩემმა თანაკლასელებმა ბევრი
ვერაფერი გამოვიტანეთ ამ ნაუბრიდან, მაგრამ იმას მაინც
ჩავხვდი - იქნებ ჩემებურად - რომ შვიდი წლის ასაკშიც კი უკ-
ვე კარგად გამოჯეკილი ვყოფილვარ, რაკი ჩუმ-ჩუმად თვალ-
თვალის მეხერხებოდა და აკრძალული ხილის ცქერითაც მრავალჯერ
მქონდა გული ნაჯერები... იქნებ ამიტომაც, ახლა,
როცა ბოლომდე მოვიხილე მისის გრეისის ბარძაყთა მოვერ-
ცხლისფრო იდუმალება, მისი საცვლის სითეთრე და თავ-
ბრუდამხვევი ბორცვის მოხაზულობაც, სრულიად ბუნებრივი
იყო, წამსვე შიში დამუფლებოდა, ვაითუ თვალეზდა
ქცეულს მეც მითვალთვალეზ ვინმე-მეთქი! ლერწმინანიდან გამოსული
მაილზი როუზის თვალთვალის იყო დაკავებული. ქლოი ჯე-
რაც ფიჭვის ქვეშ ოცნებობდა რალაც სათავისოს. აი, მისტერ
გრეისს კი თავისუფლად შეეძლო, მთელი ამ ხნის განმავლო-
ბაში შუბლზე ჩამოფხატული ქუდის ქვემოდან ეცქირა ჩემ-
თვის. თუმცა ისე იჯდა, გეგონებოდა, ირგვლივ ვერავის და
ვერაფერს ამჩნევსო - ნიკაპი მკერდზე ჩამოედო, გაღელილი
პერანგიდან ბანჯგვლიანი მუცელი მოუჩანდა, შიშველი ფეხი
ფეხზე გადაედო და მისი ბარძაყის შიდა მხარესაც მთელ სიგ-
რძეზე ვხედავდი, ხაკის შორტების იმ გამობერილ ადგილამ-

დე, სადაც მისი ვეება კაკლები ამობურცულიყო. მთელი ეს გრძელი დღე, ვიდრე ფიჭვი ჯიუტად ჩამუქებულ, მოიისფრო ჩრდილს აფენდა ბალახზე, დასაკეცი სკამიდან მხოლოდ რამდენჯერმე წამოდგა – ჯერ ცოლს შეუესო ჭიქა, მერე თავისთვის დაითრია რალაც საცმეცნავი. ახლაც თვალწინ მიდგას, როგორ ჩაუბლუჯავს ლორიანი სენდვიჩი თითებში და როგორ იტენის წვერში გაჩენილ, ნითლად დაღებულ ხვრელში.

მაშინ იმ ასაკში ვიყავით, ყველა უფროსი უცნაური გეგონა, ცოტა დარტყმულიც კი, მაგრამ კარლო გრეისთან მაინც მეტი სიფრთხილე გემართებდა: უცებ წამოუვლიდა ხოლმე რალაც. უცებ ეცვლებოდა გუნება-განწყობა. გეგონა, ზის თავისთვის, გაზეთს კითხულობსო და წამში შორიახლოს ჩავლილ ქლოის სტაცებდა ხელს, შხამიანი გველის სისხარტით ყურს აუნევედა, ან მთელ ბლუჯა თმას მოქაჩავდა მწარედ, გააფთრებით, თან სიტყვასაც კი არ ეტყოდა – ის კი არა, თითქოს გაზეთსაც არ ამორებდა თვალს, თითქოს მისი ხელი თავისით, მისგან დამოუკიდებლად არსებობდა და მოქმედებდა. ზოგჯერ შუა ლაპარაკში გაშტერდებოდა ხოლმე, გაქვავდებოდა, ანეული ხელი ჰაერში გაუშვებოდა, აზრდაკარგული თვალებით მიაჩერდებოდა რალაცას, თითქოს სასიკვდილო საფრთხე იგრძნო ან მხოლოდ მისი ყურისათვის გასაგონი განგაშის ნიშანი მოესმაო; მერე იქვე ისევ ვილაცას სტაცებდა ხელს და კბილებდაკრეჭილი, მხიარულად ხვიხვინებდა. შეეძლო სანახევროდ შეშლილ ფოსტალიონთან დიდი მონდომებით ესაუბრა ამინდის ცვლილებასა თუ მოახლოებული საფეხბურთო მატჩის სავარაუდო შედეგზე. ისე მონდომებით უქნევედა თავს, ისეთი გულისყურით უსმენდა, თითქოს უდიდეს სიბრძნეს ანდობენო, და როცა საცოდავი, შტერი ბიჭი თავის გზას დაადგებოდა სტვენა-სტვენით, კარლო გრეისი ჩვენკენ შემოტრიალდებო-

და, თვალებს დააელმებდა, საფეთქელთან საჩვენებელ თითს დაიტრიალებდა და უხმო სიცილით ათახთახდებოდა ხოლმე. ერთი შეხედვით, მთელი ჩემი ყურადღება ვითომ სხვებისაკენ იყო მიპყრობილი, მაგრამ ახლა მგონია, პირველმა სწორედ კარლომ მაფიქრებინა, ღმერთების საუფლოში მოვხვედრილ-ვარ-მეთქი. მთელი მისი გონებადაფანტულობისა და მხიარული უდარდელობის მიუხედავად, სწორედ ის გვმართავდა თავისებურად ყველას – ეს დამცინავი ლეთაება, ჩვენი საერთო ზაფხულის პოსეიდონი, რომლის ნიშანზეც ეს პატარა სამყარო მორჩილად ინარჩუნებდა დადგენილ წესსა და რიგს.

მახსოვს, როგორ გაინელა ის დღე, მთელი თავისი განცდა-სადარდებლებით. სანამ მისის გრეისს მშვიდად ეძინა ბალახში, დანარჩენებსაც დამბანგავი მოთენთილობა მოგვეძალა, ძილ-ბურანის უხილავ ბადეში გამოგვახვია, როგორც ხდება ხოლმე, როცა ჯგუფს ერთ-ერთი წევრი გამოაკლდება და ძილს ამჯობინებს. მაილზი ჩემ გვერდით განოლილიყო პირქვე, თუმცა მე არ მიცქერდა, ჯერაც სუფრის კუთხეში მჯდომი როუზისთვის მიეპყრო თვალი, ის კი ბიჭის დაჟინებულ მზერას ამჯერადაც ვერ ამჩნევდა. ქლოი კვლავ ფიჭვის ჩრდილში იდგა, ხელში რალაც ეჭირა, თავი უკან გადაეგდო და დიდი გაფაციცებით მისჩერებოდა ჩიტს თუ ცის ფონზე უცნაურ ცხაურად შეკრულ ტოტებს და ზღვიდან ნელი-ნელ დაძრულ თეთრ ქულა-ლრუბლებს. ღრმა საფიქრალში ჩაძირულიც კი, ერთიანად დამუხტული ჩანდა, წარმოუდგენლად ცოცხალი. ხელში – ნეტავ თუ სწორად მახსოვს? – გირჩა ეჭირა და თვალმოჭუტული ტოტებს შორის გამოღწეულ სხივებს არ ეპუებოდა. უეცრად სწორედ ის იქცა მთელი ამ იდილიის ღერძად, ვის გარშემოც ბრუნავდა და ტრიალებდა ყველაფერი: სრულიად მოულოდნელად შუქიცა და ჩრდილიც თითქოს მის ნებას აჰყვა და დაემორჩილა

- ბალახზე გაშლილი თეთრი სუფრაც, გვერდზე გადახრილი ლურჯ-მწვანე ფიჭვიც, აშიშინებული ლერწმინაცა და თვით ის პანია ქულა-ღრუბლებიც, თითქოს უძრავად დარჩენას რომ ლამობდნენ მალლა, უსასრულო ლაუფარდში. მისის გრეისისკენ გამექცა თვალი. არა, გამექცა კი არა, შეგნებულად გავხედე, ლამის ამრეზით. წამში ჩემთვის ის, უბრალოდ, დიდ, ყავლგასულ, უსიცოცხლო სხეულად იქცა, მავანი ღმერთქალის დამხობილ კერპად, ვისაც უკვე ტომი აღარ ეთაყვანება, მოუსვრია კიდეც და ახლა სოფლელი ბიჭების შურდულების, ისრებისა თუ კენჭების სამიზნე გამხდარა.

უეცრად, თითქოსდა ჩემი ცივი მზერის სუსხი იგრძნოო, თვალეები დააჭყიტა, წამოჯდა და წამძინარევემა დაბნეულად მიმოიხედა. თითქოს გაუკვირდა, ლვინის ჭიქა ცარიელი რომ დახვდა. ერთი წვეთი თეთრ სამოსზე დასცემოდა და მოვარდისფრო ლაქა დაეტოვებინა. თითი გაუსვა, უკმაყოფილოდ გაანკლაპუნა ენა. მერე ერთხელაც შეგვათვალაიერა ყველა, ჩაახველა და ხმამალა გამოაცხადა, ახლა დაჭერობანას დროაო. ყველანი მივაჩერდით, მისტერ გრეისიც კი. „არავის დევნას მე არ ვაპირებ!“ - გამოსძახა ფიჭვის ჩრდილიდან ქლოიმ, თან ჩაიციხა თუ გაკვირვებულმა ჩაიხითხითა და როცა დედამ უსაყვედურა, გეყოფა ამდენი ჭირვეულობაო, მამის სკამს მიუახლოვდა, მისტერ გრეისს მხარზე ჩამოადო ხელი და დედას თვალეებმონკურულმა გახედა. მამამ ხელი შემოხვია, აიტატა, ბანჯგვლიან მკერდზე მიიკრა. მისის გრეისი ახლა მე მომიბრუნდა: შენ ხომ ითამაშებ? - მკითხა, - და როუზიც...

ის თამაში ცოცხალი სურათების მონაცვლეობადლა მახსოვს, სწრაფი, ფერადოვანი მოძრაობების წამიერ გაელვებებად: აი, როუზი წელამდე ლერწმინას მიარღვევს, წითელი პერანგი აცვია, თავი მალლა უჭირავს და შავი თმა უფრიალებს;

ინდიელივით შუბლზე ლერწმის წვეწვანთხიანილი მაილზი გამ-
ნარებული ცდილობს, ხელიდან დამისხლტეს, მესმის კიდეც,
როგორ ხრამუნებს მისი მხრის სახსარი ფოსოში; როუზი ისევ
მიქრის, ამჯერად – გამკვრივებულ ქვიშაზე, უკან მისის გრეი-
სი მისდევს, სიცილით, და სადაცაა, დაიჭერს, ეს ორი ფეხ-
შიშველი მენადა ნამით ფიჭვის ჩრდილის ჩარჩოში შერბის;
უფრო იქით მუქ-ვერცხლისფრად ბზინავს სრუტე და ლურ-
ჯად კამკამებს ცისკიდური. ახლა უკვე მისის გრეისი მოჩანს
ლერწმიანში, სპრინტერივით ცალ მუხლზე დამდგარი, თით-
ქოს ნიშანს ელოდება, ადგილიდან რომ მოწყდეს, ამ დროს
კი მეც ვენევი, მაგრამ ყველა წესისა და კანონის მიუხედა-
ვად, ის აღარ გარბის, თავისკენ მიხმობს და გვერდით ჩა-
მოჯდომას მთხოვს. მერე ხელს მხვევს, თავისკენ მიზიდავს...
მისი მკერდის სისავსეს ვგრძნობ, იმის გულისცემას, მომყავო,
რძე-ძმრიან სუნს. ჩუო, მეუბნება და თითს ტუჩებზე მადებს.
სიცილის შეკავებას ცდილობს, ერთიანად თრთის. ზრდასრულ
ქალთან ასე ახლოს არასდროს ვყოფილვარ მას მერე, რაც
დედა ხელით დამატარებდა, მაგრამ ახლა, რაიმე სურვილისა
თუ ჟინის ნაცვლად, მხოლოდ შიში და გაურკვეველი ბრაზი
მიპყრობს. როუზი, ასე უცნაურად ჩახვეულებს რომ გვპოუ-
ლობს, შუბლს იჭმუხნის. მისის გრეისი გოგოს მაჯაში ავლებს
ხელს, თითქოს წამოდგომა სურს და საყრდენს დაეძებსო,
მაგრამ სინამდვილეში იმასაც ქვევით, ჩვენკენ ექაჩება. ახლა
უკვე აქოშინებულები და გულამოვარდნილები, ერთმანეთში
ვირევი, ვიხლართებით – ვერ გაიგებ, სად ვისი მკლავია და
ფეხი, ზღვის ვარსკვლავივით გავთხლამულვართ დაბეკნილ
შაბზნარზე. სწრაფად ვდგები – ვშიშობ, მისის გრეისმა, უკვე
ჩემი ჩავლილი ტრფობის საგანმა, ისევ არ მოინდომოს თავისი
სამშვენიისების გამომზეურება. თვითონ თვალს იჩრდილავს,

ამომცქერის და იდუმალი, მკაცრი, სუსხიანი ღიმილით მიღიმის. როუზიც წამომხტარა, პერანგს ისწორებს, გაბრაზებული ბურტყუნებს რალაცას, ჩემთვის გაუგებარს, და უკანმოუხედავად, საჩქაროდ გვეცლება. მისის გრეისი მხრებს იჩეჩს, ეჭვიანობსო, მეუბნება და მერე მთხოვს, სიგარეტი მომიტანეო. თურმე ნუ იტყვი, სიგიჟემდე მონდომებია გაბოლება.

როცა მდელიოზე, ფიჭვის ქვეშ დავბრუნდით, იქ არც ქლოი დავგვხვდა და არც მამამისი. სუფრაზე გაბნეული საგზლის ნარჩენები იდუმალი რუნებივით მოჩანდა და თითქოს ჩვენგან ამოკითხვას ითხოვდა, საგანგებოდ დატოვებული გზავნილივით. „აი ეს მომწონს! – ნყენით ჩაილაპარაკა მისის გრეისმა. – ჩვენ უნდა ავალაგოთ?!“ ლერწმიანიდან კიდევ ერთხელ გამოჩნდა მაილზი. ჩაიმუხლა, ბალახის ლერო მოგლიჯა, შეტყუებულ ხელისგულებს ერთხელაც გამოაცემინა ძველებური სალამურის ხმა და ჩუმად, დაძაბული, თაბაშირის ფავნივით გაქვავებული დაელოდა პასუხს. ჩალისფერ თმაზე მზე დასთამაშებდა. წამში მართლა მოისმა ქლოის საპასუხო გამოძახილი – კამკამა, წვრილი სტვენა, ნემსივით რომ გაფხაჭნა ზაფხულის უკვე მწუხრისკენ გადახრილი დღე.

რაც შეეხება ფარულად ჭვრეტას, ამასთან დაკავშირებით უნდა ვახსენო ის ხანგრძლივი, პირქუში დათვალიერება, ამ დილით სააბაზანოს სარკეში საკუთარ თავს რომ მოვუწყეებოლო დროს, ჩვეულებრივ, სარკესთან აუცილებელზე მეტხანს არასოდეს ვჩერდები; არადა, იყო დრო, როცა საკუთარი ანარეკლის ცქერა სიამოვნებასაც კი მანიჭებდა, ოღონდ ეს ამბავი კარგა ხნის წინ ჩაბარდა წარსულს. ახლა, მსუბუქად რომ ვთქვათ, მაფრთხობს კიდევ სარკის ჩარჩოში მომ-

წყვედული გამოსახულება, რაკი სულაც აღარ ჰგავს იმას, ვის დანახვასაც ველოდები. თითქოს საკუთარი თავის კარიკატურამ მუჯღუგუნით გამწია გვერდზე და ჩემი ადგილი ვილაც თმააჩეჩილმა, მორუხო-მონითალო, საპელოუინო ნილაბმორგებულმა უცნობმა დაიკავა, რალაციით რომ მახსენებს ჩემსავე გარეგნობას, რომელსაც ვიუტად არ ვივინყებ. ზოგადად, სარკეებთან დაკავშირებით, ერთი პრობლემა მაქვს - უფრო სწორად, რამდენიმე, ოლონდ, მეტნილად, მეტაფიზიკური ბუნებისა; ის ერთი კი, რომელიც ახლა ვახსენე, მთლიანად პრაქტიკული ხასიათისაა. ჩემი არასტანდარტული და უაზრო ზომების გამო, ჩემთვის ტუალეტის სარკეები მუდამ დაბლა კიდია ხოლმე, ამიტომაც იძულებული ვხდები, გვარიანად მოვიხარო წელში, სახე მთლიანად რომ დავინახო. მოკლედ, როცა ასე ნახრილი, გაოცებული და დაბნეული (რითაც ბოლო დროს გამოვიჩინევი), პირდაღებული და გაკვირებისაგან წარბებაპრეხილი მივაჩერდები საკუთარ თავს, ისეთი გრძობა მეუფლება, თითქოს ვილაც ჩამოხრჩობილს შევცქეროდე.

აქ რომ გადმოვბარგდი, ერთი პირობა ისიც კი ვიფიქრე, წვერს მოვუშვებ-მეთქი - უფრო სიზარმაცის, ვიდრე რაიმე სხვა მიზეზის გამო - მაგრამ სამი-ოთხი დღის ჯაგარი ისეთი უცნაური ჟანგისფერი გამოდგა, თავზე ამოსული თმისაგან სრულიად განსხვავებული (ახლალა ვხვდები, კლერს ულალი თმა ვისგან გამოჰყვა), განზრახვაზე მაშინვე ავიღე ხელი. ამ ჩხვლეტია, ქლიბის პირივით წვერისა და ჩანითლებული თვლების გადამკიდე, მართლა კომიქსების ბოროტმოქმედს დავემსგავსე - საშიშ ბოროტმოქმედს, რომელიც ჯერ იქნებ არც ჩამოუხრჩვიათ, მაგრამ სიკვდილმისჯილთა საკანში კი ელოდება განაჩენის აღსრულებას. საფეთქლებზე, სადაც ჭალარა გვარიანად შემითხელდა, მოყავისფრო ლაქები გამიჩნდა - არ ვიცი, ნაგვიანევი

ჭორფლი დავარქვა თუ ლეიძლის ჯანყის გამოვლინება. ალბათ უფრო მეორე, და ეჭვიც არ მეპარება, დღეს-ხვალ ნებისმიერი ამათგანი შეიძლება შარად მექცეს, რომელიმე ატიპური უჯრედის წყალობით. ისიც შევამჩნიე, როგორ მომიმარავლდა მოვარდისფრო ფერიჭამიები. შუბლზე კანი ერთიანად წითლად მაქვს დანიწკლული, ნესტოებთანაც საზიზღრად დამაყარა და ლოყებზეც მომეძალა არაბუნებრივი სინითლე. ჩემი საყვარელი და მრავალნაცადი, ლონდონში ედამ და ჩარლზ ბლექების მიერ დასტამბული, უილიამ თომსონისეული სამედიცინო ცნობარი, სადაც 441 შავ-თეთრი, უფრო სწორად, რუხზე რუხი ილუსტრაცია და გულისგამხეთქი ოთხი ფერადი ჩანართია, მკაცრი შეუვალობით მამცნობს, რომ ეს ფერიჭამიები დიდად უსიამო ავადობის მომასწავებელია, რაც სახისა და შუბლის ანთებითი არეების ქრონიკული კონგესტიით გამოიხატება და წითელი პაპულების გაჩენას იწვევს; ამის შედეგად წარმოქმნილი ერთემა – ასე უწოდებენ ეჭიმები კანის სინითლეს – ხან იკლებს, ხან იმატებს, მაგრამ, საბოლოოდ, მაინც მუდმივი ხდება. როგორც იგივე გულწრფელი დასტაქარ-ლექსიკოგრაფი გვაფრთხილებს, მას თან სდევს საცრემლე ჯირკვლების მნიშვნელოვანი გამსხვილება და ცხვირის გამსხვილება, ანუ რინოფიმა, ე.წ. „ლოთის ცხვირის“ გაჩენა. სხვათა შორის, სიტყვა „გამსხვილების“ გამოორება იშვიათი ზადია პროფესორ თომსონის, ჩვეულებრივ, კეთილხმოვანი, არქაული სტილისათვის. ერთი უნდა გავარკვიო, კერძო პრაქტიკა თუ აქვს. ალბათ გადასარევი სანახავი იქნება მომაკვდავის სანოლთან ნახრილი. დაამშვიდებს, ანუგეშებს. რამე რომ იყოს, განყენებულ თემებზეც გაესაუბრება. ეს მედიკოსები არც მთლად ისეთი ყუმი ხალხია, როგორც ამბობენ. თუნდაც, აი, ის როჟე, კიდევ ერთი ცნობილი სინონიმების ლექსიკონის ავტორი. ამავე დროს მნიშ-

ვნელოვან კვლევებს აწარმოებდა ჭლეჩისა და საანესთეზიო აირების დარგში და ეჭვი არაა, შიგადაშიგ ერთი-ორ ავადმყოფსაც მოარჩენდა. ოლონდ, ეგ იქით იყოს და, „ლოთის ცხვირი“ მაინც დიდი ვერაფერი საოცნებოა...

როცა სარკეში ასე ვათვალიერებ ხოლმე საკუთარ სახეს, ბუნებრივია, ბონარი მახსენდება – ლე-ბოსკეში, სააბაზანოს სარკის წინ, ავტოპორტრეტისთვის გაკეთებული მისი ბოლო ჩანახატები. ისინი ომის მიწურულს, ცოლის გარდაცვალების მერე გააკეთა (კრიტიკოსები, რატომღაც, ამ ჩანახატებს დაუნდობელს უწოდებენ, თუმცა არ მესმის, რატომ უნდა დაენდო თავი). სინამდვილეში ეს ანარეკლი, ახლალა მივხვდი, ყველაზე მეტად მაინც ვან-გოგის ავტოპორტრეტს მაგონებს – არა იმას, ცნობილს, თავშეხვეული და ჩიბუხიანი რომაა გამოსახული, არამედ უფრო ადრეულს, 1887 წელს, პარიზში დახატულს, სადაც თავშიშველია, მაღალ საყელოზე პროვანსული ლურჯი ყელსახვევი უკეთია, ორივე ყური ადგილზე აქვს და ისე იცქირება, თითქოს ეს-ესაა, უნამებიათო; შუბლი შეჭმუხვნია და ნაშიმშილარივით ჩასცვენია ლოყები; ჩარჩოდან გვერდულად, მოღლილი თვალებით იმზირება, გაფაციცებული და გაბრაზებული, რალაც უარესის სრულიად საფუძვლიანად მომლოდინე.

ამ დილით ყველაზე მეტად თვალებმა შემაშფოთა. გუგეზი ერთიანად დაელარა ღია წითელ ხაზებს და ქვედა ქუთუთოებიც შემწითლებოდა. მგონი, შემშუპებოდა კიდეც. ვამჩნევ, ნამწამები ლამის სულ გამცვივდა, არადა, ახალგაზრდობაში, გოგოებს შურით რჩებოდათ თვალი. ზედა ქუთუთოზე, კუთხეში, შიგნიდან, რალაც გამომხტომია: შეხედავ და არაფერი, ოლონდ შუაში პატარა, ყვითელი წერტილი მოუჩანს, ჩირქგროვასავით. არა, არ შეიძლება ასე დაჟინებით და გამონვლილ-

ვით იკელიო ადამიანის სახე. რა საჭიროა? სინითლეშეპარულ, ვშიშობ, მართლა საბრალლო ვინსენტივით ჩაცვენილ ლოყებსაც სააბაზანოს თეთრ კედლებსა და პირსაბანზე არეკლილი შუქი კიდევ უფრო უცნაურ ელფერს აძლევს. თავად შუქიც სულაც არა ჰგავს ჩრდილოური შემოდგომის ნათებას, უფრო შორეული სამხრეთის მკაცრი, თავნება, მშრალი ციალის მსგავსია. აი, სარკეშიც აირეკლა, მდუმარე კედლებში შეჟონა, გამოაშრო და პრეისტორიული თევზის ჩონჩხივით მყიფედ აქცია; მერე, პირსაბანის ბაკანზე ასხლეტილი, ყოველ მხარეს გაიფრქვა – შორეული ნისლივით. შუქის ამ თეთრ ყუთში მომწყვდეული, ნამით, თითქოს რომელიღაც ნამდვილ თუ წარმოსახულ უცხო ნაპირზე აღმოვჩნდი, არც ვიცოდი – სად. თუმცა იქაურობა დასიზმრებულებით ნაცნობს ჰგავდა და მეც მზის გულზე ვიჯექი, ქვიშის მკვრივ ბორცვზე, ხელში დიდი, ბრტყელი, გლუვი, ლურჯი ქვა მეჭირა, გამშრალი და თბილი. მგონი, ტუჩებთანაც მივიტანე, მარილიანი გემო გავუსინჯე – ზღვის ფსკერისა და შორეული კუნძულების, ღვთისაგან მივიწყებული ადგილების, თევზების მყიფე ჩონჩხების, წყალმცენარეებისა და ლპობის გემო. ჩემ წინ გადაშლილი ზღვის მომცრო ტალღები ადამიანის ხმით მესაუბრებოდნენ, გულითადი მეგობრებივით მანდობდნენ უძველესი კატასტროფების, ტროას დაქცევის, ეგებ ატლანტიდის ჩაძირვის ამბებსაც კი... ირგვლივ ყველაფერი ბრწყინავს, ციმციმებს, ელვარებს. ნიჩაბს განყვეტილი მძივის მარცვლებივით სწყდება წყლის ვერცხლისფერი წვეთები. დასალიერზე შავ გემს ვხედავ, რომელიც წამი-წამ სულ უფრო ახლოვდება. აქა ვარ, არსად გავრბივარ. უკვე მესმის თქვენი მღერა, სირინოზებო. ჰა და ჰა, თითქმის გავედი ბოლოში.

||

ახლა რომ მახსენდება, ქლოი, მაილზი და მე თითქმის მთელ დღეებს ზღვაში ვატარებდით: მზიან ამინდშიც ვცურავდით და წვიმიანშიც. დილაობითაც, როცა წყალი წვნიანივით ბლანტი იყო და ღამითაც, როცა ის შავი აბრეშუმით გველამუნებოდა მკლავებზე. ერთ საღამოს გაქანებული ჭექა-ქუხილის დროსაც კი დავრჩით ზღვაში და ელვამ ორკაპა ენა ჩვენგან ისე ახლოს დაჰკრა ზედაპირს, ჭახანის ხმაც გავიგონეთ და ჰაერში დამწერის სუნიც დატრიალდა. თავად დიდი ვერაფერი მოცურავე ვიყავი, ტყუპები კი სულ პატარაობიდანვე დადიოდნენ ცურვაზე და ტალღებსაც იოლად მიაპობდნენ ხოლმე – დანით რომ კარაქი გაჭრა, ისე. თუმცა წრთობისა და ნასწავლობის ნაკლებობას გამძლეობით ვინაზღაურებდი. გაუჩერებლად შემეძლო დიდხანს და შორს ცურვა, რასაც ხშირად ვაკეთებდი კიდეც, თუკი ვინმე მყავდა მაყურებელი: გვერდულად მივარღვევდი წყალს, ვიდრე მარტო საკუთარ თავს კი არა, სანაპიროზე დარჩენილ ხალხსაც არ გამოვეულევდი მოთმინებას.

სწორედ ამგვარი თავმოსანონი ყოყლოჩინობის დროს გამიჩნდა პირველად შეგრძნება, რომ ჩემ მიმართ ქლოის დამო-

კიდებულება შეიცვალა – უფრო სწორად, მიეხვედი, რომ საერთოდ რაღაც დამოკიდებულება ჰქონია. გვიანი სალამო იყო, კარგა შორს შევცურე – ას იარღზე? თუ სულაც ორასზე? – და მწვანე ობობდებულ ორ დიდრონ ბეტონის ჯებირსაც გავცდი, ვინ იცის, როდის აღმართულს ზღვაში, ნაპირის ჩამორეცხვასთან ბრძოლის უიმედო მცდელობის ნაშთს. ნაპირზე გამოსულს კი ქლოი დამიხვდა – თურმე მთელი ამ დროის განმავლობაში მუდობდა. პირსახოცში გამოხვეული, ანუ-რული, იდგა და სიცივისაგან მთელი ტანით კანკალებდა, ტუჩებიც კი გალურჯებოდა. „ნეტა რას ვაჟაკობ?“ – მომახალა გაბრაზებულმა. სანამ რამეს ვუპასუხებდი – თუმცა რა უნდა მეპასუხა, მართალს ამბობდა, მართლა სულელივით ვიქცეოდი – მაილზიც გამოხტა ქვიშის ბორცვების უკნიდან, ჩვენკენ დაეშვა სირბილით, მერე ორივეს ქვიშა შემოგვაყარა და სწორედ იმ წამს ნათლად და მკაფიოდ, უცნაურად გულისამაჩუყებლად დამიდგა თვალწინ ჩვენი პირველი შეხვედრა: ქლოიმ სხვა ქვიშის ბორცვიდან რომ ისკუპა და ჩემს ცხოვრებაში სამუდამოდ შემოიჭრა. ახლა უხმოდ გამომინოდა ჩემი პირსახოცი. ჩვენ გარდა ნაპირზე აღარავინ ჩანდა. სალამოს რუხად დაბურულ ჰაერს წყალმოსხმული ნაკვერჩხლის სუნი ასდიოდა. დღევანდელივით მახსოვს, დავიძარიტ და ქვიშის ბორცვებს შორის დარჩენილი ვიწრო გზით სადგურისკენ გავნიეთ. ქლოი პირსახოცის ბოლოს ქვიშაზე მიათრევდა, მე კი მხარზე პირსახოცგადადებული და სველ თმაგადაგლესილი, ალბათ, რომელიმე რომაელი სენატორის დაპატარავებულ ასლს ვგავდი. მაილზი წინ გარბოდა, მაგრამ ეს ვინლაა, ბინდბუნდში რომ ილანდება ნაპირზე, სიბნელეშეპარულ ზღვასთან, რომელსაც თითქოს რაღაც უცხო, დაფეთებული ლამეული მხეცივით მოურკალავს ზურგი და ცდილობს, დანისლული პორიზონ-

ტიდან სწრაფად დაძრულ ლამეს გამოერიდოს? იქნებ ჩემივე აჩრდილი გვითვალთვალეებს – იმ სამ ბავშვს უთვალთვალეებს, ფერფლისფერ ჰაერში რომ ითქვიფება და მერე სადგურისკენ მიმავალ გზაზე უჩინარდება?

ქლოიზე, ჯერჯერობით, ბევრიც არაფერი მითქვამს. იმ ასაკში გარეგნულად დიდად არც განვსხვავდებოდით ისა და მე, საერთო იერსახის თვალსაზრისით. ლამის სითეთრემდე ქერა თმაც კი – მხოლოდ სველი რომ უმუქდებოდა ხოლმე მნიფე ხორბლისფრად – ზუსტად ჩემნაირად ჰქონდა მოკლედ შეკრეჭილი. უფლისწულის მხლებელ პატარა ბიჭს ნააგავდა; ქოჩორი ლამაზ, მაღალ შუბლზე ჩამოშლოდა, როგორც – ეს ახლა მომივიდა აზრად – პროფილში მდგომ ერთ-ერთ იდუმალ ფიგურას ბონარის ცნობილ ნახატზე „ფანჯარასთან მიდგმული მაგიდა“. აი, იმაზე, ხილით სავსე თასი და წიგნი რომ მოჩანს, თავად ფანჯარა კი ტილოს ჰგავს, მოლბერტზე გადაჭიმულსა და უკანა მხრიდან დანახულს. არა, ახლა ჩემთვის მართლა ყველაფერი რალაც სხვაა – სულ უფრო და უფრო ხშირად ვამჩნევ ამას. მახსოვს, ჩვენს მეზობლად მცხოვრები ერთი უფროსი ბიჭი მიმტკიცებდა: ეგეთი, ქლოისნაირი ქოჩორი იმის უტყუარი ნიშანია, ეგ გოგო თავისივე ფისუნიას ეალერსებაო... მაშინ არ ვიცოდი, რას გულისხმობდა, თუმცა დარწმუნებული ვიყავი, ქლოი არაფერს თამაშობდა – არც თავის თავთან და არც სხვაგვარად. ის თამაშები, რასაც ადრე ხალისით ვეტანებოდი ხოლმე ჩემს უწინდელ მეგობრებთან ერთად – წრეში ბურთი იქნებოდა თუ დამალობანა, იმას საერთოდ არ იზიდავდა. როცა ვუთხარი, ჩვენთან, ფიცრულ სახლებში ზოგი შენი ხნის გოგო ჯერაც თოჯინებით ერთობა-მეთქი, უნდა გენახათ, როგორ აიმრიზა და როგორ აიბზუა ცხვირი. საერთოდაც, თანატოლების უმრავლესობას არ სწყა-

ლობდა. არა, თამაში ქლოისთვის არ იყო მოგონილი, მხოლოდ მაილზთან ერთობოდა და ამას თამაშს ნამდვილად ვერ დაარქმევდი.

იმ ბიჭმა, მისი ქოჩორი რომ ახსენა – უცებ თვალწინ დამიდგა ეს ბიჭი, ჯო ვილაცა, ძვალმსხვილი, მოსული ტანის, ყურპარტყუნა და თმააჯაგრული – მერე ისიც თქვა, მაგ შენს ქლოის მწვანე კბილები აქვსო. ჯერ კი აღეშფოთდი, მაგრამ მართალი გამოდგა: როცა დავაკვირდი, მინანქარს ნამდვილად დაკრავდა მომწვანო-მორუხო ელფერი – როგორც ხის ჩრდილში ნოტიო შუქს ნანვიმარზე, ანდა დამდგარ წყალში მკვახე ვაშლისფრად არეკლილ ფოთოლს. სწორედ ვაშლის ფერი – მის სუნთქვასაც ხომ ვაშლის სურნელი ასდიოდა! პატარა მხეცებივით ვიყავით, მუდამ ვსუნავდით ხოლმე ერთმანეთს. განსაკუთრებით მომწონდა, თუკი მოვახერხებდი და რალაც მოტკბო-მომჟავოს შევიყნოსავდი, მისი მუხლებისა და მკლავების შიდა მხარეებს რომ ასდიოდა. უნდა ვალიარო, დიდი სისუფთავის მოყვარული გოგო არ ეთქმოდა და მეტწილად, მით უფრო სალამოსკენ, სულ ისეთ გაუგებარ, ჩამდგარ სუნს აფრქვევდა, ადრე ფხვიერი ნამცხვრების დიდი, რკინის ოთხკუთხა ყუთებიდან რომ ამოდიოდა ხოლმე. ნეტავ ისევ თუ ყიდიან ამგვარი ყუთებით ფხვიერ ნამცხვრებს? მისი ხელები, თვალები, ფრჩხილებდაკნეტილი თითები – ეს ყველაფერი ცხადად მახსოვს, თუმცა ცალ-ცალკე, დაფანტულად, და ერთად ვერაფრით მომიყრია მათთვის თავი. ვერაფრით. რამდენიც არ უნდა ვცადო, როგორც არ უნდა მოვიწოდო და თავიც მოვიტყუო, ხსოვნაში მაინც ვერ ვაცოცხლებ ისე, როგორც, ვთქვათ, დედამისს ან მაილზს, ან თუნდაც იმ ყურპარტყუნა ჯოს. მოკლედ, ვერ ვხედავ. ჩემი გონების თვალი მხოლოდ სადღაც შორს, ბუნდოვნად, ფოკუსიდან ამოვარ-

დნის ალიქვამს და ზუსტად იმავე სიჩქარით ხევს უკან, რომლითაც მე ვისწრაფი მისკენ. მოკლედ, მივდექ და ვერ ვეწევი. არ ვიცი, რატომ. ახლაც კი, ზოგჯერ, ქუჩაში მოვეკრავ ხოლმე თვალს, ანუ – ვილაცას, ვინც შეიძლებოდა ის ყოფილიყო: ისეთივე მაღალი შუბლი, უფერული თმა, იმგვარადვე თან მიზანმიმართული და თან უცნაურად მერყევი, მტრედივით აცაბაცა სიარული... მაგრამ მუდამ ბევრად, ძალზე ბევრად ახალგაზრდა. სწორედ ეს ამოუცნობი საიდუმლო მირევდა თავგზას მაშინ და ახლაც მირევს. როგორ შეიძლება, ერთ ნამს ჩემთან იყოს და მეორე ნამს – უკვე აღარ? და საერთოდ, როგორ შეიძლება, სადმე სხვაგან იყოს, სრულიად სხვაგან? ეს არ მესმოდა, ამას ვერ ვეგუებოდი და დღემდე ვერ შევგუებივარ. თუკი ვერ ვხედავ, წესით, სრულ გამოწვინად უნდა ქცეულიყო, მხოლოდ ზმანებად, მაგრამ ყველა საბუთი და ნიშანი მკარნახობდა, რომ ჩემგან შორსაც კი, ის მყარად, ჯიუტად, ამოუხსნელად ცოცხალ, რეალურ არსებად რჩებოდა. არადა, ადამიანები მიდიან, ქრებიან, ეს კი კიდევ უფრო დიდი საიდუმლოა, უდიდესი. მეც წავალ, ნამში გავექრები და თითქოს არც ვყოფილვარ. ოღონდ ეგაა, წლების განმავლობაში ცხოვრებას იმდენად ეჩვევი, აღარც სიკვდილი გხიბლავს, როგორც ამას სერ ტომას ბრაუნი გვიმტკიცებდა.

– პაციენტი, – მითხრა ერთხელ ანამ, უკვე ბოლოსკენ, – სასაცილო სიტყვაა. მართალი გითხრა, სულაც არ ვგრძნობ თავს პაციენტად...

ზუსტად როდის და რა წუთს გადავიტანე ჩემი ტრფობა – ვერა და ვერ მოვიშორე ეს ძველმოდური სიტყვაკაზმულობა – დედიდან შვილზე, ახლა ვეღარც კი ვიხსენებ. ცხადია, იყო იმ პიკნიკის დროს რაღაც თვალის ამხელი ნამი, როცა ქლოი ფიჭვის ქვეშ იდგა, მაგრამ ეს უფრო ესთეტიკური გან-

ცდა იყო, ვიდრე ეროტიკული, ან მით უმეტეს, სასიყვარულო. ვერა, მიხვედრისა და გაცნობიერების ვერანაირ განსაკუთრებულ წამს ვერ ვიგონებ, ვერც ქლოის მორცხვი ხელის შეხებას, ვერც უეცარ, მგზნებარე ჩახუტებას, ვერც მარადიულ სიყვარულზე გაუბედავ ჩურჩულს. ამგვარი რამეები ალბათ იყო კიდეც, შეიძლება – ყველაფერი ერთადაც: ალბათ ხელებიც ჩაგვიკიდია, ჩავხუტებულვართ კიდეც, სიყვარულიც აგვიხსნია, მაგრამ ეს ყოველივე წარსულის ბნელ ნაკეცებში ჩამარხულა და ახლა სულ უფრო და უფრო ედება მტვერი. იმ სალამოსაც, როცა კბილებაკანკანებული ამოვედი წყლიდან, ის კი სალამოს ბინდ-ბუნდში ტუჩებგალურჯებული მელოდა ნაპირზე, არ განმიცდია ის უხმო აფეთქება, რაც, როგორც გვიამბობენ, სიყვარულის მაუნწყებელია თუნდაც პატარა, გამოუცდელი ბიჭის გულში. მივხვდი, როგორ სციოდა, რამდენი ხანი მელოდა, მისი უხეში სინაზეც ვიგრძენი, როცა პირსახოცი მომახურა გათოშილ მხრებზე, მაგრამ ამის მიუხედავად, მხოლოდ გულწრფელ მადლიერებას განვიცდიდი, თითქოს ჩემი არსების შიგნით დანთებულ ალს თბილმა სიომ დაუბერა და მხოლოდ წამით ააბრიალა. არადა, მთელი ამ ხნის მანძილზე მაინც უთუოდ ხდებოდა რაღაც, იდუმალი გარდასახვა ან სულაც გარდაქმნა...

კოცნაც მახსოვს – ის ერთი, ერთადერთი მრავალ დავინყებულთაგან. არ ვიცი, სწორედ ის იყო პირველი თუ არა. ბავშვობაში კოცნა ძალიან ბევრს ნიშნავს: უცებ მთელი სამყარო ამოყირავდება, აკაშკაშდება, ახმიანდება, უცებ ცა ათასნაირი მაშხალით განათდება და უთვალავი შადრევანი ამოიფრქვევა. როცა ვაკოცე – როცა ერთმანეთს ვაკოცეთ – ფარღალა კინოდარბაზში ვისხედით, და ეს კინოდარბაზი უკვე იმდენჯერ ვახსენე, ცხადია, ქვეცნობიერად სწორედ ამ დღის

სანიშნედ ჩნდებოდა ხოლმე ამავე ნიგნის ფურცლებზე. უფრო ფარდულს ჰგავდა, მოშიშვლებულ, უშენ ადგილას იდგა ნაპირსა და კლდეებს შორის. დამრეცი სახურავი ეფარა და უფანჯრო გახლდათ, ერთადერთი შესასვლელი ჰქონდა, გვერდზე გამოჭრილი, ზედ გრძელი ფარდა თუ მგონი, ტყავი გაეკრათ, მოკლედ, რალაც სქელი, ეკრანს რომ შუქი არ დასცემოდა, როცა დაგვიანებული მაყურებლები შემოიძურნებოდნენ ხოლმე დღის ჩვენებაზე; სალამოობით კი ჩოგბურთის კორტებს იქით გადახრილი მზის შუქს აკავებდნენ ასე. ხალხის გრძელ, გაურანდავ სკამებზე ისხდა, ეკრანად დიდი, ოთხკუთხა ტილო გაეკრათ, რომელიც ქარის ყოველ დაბერვაზე ისე მგრძნობიარედ თრთოდა, ფილმის გმირი ქალის თქმე გამომწვევად იწყებდა რხევას, გმირ ვაჟკაცებს კი სამარცხვინოდ უკანკალებდათ ჩახმახს გამოდებული თითი.

მეპატრონე – მისტერ რეკეტი თუ რიკეტი – ერთი ჩოფურა, მოდური ჯემპრით თავმომწონე კაცი გახლდათ, დამხარეებად კი ორი ჩაფსკენილი, სანდომიანსახიანი, ჩვენზე ცოტათი უფროსი ვაჟიშვილი ჰყავდა, რომლებსაც, სულ ასე მეგონა, ძალიან რცხვენოდათ ამ ოჯახური საქმის, ცოტა არ იყოს, კაბარესებური უხამსობა რომ დაჰკრავდა. ერთადერთი ხმაურიანი პროექტორი იდგა, იოლად რომ გადახურდებოდა ხოლმე – გეფიცებით, ერთხელ ჩემი თვალით დავინახე, როგორ აუვიდა ბოლი – ასე რომ, სრულმეტრაჟიან ფილმებს, სულ ცოტა, ორჯერ მაინც სჭირდებოდა ფირის შეცვლა. ამ შუალედებში ის მისტერ რეკეტი თუ რიკეტი, თავადვე რომ ასრულებდა კინომექანიკოსის მოვალეობას, დარბაზში შუქს არ ანთებდა – დარწმუნებული ვარ, შეგნებულად, რაკი მისი დარბაზი იმთავითვე მიმზიდველად ცუდი სახელით სარგებლობდა – და ამით უამრავ წყვილს, მათ შორის ჯერ უასა-

კობესაც, ერთი-ორი ნუთი სრულ წყვდიადში ვნებიანი შმაშუნის საშუალებას აძლევდა.

იმ სამახსოვრო კოცნის დღეს, უფრო სწორად, წვიმიან კვირა საღამოს, როცა მე და ქლოი გრძელი მერხის შუაში ვისხედით წინა რიგში, ეკრანთან ისე ახლოს, რომ ტილო ლამის თავზე გვეფარა და ზედ შავ-თეთრად გამკრთალი აჩრდილებიც თითქოს გასრესით გვემუქრებოდნენ, იმდენ ხანს მქონდა ქლოის ხელის მტევანი ჩემს თითებში მომწყვდეული, მისად უკვე ველარც აღვიქვამდი; ვერანაირი სიახლოვე ვერ ამთლიანებს ორ სხეულს ისე, როგორც ეს ბავშვური ხელჩაკიდება - და როცა ეკრანი ტკაცუნით გაუფერულდა და გოგოს თითებიც თევზებივით ასხმარტალდნენ, მეც ერთიანად ამიტანა თრთოლამ. ჩვენს თავს ზემოთ ჯერ ისევ დაბინდულ ნაცრისფერად ციმციმებდა ეკრანი, ვიდრე საბოლოოდ ჩაბნელდებოდა და მერეც ინარჩუნებდა ამ ციმციმის რალაც კვალს - აჩრდილთა აჩრდილს. სიბნელეში ჩვეული სტვენა-ყვირილი და ფეხების ბრაგუნნი ატყდა; თითქოს ამ ნიშანს ველოდით, მე და ქლოიმ ერთდროულად მივაბრუნეთ ერთმანეთისაკენ თავები და წყალმონყურებულებივით დავენაფეთ ერთმანეთის ტუჩებს. ვერაფერს ვხედავდით და ეს კიდევ უფრო ამძაფრებდა ჩვენს განცდებს. ისეთი გრძნობა მქონდა, თითქოს ამ მკვრივ, დამუხტულ წკვარამში მივფრინავდი, ძალდაუტანებლად, მდორედ, სიზმარეულად. ირგვლივ ამტყდარი გნიასიც უცებ წარმოუდგენლად შორეული მეჩვენა - სადღაც დასალიერში ატეხილი ჭექა-ქუხილის სუსტი გამოძახილივით. ქლოის გრილი და მშრალი ტუჩები ჰქონდა და ვგრძნობდი, როგორ დაძაბული სუნთქავდა. ბოლოს, როცა უცნაური, სტვენის მსგავსი ამოოხვრით გამეცალა, ხერხემალზე თითქოს დენმა დამიარა, თითქოს რალაც ცხელი ჩამელვარა გამო-

ცარიელებულ გულ-მუცელში. მერე მისტერ რიკეტმა თუ რე-
კეტმა – იქნებ სულაც როკეტმა – ისევ აამუშავა პროექტორი
და დარბაზიც ჩაყურდა. ეკრანმა ჯერ თეთრად იელვა, მერე
ზედ გამოსახულებაც შრიალ-შიშინით დაბრუნდა და იმ ნამს,
სანამ ხმაც დაედებოდა, გავიგონე, რომ მანამდე სახურავზე
მორახუნე თავსხმა წვიმას გადაელო.

ბავშვობაში ბედნიერება სულ სხვა რამეა. მეტწილად, უბ-
რალოდ აგროვებ ახალ გრძნობებს, შეგრძნებებსა თუ გამოც-
დილებას და მერე იმ პრიალა მოზაიკასავით აწყობ, ერთ მშვე-
ნიერ დღეს შენივე საკუთარ, უკვე დასრულებულ მე-დ რომ
დალაგდება. ოლონდ ამას სასწაულის მუდმივი განცდაც ახ-
ლავს – ბედნიერების ერთ-ერთი მთავარი შემადგენელი, როცა
ბოლომდე ვერ იჯერებ, ბედი თუ ასე გაგიღიმებდა. მართლაც,
სრულიად მოულოდნელად, მკლავებში მყავდა მოქცეული ეს
გოგო და გარკვეულწილად, ზუსტად იმას ვაკეთებდი, რასაც
კაცები შვრებთან: მისი ხელი მქონდა მომწყვდეული თითებში,
ვკოცნაობდით კიდეც ბნელ კინოდარბაზში და როცა ფილმი
დამთავრდა, პირველი ნამოვდექი, გვერდზე გავდექი, თავა-
ზიანად ჩავახველე და გზა დაუთმე რიგებს შორის გასავ-
ლელად, იმ მძიმე ფარდისკენ; მერე ფარდაც გადავუნე და
ზაფხულის წვიმით გადარეცხილ სალამოში გამოვაბიჯეთ. ახ-
ლა მე მე-ც ვიყავი და იმავდროულად, ვილაც სხვაც, ვილაც
სრულიად განსხვავებული, სრულიად ახალი. როცა სანაპირო
კაფესაკენ მივაბიჯებდით მოზოზინე ბრბოში, უკან მიყვებო-
დი და თითი, უნებურად, ტუჩებზე მოვისვი, იმ ტუჩებზე, ცო-
ტა ხნის წინ მას რომ კოცნიდნენ. ეტყობა, ველოდი, რალაც
ჯადოს წყალობით, ტუჩებიც უნდა შეცვლილიყვნენ, თუნდაც
სულ ოდნავ, სხვებისათვის თითქმის შეუმჩნევლად. საერთოდ,
მეგონა, ყველაფერი შეიცვლებოდა ზუსტად ისევე, როგორც

თავად ის დღე გადასხვაფერდა – თავიდან მოლუშული და წვიმიანი, როცა კინოდარბაზში შევდიოდით, ახლა კი ჩამავალი მზის ირიბი ჩრდილებით სავსე; წვიმით დანამული ბუჩქები მარგალიტებად იფერთხავდნენ წვეთებს და შორს, ყურეში, ჩვენკენ ზურგშექცეული ალისფერი იალქანიც სილურჯეშეპარული დასალიერისაკენ მისრიალებდა.

მერე უკვე კაფე. ის კაფე. და კაფეში – ჩვენ.

ის კვირა საღამოც ზუსტად ისეთივე იყო, როცა აქ დასაბინავებლად ჩამოვედი მას მერე, რაც ანამ, როგორც იქნა, საბოლოოდ მოისვენა. მართალია, ახლა ზაფხული კი არა, შემოდგომა იდგა, მაგრამ მზის ჩაოქროსფერებული შუქი და კვიპაროსთა მელნისფერშეპარული, ნაგრძელებული, კობტა ჩრდილები მაინც ისეთივე დამხვდა. განცდაც იგივე იყო, თითქოს ყველაფერი მიედინებოდა, ბრჭყვიალა, ძვირფას ქვებად იფრქვეოდა და ზღვაც ძველებურად, ლურჯად ციმციმებდა. საოცარი სიმსუბუქე ვიგრძენი, თითქოს ერთიანად დამბალი საღამო რაღაც ამაო სადარდელს იფერთხავდა და მეც დროებით მათავისუფლებდა ტანჯვისა და ტკივილის ტვირთისაგან. ჩვენი სახლი – უფრო სწორად, უკვე მხოლოდ ჩემი – ჯერაც არ გამეყიდა, ფეხს ვითრევდი განცხადების გამოქვეყნებისაგან, თუმცა იქ ზედმეტი ნუთი გამჩერებელი აღარ ვიყავი. ანას სიკვდილის შემდეგ ერთიანად გამოცარიელდა და გარდასულ ხმათა ფუყე საყუდარადლა იქცა. ჰაერშიც რაღაც მტრულს დაესადგურებინა, ბებერი ნაგაზიც სევდიანად იღრინებოდა – ვერ მიმხვდარიყო, რა იქნა მისი საყვარელი პატრონი და მე, დარჩენილსაც, ერთთავად საყვედურით მარიდებდა თვალს. ანამ თავის ავადმყოფობაზე ლაპარაკი ყველასთან ამიკრძალა.

ხალხი რაღაცას ეჭვობდა, თუმცა ბოლო დრომდე დანამდვი-
ლებით არავინ არაფერი იცოდა. კლერიც კი თავისით მიხვდა,
დედა რომ უკვდებოდა. ახლა კი ეს ყველაფერი დამთავრებუ-
ლიყო და რაღაც სხვა იწყებოდა ჩემთვის: რთული და საპატიო
მოვალეობა – როგორმე ცოცხალი დავრჩენილიყავი.

მის ვავასური მორცხვად ააღელვა ჩემმა ჩამოსვლამ – მა-
ლალ, ნვრილად დაღარულ ლანვებზე ვარდისფრად შეეფაკლა
ორი პატარა, მრგვალი ლაქა; ერთთავად ხელებს ასავსავებდა
და ტუჩებსაც ძალას ატანდა, ზედმეტად არ გაღიმებოდა. კა-
რი რომ გამიღო, პოლკოვნიკი ბლანდენიც მაშინვე გამოფრა-
ტუნდა დერეფანში და გვერდით ამოუდგა. შევატყვე, სულაც
არ ეამა ჩემი დანახვა. მესმის მისი. სხვა თუ არაფერი, ჩემს
გამოჩენამდე ერთადერთი მამალი იყო ამ საქათმეში, ახლა
კი სავარაუდო ცვლილებები აშინებდა. ჩემზე მთელი თავით
დაბალმა, მონყენილი მზერა ჩემს ნიკაპს მოაპყრო და მოსალ-
მებისას ხელიც ღონივრად ჩამომართვა და ხმაც საგანგებოდ
გაიმკაცრა, როცა ათას რამეს მიედ-მოედო ამინდის თაობაზე
– მოკლედ, გამოჯეკილი, ძველი ჯარისკაცის როლი მოირგო.
საერთოდ, არის მასში რაღაც ისეთი, არაბუნებრივი, მოგო-
ნილი და ნანვალები. მაგალითად, თვალის მოჭრამდე პრიალა
ფეხსაცმელი, იდაყვებსა და მაჯვებზე ტყავდაკერებული ტვი-
დის პიჯაკი თუ მყვირალა ყვითელი ყილეტი, კვირაობით რომ
მოიცვამს ხოლმე თავმომწონედ. იმ მსახიობს მაგონებს, სა-
კუთარი როლი რომ ამოსვლია ყელში, მაგრამ თან ცდილობს,
პატიოსნად მოიხადოს ვალი მეჩხერი მაყურებლის წინაშე. იმა-
შიც არ ვარ დარწმუნებული, მართლა გადამდგარი პოლკოვ-
ნიკი თუა. მისი საგულდაგულოდ შენიღბული ბელფასტური
აქცენტიც ალაგ-ალაგ მაინც იჩენს ხოლმე თავს, ჩამდგარი
ქარივით. ისე, ვერც ვხვდები, ამას რატომ უნდა მალავდეს,

რისი ეშინია, მაინც რას გავიგებთ მასზე ასეთს? მის ვავასურ-
მა ჩუმად გამანდო, ერთი-ორჯერ თვალი მოვკარი, ადრიაან
დილით როგორ შეიძურნა ეკლესიაში საკვირაო მესაზე დასას-
წრებადო. ვითომ ეს ჩვენი ჩრდილოიორლანდიელი პოლკოვნიკი
კათოლიკეა? ფრიად საეჭვოა.

იმ ოთახის მინაშენის ფანჯარასთან, ადრე სასატუმროდ
რომ იყენებდნენ, ჩაისთვის მაგიდა გაეშალათ. ოთახი ზუს-
ტად ისეთივე იყო, როგორიც მახსოვდა, ყოველ შემთხვევაში,
დამახსოვრებულს ჰგავდა. ხსოვნა ხომ მუდამ სიამით ახერ-
ხებს, იოლად მოარგოს მოგონება მობრუნებული წარსულის
საგნებსა თუ ადგილებს. ვითომ მაგიდაც იგივე იყო, რომელ-
ზეც მისის გრეისი ლარნაკში ყვავილებს ასწორებდა იმ დღეს,
კბილებში ბურთგაჩრილი ძაღლი რომ შემოვარდა? სუფრა კი
მონდომებით გაეწყოთ: ვერცხლის დიდი ჩაიდანნი თავისივე სა-
წურით, საუკეთესო ჩინური ფაიფური, ძველებური სარძევე,
კვნიტი შაქრის ასალები მაშა, არშიამოვლებული ხელსახოცე-
ბი... მის ვავასური იაპონური იერით წარმოგვიდგა – თმა მალ-
ლა აევარცხნა და ხის ორი დიდი სარჭით ჯვარედინად დაე-
მაგრებინა კეფაზე. მის დანახვაზე, უნებურად, XVIII საუკუნის
იაპონური ეროტიკული გრავეიურები გამახსენდა, სადაც ფუმ-
ფულა, თითქოსდა ფაიფურისსახიანი, ფერხორციანი ქალები
დასაბურჯნად მშვიდად ნებდებიან სახედაჭყანულ, უზომოდ
დიდსირებიან და ჩემდა გასაკვირად, საოცრად მოქნილ ფე-
ხისთითებიან ვაჟბატონებს...

საუბარი ვერ აენყო. მის ვავასური ჯერაც ლელავდა, პოლ-
კოვნიკს კი აშკარად მუცლის გვრემა სჭირდა. ეზოს მალალ
ბუჩქნარში გამოჭყეტილმა გვიანი მზის სხივმა თვალი მოგ-
ვჭრა და მაგიდაზეც თითქოს ყველაფერი აალიცლიცა. თავს
რალაც მოუქნელ დევეკაცად ვგრძნობდი, ან უფრო – დროზე

ადრე დაკაცებულ ბავშვად, გაჭირვებულ მშობლებს სოფელში რომ გაუგზავნიათ ნათესავ მოხუც ცოლ-ქმართან, ხელის ნასაშველებლად. ვითომ დიდი შეცდომა დაევუშვი? იქნებ სჯობდა, მოსაბოდიშებლად რამე ჩამებურტყუნა, ღამის გასათევად სასტუმროში წავსულიყავი და მერე საერთოდ შინ დავბრუნებულიყავი? იქნებ მეცადა იქაურ სიცარიელესა და მდუმარებასთან შეგუება? მაგრამ მაშინვე მივხვდი: სწორედ იმიტომ ჩამოვედი აქ, შეცდომა რომ იყო – უნდა ყოფილიყო კიდევ ანას სიტყვებით თუ ვიტყვით, მეც უადგილოდ უნდა მეგრძნოთავი. „სულ გაგიჟდი? იქ მარტო მონყენილობა მოგკლავს!“ – მითხრა ნამოსვლისას კლერმა. შენ რა გენაღვლება-მეთქი, ვუთხარი. მშვენიერი ახალი ბინა გაქვს-მეთქი. დრო ფუჭად არ დაგიკარგავს... ესეც გავიფიქრე, ოღონდ ჩემთვის. „მერე, ნამოდი და ჩემთან იცხოვრე“, – მითხრა. იმასთან ცხოვრება – ერთ ჭერქვეშ! მადლობა გადავუხადე და ცალკე მირჩევნია-მეთქი, ვუთხარი. არ შემიძლია იმის ატანა, როგორ მიცქერის ამ ბოლო დროს – ცარიელი სინაზე და ყურადღებაა. გადასწევს თავს გვერდზე, ზუსტად ანასავით, ცალ წარბს აზიდავს და თანაგრძნობა ეხატება სახეზე. არ მინდა ეს თანაგრძნობა! ბრაზი, უხეშობა, ჩხუბი მჭირდება. იმ კბილატკივებული კაცივით ვარ, ისევ და ისევ რომ ინვალებს კბილს ენით, უსასრულოდ. წარმოვიდგინე, როგორ მოიქნია ვილაცამ საიდანლაც მუშტი და სახეში მხია – ვგრძნობ კიდევ, ცხვირის ძგიდის ხრაშუნიც მესმის და რატომღაც, სევდიანი კმაყოფილებაც კი მეძალება. დაკრძალვის მერე ვილაცებთან ერთად რომ მივბრუნდით შინ – საშინელება იყო, აუტანელი – ისე მოვუჭირეთითები ღვინის ჭიქას, ხელში ჩამატყდა. მესიამოვნა საკუთარი სისხლის დანახვა, თითქოს დაუძინებელი მტრისთვის მიმეყენებინა ჭრილობა და ის იცლებოდა ახლა სისხლისაგან.

- ესე იგი, ხელოვნების სფეროში საქმიანობით? - ფრთხილად შემაპარა პოლკოვნიკმა. - ღირს რამედ?

ცხადია, ფულს გულისხმობდა. ტურებმოკუმულმა მის ვასურმა მკაცრად გახედა და საყვედურით გადააქნია თავი.

- ხელოვნებაზე წერს, - ისე გადაუჩურჩულა, თითქოს ვერაფერს გავიგონებდი.

პოლკოვნიკმა მზერა შეავლო, მერე ისევ მე მომაჩერდა და უხმოდ დაიქნია თავი. სულ რაღაც ელანდება, ყველაფერს ეჭვის თვალით უცქერს. ასეა მიჩვეული. ფინჯანი რომ მიაქვს ტურებთან, ნეკა თითს გაბზეკს ხოლმე, მეორე ხელის ნეკი კი სამუდამოდ მიჰკვრია ხელისგულზე. საკმაოდ გავრცელებული სინდრომია, ოლონდ ახლა სახელი დამავინწყდა. იფიქრებ, სტიკია კიდევო, მაგრამ თვითონ უარობს. თუმცა ხელს მშვენივრად ხმარობს, მოხდენილადაც კი, თითქოს დირიჟორობდეს - ხან ჩასაბერ ინსტრუმენტებს აძლევდეს მოგუდვის ნიშანს, ხან კი ქოროსგან ითხოვდეს ფორტისიმოს. ოლონდ მტევანი კი ოდნავ მაინც უკანკალებს. რამდენჯერმე ფინჯანი წინა კბილებზეც მიიხალა - ცხადია, ხელოვნურზე, ისეთი უზადო სითეთრე დაჰფენიათ. ქარდაკრულ სახესა და ხელის ზურგზე კანი დანაოჭებია, მუქად უბზინავს იმ ყავისფერი ქალღღივით, რაშიც რაღაც ძნელად გასახვევს ახვევდნენ ხოლმე ძველად.

- გასაგებია... - მეუბნება. თუმცა მაინცადამაინც არ ეტყობა.

1893 წლის ერთ დღეს პიერ ბონარმა თვალი მოჰკრა პარიზის ტრამვაიდან გადმოსულ გოგოს, რომლის მყიფე, სიფრიფანა მშვენიერებამ აიძულა, სამუშაო ადგილამდე მიჰყოლოდა - დამკრძალავ ბიურომდე, სადაც ის თურმე სამგლოვიარო გვირგვინებზე რიოში მარგალიტების აცმულებს

ამაგრებდა. ასე, პირველივე დღიდან, სიკვდილმა თავისი შავი არშია მოავლო მათ ცხოვრებას... ერთმანეთი მალევე გაიცნეს – ვფიქრობ, იმ ე.წ. მშვენიერების ხანაში მსგავსი ამბები მარტივი და სავსებით ბუნებრივი ჩანდა. მერე გოგომ ცოტა ხანში სამსახური და საერთოდ, მთელი უწინდელი ცხოვრება მიატოვა და ბონართან გადასახლდა. მართა დე მელინიდ გაეცნო და თექვსმეტის ვარო, უთხრა. სინამდვილეში – ეს კაცმა სადაღაც 30 წლის მერე შეიტყო, როცა ბოლოსდაბოლოს დაქორწინება გადანყვიტა – გოგოს მარია ბურსენი რქმევია და გაცნობისას თექვსმეტის კი არა, თავად ბონარივით ოცს კარგა ხნის გადაცილებული ყოფილა. მთელი ცხოვრება ერთად გაატარეს, შავი და თეთრი დღეები, უფრო სწორად, შავი და მრუმე, ვიდრე თითქმის 50 წლის მერე მარია არ გარდაიცვალა. ტადე ნათანსონი, ბონარის ერთ-ერთი ადრეული მფარველი ქალბატონი, მხატვარზე თავის მოგონებებში გაკვრიტ, იმპრესიონისტული შტრიხებით, ელფის მსგავს მართასაც ახსენებს – მის გარეული ფრინველის მზერასა და თითის ნერვებზე სიარულის ჩვევას. მართა გულჩათხრობილი, ეჭვიანი, გააფთრებული მესაკუთრე გამოდგა, დეენის მანიით შეყრობილი და მუდამ რაღაც ფარული შიშებით მოცული. 1927 წელს, ლაჟვარდოვან სანაპიროზე, არაფრით გამორჩეულ პატარა დასახლება ლე-კანში ბონარმა კერძო სახლი, ლე-ბოსკე შეიძინა, სადაც მართასთან ერთად დაიდო ბინა და მეუღლის გარდაცვალებამდე მთელი 15 წელი ხშირად აუტანელ, თუმც კი მაინც ნებაყოფლობით განდეგილობაში გაატარა. სწორედ იქ გამოამყლავნა ქალმა აბაზანაში საათობით წოლის ჩვევა და ბონარიც დროდადრო სწორედ აბაზანაში მწოლიარეს ხატაედა ხოლმე; ის კი არა, სერია ქალის გარდაცვალების მერეც კი გააგრძელა. ზოგადად, ე.წ. „აბაზანის“ ეს ციკლი მთელი მისი

ცხოვრების საქმის გვირგვინი გამოდგა: ერთ-ერთ ნახატზე – „ქალი აბაზანაში, ძალღიჯით“ – რომელიც ბონარმა 1941-ში, მეუღლის გარდაცვალებამდე ერთი წლით ადრე დაიწყო და მხოლოდ 1946-ში დაამთავრა, მართა – ვარდისფერი, იისფერ-ოქროსფერი – წყლის ღმერთქალივით წევს, მოთენთილი, უასაკო, არცა მკვდარი და არცა ცოცხალი, გვერდით კი, ფილაქანზე, მისი პანია, ყავისფერი ფინია დასკუპებულია, მისი უსაყვარლესი ტაქსა გაფაციცებული გაყურსულა თავის ნოსსა თუ ეგებ სულაც უხილავი ფანჯრიდან დაღვრილი შუქის ოთკუთხედზე. ქალის თავშესაფრად ქცეულ ამ ვინრო სათავსოში ყველაფერი მთრთოლვარე და მოცახცახე ფერებად ქცეულა. უსაშველოდ გრძელი მარცხენა ფეხის ტერფი აბაზანის კიდეს მიბჯენია, თითქოს ზედ აწვებო, თითქოს სურს განელოს, ფორმა უცვალოსო; და ამ მხარეს იატაკიც, იმავე ძალისმიერ სივრცეში მოქცეული, დაფერდებულა, გეგონება, ცოტაც და, კუთხეში ჩაინრიტება დაცლილი აუზის წყალივითო. აქ ყველაფერი უხმოდ და უჩუმრად მოძრაობს წყლის სამყაროს მდუმარებაში; მხოლოდ შიგადაშიგ გესმის თითქოს ოდნავი დგაფუნი, შრიალი, ჩქამი... მობანავის მარჯვენა მხართან, წყლის ზედაპირზე, ჟანგისფერ-წითელი ლაქა ირეკლება – ვინ იცის, მართლა ჟანგისაა თუ სულაც, ოდესღაც მიმხმარი სისხლის. მარჯვენა ხელი თეძოზე ჩამოუდგია, ნებიერად, და მეც ანას ხელები მახსენდება, მაგიდაზე დალაგებული, იმ პირველ დღეს, როცა ექიმ ტოდისაგან დაებრუნდით – მისი ულონოდ ამობრუნებული მტევნები, თითქოს ვილაც იქ არმყოფს რალაცას სთხოვსო.

ისიც, ჩემი ანაც, როცა ავად გახდა, დღისით აბაზანაში წოლას დაეჩვია – ეს მამშვიდებსო, ამბობდა. მისი თორმეტოვანი წელი კვდომის მთელი შემოდგომა და ზამთარი

ზღვისპირა სახლში გამოკეტილებმა გავატარეთ, სწორედ ისე, როგორც ბონარმა და იმისმა მართამ – ლე-ბოსკეში. მშვიდი ამინდები იდგა – არანაირიო, რომ იტყვი, სწორედ ისეთი. თითქოს უსასრულოდ გაგრძელებული ზაფხული შეუმჩნევლად გადადიოდა ნისლშეპარულ, გაყუჩებულ წლის მინურულში, ოთხიდან არც ერთ დროს რომ არ ჰგავდა. ანას გაზაფხულის დადგომის ეშინოდა – მთელი იმ აუტანელი ჟივილხივილისა და ფაცი-ფუცის. ამ განახლებული სიცოცხლისო, – ასე ამბობდა. ჩვენ ირგვლივ სრული, იდუმალი სიჩუმე გამეფებულიყო, ხავერდოვანი და ნაჯერი, მდინარის შლამივით. ისე გაყუჩდებოდა ხოლმე ქვემო სართულზე, სააბაზანოში, ზოგჯერ მართლა შიში მიპყრობდა – ნარმოვიდგენდი, გონდაკარგული როგორ ჩაყურყუმალავდებოდა თუჯის ფეხებმორყეულ, წყლით სავსე აბაზანაში და უკანასკნელ ამოსუნთქვას ამოუშვებდა წყალქვეშ. ფეხაკრეფით ჩავიპარებოდი კიბეზე და გასუსული ვიდექი ხოლმე კართან, გაუნძრევლად, თითქოს თავადვე ჩამეყვინთოს სადღაც, ზღვის სიღრმეში და დაძაბული ვაყურადებდი, ეგებ სიცოცხლის რამე ნიშანი გავიგონო-მეთქი. ცხადია, გულის რომელიღაც ბითურ, უგვან კუნჭულში მინდოდა კიდეც, მართლა ასე მომხდარიყო, მართლა დამთავრებულიყო ყველაფერი – არა მარტო მისთვის, ჩემთვისაც. მერე წყლის ჩქაფუნიც მესმოდა, როცა მხარს შეინაცვლებდა, საპონს ან პირსახოცს გადასწვდებოდა – მაშინლა შევეტრიალდებოდი და ისევ ჩემი ოთახისკენ გავიძურნებოდი, კარს შევიკეტავდი, სანერ მაგიდას მივუჯდებოდი, საღამოს რუხ ბინდს გავუშტერებდი თვალს და ვცდილობდი, არაფერზე მეფიქრა.

– ჩემი საბრალლო მაქსი, – მითხრა ერთხელ. – სულ იმას ცდილობ, სიტყვაც მოზომო და ქცევაც...

იმ დროს ის უკვე საავადმყოფოში იწვა, ძველი შენობის კუთხის ოთახში, რომლის ფანჯარაც თვალისათვის მიმზიდველად გაველურებული მდელის ნაგლეჯსა და უაზროდ ჩარიგებულ მაღალ, გაბარჯულ, მოშავო-მომწვანო ხეებს გაპყურებდა. გაზაფხული მოვიდა და ნავიდა კიდეც, მაგრამ იმდენად იყო უკვე ავად, აღარც ამ ხმაურ-ყვიყივს შეუნუხებია. მერე ცხელი, ნოტიო, წებოვანი ზაფხულიც ჩამოდგა, მისთვის უკანასკნელი...

– რას გულისხმობ? – დავეკითხე. – გგონია, ვთამაშობ რამეს?

მაშინ უკვე იმდენ უცნაურობას ლაპარაკობდა, თითქოს სადღაც სხვაგან გადაბარგებულიყო კიდეც, უჩემობაში, და სიტყვებსაც განსხვავებული აზრი მისცემოდა. გამომხედა და გაიღიმა. იმის გაძვალტყავებულ სახეს უცებ რაღაც დამზაფრავი მშვენიერება დაედო.

– უკვე იმის უფლებაც აღარ გაქვს, სულ ცოტათი მაინც გატულდე! – მეუბნება. – როგორც ადრე...

ცოტა ხანს ხეებს გასცქეროდა, მერე ისევ ჩემკენ მოაბრუნა თავი, ერთხელაც გამიღიმა და ხელზე მომითათუნა ხელი.

– მაგაზე არ იდარდო, – მითხრა. – მეც მძულდი. ცოტათი. ბოლო-ბოლო, ჩვენც ადამიანები ვიყავით.

მაშინ უკვე მხოლოდ წარსულ დროში ლაპარაკობდა.

– ოთახის ნახვას არ ისურვებთ? – მეკითხება მის ვასური. მინაშენის ფანჯრიდან შემოჭრილი მზის უკანასკნელი სხივები დამსხვრეულ შუშასავით ბრჭყვინავდა მაგიდაზე, თითქოსდა ცეცხლმოკიდებულ სახლში. პოლკოვნიკი გაბუტული სახით ინმენდდა ყვითელ ყილეტს, რომელზეც ჩაი ჩამოღვროდა. ნაწყენი ჩანდა – ეტყობა, რაღაცას მეუბნებოდა, მე კი

არ ვუსმენდი. მის ვავასური დერეფანში გამიძღვა. მაშინებდა
 ამ წუთის დადგომა, როცა აქაურობა საბოლოოდ უნდა მო-
 მერგო, იმ სამოსივით, სხვა, გარდასულ დროს რომ მეცვა,
 ვთქვათ, ერთ დროს მოდური ქუდივით, ან მოდიდან გადასუ-
 ლი ფეხსაცმელივით, თუ სულაც, იმ საქორწინო პიჯაკივით,
 უკვე ჩრჩილის სუნი რომ ასდის, მკერდზე აღარ გეკვრება,
 ილიებშიც გიჭერს, მაგრამ ყველა ჯიბე-უბე მოგონებებით
 გამოვსებია... დერეფანი საერთოდ მეუცხოვა: მოკლეა, ვინ-
 რო, ჩაყამებული. კედლები თარაზულად დაუყვია შებეთილ
 ნახევარსა და გამოხუნებულ, თითქოს საუკუნოვან შპალერს.
 არც მახსოვდა, აქ დერეფანი თუ იყო – მეგონა, მთავარი კა-
 რიდან პირდაპირ სამზარეულოში გადიოდი. თუ მეშლება?
 ხელში ჩანთა მეჭირა და მის ვავასურს ისე ვედექი კვალ-
 ში, როგორც საქმის კარგად მცოდნე მკვლელი რომელიღაც
 შავ-თეთრ თრილერში. ვგრძნობდი, მთელი ჩემი მცდელობის
 მიუხედავად, როგორ ჯიუტად ეწინააღმდეგებოდა ნამდვილი
 სახლი მახსოვრობაში შემორჩენილ მისსავე ასლს. ყველაფრის
 ზომა ოდნავ მაინც განსხვავებული ჩანდა, ყველა კუთხე-კუნ-
 ქული – გადასხვაფერებული: კიბე – უფრო დამრეცი, ბაქანი
 – უფრო მომცრო, საპირფარეშოს სარკმელიც გზას კი არ გა-
 დასცქეროდა, არამედ სახლის უკან გადაშლილ მინდვრებს.
 მართლა შეძრწუნებული მიეჩერებოდი სინამდვილეს, სრუ-
 ლიად უგვანსა და მიუღებელს, რომელსაც კლანჭი ჩაესო ჩემ
 მიერ დამახსოვრებული საგნებისათვის და ყველაფრისთვის
 ერთიანად ეცვალა სახეცა და იერიც. თითქოს რაღაც ძვირ-
 ფასი და მნიშვნელოვანი სამუდამოდ მისხლტებოდა თითებს
 შორის, თანაც რა იოლად ველეოდი! წარსული – ნამდვილად
 არსებულს ვგულისხმობ – ნაკლებს ნიშნავს, ვიდრე თავს ვირ-
 ნმუნებთ ხოლმე, და როცა მის ვავასურმა უკვე ჩემად ქცეულ

ოთახში დამტოვა, პალტო სკამის საზურგეზე გადავიკიდე, სა-
ნოლის კიდეზე ჩამოვჯექი, ღრმად ჩავისუნთქე დამდგარი,
ჩახუთული, უცხოვრებელი ჰაერი და მივხვდი, კარგა ხანი,
წლები გამიტარებია მოგზაურობაში და, აი, ახლა დანიშნულე-
ბის ადგილამდეც მოვსულვარ. მთელი ამ ხნის განმავლობაში
ვერც კი ვაცნობიერებდი, მაგრამ სულ აქეთ მეჭირა გეზი და
აქვე დავრჩები კიდეც, რადგან ესაა ჩემთვის ერთადერთი სა-
ვანეცა და თავშესაფარიც.

ცოტა ხნის წინ ის ჩემი ნაცნობი შაშვი ისევ გამოჩნდა
ბაღში და უცებ მივხვდი, რას მაგონებდა ევრილის ქორფლი
იმ დღეს, როცა დუინანის ეზოში შევხვდით ერთმანეთს. ჩიტი
ახლაც ბუჩქის ამოჩემებულ ტოტზე დასკუპებულია, სარდალი-
ვით ზვერავს მიდამოს მახვილი, მძივის მარცვალივით თვა-
ლით. შაშვი უშიშარ ფრთოსნად ითვლება და ესეც სრულიად
მშვიდად შეცქერის მალალ, დიდი ხნის გაუკრეჭავ ბალახში
მოსუნსულე მეზობლის ფისოს. ის კი არა, დამცინავადაც კი
ჩხავის, ბუმბულს იფუებს და მონითალო-ნარინჯისფერ მკერ-
დსაც ისე ამაყად აჩენს, თითქოს დასცინის – ნახე, რა გემ-
რიელი ლუკმა ვარ, მაგრამ, აბა, თქვენ, კატებს, ფრენისა რა
გაგეგებათო... დავინახე თუ არა, მაშინვე მტკივნეულად გა-
მახსენდა დიდი ხნის წინ გავერანებული ბუდე მაყვლის ეკალ-
ბარდებში. ბავშვობაში ჩიტების დიდი მოყვარული მეტყმოდა:
არა, ცქერა კი არ მიყვარდა იმათი, არც მათი ჯიშების ამოც-
ნობა-დახარისხება – ამისკენ გული არ მიმინევდა და თან მა-
ლევე მბეზრდებოდა ხოლმე; ხეირიანად ვერც კი ვარჩევდი
ერთიმეორისაგან და ვერც მათი წარმოშობისა თუ ჩვევების
მცოდნედ გამოვდგებოდი – უბრალოდ, იოლად და სწრაფად

ვაგნებდი ჩიტის ბუდეებს. აი, ამ საქმეში კი ბადალი არ მყავდა. ოღონდ ამას მოთმინება, მახვილი თვალი, სიფხიზლე და კიდევ რალაც ისეთი სჭირდებოდა – უნარი, ამ პანია არსებებთან გაგეიგივებინა თავი, როცა საბუდარისკენ მიეშურებოდნენ. მავანი მეცნიერ-მკვლევარი, გვარი აღარ მახსოვს, რალაცის გასაქარწყლებლად – ახლა აღარც ეს მახსოვს, რის – ამტკიცებდა: შეუძლებელია ადამიანმა სრულად მოახერხოს, ვთქვათ, ლამურასთან თავის გაიგივებაო. მთლიანობაში, ამ აზრს ვეთანხმები, მაგრამ იმასაც დაეუმტკიცებდი საბუთიანად, როგორ შეიძლება, სხვა არსებად გარდაიქმნა ბავშვობაში, როცა ჯერ თავადაც, ნაწილობრივ მაინც, პატარა მხეცი ხარ.

არა, ბოროტი არასოდეს ვყოფილვარ – ვერც მოვკლავდი ჩიტს და ვერც იმის დადებულ კვერცხებს მოვიპარავდი; მხოლოდ ცნობისმოყვარეობა მამოძრავებდა – სულ უბრალო მიზეზი, რალაც მაინც შემეტყო სხვა, უცხო არსებათა საიდუმლოებებიდან.

ყველაზე მეტად კი ბუდესა და კვერცხს შორის სრული აცდენა მაოცებდა, ანუ პირველის – სულერთია, როგორი ლამაზი შესახედიც არ უნდა ყოფილიყო – შემთხვევითობა და მეორის სრულყოფილება, უზადო სისრულე. კვერცხი ხომ სანყისიდანვე დასასრულია და თვითკმარობის უზუსტესი გამოხატულებაა. მახსოვს, ვერასდროს ვიტანდი გატეხილი კვერცხის დანახვას, ამ მცირე ტრაგედიას. იმ დღეს კი, რომელსაც ახლა ვიხსენებ, როგორც ჩანს, ვილაცას ჩემდა უნებურად ჩიტის ბუდე ვაპოვნინე – მაყელის ბუჩქში, ზედ შუა მინდორში. ნებისმიერს შეეძლო იქით მიმავალი დავენახე – მით უმეტეს, რამდენიმე კვირა ზედიზედ დავიარებოდი იქ. დედა-ჩიტი გამიშინაურდა კიდევ – ნეტავ რომელი იყო, ბოლოქანქარა თუ შაშვი? მოკლედ, არცთუ მთლად პანანინა. ერთ დღესაც რომ

მივედი, ბუდეში კვერცხები აღარ დამხვდა. ორი ცალი ნაელთ, მესამე კი იქვე, ქვაზე მიემსხვრიათ. ერთმანეთში ახელილი გული და ცილა დაარჩენილიყო და პანანინა, მუქყავისფრად დანიწკლული ნაჭუჭის ნატეხები. თითქოს ისეთიც არაფერი - ეჭვი არ მეპარება, მაშინ ნებისმიერი სხვა ბიჭვით უგულო ვიქნებოდი, მაგრამ ის ბუჩქი რომ სულ თვალწინ მიდგას?! მისი სუნიც კი მახსოვს. ის დანიწკლული ნაჭუჭებიც, ასე რომ ჰგავდა ჭორფლს ევრილის უფერულ ლოყებსა და ცხვირზე. თითქმის ორმოცდაათი წელი მიტარებია ხსოვნაში ის ნუთი, როგორც რალაც ძვირფასის, საბოლოოს, გარდაუვალისა და გამოუსწორებლის მარადიული ნიშანი.

ანა სანოლიდან იხრება, იატაკზე არწყევს. ხელისგული იმის გახურებულ შუბლზე მიდევს, სირაქლემას კვერცხვით გლუვსა და მყიფეზე.

ზღვისპირა კაფეში ვზივარ ქლოისთან ერთად, კინოსა და იმ სამახსოვრო კოცნის მერე. პლასტმასის მაგიდას ვუსხედვართ და ჩვენს საყვარელ სასმელს ვნრუპავთ მაღალი ჭიქებიდან: ფორთოხლის შუშუნა წვენს, რომელშიც ვანილიანი ნაყინის მოზრდილი ულუფაც დატივტივებს. ისე, თუ არ დაიზარე და მახსოვრობა კარგად დაძაბე, მთელ შენს ცხოვრებას აღიდგენ გონებაში. საოცარიც კია, რა მკაფიოდ ვხედავ ამ ყველაფერს. ჩვენი მაგიდა გამოღებულ კართან იდგა და მზის შუქი სქელ-სქელ სხივებად გვეღვრებოდა ფეხებთან. დროდადრო გზაბნეული ნიავიც შემობორიალდებოდა, იატაკზე ქვიშის წვრილ-წვრილ მარცვლებს შემოყრიდა, ანდა კანფეტის ქალაღს შემოიყოლებდა, სადმე მიაგდებდა; მერე, ხელახლა მობრუნებული, ისევ წაეთამაშებოდა ხოლმე, წააშრიალებდა

სადმე კუთხეში. ჩვენ გარდა თითქმის არც არაინ იყო იქ, მხოლოდ კუთხის მაგიდასთან ვილაც ბიჭები თუ ახალგაზრდა კაცები თამაშობდნენ ბანქოს. მეპატრონის ცოლი – ტანსრული, ქერა, არცთუ ულაზათო ქალი – დახლს იქით იდგა და თვლემამორეული მზერა გამოღებული კარისთვის გაეშტერებინა. ცისფერი, გამოხუნებული, თეთრ არშიამოვლებული ნინსაფარი ეკეთა. რა ერქვა? რაც ერქვა. არა, ახლა ნამდვილად აღარ გამახსენდება. ეგეც თქვენი ნაქები მახსოვრობა. თუ მაინც უნდა ერქვას რამე, მოდი მისის სანაპირო დავარქვათ. უცნაურად კი იცოდა დგომა – ეგ კარგად მახსოვს – მყარად, საფუძვლიანად, ცალი დაჭორფლილი მკლავით დახლს ეყრდნობოდა. ნაყინისა და წვენის ნაზავი ყვითლად შიშინებდა ჭიქებში. წერილი ჩხირებით ვნრუპავდით და ცოტა ხნის წინანდელი მიზეზით დამორცხვებულები ერთმანეთს თვალს ვარიდებდით. სრული სიმშვიდის განცდა დამუფლებოდა – როგორც სანოლზე მდორედ დაფენილ ზეწარს, ანდა კარავს, ნელ-ნელა რომ იკეცება საყრდენებგამოცლილი. ბნელ კინოდარბაზში კოცნა – როგორც ახლა ვრწმუნდები, ეს მართლაც ჩვენი პირველი კოცნა უნდა ყოფილიყო – მძიმე, გადაულახავ კედლად იდგა ჩვენ შორის. ქლოის ზედა ტუჩზე ქერა ღინღლი მოსდებოდა და ჩემი ტუჩები კვლავაც გრძნობდნენ მათ მსუბუქ სინაზეს. ჭიქა ლამის ბოლომდე დავცალე და ახლა ვშიშობდი, შიგნით ჩარჩენილ სითხის წვეთებს ის ხიხინა, რალაცნაირად ორაზროვანი ხმები არ გამოეცა. ქუთუთოებს ქვემოდან, შეფარვით ვუცქერდი ქლოის ხელებს: ერთი მაგიდაზე ედო, მეორეში კი ჭიქა ეჭირა. თითები პირველ სახსრამდე ფუმფულა ჰქონდა, მერე კი, წვერებისკენ, უწვრილდებოდა. ნამდვილად დედამისის ხელები გამოჰყოლოდა. რადიოდან რომელიღაც დაშაქრული სიმღერა მოისმოდა, რასაც ქლოი

აზრმოუცემლად აყოლებდა ხმას. მაშინ სიმღერები მართლა ძალიან ბევრს ნიშნავდა. უსასრულო კენესა იმ მონატრება-განშორებაზე, რასაც ყოვლად მცდარად სიყვარულად ვნათლავდით. ლამლამობითაც, როცა ჩვენს ფიცრულ სახლში, საწოლში ვინეჯი, ორივე სასტუმროდან სულ ამნაირი ჰანგები მოჰქონდა ნიავს – სუსტი, მიბნედილი ხმები, და მაშინვე ჩახუთულ, ცხელ ბინდბუნდში მოცეკვავე წყვილები მიდგებოდა თვალწინ: თმადახვეული გოგონები, ნაზი ცისფერი თუ სამსალასავით მწვანე კაბებით, ყმანვილკაცები სპორტული ქურთუკებითა და სქელი, წრიპინალანჩებიანი ფეხსაცმელებით. *მე უშენოდ ვერსად წავალ, სიყვარულო ჩემო!* უფრო იქით კი უჩინარი, ბნელში ჩანთქმული ნაპირი – ზედაპირზე გრილი ქვიშა, რომელსაც ქვევით ჯერაც შემოუნახავს დღის სიმხურვალე. თეთრქოჩორა ტალღების გრძელი რიგი, თითქოს შიგნიდანვე საკუთარი შუქით განათებული, ირიბად ეხლება ნაპირს, და ამ ყველაფერს ზემოდან დასცქერის ღამე – მღუპარე, იდუმალი, დაძაბული.

– დებილური კინო იყო, – განაცხადა უცბად ქლოიმ. ღამის ცხვირი ჩაყო ჭიქაში და შუბლზე თმა ჩამოეშალა. მის ფეხებთან ნოხად გაფენილი მზის შუქივით უფერული თმა ჰქონდა... თუმცა არა, რალაც მეშლება. არ შეიძლება, ეს ჩვენი პირველი კოცნის დღე ყოფილიყო: უკვე მოსალამოვებულიყო, კინოდან რომ გამოვედით, ნანვიმარზე, ახლა კი გაგანია მზიანი შუადღე იდგა. მაგრამ მაილზი სადღა იყო ამ დროს? კინოში ჩვენთან ერთად წამოვიდა, აბა, ახლა რა იქნა? ის ხომ თავის ნებით გვერდიდან არ შორდებოდა დას. სულ ტყუილად გაქეთ, ქალბატონო მახსოვრობავ! თუ, რალა თქმა უნდა, მართლა თქვენ მკარნახობთ ამ ყველაფერს და არა რომელიმე სხვა, უფრო მდიდარი წარმოსახვის მქონე მუზა... ქლოიმ

ჩაიფრუტუნა: „ვითომ ვერ ხვდებოდნენ, ის ყაჩაღი სინამდვილეში ქალი რომ იყო!“

ისევ მის ხელებს დაეხედე. ერთი ძირში მოველო ჭიქისთვის, რომელშიც მზის წამახული, კრიალა თეთრი სხივი ბრიალებდა, მეორის ცერა და საჩვენებელი თითებით კი სანრუბი ჩხირი ეკავა ტუჩთან და მაგიდაზე მათი ჩრდილი რომელიღაც კაუჭნისკარტა, ქოჩორა ფრინველის თავს წააგავდა. ისევ გამახსენდა დედამისი და ამჯერად მწვავე და მხურვალე ჩხვლეტა ვიგრძენი, თითქოს გახურებული ნემსი მატაკეს გულშიო. ვითომ სინდისი მქენჯნიდა? მართლაც, რას იგრძნობდა, რას იტყოდა მისის გრეისი, თუკი, თუნდაც უნებურად, თვალს მოჰკრავდა, როგორ მივშტერებოდი მოიისფრო ფოსოს მისი ქალიშვილის ლოყაზე, როცა ის ჩხირით ჭიქიდან ბოლო წვეთებს ისრუტავდა ტუჩებმომუნული? თუმცა სინამდვილეში ეს არ მადარდებდა – ყოველ შემთხვევაში, დიდად არ ვუღრმავდებოდი და არც რამის მრცხვენოდა. ის, რასაც სიყვარულს ვეძახით, ხშირად მუხანათურად და დაუნდობლად ინაცვლებს ხოლმე ერთი კაშკაშა საგნიდან კიდევ უფრო კაშკაშაზე, და თან სრულიად შეუსაბამო ვითარებებში... ქორწილის მერე სანოლში პატარძალთან დარჩენილ რამდენ შეზარხოშებულ-შექიფიანებულ სიძეს დასდგომია თვალწინ მისი უკვე მუღლღექცეულის საუკეთესო მეგობრის, უფრო ლამაზი დისა თუ – ღმერთო შენ გვიშველე – სულაც ზომიერად ფერხორციანი დედიკოს სახე?

კი, ქლოი შემყვარებოდა – ასე მოხდა და რაღაა აქ სალაპარაკო. მეცხრე ცაზე ვიყავი, ბედნიერად, ყოვლისშემძლედაც კი ვგრძნობდი თავს – როგორც ნებისმიერი, ვისაც სიყვარული მორევია და ამ ციცაბოზე ასვლას ლამობს. უკვე მაშინ, იმ ასაკშიც კი ვიცოდი, რომ ყოველთვის არსებობს ის, ვისაც

უყვარს და ის, ვინც უყვართ და იმასაც ვხვდებოდი, მე რა როლი მერგებოდა ამ შემთხვევაში. ქლოისთან ერთად გატარებული ის რამდენიმე კვირა მეტ-ნაკლები სიმძაფრის მქონე დამცირებათა მონაცვლეობად მექცა. მოწყალედ მრთავდა ნებას, მის ფეხებთან გამართულ საკურთხეველთან მელოცა. ხანდახან, თუკი სხვა რამეზე ფიქრობდა, ჩემს იქ ყოფნას საერთოდ ვერც ამჩნევდა და მაშინაც კი, როცა მთლიანად მითმობდა ყურადღებას, მუდამ მრჩებოდა რალაც ხინჯი – თითქოს მაინც სხვაგან ქროდა მისი გონება. ეს შეგნებული ორაზროვნება მტანჯავდა და მაცოფებდა, მაგრამ უფრო უარესი იმის დაშვება გახლდათ, რომ შეიძლება სულაც არ იყო შეგნებული და გამიზნული. თუკი საკუთარი ნებით მოინდომებდა ჩემს უგულებელყოფას, ამას მივიღებდი, შევეგუებოდი კიდევ, არც შევიმჩნევდი, მაგრამ იმაზე ფიქრი, დროდადრო, უბრალოდ, ვერც მამჩნევს და ვერც აღმიქვამსო, სრულიად აუტანელი ხდებოდა. როცა მის არაფრისმთქმელ მდუმარებას მაინც დავარღვევდი ხოლმე, შეკრთებოდა და სწრაფ მზერას მოატარებდა ირგვლივ – ჭერს ახედავდა ან ოთახის კუთხეს მიაჩერდებოდა – მოკლედ, ყველაფერს შეხედავდა ჩემ გარდა; თითქოს ამაოდ დაეძებდა იმ ხმის წყაროს, მას რომ ეს ნუთია, გამოლაპარაკებოდა. რა იყო ეს – გამიზნულად მანვალეობა თუ დროდადრო მართლა ებინდებოდა გონება? სიბრაზემორეული ზოგჯერ მხარში ვავლებდი ხელებს და ვაჯანჯლარებდი: მოვითხოვდი, დავენახე და თანაც მარტო და მაინცდამაინც მე. ის კი მოიღვენთებოდა, ნაჭრის ტიკინასავით გადაადგებდა თავს, თვალებს დაიელმებდა და თავისებურ, ხორხისმიერ, მაილზისდაგვარ სიცილს მოჰყვებოდა, ხოლო როცა უხეშად მოვიშორებდი, ზურგით გადაწვებოდა ქვიშასა თუ დივანზე და ხელფეხგაფარჩხული ეგდო ასე, თავს იმკვდარუნებდა.

მინც რატომ ვურიგდებოდი მის ამ ჭირვეულობებსა თუ გამოხდომებს? ზოგადად, არასოდეს მჩვეოდა ნყენის დათმენა და პასუხის გაცემაც მეხერხებოდა – თუნდაც მათთვის, ვინც მიყვარდა, განსაკუთრებით მათთვის; მაგრამ ქლოის შემთხვევაში უსაზღვრო მოთმინებას, მგონი, ის განცდა კვებავდა, რასაც, სავარაუდოდ, მასზე ზრუნვის მოთხოვნილება ერქვა. მოდი, აგისხნით – მგონი, ღირს ამად: ამ ურთიერთობაში დიდი წილი ედო ერთგვარ რიდს, მორიდებას, მოფრთხილებას... რაკი მინცდამინც მასზე შევაჩერე ჩემი არჩევანი, ან პირიქით, მე გამომარჩიეს ამ სიყვარულის განსაცდელად, მეც, რაც შემეძლო, უნდა მოვფრთხილებოდი, და არა მარტო მისი საკუთარი ქმედებებისაგან, არამედ მისივე საფიქრალისაგანაც დამეცვა. მთავარი და გადამწყვეტი ის იყო, საკუთარი თავისაგან და საკუთარი შეცდომებისაგან დამეზღვია. ბუნებრივად მერგო ეს ტვირთი, რაკილა საკუთარ ნაკლს თავად ვერ გამოასწორებდა... თანაც, არა მარტო ხსნა სჭირდებოდა ამ თავისი ნაკლოვანებებისა თუ მათი გარდაუვალი შედეგებისაგან, არამედ მათი არსებობის მიჩქმალვაც; ანუ როგორმე უნდა მომეხერხებინა, თავად არც სცოდნოდა, ეჭვიც კი არ აელო რამეზე, და ეს არა მხოლოდ მის ქცევაში გამოხატულ უმეცრებას, ზერელობას, უაზრო თავდაჯერებას ეხებოდა – ეს ყველაფერი უნდა შენიღბულიყო კიდეც და მათ გამოვლინებებზეც თვალი უნდა დამეხუჭა. მაგალითად, სწორედ ის ამბავი, რომ მან არ იცოდა, დედამისის შემდეგლა თუ ქცეულიყო ჩემი ტრფობის საგნად, ლამის მტკივნეულ სიბრალულს მიჩენდა ქლოის მიმართ. ყურადღება მიაქციეთ: ის კი არ მანუხებდა, რიგით შემდეგია-მეთქი, იმას ვდარდობდი, საერთოდ ვერაფერს ხვდება-მეთქი. ჩემი საიდუმლო როგორმე რომ გაეგო, სავარაუდოდ, საკუთარი თავის მიმართ პატი-

ვისცემას დაკარგავდა, სიბრიყვედ მიითვლიდა, როგორ ვერ დავინახე, რა თვალით უცქერდა დედაჩემსო და ეგებ დედასთან შედარებით, უარესადაც მიეჩნია საკუთარი თავი, რაკი იმთავითვე ვერ ქცეულიყო ჩემს რჩეულად. ამის დაშვება კი არანაირად არ შემეძლო.

თუკი ვინმეს მოეჩვენება, რომ ვცდილობ, თავი ძალიან მომგებიანი კუთხით წარმოვაჩინო, აქვე მინდა განვაცხადო: ქლოისა და მის ნაკლოვანებებზე ზრუნვა სულაც არ ყოფილა მარტო მისთვის სიკეთის ნდომით განპირობებული. ქლოის პირადი ღირსების გრძნობა გაცილებით უმნიშვნელო იყო ჩემთვის, ვიდრე საკუთარი, თუმცა კი მეორე პირველზე გახლდათ დამოკიდებული: თუკი მისი თვითშეფასება შეირყეოდა, თავს სულელად იგრძნობდა, რაკი დროზე ვერ მიხვდა, მეც შემეცვლებოდა მის მიმართ დამოკიდებულება და ეგებ მისდამი პატივისცემაც გამქრობოდა. ამიტომ, თავიდან უნდა აგვერიდებინა ყოველგვარი დაპირისპირება, მკაცრი პირდაპირობა, დაუნდობლობა... შეიძლებოდა მხრებში ჩავფრენოდი და მაგრადაც მენჯღრია; შეიძლება გაბრაზებულს, ქვიშაზეც დამეგდო, მაგრამ არასდიდებით არ უნდა გამემხილა, შენამდე დედაშენი მიყვარდა, ან ფხვიერი ნამცხვრის სუნი გიდის, ანდა ერთი ბიჭი ამბობს შენზე, კბილებზე მწვანე ფერი დაკრავსო... როცა საქმიანად მიმავალს უკან მორჩილად მიეყვებოდი ხოლმე, თვალს ვერ ვწყვეტიდი მოოქროსფრო ღინღლის პანია სამკუთხედს მის კისერზე, პანია ღარებს მის ფაიფურივით მყიფე მუხლის მოსახრელებში და ისეთი განცდა მეუფლებოდა, თითქოს საკუთარ არსებაში უძვირფასესი, ფეთქებადი სითხით სავსე ფილას დავატარებდი, ხოლო ნებისმიერი მკვეთრი მოძრაობა გამოუსწორებელი და მომაკვდინებელიც კი შეიძლებოდა გამომდგარიყო.

არსებობდა სხვა მიზეზიც, რის გამოც არ შეიძლებოდა ზედმეტი თვითშემეცნებით გასერილიყო ან დაკნინებულიყო, ანდა ბოლომდე ამოეცნო ჩემი არსება. ამიტომ იყო სწორედ განსხვავებული. სწორედ მასთან ურთიერთობისას მივხვდი პირველად ადამიანთა შორის სრული განსხვავებულობის გარდუვალობას. არ გადავაჭარბებ, თუ ვიტყვი – მაინც ვიტყვი, გინდაც გადაჭარბება გამომივიდეს – რომ ქლოის მეშვეობით დავინახე პირველად სამყარო, როგორც ობიექტური მთლიანობა. არც ჩემი მშობლები, არც მასწავლებლები, არც სხვა ბავშვები და არც თვით კონი გრეისი არ ყოფილან ჩემთვის ისეთი ერთიანად ნამდვილები, როგორც ქლოი, და თუ ის ასეთი იყო, მაშინ უნებურად, მეც ასეთივე გამოვდიოდი. დარწმუნებული ვარ, სწორედ ის იქცა ჩემთვის თვითშემეცნების ჭეშმარიტ წყაროდ: მანამდე არსებობდა რალაც ერთი და მეც მისი ნაწილი ვიყავი, ახლა კი ვიყავით მე და სხვა დანარჩენი – არა-მე. მაგრამ ამ შემთხვევაშიც რჩებოდა რალაც ხინჯი, ერთგვარი გადაულახავი სირთულე სამყაროსაგან ჩემი გამოჯენა-გამოყოფით, რის გაცნობიერებაშიც ქლოი დამეხმარა, თან საგანთა ბუნებრიობის განცდაც გამიქრო – ის ყველაფერი, რაც მეც მგულისხმობდა, რაშიც მანამდე ჩართული ვიყავი, მეტ-ნაკლებად ნეტარი უმეცრების გამო. ადრე ჭერიც მქონდა და კედლებიც მიცავდნენ, ახლა კი ტრიალ, გაშლილ ადგილას აღმოვჩნდი და ირგვლივ არანაირი თავშესაფარი არ ჩანდა. არც ის ვიცოდი, ისევ მოვხვდებოდი თუ არა შინ, იმ შუუქცევადად დავინროებული ჭიშკრის გავლით.

ქლოის გვერდით ყოველთვის ეკარგავდი ადგილისა და სივრცის განცდას, არასდროს ვიცოდი, რას მოიმოქმედებდნენ მისი ხელები და ვეჭვობ, დიდწილად ამაშიც იმალებოდა ჩემი ლტოლვის მიზეზი. საერთოდ, ესაა სწორედ სიყვარუ-

ლის დონკიხოტური ბუნება. ერთ დღეს, როცა ნაპირზე, ზედ წყლის პირას დავაბიჯებდით. რომელიღაც განსაკუთრებული, ვარდისფერი ნიჟარის საპოვნელად – ყელსაბამისთვის სჭირდებოდა – უცებ შეჩერდა, ჩემკენ შემობრუნდა, ვითომ ვერც ზღვაში მობანავეებს ამჩნევდა და ვერც ნაპირზე გასარუჯად გამოფენილ დამსვენებლებს, პერანგის საკინძით თავისკენ მიმიზიდა და ისეთი ჟინით მაკოცა, ზედა ტუჩი წინა კბილებზე გადამისკდა, სისხლის გემო ვიგრძენი და ჩვენ უკან მომავალმა მაიღზმაც თავისებურად, ხორხში ჩაიხითხითა. უცებვე მომიშორა – ამრეზით, ასე მგონია; მერე კოპებშეკრულმა გზა გააგრძელა, უწინდელივით დაჟინებით ჩააცქერდა ზღვის ნაპირს, სადაც გადაგლესილი ქვიშა ხარბად ელოდა ხენეშახენეშით დაძრულ ტალღას. შეშფოთებულმა, მივიხედ-მოვიხედე: დედაჩემს რომ დავენახეთ, ან მისის გრეისს? ან თუნდაც როუზს? მაგრამ ქლოის, ეტყობა, არც ეს ადარდებდა. ახლაც მახსოვს კბილდაჭერილი ტუჩების დაძაბული სიღბო...

უყვარდა ადამიანების გამონვევა, მაგრამ ბრაზობდა, თუკი ამ გამონვევას ვინმე მიიღებდა. ერთ სისხამ, საოცრად მდუმარე დილით, როცა შორს, ჰორიზონტზე, საავდრო ღრუბლები იყრიდა თავს, დამდგარი ზღვა კი რუხად ბრჭყვინავდა, მის წინ ვიდექი წელამდე წყალში და ვაპირებდი, ჩამეყვინთა, მის ფეხებს შორის გამეცურა, რის ნებასაც ხანდახან მრთავდა ხოლმე.

– მიდი, დროზე! – მითხრა თვალებმოჭუტულმა. – ამნუთას ვქენი ფისი.

რალა დამრჩენოდა – ბრძანებას დავემორჩილე. მე ხომ პატარა, შეყვარებული რაინდი ვიყავი! მაგრამ როცა ისევ ამოვყვინთე, ასე მითხრა, დიდი ბინძური ვინმე ხარო, კისრამდე შევიდა წყალში და ნელ-ნელა გაცურა.

შიგადაშიგ უხეშობის ისეთი უეცარი შეტევა ნამოუვლიდა ხოლმე, ბრაზს ძლივს ვერეოდი. ერთი ნოტიო საღამო მახსენდება, როცა მარტოები დავრჩით „კედლების“ სასტუმრო ოთახში. ნანვიმრის, შმორისა და მტვრიანი ფარდების სუნი იდგა. ქლოი ეს-ესაა, სამზარეულოდან შემობრუნებულიყო, ახლა ფანჯრისკენ მიაბიჯებდა. დივანიდან ნამოვდექი და მისკენ გავემართე. ეტყობა, ვაპირებდი, მკლავები შემომეხვია მისთვის. მივუახლოვდი თუ არა, გაჩერდა, შემომიტრიალდა და პირდაპირ სახეში გამილანუნა. იმდენად მოულოდნელი, გამეტებით მოქნეული სილაქი იყო, მისი ხმა ჭერიდან ექოდ მომიბრუნდა. ნამით გაუნძრევლად ვიდექი, უნებურად სახემიტრიალებული, იმან კი ნაბიჯი უკან გადადგა, გაიცინა, მერე გაბუტული სახით ფანჯარასთან მივიდა, ზედ მიმდგარი მაგიდიდან რალაც აიღო და მოლუშულმა, თვალიერება დაუნყო.

ერთხელ კიდევ, სანაპიროზე, ვილაც ქალაქელ ბიჭს აუშარდა. ქარიანი, უყმური დღე იდგა, ზაფხული ინურებოდა და ჰაერში უკვე შემოდგომის მომასწავებელი სუსტი სუნიც ტრიალებდა. ქლოის ეტყობა, მონყენილობა მოსძალებოდა და ბრაზიან გუნებაზე გახლდათ. ის ბიჭი ერთი ფერმკრთალი, მფრთხალი ვინმე გამოდგა – შავი, ფართხუნა საცურაო ნიფხავი ეცვა, მკერდი ჩავარდნოდა და სიცვივისაგან ძუძუსთავები გაუფერულებოდა. კუთხეში მივიმწყვდიეთ ჩვენ სამმა, ბეტონის კედელთან. ბიჭი ტყუპებზე მალალი იყო, მაგრამ მე მასზე მალალი ვიყავი და რაკი სატრფოსთვის თავის მოწონების სურვილი მკლავდა, ერთი კარგი მუჯღლუგუნი ვუთავაზე, მწვანედ გალიპულ კედელს მივაჯახე ზურგით, მერე კი ქლოიც აესვეტა წინ და მბრძანებლურად მოსთხოვა, ვინაობაც მოეხსენებინა მისთვის და იქ ყოფნის მიზეზიც. ბიჭი უაზრო გაოცებით მისჩერებოდა – ეტყობა, ვერ გაეგო,

რას ერჩოდნენ, რა უნდოდათ მისგან. ამაზე ცხადია, არც ჩვენ გვეკონდა პასუხი. „რამ გაგაშტერა!“ – შეუძახა ქლოიმ. დონ-ჯუშემოყრილი ცალ ფეხს ქვიშაზე აბაკუნებდა. ბიჭმა მორიდებით გაულიმა – უფრო დარცხვენნილმა, ვიდრე შეშინებულმა. ერთი დღით ჩამოვედით მატარებლით მე და დედაჩემიო, – ამოლერლა. „დედიკოს ბიჭი ხარ?“ – დამცინავად ჰკითხა ისევ ქლოიმ და თითქოს ნიშანი მისცაო, მაშინვე მაილზმაც გაშლილი ხელი მწარედ ჩაარტყა კეფაში. „გაიგე?“ – უყვირა ქლოიმ. – „და ნუ გვეჯგიმები აქ!“ სანყალმა, ქვეშაფსია ქალაქელმა ბოჩოლას თვალებით ამოგვხედა და თითქოს მომხდარს ვერც იჯერებსო, ფრთხილად მოისვა ხელი კეფაზე. წამით დაძაბული სიჩუმე ჩამოვარდა, იმ დროს რომ იცის ხოლმე, როცა ნებისმიერი რამ შეიძლება მოხდეს. მაგრამ არაფერიც არ მომხდარა. ბიჭმა მორჩილად, უნდოდ აიჩეჩა მხრები და ჯერაც თავზე ხელმიდებული, სადღაც წაფრატუნდა. მერე ქლოიმ მე გამომხედა გამომწვევად, ოღონდ აღარაფერი უთქვამს, მაილზმა კი გულიანად ჩაიხითხითა.

ეს ამბავი არც ქლოის მზერისა და არც მაილზის ხითხითის გამოისობით არ დამმახსოვრებია სამუდამოდ, იმ ქალაქელი ბიჭის ბოლო შემოხედვის გამო დამამახსოვრდა – სანამ უიმედოდ შეტრიალდებოდა და გაგვეცლებოდა. მიმიხვდა, რომ მეც იმასავით ქალაქელი ვიყავი, რადაც არ უნდა მომეწვენებინა თავი. მის ამ გამოხედვაში ლალატის გამო საყვედური, ან მის წინააღმდეგ ვილაც უცხოების გვერდით დგომის გამო ბრაზი რომ ყოფილიყო – საერთოდ რაიმე ამდაგვარი – ამას აინუნშიც არ ჩავაგდებდი, თუმცა ალბათ ცოტათი მაინც შემრცხვებოდა. ყველაზე მეტად იმისმა უნდილობამ ამირია თავგზა, ჩემს ლალატთან ასე მორჩილად, ცხვარივით შეგუება. რალაც მიბიძგებდა, საჩქაროდ უკან გავყოლოდი, მხარზე

ხელი დამედო – არა იმიტომ, რომ მომებოდიშა და პატიება მეთხოვა მის შეურაცხმყოფელთა დახმარებისთვის, არამედ მეიძულებინა, ერთხელ კიდევ შემოეხედა, უფრო სწორად, ის უნინდელი მზერა გაექრო, წაეშალა, მისი ხსოვნაც კი ამოერეცხა თვალებიდან. ეს იმიტომ, აუტანლად რომ მიმაჩნდა იმაზე ფიქრიც კი, ასე კარგად შემიცნო-მეთქი... უკეთესად, ვიდრე მე ვიცნობდი საკუთარ თავს, ანუ – უარესი მხრიდან.

არასოდეს მიყვარდა ფოტოს გადაღება, მაგრამ განსაკუთრებით ვერ ვიტანდი, როცა ანა მიღებდა სურათებს. ვიცი, უცნაურად ჟღერს, მაგრამ როცა აპარატში იხედებოდა, თითქოს ბრმად იქცეოდა, რალაც კვდებოდა მის თვალებში და ბუნებითი შუქი უქრებოდა: თითქოს ლინზიდან გადასაღებ ობიექტს კი არ უცქერდა, არამედ სადღაც, სიღრმეში აპყრობდა მზერას, საკუთარი არსების წიაღში და იქ ხედვის რალაც სხვა კუთხეს, უმთავრეს სახილველს დაეძებდა. გაუნძრევლად ეკავა კამერა თვალის სისწორეზე, ფაფარივით თმას გადაიყრიდა და დაბინდულ მზერას წამით მოგაპყრობდა – თითქოსდა ნაკვთებზე ბრაილის ანბანის ნიშნებად გეწერა ამ მანძილიდან მხოლოდ მისთვის გასარჩევი სიტყვები – ლილაკს კი სასხვათაშორისოდ გააჩხაკუნებდა, აქაოდა, მხოლოდ მექანიზმის ასამოქმედებლადო. ჩვენი ურთიერთობის პირველ დღეებში ისეთი უგუნურება გამოვიჩინე, ნება მივეცი, რამდენჯერმე გადაელო ჩემთვის ფოტოები. შედეგი მართლა სავალალო იყო, იმდენად მკაფიოდ და არამიმზიდველად დავინახე საკუთარი თავი. ამ ათიოდე შავ-თეთრ ფოტოპორტრეტზე – კი, ასეა, მხოლოდ ჩემი თავი გადაელო – საკუთარ თვალში კიდევ უფრო შემზარავი გამოვჩნდი, ვიდრე მთლიანობაში ვიქნებოდი, თუნ-

დაც დედიშობილა. არადა, ახალგაზრდა, სანდომიანი და მეტი რომ არა ვთქვათ, არცთუ ულაზათო ვინმე გახლდით, თუმცა ამ ფოტოებზე ასაკგადაცილებულ რალაც ჰომუნკულუსს ვგავდი. იმას არ ვამბობ, შეგნებულად დამამახინჯა-მეთქი: ის კი არა, ამ ფოტოების მნახველები იმასაც კი მიმტკიცებდნენ, შენი გულის მოგებას ცდილობდაო. მაგრამ, თუ მართლა ეს მიზანი ჰქონდა, ჩემთვის მაინც პირიქით გამოჩნდა. ასე მეჩვენებოდა, თითქოს ვილაცას გაქცევის მცდელობისას ეტაცა ჩემთვის ხელი და საცაა, აყვირებოდა – ქურდი, ქურდი დავიჭირეო... სახეზე ერთდროულად ყინჩი და მავედრებელი გამომეტყველება შემეყინვოდა – იმ არამზადისა, გული ფეხებში რომ ეპარება, ვაითუ ყველა იმ დანაშაულში მამხილონ, რაც კი ჩამიდენია და ბოლომდე კარგად არც მახსოვსო. თუმცა თან წინდანინ მაინც ემზადება, როგორ დაიძვრინოს თავი. გენახათ ერთი, რა სასონარკვეთილი, ქლესა ღიმილი მეხატა სახეზე, მართლა ამაზრზენი! ის ფოტოკამერას ვითომ სანდომიან, ახალგაზრდულ სახეს უმიზნებდა, არადა, სინამდვილეში, მავანი გალოთებული გაიძვერას პირადობის მონმობისთვის გადაღებული სურათი კი გამოსდიოდა. მოკლედ, ნილაბი ჩამოხსნაო, რომ იტყვიან, ეგ იყო.

მართლა გამორჩეული ნიჭი ჰქონდა, მიუკერძოებელი, ბოლომდე გამაშიშვლებელი თვალით დაენახა ყველაფერი. ის ფოტოებიც მახსენდება, საავადმყოფოში გადაღებული – უკვე სულ ბოლოს, დასასრულის დასაწყისში, როცა ჯერ კიდევ უტარებდნენ მკურნალობას და საწოლიდან დაუხმარებლად წამოდგომასაც ჰხერხებდა. კლერს სთხოვა, ფოტოაპარატი მომიძებნე და მომიტანეო. უკვე წლები იყო, ხელში აღარც აეღო. ძველი აჩემებისკენ მიბრუნების ამ მოლოდინმა უცებ ძლიერი, უსიამო წინათგრძნობა გამიღვიძა და არც ის მომე-

ნონა – თუმცა ვერანაირად ვერ ავხსნი, რატომ – მე კი არა, კლერს რომ სთხოვა აპარატის მიტანა. თან ვითომ არც უნდა მცოდნოდა. ნეტავ ვის რაში სჭირდებოდა მთელი ეს გასაიდუმლოებული ფაცი-ფუცი? კლერი ახალი დაბრუნებული იყო – მანამდე უცხოეთში სწავლობდა, საფრანგეთში, ჰოლანდიაში, ბოლოს გერმანიაშიც – და შეძრწუნებული დარჩა, როცა დედა ამ მდგომარეობაში დაუხვდა. ცხადია, ჩემზეც გადატყდა ჯობი – უფრო ადრე რატომ არ შემატყობინეო. აღარ მითქვამს, ანას არ უნდოდა დროზე ადრე შენი შინ დაბრუნება-მეთქი. ესეც უცნაური ჩანდა, რადგან ადრე დედა-შვილი სულ იოლად უგებდნენ ერთმანეთს. იქნებ ვეჭვიანობდი? ცოტათი კი. ან იქნებ – არც ისე ცოტათი, თუ სიმართლე გინდათ. კარგად ვიცი, რას ველოდი, რას ველი საკუთარი ქალიშვილისაგან და ამ ლოდინის თავკერძობასა თუ მომთხოვნელობასაც მშვენივრად ვაცნობიერებ: ძალიან ბევრს ვითხოვ ჩემისთანა ზერელე ბუნების კაცის ნაშიერისაგან. ის იმას მაინც მოახერხებს, რაც მე ვერ შევძელი და თუ რამე მესმის, ცნობილი მეცნიერიც გახდება. არადა, ამდენი ნამდვილად მესმის. დედამ რალაც ფული დაუტოვა, თუმცა ბევრიც არაფერი. მე კიდევ ფული არ მაკლია, ოღონდ მაინც ხელმომჭირნე ვარ...

სრულიად შემთხვევით ჩავავლე კლერს, იმ ფოტოაპარატს რომ მოარბენინებდა. შეეცადა, არაფერი შეემჩნია, სასხვათაშორისოდ გაეტარებინა ეს ამბავი, მაგრამ ამნაირები დიდად არ ეხერხება. თუმცა ჩემზე უკეთ ვერც ის ხვდებოდა, რა საჭირო იყო მთელი ეს გასაიდუმლოება. ანას კი მუდამ სჩვეოდა სულ უბრალო რამეების მიჩუმათება. ეტყობა, მამის გავლენა თუ იყო, მათი ხანგრძლივი, უთავბოლო ერთობლივი ცხოვრების გამოძახილი. საერთოდ, იყო მასში რალაც ბავშვური – იმის თქმა მინდა, რომ ჭირვეულობა, უეცარი გულჩათხრობი-

ლობა სჩვეოდა. ვერ იტანდა მის საქმეში სულ ოდნავ ჩარევასა თუ ნებისმიერ წინააღმდეგობას. ვიცი, რასაც ვამბობ და ასე მგონია, ორივე რომ დედისერთები ვიყავით, ამის ბრალია ყველაფერი. უცნაურად კი ჟღერს დედისერთები. ვითომ მე შევეუშალე ხელი? ჩემ გამო ვერ გახდა ხელოვანი? თუკი, საერთოდ, ფოტოაპარატის ჩხაკუნი შეიძლება ხელოვნებად მივიჩნიოთ... ვალიარებ, მისი ფოტოები საერთოდ არც მაინტერესებდა და ამიტომ არანაირი საფუძველი არ ჰქონდა, ეფიქრა, აპარატს დამიმალავსო... მართლა ვერაფერს გაიგებს კაცი.

ასეა თუ ისე, რამდენიმე დღეში, მას მერე, რაც კლერს ანას აპარატი დაეუნახე ხელში, საავადმყოფოში დამიბარეს და მითხრეს, თქვენი მეუღლე სხვა პაციენტებს სურათებს უღებს და ამის გამო უკმაყოფილებაც გამოითქვაო. როცა მკაცრსახიანი მთავარი ექიმის კაბინეტში ანურული ვიდექი, ანას მაგივრად მცხვენოდა და თავს თანაკლასელის ცელქობისთვის გალანძლულ მოწაფედ ვგრძნობდი. როგორც გაირკვა, ანა თურმე ფეხშიშველი, საავადმყოფოს თეთრ ხალათში გამოხვეული დაიარებოდა პალატებში, თან ბორბლებიან წვეთოვანს დაათრევდა – ამას „ჩემს ბორბლებიან ბარს“ ეძახდა – და ერთ ბედქვეშ მყოფთა შორის განსაკუთრებით დანგრეულ-დასახიჩრებულებს დაეძებდა. მათ საწოლებთან ჩერდებოდა, აპარატს მოიმარჯვებდა და იქამდე აჩხაკუნებდა, ვიდრე რომელიმე ექთანი არ წაასწრებდა და საწოლში დაბრუნებას არ მოსთხოვდა.

– გითხრეს მაინც, ვინ ჩივისო? – მკითხა პირგამეხებულმა. – თვითონ პაციენტები კი არა, იმათი პატრონები... და იმათ რა ესმით?

ფირები გასამყლავნებლად თავის მეგობარ სერჟთან გამატანა. ეს მეგობარი სერჟი, რომელიც თავისუფლად შეიძ-

ლება შორეულ წარსულში მეგობარზე მეტიც ყოფილიყო, ერთი ანონილი, კოჭლი ჯეელია, ლამაზად მზინავი შავი თმა აქვს და ძალიანაც უყვარს ამ თმის შუბლიდან მოხდენილად უკან გადაყრა თავისი დიდრონი, მოუხეშავი თითებით. მდინარესთან, შეიდ-სტრიტზე, მალალი, ნონოლა სახლის ბოლო სართულზე აქვს სტუდია გამართული. მოდის სფეროში საქმიანობს და თავის არც ერთ მოდელს არ უშვებს უპატივცემულოდ. ასე ამბობს, ლტოლვილი ვარო – არ მახსოვს, საიდან – და იმის ლულუნა აქცენტი თურმე ჭკუას აკარგვინებს გოგოებს... გვარს არასოდეს ახსენებს – ყველასათვის, უბრალოდ, სერჟია. შეიძლება ესეც მხოლოდ „შემოქმედებითი“ ფსევდონიმი. ახალგაზრდობიდანვე ვიცნობდით ბევრ ეგეთს ანაცა და მეც. იმ ძველ დროში, მაშინ რომ ახალი გვეგონა. ახლა ველარც ვხვდები, რანაირად ვეგუებოდი ასეთ ხალხს – სრულ უბადრუკობას, მაშინაც და ახლაც.

მაგრამ, ეტყობა, არის ჩემში რაღაც ისეთი, სერჟს, რატომღაც, მუდამ რომ ახალისებს: სულ მზადა აქვს პატარ-პატარა, უმარილო ხუმრობები, რომლებიც, დარწმუნებული ვარ, მხოლოდ იმის საბაბია, დამცინოს და არ კი შეეტყოს, მე თუ დამცინის. როცა გამჟღავნებული ფირებისათვის მივაკითხე, თვალისმომჭრელად არეულ-დარეულ სტუდიაში დაუნყო ძებნა. სულ არ გამიკვირდებოდა, ეს არეულობა განგებ რომ მოეწყო – როგორც, ვთქვათ, ვიტრინას აწყობენ ხოლმე. წინ და უკან დაიარებოდა იმ თავის შეუსაბამოდ მალალ ფეხებზე და ყოველი ნაბიჯის გადადგმისას ჯიუტად კოჭლობდა. მხარს ზემოდან მეხმიანებოდა ხოლმე და თან ეტყობა, უძირო ფინჯნიდან ხვრეპდა ყავას. ეს ყავაც მისი ერთ-ერთი გამოსარჩევი ნიშანია – როგორც თმა, კოჭლობა და თეთრი, გრძელი, ნელზე გადმოშვებული, რუსული ყაიდის ქამრიანი პერანგები.

ამათზე საერთოდ ჭკუა ეკეტება. „როგორა მყავს მშვენიერი ანი?“ – მკითხა. ერთხელაც გამომხედა გვერდულად და გაიცინა. მხოლოდ ის ეძახის ასე. არ მინდოდა მეფიქრა, რომ ეს მათი ძველი, სასიყვარულო თიკუნი შეიძლებოდა ყოფილიყო. ანას ავადობაზე სიტყვა არ დამიძრავს, ან რატომ უნდა მეთქვა რამე? ახლა თავის დიდ სამუშაო მაგიდაზე გამეფებულ ქაოსში იქექებოდა. ბნელი ოთახიდან მომავალი რალაც ქიმიური სითხის მომნარო სუნი ნესტოებსა და თვალებს მიწვავდა. „არ იცვლება ჩვენი ანი...“ – ჩაილულუნა თავისთვის, თითქოს ნაიმღერა და თან ერთხელაც ჩაიფრუტუნა. წარმოვიდგინე, როგორ ვეძგერე, ფანჯარასთან მივათრიე და ფეხებით გადავკიდე რაფაზე. უცებ გახარებული ახვიხვინდა და სქელი კონვერტი დააძრო საიდანღაც. როცა გამორთმევა დავუპირე, ხელი უკან წაიღო და ეშმაკურად, ცელქად შემომხედა, შაშვივით გვერდზე თავგადანუღმა: „მართლა მაგარი რალაცები გადაუღია!“ კონვერტს ჯერ ისევ ხელში ათამაშებდა, მეორე ხელს კი ცუდი დირიჟორივით იქნევდა აქეთ-იქით: „კი, მართლა მაგარია!“

მწოლიარე ანამ ხელი გამოიწვდინა და ბავშვივით თითებ-გაფარჩხულმა, უსიტყვოდ გამომიტაცა კონვერტი. პალატაში ნესტიანი სიცხე იდგა, შუბლსა და ზედა ტუჩზე ვერცხლისწყალივით უბრწყინავდა ოფლის წვეთები. თავზე თმას ისევ დაეწყო ზრდა, ოღონდ რალაცნაირად დუნედ, უგულოდ, თითქოს იცოდა, დიდი ხნით მაინც აღარ დაეჭირდებო. თხელ, მუქ, გაზინთულივით მბზინავ ბლუჯებად ამოსვლოდა და კატის გატლექილ ბენვს მიუგავდა. სანოლის კიდეზე ჩამოვუჯექი, ვუცქერდი, როგორ მოუთმენლად ებრძოდნენ მისი თითები კონვერტს. რატომ ამშვიდებს კაცს საავადმყოფოს ეს თეთრი პალატები? იმის მიუხედავად, რაც იქ ხდება. სულ არ ჰგვანან სასტუმროს ნომრებს: იქ, უძვირფასესშიც კი, მაინც ანონიმუ-

რობა სუფევს, არაფერი ამჟღავნებს სტუმრისადმი ზრუნვას – არც სანოლი, არც სასმელებით სავსე მაცივარი თუ შარვლის საკიდი, გულგრილად რომ აყუდებულა ზურგით კედელზე. არქიტექტორთა, დიზაინერთა და მენეჯერთა დიდი მცდელობის მიუხედავად, სასტუმროს ნომრები მაინც მუდმივად მოუთმენლობით არიან შეპყრობილნი, თუ როდის დაცლიან და გაეცლებიან ეს მობინადრენი! აი, საავადმყოფოს პალატები კი, პირიქით, ყოველგვარი ძალისხმევის გარეშე გვაკავებენ, უნდათ, რომ დავრჩეთ და თავიც შინაურულად ვიგრძნოთ... როგორ დამამშვიდებლად წააგავს აქაურობა თუნდაც სამშობიაროს – ამ შეთეთრებული კედლებით, ლინოლეუმიანი იატაკით, ერთი ბენო პირსაბანით კუთხეში და იქვე გადაკიდული პატარა პირსახოცით და, რალა თქმა უნდა, ბორბლებიანი და ბერკეტებიანი სანოლით, მართლა ახალშობილის სარწვევლას რომ წააგავს; სადაც შეგიძლია ტკბილად იძინო, ლამაზი სიზმრები ნახო – იმიტომ, რომ თვალს არ მოგაშორებენ, მოგივლიან და არასოდეს, არასოდეს მოკვდები... ნეტავ არ შეიძლება, ერთი ასეთი ვიქირავო? პალატაზე ვამბობ. დავჯდები და ვიმუშავებ იქ. სულაც საცხოვრებლად გადავბარგდები. მე შენ გეტყვი, პირობებს დაინუნებ! დილაობით მხიარულს გაგელვიძება, დანიშნულ დროს საჭმელსაც მოგართმევენ, სანოლსაც კოხტად გაგისწორებენ, თეთრ, მართკუთხა კონვერტს დაამსგავსებენ და მთელი სამედიცინო პერსონალიც იქვე გეყოლება, ყოველი შემთხვევისთვის. კი, აქაურობას მშვენივრად მოერგებოდა კაცი. მოვენყობოდი ერთ-ერთ ასეთ თეთრ საკანში, გისოსებიან ფანჯარასთან... არა, გისოსები არ მინდა. ეტყობა, მთლად ემხში შევედი. ფანჯარა ქალაქს უნდა გადასცქეროდეს, ქარხნის მილებს, გადატვირთულ ქუჩებს, ერთმანეთზე მიჯრილ სახლებსა და მათ წინ უსასრულოდ მორიალე პანანინა კაცუნებს.

ანამ ფოტოები მის ირგვლივ სანოლზე მიმოაბნია და ხარბად დააჩერდა. თვალები უბრწყინავდა, იმ დროისათვის უკვე ლამის მარტო თვალებადღა იყო ქცეული. ჯერ ერთი, იმან გამაკვირვა, ფერადი ფირი რომ ეხმარა – ადრე მხოლოდ შავ-თეთრ ფოტოებს იღებდა. მეორე გაცეცხა ჩემთვის თავად ფოტოები გამოდგა: თამამად შეიძლებოდა, ომის დროს, საველე ლაზარეთში ან რომელიმე დანგრეულ-დაპყრობილი ქალაქის სამხედრო ჰოსპიტალში გადაღებულად მიგეჩნიათ. ვილაც მოხუცი კაცისთვის მუხლს ქვემოთ მოეკვეთათ ფეხი და ნარჩენი უხეშად, მსხვილი ძაფით გადაეკერათ – ნაკერი ჯინსის ელვა-შესაკრავს ჰგავდა; ზონზროხა, შუახნის ქალისთვის ცალი ძუძუ მოეჭრათ, ნარჩენი ადგილი ახლა ერთიანად მოჭმუჭნულიყო და ვეება, ცარიელ თვალის ბუდესავით მოჩანდა; მკერდსავსე, მომლიმარ დედას მაქმანიანი ლამის პერანგი გადაეცვა და კმაყოფილი სახით აეტატებინა ხელში თავისი ახალშობილი, ჰიდროცეფალი პირმშო, რომლის დაყვლეპილ თვალეშიც ცხოველური შიში ჩაბუდებულიყო; ახლო ხედით გადაღებული მავანი დედაბრის ართრიტით დაკრუნჩხული თითები ვაზის გამხმარი ფესვებივით დაგრეხილიყო; ლოყაზე უცნაურწყლულიან ბიჭს მუშტები შეემართა, ცერა თითები აეპრიხა და ენაგადმოგდებული, გამომწვევად იჭყანებოდა. იყო კიდევ რალაც მონარჩენებით, გაურკვეველი, მუქი, სველი ხორცის ნაფლეთებით სავსე თუნუქის ტაშტის ფოტოც – ვერ გაიგებდი, სამზარეულოდან ჩაეცალათ შიგ ეს ყველაფერი თუ საოპერაციოდან გამოეტანათ...

თუმცა ყველაზე გამაოგნებელი ჩემთვის ამ სურათებზე გამოსახული ადამიანების მშვიდი ღიმილი იყო, რითაც საკუთარ იარებს, ჭრილობებსა და ჩირქგროვებს ამზეურებდნენ. განსაკუთრებით დამამახსოვრდა ერთი, თითქოსდა ფორმა-

ლისტური ჩანახატივით ფოტო: ზედ მჭახე შუქ-ჩრდილები ქარ-
ბობს, და ვილაც ბებრუხანას ფეხები აუპრიხავს, მოლურჯოდ
დაძარღვეულ მუხლისთავეებს შორის კი რალაც – იქნებ სულაც
ჯამოვარდნილი საშო მოუჩანს. მთელი ეს კომპოზიცია ბლეი-
კის რომელიღაც ნიგნი-ქადაგების ყდასავით შთამბეჭდავ და
“ზუსტად გათვლილ გაფორმებას მოგაგონებთ. შუა სივრცე –
ამოყირავებული სამკუთხედი – ორივე მხრით დედაბრის გაშ-
ლილ-გაფარჩხულ ფეხებს მოუნიშნავს, ხოლო ზემოდან – მის
თეთრ ქვედაბოლოს: თითქოს ამ სუფთა პერგამენტივით ადგი-
ლას ის ცეცხლოვანი წარწერა უნდა გაჩნდეს, რომელიც წინ-
დანი გვაუწყებს იმ რალაც მოვარდისფრო-მენამული არარას
ვითომ-შობას, რასაც უკვე გამოუყვია კიდევ თავი. ამ სამკუთ-
ხედის იქით კი ბებრის მეღუბა გორგონასავით საბედისწერო
სახე, პერსპექტივის ოსტატური გადანაცვლებით, იმავე სიბ-
რტყეში ჩანს, სადაც მისივე მუხლები, იმავე დონეზე – თით-
ქოს მთელი თავი პირნმინდად მოუჭრიათ და ქვედაბოლოზე
ისე დაუდვიათ, ვითომ სინით შემოიტანესო... არადა, თავად
სახეს სიმშვიდე დაჰფენია – იფიქრებთ, დამცინავად თუ სუ-
ლაც შეთქმულივით ილიმისო; ერთგვარი სიამეც კი აწერია ზედ
და აშკარა თვითკმაყოფილებაც. გამახსენდა, როგორ მივაბი-
ჯებდით ერთ დღეს მე და ანა ქუჩაში, მას მერე, რაც მთლიან-
ად გასცვივდა თმა, და მოპირდაპირე მხარეს ზუსტად მასავით
გამელოტებულ ვილაც ქალს ჰკიდა თვალი. არ ვიცი, შეამჩნია
თუ არა, მეც რომ დავინახე, როგორ მიაჩერდნენ ერთმანეთს –
თითქოს არაფრისმთქმელი, მაგრამ თან ეშმაკური, ორაზროვა-
ნი, შეთქმულთა მზერით. ანას ავადმყოფობის მთელი ამ უსას-
რულო 12 თვის მანძილზე, მგონი, არასოდეს მიგრძნია თავი
მისგან ასე გაუცხოებულად, როგორც იმ წამს, როცა ტანჯულ
ქალთა ამ საკრებულოდან გარიყული აღმოვჩნდი.

- აბა? - მკითხა უკვე მაშინ, როცა სანოლზე მიმობნეულ სურათებს ათვლიერებდა; სხვათა შორის, ჩემთვის ერთხელაც არ შემოუხედავს. - რას იტყვი?

ჩემი აზრი სრულებით არ აინტერესებდა. იმ დროისათვის მეც და ჩემი შეხედულებებიც მისთვის უკვე გუშინდელი დღე ვიყავით.

- კლერს აჩვენებ? - ვკითხე. არ ვიცი, პირველი რაღა მაინცადამაინც ეს შეკითხვა მომივიდა თავში.

ვითომ ვერ გაიგონა. ან იქნებ არც მისმენდა? სადღაც, შენობაში ზარი ზუზუნებდა, თითქოს პატარა, გაუნელებელი ტკივილის ხმა აღწევდა ჩვენამდე.

- ესაა ჩემი ალბომიცა და საბრალდებო დასკვნაც, - თქვა.

- რა დასკვნა? - გავიკვირვე და თან აუხსნელი შიში დამეუფლა. - ვინ რაში გდებს ბრალს?!

მხრები აიჩეჩა.

- ყველა, - მიპასუხა. - ყველაფერში.

ქლოი, მისი სისასტიკე. ზღვის ნაპირი. ცურვა ღამლამობით. ერთ საღამოს საცეკვაო დარბაზის შესასვლელთან დაკარგული მისი სანდალი - კონკიას ბროლის ქოში. გაქრა ყველაფერი. წავიდა. წავიდა და წავიდეს - დავიღალე. დავიღალე და გავილენე. ერთი მაგის დედაც.

ჩვენთან გრიგალმა გადაიარა. მთელი ღამე ქროდა და ნახევარი დიღაც. უცნაური ამბავია, არც ვიცოდი, ამ ადგილებში მსგავსი რამ თუ ხდებოდა. სიძლიერესა და ხანგრძლი-

ვობას ვგულისხმობ. ისე, დიდად კი ვისიამოვნე: ვიჯექი ჩემს ვარაყიან სანოლზე, როგორც კატაფალკზე – არ ვიცი, რამდენად ზუსტი სიტყვა მოვძებნე – და ოთახიც ზანზარებდა, თითქოს გამშაგებული ცა, აი, ახლა ძვლებში გადატყდება და ჩამოიქცევას. ვფიქრობდი, როგორც იქნა, ბუნების ძალებმაც მიაღწიეს დულილის იმ ნერტილს, რაც ჩემს შინაგან მდგომარეობას ზედმიწევნით ეხამება-მეთქი! მეგონა, გარდავისახე: ვაგნერისეულ რომელიღაც ღმერთკაცად ვიქეცი, საადრო ღრუბელს მოვაჯექი და დიდებულ, მგრგვინავ მუსიკას ვაჟღერებდი – ციურ ბუკსა და ნალარას, ასე ვთქვათ. ალგზნებული, ეიფორიით შეპყრობილი, ელვა-ჭექითა და ჭიქა ბრენდით შეხურებული საკუთარ მდგომარეობას ახლა უცებ ახელილი თვალით შევცქეროდი. ცხადია, ზოგად მდგომარეობას ვგულისხმობ. მთელი ჩემი გონივრული განსჯის მიუხედავად, მუდამ მნამდა, რომ მომავლის რომელიღაც უნებურ ნამს უსასრულო რეპეტიციად ქცეული ჩემი ცხოვრება – ასეთი აბდაუბდა და დაულაგებელი, შეცდომებითა და მარცხით სავსე – დასრულდებოდა და ბოლოსდაბოლოს დაიწყებოდა ის ნამდვილი დრამა, რისთვისაც ასეთი გულწრფელობით ვამზადებდი თავს. ვიცი, ეს ჩვეულებრივი თავის მოტყუებაა და ნებისმიერს გვახასიათებს. და მაინც, ნუხელ, მთელი ამ ვალჰალური სიშმაგის ამოფრქვევისას, მაინც ვიფიქრე: ხომ არ მოახლოვდა სცენაზე ჩემი გამოსვლის დრო, ასე ვთქვათ, მთავარი რეპლიკის წარმოთქმის წუთი-მეთქი. არ ვიცი, რანაირი იქნება ეს დრამატული გარდასახვა – ზუსტად რა მოხდება, როცა სცენაზე შევდგამ ფეხს; თუმცა ერთგვარ აპოთეოზს კი ველი, რალაც დიად გარდატეხას. არა, გარდაცვალებაზე არ ვლაპარაკობ – არ მჯერა იმქვეყნიური ცხოვრების და არც ღვთაება მეგულება ისეთი, ამას რომ შემომთავაზებდეს. თუ

გავითვალისწინებთ, როგორი და რა სახის სამყარო შექმნა, ნრეგადასული სითამამე იქნებოდა, ღმერთის რომ გნამდეს. არა, მე მხოლოდ მიწიერი თვითგამოხატვის წამს ველი. სწორედ ასეა: მთლიანად, ერთიანად გამოვხატავ საკუთარ თავს და გავთავისუფლდები როგორც საბოლოო, სამადლობელი სიტყვის მთქმელი. მოკლედ, *ამოვითქმები*. და განა მუდამ ეს არ იყო ჩემი მიზანი? სინამდვილეში, განა ეს არაა ყველა ჩვენგანის ფარული მისწრაფება – მოიშოროს ხორციელი და ერთიანად ტანჯვაშეუვალ, ხელშეუხებ სულად გარდაისახოს? იჭეჯა, იქუხა, დაახანზარა, შეარყია ყველა კედელი.

სხვათა შორის, სანოლი, ჩემი სანოლი. მის ვავასური იჩემებს, სულ აქ იდგაო. ასე გამოდის, ცოლ-ქმარ გრეისებს ეძინათ ზედ? აგეკვიტება ასეთი ფიქრი და ველარც მოიშორებ. იქნებ როგორმე მაინც ამოვიგდო თავიდან. ნამდვილად აჯობებდა. უფრო მშვიდად მაინც ვიქნებოდი.

ეს ერთი კვირაც გავიდა... რა ჩქარა გარბის დრო! განსაკუთრებით, შემოდგომის მიწურულს. მინაც გამალებული მიექანება წელიწადის ბოლო, მკვეთრი მოსახვევისაკენ. განუღილი დარიანობის მიუხედავად, პოლკოვნიკი მაინც გრძნობს ზამთრის მოახლოებას. ბოლო დროს რალაც ვერ იყო კარგად, თვითონ ამბობს, თირკმელები გამიცვივდაო. ვუთხარი, დედაჩემიც სულ ამას უჩიოდა-მეთქი. ნუნუნი უყვარდა-მეთქი, აღარ დამიმატებია, თუმცა მაინც ისე შემომხედა, მგონი, ეგონა, მასხრად მიგდებსო და ალბათ, ასეც იყო. საერთოდ, რას ნიშნავს ეს *თირკმელების გაციება*? ამ საკითხში არც დედაჩემი იყო პოლკოვნიკზე მეტად ჩახედული და ამ შემთხვევაში, დიდ დახმარებას ვერც ბლეკის სამედიცინო ენციკლოპედია-

ლექსიკონი გაგინევს კაცს. შეიძლება ამით უნდა, რომ ამიხსნას ტუალეტში დღითა თუ ღამით ხშირ-ხშირი სტუმრობის მიზეზი. ეტყობა, არ სურს, რამე სხვა, უფრო უარესი ვიფიქრო. „არა, ნამდვილად ვერა ვარ კარგად! – გაიძახის წამდაუნუნ. – ფაქტია, ვერსად გაექცევი“. ბოლო დროს მაგიდასთან „კაშნეშემოხვეული ზის ხოლმე. საჭმელს უნდილად შეექცევა და მხიარულების ნებისმიერ გამოვლინებას უნდო, ტანჯული მზერით ეგებება, რასაც თან სუსტი ოხვრაც სდევს. ოხვრა კი არა, სულაც გმინვა. არ მახსოვს, რამე თუ მითქვამს აქამდე მის უცნაურად ფერადოვან ცხვირზე: დღის მონაკვეთისა თუ ამინდის ოდნავი ცვალებადობის მიხედვით იცვლის ელფერს – ხან მკრთალი იისფერია, ხან ღვინისფერი და ხანაც მუქი, სამეფო მენამული დაჰკრავს. ახლალა მომივიდა თავში: ვითომ დოქტორ თომსონის ცნობილ „ლოთის ცხვირის“ სინდრომთან გვაქვს საქმე? მის ვავასური მის ჩივილებს ცოტა ეჭვით უტყერის და პოლკოვნიკის ზურგს უკან თვალსაც ჩამიკრავს ხოლმე. მე მგონი, ბერიკაცმაც აღარ იცის, როგორ მოიგოს მისი გული: თვალისმომჭრელად ყვითელ ყილეტზე ბოლო დილი მუდამ შეხსნილი აქვს, მისი სამკუთხა ბოლოები მომცრო ღიბზე გადახსნია და რომელიღაც უცნაურად შებუმბლული მამალი ჩიტივით – ფარშევანგივით თუ ხოხობივით დაძაბულ-გაფაციცებული, შორიახლოს დააბიჯებს, გაფხორილი, მზერაგამახვილებული... ვითომ ზედაც არ უყურებს, როგორ მშვიდად დაეძებს მინაში ჭიაყელებს მისი შეუხედავი დედალი. მის ვავასური ცოტა გაღიზიანებული და თან დარცხვენილიც ირიდებს ამ მოუხეშავად გაუბედავ არშიყობას. ასე მგონია, კაცის ნაწყენი მზერა იმის ნიშანი უნდა იყოს, ადრე ქალმა იმედის რალაც საფუძველი რომ გაუჩინა, მაგრამ მაშინვე გამოცალა, როგორც კი მე გამოვჩნდი ამ უნებლიე სისუსტის

სავარაუდო მონმედ. ამიტომაც ახლა ჩვენი დიასახლისი საკუთარ თავზეც ბრაზობს და ძალიან უნდა, მეც დამარწმუნოს: თითქოს ის, რაც ნახალისებად მიიჩნიეს ზოგიერთებმა, სინამდვილეში მხოლოდ მასპინძლის თავაზიანობის გამოხატულება იყო და სხვა არაფერი.

ზოგჯერ თავადაც არ ვიცი ხოლმე, დრო როგორ მოვკლა. ერთხელაც გადავწყვიტე, პოლკოვნიკის რიგითი დღის განრიგი შემედგინა: სისხამ დილით დგება, ცოტა ძილი ჰყოფნის; ისეთი სახით გვენახება ხოლმე, თითქოს ყველა გადატანილი ბრძოლის ქარცეცხლი ხელახლა დაბრუნებოდეს ღამეულ ზმანებებში, რაც დაბანგულსაც კი არ მოახუჭინებდა თვალს. თუმცა მე მაინც მგონია, მტანჯველი მოგონებების საზრდოს შორეულ კოლონიებში კი არა, სადღაც უფრო ახლოს, ვთქვათ, საუთარმაგის შემოგარენთა ოკრობოკრო სოფლურ გზებზე უნდა კრეფდეს. როგორც წესი, მარტო საუზმობს ხოლმე, პატარა მაგიდასთან, სამზარეულოს მინაშენში – მე ეს მინაშენი საერთოდ არც მახსოვდა – და ამტკიცებს, *სიმარტოვე დღის ამ უმნიშვნელოვანესი ტრაპეზის საუკეთესო წინაპირობააო...* მის ვაგასურიც არ აპირებს ზედმეტად მის შენუხებას და დამცინავი მდუმარებით მიართმევს ხოლმე ლორს, ერბოკვერცხსა და პუდინგს. პოლკოვნიკს საკმაზის საკუთარი მარაგიც აქვს უიარლიყო, პანია, მოყავისფრო, მონითალო თუ მუქ მწვანე ბოთლებში და მათ შიგთავსს საჭმელს ალქიმიკოსის სიზუსტით მოაფრქვევს ხოლმე. თავისივე ხელით იმზადებს რაღაც ხაკისფერ სანებელს – ყოველ შემთხვევაში, თავად ასე უწოდებს შავი წინაკით გაჯერებულ ამ მღვრიე მასას, რომელშიც, ღმერთმა უწყის, რას არ ტენის და სუნი კი ნალდად რომ ძალის ფსიტიცა უდის! ძალიან შველის იმ ამბავსო, იმეორებს ხშირად. კარგა ხანი დამჭირდა, სანამ მივხვდებოდი, რომ მის

ვაეასურის თანდასწრებითაც არა ერთხელ ნახსენები „ის ამ-
ბავი“ კუჭის მოქმედება იყო და არა რამე სხვა... საერთოდ,
ძალიან აფიქრებს ეს საკითხი.

საუზმეს დილის გასეირნება მოსდევს და მარშრუტიც ნე-
ბისმიერ ამინდში ერთი და იგივეა: სადგურის გზა, კლდოვანი
ბილიკი, სანაპირო კაფე, მერე კი უკან დაბრუნება გრძელი
გზით, შუქურის მიმდებარე კოტეჯებისა და იმ დიდი მალაზიის
შემოვლით, სადაც გაზეთებსა და პირშუშხა საწუნს კანფეტებს
ყიდულობს ხოლმე. მაგათ მთელი დღე აცოდვილებს პირში და
გარშემო იმისთანა სურნელი დგება, ვერაფრით რომ ველარ
გამოდენი სახლიდან. მხნე ნაბიჯით დაიარება, დარწმუნებუ-
ლი ვარ, თავის სამხედრო ნამსახურეობას უსვამს ხაზს, თუმცა
პირველივე დილას, როცა ზურგიდან შევხედე სადღაც მიმა-
ვალს, შევეკრთი კიდეც – ზუსტად ისე უშნოდ მიათრევედა მარ-
ცხენა ფეხს, როგორც ჩემმა დიდი ხნის წინ გადაკარგულმა
მამამ იცოდა. ჩემი აქ დაბინავების პირველი ერთი-ორი კვირა,
ამ სეირნობების მერე, კვლავ ჯიუტად მოჰქონდა მის ვაეასუ-
რისთვის რამე მოსაკითხი: არა, არაფერი ისეთი, დათაფლულ-
დაშაქრული – მონითალო ფოთლებიანი ტოტი ან მწვანე რტო,
მოკლედ, რაღაც ისეთი, რაც, უბრალოდ, ბუნების სიყვარუ-
ლადაც შეიძლებოდა აღქმულიყო. მერე ამას უსიტყვოდ დაა-
ბინავებდა ხოლმე შემოსასვლელში, პატარა მაგიდაზე, სადაც
დიასახლისის მებალის ხელთათმანები და გასაღებების აცმა
ეყარა. ახლა უკვე ხელცარიელი ბრუნდება, თუ, რა თქმა უნდა,
გაზეთსა და საწუნს კანფეტებს არ ჩავთვლით. ჩემი ბრალია.
ჩემმა ჩამოსვლამ დააკარგვინა არშიყოების ხალისი.

დილის დარჩენილი ნაწილი გაზეთების კითხვაში გაჰყავს,
პირველიდან ბოლო ფურცლამდე არაფერს ტოვებს ნაუკით-
ხავს. ცოდნას იღრმავებს. მისაღებ ოთახში, ბუხართან მოი-

კალათებს ხოლმე, სადაც ყოყმანით, სვენებ-წვალეებით წიკნიკებს ბუხრის თაროზე შემოდგმული საათი: ხან ნახევარ საათში ერთხელ ახმიანდება, ხან – ყოველ თხუთმეტ წუთში, თითქოს ბორძიკ-ბორძიკით მიიკვლევენ ისრები გზასო; აი, საათის შესრულებისას დარეკვა კი ნურას უკაცრავად – ამ დროს, ეტყობა, ჯინაზე, ჯიუტად დუმს. პოლკოვნიკს საკუთარი სავარძელიც აქვს, შუშის საკუთარი საფერფლეც ჩიბუხისათვის, სადგამიც გაზეთებისათვის, პატარა სკამიც ფეხების შემოსანყობად და საყვარელი პლედიც. ნეტავ თუ ამჩნევს მაინც მინაშენის ფანჯრიდან დაუპატიჟებლად შემოჭრილ მზის სპილენძისფერ სხივს, გამომხმარ ყვავილებს ბუხრის თაროზე, ან თვით ამ ძველებურ ბუხარს, რომელშიც ჯერ კიდევ ადრეა საზამთროდ ცეცხლის დანთება? ნეტავ თუ ამჩნევს, რომ ის სამყარო, რომლის შესახებაც გაზეთებში წერენ, უკვე აღარაა იგივე, რასაც თვითონ ოდესღაც იცნობდა? არ გამოვრიცხავ, ახლა მთელი მისი ძალისხმევა – ჩემი არ იყოს – სწორედ იმისკენაა მიმართული, რომ არც შეამჩნიოს. ერთხელ თვალი მოვკარი, როგორ ჩქარ-ჩქარა ინერდა პირჯვარს, როცა სანაპიროს გზაზე აღმართული ქვის ეკლესიის სამრეკლოდან მწუხრის ზარის ხმა მოისმა.

დღისით მე და პოლკოვნიკმა თავად უნდა მივხედოთ თავს, რადგან მის ვავასური თორმეტიდან სამამდე მუდამ საკუთარ ოთახში იკეტება ხოლმე. არ ვიცი, იძინებს, კითხულობს თუ სულაც მემუარებს წერს. ისე, არაფერი გამიკვირდება. პოლკოვნიკი კი დიდი წუნია ვინმეა – დაჯდება სამზარეულოში, მაგიდასთან, მოკლესახელოებიან პერანგსა და ძველთაძველ უსახელო პულოვერში გამოწყობილი და საკუთარი ხელით, ჰაიპარად დამზადებულ სენდვიჩებს შეექცევა: ყველს ან ცივ ხორცს პურის ორ ვეება ნაჭერს შორის მოაქცევს, ზედ თავის სანებელს

ანდა ცხარ-ცხარე კეჩუპს მოასხამს და მადიანად ილუკმება. ზოგჯერ ყველს და ხორცს ერთად მიირთმევს, როცა განსაკუთრებულ მადანზეა ხოლმე. თან ცდილობს, საუბარი გამობას: ისე აზუსტებს სალაპარაკოს, როგორც საველე მეთაური – სისუსტეებს მონინალმდეგის დაცვით ნაგებობებში. ძირითადად, მანც ნეიტრალურ თემებს ირჩევს ხოლმე: ამინდი, სპორტის ამბები, დოლის შედეგები... თუმცა კი იფიცება, ცხოვრებაში არ დამიღია ფსონიო. მთელი ამ მიკიბმოკიბვის მიუხედავად, მისი მიზანი ამკარაა: იმასაც ისევე აშინებს ნაშუადღევის უშინაარსო საათები, როგორც მე – ჩემი მართლა უძილო ღამეები. ვერა და ვერ მიმხვდარა, ბოლო-ბოლო, სინამდვილეში ვინა ვარ, აქ რა მინდა, როცა, მისი აზრით, თამამად შემიძლია ნებისმიერ სხვა ადგილას ვიცხოვრო. ვისაც თბილ სამხრეთში დაბინავების ფუფუნება აქვს – ასე ამბობს, მზე კაცის ყველა სატიკვირის უბარი მკურნალიაო – „კედრებში“ რატომ უნდა იტანჯავდეს თავს? ძველ დროზე, გრეისებსა და სხვა დანარჩენზე სიტყვაც არ დამცდენია მასთან, ან რა ახსნად გამოდგებოდა მისთვის? მერე ვდგები – სამუშაო მაქვს-მეთქი, ვამბობ და ისიც უიმედო, სასონარკვეთილი მზერით მაცილებს. ჩემნაირი უყმურიც კი ურჩევნია ოთახში ეულად რადიოს მოსმენას.

როცა ერთხელ, შემთხვევით, ჩემი ქალიშვილი ვახსენე, მან მისი დიდი გამოცოცხლება გამოიწვია: როგორც ამბობს, თავადაც ჰყავს გათხოვილი ქალიშვილი და ორი შვილიშვილიც. თურმე ჰპირდებიან, რომ დღე-დღეზე მოინახულებენ. სიძე ინჟინერი კაცი ყოფილა, გოგონები კი ერთი შვიდისაა, მეორე კიდევ – სამის. გული მიგრძნობს, ფოტოებს ვერ გადავურჩები. შარვლის უკანა ჯიბიდან საფულეს აძრობს და ამაყად მიჩვენებს უხეში, უკმაყოფილოსახიანი ახალგაზრდა ქალის სურათს, სულაც რომ არ ჩამოჰგავს მამამისს და საგა-

რეო კაბაში გამონყობილ პატარა გოგოს, რომელიც, სამწუხაროდ, პაპამისის ალი-კვალია. ზღვის ნაპირას მდგომ, გაღიმებულ სიძეს ხელში ჩვილი უჭირავს – ჩემთვის მოულოდნელად, საკმაოდ სანდომიანი შესახედია, მხარბეჭიანი, სამხრეთული ტიპის ჯეელი, თმაგაპოხილი და მზერამიბნედილი. ნეტავ როგორ მოჩანგლა ამ შეუხედავმა მის ბლანდენმა? რას გაიგებ. უცებ ვხვდები, ამათი ცქერა აღარ შემიძლია – პოლკოვნიკის ქალიშვილის, იმისი ქმრისა თუ ამ ბავშვების. უსიტყვოდ ვიქნევ თავს და საჩქაროდ ვუბრუნებ სურათებს. „ბოდიში, ბოდიში...“ – ბუტბუტებს პოლკოვნიკი და დარცხვენილი, მუშტში ახველებს. ასე ჰგონია, ოჯახზე საუბარი ჩემთვის ჭრილობაზე დაყრილი მარილია, თუმცა სინამდვილეში ეგ არაა მიზეზი – უფრო სწორად, მხოლოდ ეგ არა. ბოლო დროს სამყარო მხოლოდ პატარ-პატარა, ფრთხილად მოზომილ ულუფებად შემიძლია აღვიქვა. ასეთი ჰომეოპათიური კურსი დავუნიშნე საკუთარ თავს, თუმცა კი არც ვიცი, რის სამკურნალოდ. შეიძლება ცოცხლებს შორის ცხოვრების ხელახლა შესწავლას ვცდილობ. ანუ ამაში ვვარჯიშობ. მაგრამ არა, არც ესაა საქმე. აქ ყოფნა მხოლოდ არსადყოფნის საშუალებაა, ეგაა და ეგ.

ჩვენზე ყოველმხრივ მზრუნველი მის ვავასური ჭირვეული ან სულაც უხეში ხდება, როცა საქმე ჭამა-სმას შეეხება და ვახშამიც განსაკუთრებით უვარგისი შეიძლება გამოდგეს ხოლმე „კედრებში“: რაგინდარა შეიძლება დაგვხვდეს მაგიდაზე და გვხვდება კიდეც. ასე, მაგალითად, ამ საღამოს საუზმიდან მორჩენილი ქაშაყი, ერბო-კვერცხი და ჩაშუშული კომბოსტო შემოგვთავაზა. აფრუტუნებული პოლკოვნიკი ხაზგასმულად გამომწვევად ატრიალებდა თითებში თავის პატარა ბოთლებს, გამოჯეკილი ჟონგლიორივით. ამ უსიტყვო პროტესტს მის ვავასური ჭეშმარიტად არისტოკრატიული გონე-

ბადაფანტულობით პასუხობს ხოლმე, რაშიც ამრეზილობის დიდი წილიც ივარაუდება. ქაშაყს დაკონსერვებული მსხალი მოჰყვა, რუხ, ბლანტი, უგემურ ფაფაში – თუ ბავშვობის მოგონებები არ მლალატობს, მანანის ფაფა უნდა ყოფილიყო. წარმოიდგინეთ ერთი, მანანის ფაფა! სანამ ირგვლივ გამეფებულ დუმილს მხოლოდ ამ სისაძაგლის ლეჭვა-ყლაპვის ხმა არღვევდა, თვალწინ უცებ საკუთარი თავი დამიდგა რალაც დიდი, შავი, მაგიდასთან მოკალათებული მაიმუნივით, თუმცა რალაც კი არა, არაფერი – სიცარიელე, ხერელი სივრცეში, ხილული სიბნელე. უცნაური ჩვენება იყო, იქაურობას თითქოს საკუთარი სხეულიდან გასული ვხედავდი – ორი სანათურით განათებულ სასადილო ოთახს, უშნო, ფეხებმორყეულ მაგიდას, თეფშისკენ ნახრილ, ჭამით გართულ პოლკოვნიკისაკენ მიმართულ მის ვავასურის დაბნეულ მზერასა და საკუთარ თავს – დიდ, მუქ, ბუნდოვან ჩრდილს – ზუსტად ისეთს, ვერავინ რომ ვერ ხედავს ხოლმე, სანამ ფოტოს არ გაამულავნებენ. ასე მგონია, საკუთარი თავის აჩრდილად ვიქეცი.

ვახშმის შემდეგ მის ვავასური მაგიდას ალაგებს – ამას სულ რამდენიმე მსუბუქი, ძალდაუტანებელი მოძრაობით ახერხებს. ღმერთმანი, მეტისმეტად აზიზი ქალია ამგვარი შავი საქმისთვის. მე და პოლკოვნიკი კი უმიზეზო მონყენილობით ვაყურადებთ საკუთარ შიგნეულს, გამალეული რომ ცდილობს, ეს-ესაა, მიყენებული შეურაცხყოფა როგორმე მოინელოს. მერე დიასახლისი დარბაისლურად მიგვიძღვება ტელევიზორიანი ოთახისაკენ. უყმური, ცუდად განათებული სათავსოა, სადაც მუდმივად ნესტიანი სიცივე სუფევს. ავეჯსაც სარდაფში ნამყოფის იერი დაკრავს, თითქოს წლების მანძილზე ეზიდებოდნენ ზედა სართულებიდანო. ჩითის შალითაგადაკრულ დივანს თითქოს გაოცებისაგან გადაუშლია გვერდები

და ბებერივით მომჩვარულა. იქვე დგას პლედგადაფარებული სავარძელი და მომცრო, სამფეხა მაგიდა, ზედ დამტვერილი ქოთნითა და შემჭკნარი ყვავილით. თუ არ ვცდები, ფიკუსი უნდა იყოს, რაც აღარც მახსოვს, ბოლოს როდის ვნახე, თუკი საერთოდ მინახავს. მის ვავასურის პიანინო ზურგით კედელს აჰკვრია, თავდახურული, გასაღებით ჩაკეტილი; თითქოს ტუჩები მოუკუმავს თავის მეტოქეზე განანყენებულს – დიდ, რუხი ფერის ტელევიზორზე, რომლის მიმართაც პატრონს ერთდროულად სიამაყისა და ერთგვარი კრძალვის გრძნობაც ეტყობა. სწორედ მის ეკრანზე შევცქერით ხოლმე რალაც კომედიებს. უპირატესობას უფრო ზომიერებს ვანიჭებთ – ოცი, ოცდაათი წლის წინანდლებს. ჩუმად ვსხედვართ, ჩვენ მაგივრად კი სტუდიაში საგანგებოდ მიწვეული აუდიტორია იცინის. ფერადოვანი შუქი სახეებზე დაგვთამაშებს, ჩვენ კი ბავშვური გაფაციცებით მივჩერებივართ ეკრანს. ამ სალამოს აფრიკაზე აჩვენეს რალაც გადაცემა – მგონი, სერენგეტის დაბლობზე, სადაც ვეება სპილოების ჯოგები დაბორიალებენ. დიდი საოცარი ცხოველი კია. უშუალოდ გვაკავშირებს იმ უხსოვარ დროს, როცა სპილოზე დიდი ბეჭემოთები ღრიალ-ღრიალით დააბოტებდნენ ტაფობებსა თუ ტყეებში. გარეგნულად მონყენილები ჩანან, თუმცა შეფარულად, ალბათ, დაგვცინიან კიდევ. დანალიკებულნი მიაბიჯებენ, დინჯად. უკან მიმავალს ხორთუმი წინა თანამოძმის გოჭის კუდივით დახვეულ, სასაცილო კუდზე მოუვლია, უფროსებზე უფრო თმიანი სპლიყვები კი დედების ლაჯებშორის ცქმუტავენ. თუკი ვინმეს აზრად მოუვიდოდა, ხმელეთზე მცხოვრებ ჩვენს თანამოძმეებს შორის ჩვენგან ყველაზე განსხვავებული გამოეძებნა, უთუოდ ვურჩევდი, სპილოებისთვის მიეპყრო ყურადღება. არა, მაინც როგორ დავრთეთ ნება, ამდენ ხანს არ გადაშენებულიყვნენ?

მათი სევდიანი, პანია, ჭკვიანი თვალები თითქოს პირდაპირ უბიძგებენ კაცს, თოფს დაავლოს ხელი. კი, ასეა. მოგინდება, მსხვილი უაკანი დააჭედო შიგ. ანდა ვეება, უაზროდ პარტყუნა ყურები დაუცხრილო. ეგრეა, ეგრე – ყველა ცოცხალი არსება უნდა გაანადგურო, ხეებიც მოჭრა, სიცოცხლის ხე... იქამდე, სანამ კუნძად არ აქცევ, მერე იმასაც ისე, ალერსიანად მიადგე ამოსაძირკვად... მოკლედ, ბოლო უნდა მოულო ყველაფერს.

არა, მაინც როგორ გაბედე ჩემი ასე მარტოდმარტო მიტოვება, შე ბოზო შენა! ახლა საკუთარ სიბინძურეში ვფართხალებ და კაცი არაა, საკუთარი თავისაგან მიხსნას... სინდისი სად გქონდა?

ტელევიზორიან ოთახს რაც შეეხება, ახალა მივხვდი: არ ვიცი, ადრე რატომ არ მეცა თვალში ასეთი აშკარა მსგავსება – ამ ოთახისაც და მთელი სახლისაც, რამაც, ალბათ, ამარჩევინა კიდეც თავშესაფრად აქაურობა – იმ ბინასთან, მე და დედაჩემი რომ ექირაობდით – იძულებულნი ვიყავით, გვექირავა – ჩემი მონაფეობისას. მამამ რომ მიგვატოვა, დედას სამსახურის ძებნა მოუნია: თავი უნდა გაგვეტანა როგორმე და თან ჩემი სწავლა-განათლების ფულიც უნდა ეხადა – ავად თუ კარგად, ხომ ვსწავლობდი. ამიტომაც გადავბარგდით დიდ ქალაქში, ეგონა, იქ უფრო დიდი არჩევანი მექნებო. არადა, დიდი ცოდნა-განათლებით ვერ დაიკვებინდა: სკოლა ადრე მიატოვა და ცოტა ხანს მალაზიაში, გამყიდველად მუშაობის მერე მამაჩემი გაიცნო, მალევე გაჰყვა ცოლად – მისიანების ნების სანინააღმდეგოდ. რატომღაც, დარწმუნებული იყო, გადასარევი სამსახური მულოდებო, სანატრელზე-სანატრელი, ზუსტად ისეთი, მე რომ შემეფერებო. ოღონდ მას ვერაფრით მიაგნო და ერთი ადგილიდან მეორეზე გადავდიოდით, ერთი ნაქირავები ბინიდან მეორეში, და ასე მგონია, ყოველ ახალ

ადგილას, რატომღაც, მაინცადამაინც ზამთრის უინჟლიან კვირა საღამოს ჩავდიოდით ხოლმე. ის ნაქირავები ბინებიც ყველა ერთმანეთს ჰგავდა, ან იქნებ მე დამამახსოვრდა ასე: ყველგან სახელურმოტეხილი სავარძელი დგას, იატაკზე დაჭორფლილი ლინოლეუმი აგია, სადღაც კუთხეში გაზის ქურა დაყუდებულა, ჩვენამდე აქ მცხოვრები ხალხის ნახარშ-ნანვავის სუნშერჩენილი; საპირფარეშო დერეფნის ბოლოსაა: ხის ხინვიანი დასაჯდომი, გრძლად, უანგისფრად დალაქავებული უნიტაზი, სახელურმომწყდარი ჯაჭვი... დერეფანში ისეთივე სუნი იდგა, როგორც ჩემსავე შეტყუებულ ხელისგულებში, როცა ჯერი-ჯერზე ვასუნთქებდი ხოლმე შიგ იმის გასაგებად, ასე თავის დახრჩობა თუა შესაძლებელი-მეთქი. ჩვენი პატარა, სასადილო მაგიდის ზედაპირი მუდმივად განებილი იყო, რამდენიც არ უნდა ეფხიკა და ეხეხა დედაჩემს. ჩაის სმას რომ მოვითავებდით, ჭურჭელს ააღაგებდა, სუსტად მოციმციმე ნათურის ქვეშ, მაგიდაზე „ივინგ მეილს“ გაშლიდა და თმის სარქს აყოლებდა განცხადებებს სამუშაო ადგილების თაობაზე, თან გაბრაზებული ბუტბუტებდა რაღაც გაუგებრობას: *შესაბამისი გამოცდილება აუცილებელია... სასურველია რეკომენდაცია... საჭიროა უნივერსიტეტის დიპლომი... „ჯანდაბა!“* – წამოიძახებდა ბოლოს და მერე, გულის გადასაყოლებლად, ბანქოს გაქექილ დასტას ამოიღებდა. ორ თანაბარ ნაწილად გაყოფილი ასანთის ლერები, სიგარეტის ნამწვავებით სავსე თუნუქის საფერფლე, კაკაო ჩემთვის და ალუბლის შემთბარი ნაყენი თავისთვის. ხან „ქურდ ქალს“ ვთამაშობდით, ხან „ფურთს“, ხან კიდე „გულობანას“. ამასაც მოვითავებდით და მერე დივანზე გაშლილი ლოგინი, ზენრის მომყავო სუნი, როგორღაც გაბმული ნაჭერი ოთახის გასატიხრად... ვინეჯი და უილაჯო ბრაზით ვუსმენდი მის ოხვრას, ხვნეშას, სტვე-

ნა-სტვენით გამოქარვებულ ჰაერს. ასე მგონია, ყოველ ღამე მისი შეკავებული ქვითინი მალვიძებდა – პირზე ხელი მიეჭრა, ბალიშში ჩაერგო თავი. მამას იშვიათად ვახსენებდით, თუ, რა თქმა უნდა, ფულის გადმორიცხვა არ იგვიანებდა. იმის სახელს არც ახსენებდა – ხან ვაჟბატონს ეძახდა, ხან – ბედოვლათს, ხანაც კიდევ – თუ ძალიან მოაწვებოდა ბოლმა ან ალუბლის ნაყენი მოუვიდოდა მეტი – ბებერ კუანას. აჩემებულ იქონდა, ის იქ, სადღაც, ქერის ორმოში ზის და ჩვენთვის მისხლის გამეტებაც არ უნდაო. კონვერტებში, რომლებშიც საბანკო ქვითარი იდო ხოლმე, წერილი არასოდეს ყოფილა, მხოლოდ ღია ბარათი მხვდებოდა შობასა თუ ჩემს დაბადების დღეზე, მამის საამაყო ხელწერით გამოყვანილი რამდენიმე სიტყვა. მათზე დანერილმა მისამართებმა, მერეც კი, როცა ის ადგილები მამაჩემისვე ოფლით გაყვანილი გზების წყალობით მოვიარე, საოცარი განცდები გამიჩინა: ერთდროულად აბეზარი სევდა, სიბრაზე თუ სიბრაზის გამოძახილი და დანანების უჩვეულო ტკივილი – იმგვარი დანანების, რაც, წესით, არანაირად არ უნდა განმეცადა. უოთფორდი, ქოვენთრი, სტოკი. ცხადია, მამისთვისაც კარგად იყო ნაცნობი აშშ-ში არსებული ოთახები, ლინოლეუმიანი იატაკები, მონჯლრეული გაზქურები, ათასგვარი სუნი დერეფანში. მერე უკანასკნელი წერილიც მოვიდა – ვილაც უცნობი ქალისაგან. მორინ სთრეინჯი ერქვა. გვწერდა, ძალიან ცუდი ამბავი უნდა შეგატყობინოთო. დედაჩემის ცხარე ცრემლის მიზეზი, მწუხარებასთან ერთად, ბრაზიც იყო: „ეს მორინი ვინლა ოხერია?!“ – ქვითინებდა და ცისფერარშიიანი ფურცელი უთრთოდა ხელში. „ჯანდაბას იმისი თავი! – ახლა უკვე მამას გულისხმობდა, – ეგ ნაბიჭვარი ვირიშვილი!“ წამით თვალწინ დამიდგა: აქ, აგარაკზე, ზაფხულში, ნავთის სანათის ბლანტი, ყვითელ შუქში დგას და

უცნაურად, დამცინავად მომჩერებია, თითქოს მილიმის კიდევც; შუბლზე შუქის ათინათი უბრწყინავს, მის ზურგს უკან კი, გამოღებულ კარში, ზაფხულის იისფრად ჩაბნელებული, უსაზღვრო ღამე მოჩანს...

ბოლოს, როცა ყველა ტელეარხზე აუტანლად პირქუში ღამის გადაცემები იწყება, ტელევიზორს უყოყმანოდ თიშავენ და პოლკოვნიკიც მის ვავასურის დამზადებულ ბალახეულ ჩაის სვამს. გამომიტყდა, ამ სისაძაგლის დაღვევა აუტანელიაო, მაგრამ უარის თქმას ვერ ბედავს და მეც გამაფრთხილა, არ გამთქვაო. მის ვავასურს კი დაუჩემებია, უკეთესად დაგეძინებათო და სანამ ჭიქას არ გამოცლის, თავზე ადგას. პოლკოვნიკმა კი იცის, უძილობის რა ნამალიცაა ეს ნაყენი, და მაინც ემორჩილება, სანყალი სახით წრუპავს სასმელს. ერთ საღამოს როგორღაც დავითანხმე, სანაპიროზე, ბარში ნავსულიყავით. მერე კი მაგრად ვინანე. აშკარად ვალიზიანებდი – არც მიკვირს, აკი მევე მალიზიანებს საკუთარი თავი – ის კიდევ იჯდა იქ, ხელში ხან ჩიბუხს აწვალებდა, ხან – ლუდის კათხას და მალი-მალ საათზე იხედებოდა, შეფარვით. იქაურობის ერთი-ორი მუდმივი სტუმარი აღმაცერად გამოგვხედავდა ხოლმე და ჩვენც მალევე გამოვბრუნდით. ოქტომბრის უსაზღვრო, ვარსკვლავებით მოჭედილი ზეცა დაგვეყურებდა, როცა ღრუბლებში შემალული მთვარით განათებულ გზას უხმოდ მივუყვებოდით „კედრებისკენ“. ღამღამობით ვცდილობ, იმდენი დავლიო, როგორმე დამეძინოს. ოთახში ერთი ბოთლი „ნაპოლეონი“ ყოველთვის მაქვს და ხუთ-ექვს სირჩასაც გამოვუყვან ხოლმე წირვას. შეიძლებოდა პოლკოვნიკისთვისაც შემეთავაზებინა, მაგრამ ვატყობ, არ ღირს – ამა ცხოვრებასა თუ სხვა ფილოსოფიურ საკითხებზე მასთან ღამეული საუბრები დიდად არ მხიბლავს. ღამე გრძელია, მოთმინება – მოკლე.

ჩემი ლოტობის თაობაზე თუ ვთქვი უკვე რამე? თევზივით ვსვამ. არა, თევზივით არა – თევზები არ სვამენ. ეგ სუნთქვაა მაგათი. მე კი ახლახან დაქვრივებულივით ვსვამ – იმ ქვრივი კაცივით, ვისაც მოკრძალებული ნიჭი დაჰყვა და კიდევ უფრო მოკრძალებული პატივმოყვარეობა; ვინც ნლებს ერთიანად გაუჭალარავებია და დაბნეულ-დაეჭვებული, თანაგრძნობას დანატრებული, ხანმოკლე შვებას მემთვრალეობის თავდავინყებაში პოულობს. ნარკოტიკებსაც მივიღებდი, რომ მქონდეს. ოღონდ არა მაქვს და არც ვიცი, სად და როგორ ვიშოვო. არა მგონია, ბენილესში ვინმე ნარკოტიკით მოვაჭრე დაიარებოდეს. ეგებ პეკერ დევერო დამხმარებოდა? ისე, ეს პეკერიც დიდი საშიში ვინმეა – ცარიელი მხრები და დაკუნთული გულ-მკერდია. დიდი, უხეში, ნაავდრალი სახე აქვს და გორილასავით მკლავები. სახეც ერთიანად დაბებკია, ნაყვავილარივით. მეზღვაური ყოფილა ერთ დროს, შორეული ქვეყნებიც მოუვლია და იმასაც ამბობენ, კაცი ჰყავს მოკლულიო. ერთი აკრი ბალი აქვს და იქ ცხოვრობს, ბორბლებდახსნილ ფურგონში, თავის კაფანდარა, გალეულ ცოლთან ერთად. ვაშლს ყიდის და ჩუმ-ჩუმად არაყსაც ხდის – რალაც ბლანტ, მომწვანო სითხეს, შაბათ სალამოობით ერთიანად რომ აშტერებს აქაურ ჯეელობას. ახლა რატომ გამახსენდა ეს კაცი? ვინაა ჩემთვის პეკერ დევერო? არც არავინ. ისე, ამ მხარეში იმის გვარს დევეროდ გამოთქვამენ. ახლა გვარზეც გადავედი... მოკლედ, სად არ ნაგიყვანს მოუთოკავი ფიქრი.

დღევანდელი დღე, მე ვიტყოდი, მის ვავასურის მეგობრის, ქალბატონ ფისოს სტუმრობამ გაგვილამაზა. საკვირაო სადილზე გვეწვია. სასტუმრო ოთახში დამხვდა, სარწვევლა სავარძელში ძლივს ეტეოდა და ცოტა არ იყოს, ქოშინებდა კიდევ. რამე რომ იყოს, ზომა-წონაში ტონგას ქვეყნის

ან განსვენებულ დედოფალსაც არ დაუდებდა ტოლს. მართლაც დიდად თვალში საცემი ბანოვანი გახლავთ, გაურკვეველი ასაკისა. ტვიდის მორუხო, ქამრიანი კაბა ეცვა და ისეთი შთაბეჭდილება დაგრჩებოდათ, თითქოს მკერდი და თეძოები საგანგებოდ ჰაერით დაუტუმბავთ გასკდომამდე. მოკლე, ბოძებივით ფეხები კი ორ სქელ, გატიკნილ ტომარას მიუგავდა. მხოლოდ თხელი, ნატიფი ნაკვთების მქონე სახე თუ მიგახვედრებდათ, როგორი იქნებოდა კარგა ხნის წინ გარდასულ გოგოობაში. ფერფლისფერ-ვერცხლისფერი თმა ძველმოდურად დაეწარცხნა, შუაზე გაეყო და კეფაზე დაეხვია ბლუჯად. გამილიმა, თავი დამიქნია, პუდრით შეფიფქული ლაბები აუთამაშდა. ჯერ არც ვიცოდი, ვინ იყო – ვიფიქრე, ახალი მდგმური თუ ჩაგვისახლდა-მეთქი: წლის ბოლოსკენ მის ვავასურს ლამის ათიოდე თავისუფალი ოთახი დაურჩა გასაქირავებელი. როცა მძიმე-მძიმედ წამოდგა, ნატანჯ სავარძელს შვების ოხვრა აღმოხდა – არა, მართლა იშვიათად ფერხორციანი ქალბატონი გახლდათ, ნამდვილად. თავში გამიელვა, ახლა ქამრის ბალთამ რომ უმტყუნოს, უზადო სიმრგვალის ვეება ბურთი შეგვრჩება ხელში-მეთქი. ისე გამომხედა – ერთდროულად თანაგრძნობითა და ცნობისმოყვარეობით – მივხვდი, ჩემი ვინაობაც იცოდა და ჩემი იშუამინდელი მდგომარეობაც. საკუთარი გვარიც გამანდო – რაღაც ჩახლართული, ორმაგი, იქვე მიმავინწყდა. ხელის მტევანი მოულოდნელად პატარა აღმოაჩნდა, რბილი და ბავშვის ხელივით მოთბო. მერე ოთახში პოლკოვნიკი ბლანდენიც შემოვიდა, ილლიაში საკვირაო გაზეთებამოჩრილი. ქალს შეხედა და კოპები შეკრა. როცა ასე იბღვირება ხოლმე, თვალების შეყვითლებული სკლერა უმუქდება, ოთხკუთხა ნიკაპიც წინ ეწევა და მართლა ფოქსტერიერს ემსგავსება.

ჩემი დანაკარგის მეტ-ნაკლებად მტანჯველ შედეგად ისიც უნდა მივიჩნიოთ, რომ ბოლო დროს, სხვა ყველაფერთან ერთად, ძალიან მალიზიანებს, ადამიანები ჩემ მიმართ ხაზგასმულ თანაგრძნობასა და ყურადღებას რომ გამოხატავენ, მე კი ეს ყველაფერი სრულიად დაუმსახურებელი მგონია. ანას სიკვდილის შემდეგ, ყველგან და ყოველთვის, საგანგებო ზრუნვისა და ლოლიაობის საგნად ვგრძნობდი თავს. როცა გაიგებდნენ ჩემს ამბავს, უცებ ჩუმდებოდნენ, გამომეტყველება ეცვლებოდათ, ნებისმიერ ოთახში თითქოს ჰაერიც კი იმუხტებოდა და ისლა მრჩებოდა, მეც გავბუსუნებულიყავი, სახე მომექუფრა და რალაც ყალბი ნილაბი მომერგო. ეს ჩემი საგანგებოდ გამორჩევა სასაფლაოდანვე დაიწყო, თუ უფრო ადრე არა. გენახათ ერთი, რა ნაზი მზერით მიცქერდნენ გათხრილ სამარესთან მდგომს! რა სათუთად, გრძნობით მკიდებდნენ მკლავზე ხელს – თითქოს მე მელოდა რალაც საფრთხე, შეიძლებოდა უცებ გონება დამეკარგა და ღია საფლავში ჩავვარდნილიყავი. მგონი, ამ ქალურად გამოხატულ სითბო-თანაგრძნობაში გარკვეულ შორს მიმავალ გათვლასაც ვგრძნობდი – იქიდან გამომდინარე, როგორ მითათუნებდნენ ხელებს მხარზე, როგორ ჩამცქეროდნენ თვალებში უსიტყვო თანაგრძნობით, როგორ აქნევდნენ თავებს, გაქვავებულ სახეებზე კი ძველი დროის ტრაგიკოსი მსახიობების გამომეტყველება ედოთ, უკანასკნელ სცენაში, მომაკვდავ გმირს რომ იხუტებდნენ გულში. არ მტოვებდა განცდა, უნდა ავდგე, ხელი ავწიო და ეს ყველაფერი შევაჩერო-მეთქი. მინდოდა, ამ ხალხისთვის მეთქვა, რომ ამგვარ პატივს არ ვიმსახურებდი – სწორედ პატივს – რადგან მე უბრალო სტატისტი გახლდით, მოკრძალებული როლის შემსრულებელი, სიკვდილით კი ანა მოკვდა და არა მე. იმ სადილზეც ქალბატონი ფისო ჯიუტად ავლენდა

სიტბოსა და ყურადღებას, მოთოკილ მოკრძალებას ჩემ მიმართ; მე კი, როგორ არ ვცდილობდი, მაინც ვერ ვახერხებდი, ისეთი ტონი შემერჩია პასუხად, რომელიც არც ყოყონობად ჩამეთვლებოდა და არც ზედმეტ სიმორცხვედ. მის ვავასურს აშკარად ეტყობოდა, როგორ აღიზიანებდა ეს დათაფლული ენის მოჩლეკა; რამდენჯერმე სცადა კიდეც, უფრო ბუნებრივი, ჩვეულებრივი სახე მიეცა ჩვენი ტრაპეზისათვის, მაგრამ – წარუმატებლად. ვერც პოლკოვნიკი დაგვეხმარა რამეში, თუმცა ვერ დაუუკარგავ – ცდილობდა კია. ქალბატონი ფისოს თანაგრძნობის ამ მორევში ხან ამინდის ავ-კარგზე ცდილობდა სიტყვის ჩაგდებას, ხან გაზეთში ამოკითხული ამბავი აგონდებოდა, მაგრამ ყოველ ჯერზე ლამის უხეშად აკმენდინებდნენ ხმას. მართლაც, აბა, ქალბატონ ფისოსთან რას მოვიდოდა ეს ჩვენი გადამდგარი მეომარი! მალიმალ ნაძალადევად ილიმებოდა და იმ კბილებდაკრეჭილ აფთარს ემსგავსებოდა, გავეშებული, ვეება ჰიპოპოტამის შემოტევისას დამფრთხალი რომ იხევს უკან.

ქალბატონი ფისო ქალაქში ცხოვრობს, საკუთარ ბინაში, მალაზიის თავზე, ისეთ ვითარებაში – ეს კი დაუფარავად მაგრძნობინა – რაც სრულებით არ შეეფერება ძირძველ თავად-აზნაურთა ამგვარ რთულგვარიან შთამომავალს. გარდასულ დროთა ერთ გულიან შინაბერას მაგონებს, ვისთვისაც ზედგამოჭრილი იქნებოდა, ვთქვათ, საკუთარი ძმის, მავანი დაქვრივებული მემამულის მეურნეობას გასძლოლოდა. სანამ თავისებურად ჟღურტულებდა, წარმოვიდგინე, როგორ ზის ბამბაზიის კაბასა და ლილებიან ფეხსაცმელში გამონყობილი, დიდი, სოფლური სახლის გრანიტის კიბეზე, მუხის მძიმე კარის წინ და ჯალაბობაც თვალგაფაციცებული შესცქერის აქეთ-იქიდან; ანდა მელიაზე სანადიროდ გამოსულს, მონადი-

რის წითელი, მოკლე ქულაჯა აცვია, თავზე პირბადიანი, ქვაბურა ქუდი ახურავს და ვეება, შავ ქურანა ცხენს მიაჭენებს; ან სულაც, უშველებელ სამზარეულოში ტრიალებს, სადაც გრძელი, დახუნძლული მაგიდა დგას, ქურა გიზგიზებს, ჭერზე კი ღორის შებოლილი ბარკლები კიდია და ერთგულ, ბებრუხანა მზარეულს ურჩევს, რომელი ნაჭრები მიართვას ბატონს ყოველწლიურ სააღდგომო ნადიმზე. ამ სალალობო ფიქრებში გართულმა, ვერც კი შევამჩნიე, როგორ დაიძაბა ვითარება მასა და ჩვენს დიასახლისს შორის, სანამ უკვე მართლა ხმამალალ შეხლა-შემოხლამდე არ მივიდა საქმე. წარმოდგენაც არ მქონდა, რით დაიწყო და რის გამო. ჩვეულებრივ, ნაკლებად თვალშისაცემი ორი მონითალო ლაქა მის ვავასურის ლანვებზე ახლა აღისფრად ენთო, ქალბატონი ფისო კი, თითქოს უფრო გაზრდილ-გაბერილი, ერთიანად თახთახებდა აღშფოთებისაგან, მოპირდაპირე მხარეს მჯდომ დობილს ავად უღიმოდა და ჩქარ-ჩქარა აუღ-ჩაუდიოდა გადავსებული მკერდი. ღვარძლიანი, ყალბი თავაზიანობით მიმართავდნენ ერთმანეთს, ისე კამათობდნენ, ისე აკვესებდნენ თვალებს, თითქოს ურთიერთის დაბუგვას ნატრობენო. არ მესმის, რისი თქმა გნებავს მაგით?! მოიცა, და ახლა შენ მეუბნები მაგას?! არ მითხრა ახლა, სწორედ მასე იყო!!! გეშლება, ნაღდად გეშლება, ჩემო კარგო! ვერ მოგართვი, არც მთლად მასეა საქმე! პოლკოვნიკი სულ უფრო და უფრო იძაბებოდა; დაფეთებული, ხან ერთს მიაჩერდებოდა და ხან მეორეს – თითქოს ჩოგბურთს ადევენებს თვალსო, ჩვეულებრივი თამაშით დაწყებულსა და სამკვდრო-სასიცოცხლო ჭიდილში გადაზრდილს.

მეგონა, მის ვავასური იოლად გაუსწორდებოდა თავის მეტოქეს, მაგრამ ნურას უკაცრავად! ბოლომდე არ იყენებდა ყველა იარაღს, რაც კი, დარწმუნებული ვარ, ხელთ გააჩნდა:

აშკარად აკავებდა რალაც – რალაც ისეთი, რის თაობაზეც ქალბატონმა ფისომაც მშვენივრად უწყობდა და თავისთვის სასარგებლოდაც იყენებდა ამ გარემოებას. ერთი შეხედვით, ცხარედ მოკამათებს საერთოდ დავინწყებოდათ ჩემი და პოლკოვნიკის არსებობა, მაგრამ მერე ნელ-ნელა გამინათდა გონება და მივხვდი – მთელი ეს ორომტრიალი, ნაწილობრივ მაინც, სწორედ ჩემ გამო იყო ატეხილი, ჩემზე შთაბეჭდილების მოსახდენად. ცდილობდნენ, თავისკენ გადავექაჩე – ან ერთს, ან მეორეს. ამას ქალბატონ ფისოს წვრილი, შავი, ხარბი თვალები მაფიქრებინებდა, მალ-მალე რომ მომანათებდა ხოლმე. აი, მის ვავასურს კი ერთხელაც არ გამოუხედავს ჩემკენ. თანდათან დავრწმუნდი, ეს ჩვენი სტუმარი გაცილებით ეშმაკი და გონებასხარტი იყო, ვიდრე ერთი შეხედვით იფიქრებდა კაცი. რატომღაც მგონია, სქელი და ზონზროხა ადამიანი უცილობლად ცოტა უნდა ნაიჩლუნგებდეს კიდევ. თუმცა ამ ფაშფაშა ქალბატონმა იმთავითვე ამომიცნო – ეჭვი არ მეპარება, მაშინვე მიხვდა, ვინ და რა ვიყავი სინამდვილეში, მთელი ჩემი შინა არსითა და გამოვლინებებით. კი, მაგრამ მაინც რა დაინახა ასეთი? ცხოვრებაში არასოდეს შევეუწუხებებივარ იმაზე ფიქრს, მდიდარი – ცხადია, მეტ-ნაკლებად – ცოლის კმაყოფაზე ვარმეთქი. დილეტანტად დაბადებულს, მხოლოდ ჯიბის ფულის ნაკლებობა თუ მანუხებდა და ისიც – ანასთან შეხვედრამდე. სხვათა შორის, არც ანას ფულის წარმომავლობა მადარდებს, ზოგადად. თავიდან ჩარლი ვაისის იყო და ახლა ჩემია. არც ის, რა და რამდენი მანქანა-დანადგარის ყიდვა-გაყიდვა მოუწია ჩარლის, სანამ ამ ფულს მოუყრიდა თავს. ჩვენში დარჩეს და, რაა ეს ფული? თითქმის არაფერი, თუკი საკმარისად გაქვს... მეც რალას მაფორიაქებს ქალბატონ ფისოს ეს შეფარული, აუტანლად ყოვლისმცოდნე მზერა?

კარგი, მაქს, გეყოფა! არ უარყოფ, საკუთარი წარმო-
მავლობისა ყოველთვის მრცხვენოდა. დღესაც კი ვინმე ფი-
სოსნაირის ერთი ალმაცერი შემოხედვა ან შემწყნარებლური
სიტყვა საკმარისია, წყენამ და მოურეველმა ბრაზმა ერთია-
ნად დამრიოს ხელი. იმათავითვე იმას ვცდილობდი, როგორ-
მე საკუთარი სოციალური მდგომარეობა გამეუმჯობესებინა
და ქლოი გრეისისგანაც განა ის არ მინდოდა, რამენაირად
მათი ოჯახის ტოლ-სწორად მეგრძნო თავი? თუნდაც მცირე
ხნით, თუნდაც ოდნავ... ძნელი კია ოლიმპოს ამ ოკრობოკ-
რო ბილიკებზე ცოცვა! ახლაც, სუფრასთან ქალბატონ ფისოს
გვერდით მჯდომს, უცებ გამახსენდა, რა აუტანელმა ჟრუან-
ტელმაც დამიარა მაშინ, როცა, ამ ნახევარი საუკუნის წინ,
ერთ კვირა დღეს სწორედ ასევე ვუჯექი ამავე ჭერქვეშ სასა-
დილოდ გაშლილ სუფრას. ნეტავ ვინ დამპატიუა? დარწმუნე-
ბული ვარ, ქლოიმ არა. ალბათ დედამისმა – მაშინ ჯერ კიდევ
მწვავედა იმის ტრფობა და ეტყობა, მოსწონდა კიდევ, ენა-
გადაყლაპული როგორ ვუჯექი სუფრას მასთან ერთად. შიში
მკლავდა, სული მეპარებოდა. ისეთი რალაცები იდო მაგიდა-
ზე, ადრე არასოდეს მენახა და ჭურჭელიც უცნაური გამოე-
ფინათ: წელწვრილი გრაფინები, ფაიფურის ჯამ-ჭურჭელი,
ვერცხლის სადგამი დიდი დანისთვის, ასეთივე დიდი, ორკაპა,
ძვლისტარიანი ჩანგალი... ყოველი ახალი კერძის შემოტანი-
სას ჯერ სხვებს გაეხედავდი, რომელ დანა-ჩანგალს იხმარ-
დნენ და მერელა ვებაძავდი იმათ მაგალითს. ვილაცამ პიტნის
სანებელი მომანოდა. მთლად დავიბენი – არ ვიცოდი, რაში
მეხმარა. პიტნის სოუსი! ეგეთი გაგიგიათ?! მაგიდის მეორე
ბოლოში კარლო გრეისი იჯდა, გამალეებული იღეჭებოდა და
დროდადრო მხიარულ მზერას მომაპყრობდა ხოლმე. ჩვენი
ნაქირავეები, სოფლური სახლის ამბებსაც მეკითხებოდა. საჭ-

მელს რაზე ამზადებთო? პრიმუსზე-მეთქი, ვუთხარი. „ბიჭოს!
– გამოცოცხლდა კიდეც – Primus inter pares!“ ბევრიც იცინა
ამაზე, მაილზიც აიყოლია, როუზსაც კი გადაურბინა ტუჩებ-
ზე ღიმილმა, თუმცა დარწმუნებული ვარ, მთქმელის გარდა,
კაცს არ გაუგია ნათქვამის მარილი. ქლოი მოიღუშა, ოღონდ
იმათმა დაცინვამ კი არა, ჩემმა უმწეობამ გააბრაზა.

მსგავსი რამეებისადმი ჩემს წრეგადასულ მგრძნობიარო-
ბას ანა არასოდეს იზიარებდა – თავად ხომ, ასე ვთქვათ,
უკლასო კლასის წარმომადგენელი გახლდათ. დედაჩემი გა-
საოცარ ადამიანად მიაჩნდა – კი, ცოტა გულჩათხრობილად,
ცოტა უხიაგად, მაგრამ მაინც თავისებურად მიმზიდველად.
დედაჩემი კი, თავისთავად ცხადია, ამ სიტბოს სიტბოთი არ
პასუხობდა. სულ ორჯერ თუ სამჯერ შეხვდნენ ერთმანეთს
და ყოველ ჯერზე ერთი სული მქონდა, მალევე დავშლილიყა-
ვით. დედა ჩვენს ქორწილს არ დასწრებია – გამოგიტყდებით,
არც დამიპატიჟია – და ქორწილის მერე მალევე გარდაიცვა-
ლა, დაახლოებით იმავე დროს, როცა ჩარლი ვაისი. თითქოს
გაგვათავისუფლესო, – მითხრა მაშინ ანამ. თავად მე სულ
სხვა აზრის გახლდით, თუმცა არ შევკამათებოვარ. იმ დღეს
უკვე საავადმყოფოში იწვა და არ ვიცი, რატომ დაინყო მოუ-
ლოდნელად დედაჩემზე ლაპარაკი. ეტყობა, შორეული წარ-
სულიდანაც დაიძრნენ აჩრდილები სათავისოს მოსათხოვნად.
ნაავდრალი დილა იდგა და ყველაფერი, რაც ჩვენი კუთხის
პალატის ფანჯრიდან ჩანდა, ერთიანად აჯაგრულ-აჩეჩილი-
ყო: გრიგალგადავლილ მდელოზე ნაადრევი ფოთოლცვენის
ნაშთი ეფინა, ხეები კი ჯერაც ვერ გასწორებულიყვნენ წელ-
ში, ნაბახუსევი ლოთებივით. ანას ერთ მაჯაზე პლასტმასის
სამაჯური ეკეთა, მეორეზე – რალაც პატარა, საათისნაირი
მონყობილობა, ლილაკიანი; როცა დააწვებოდი, მორფინის გა-

მოზომილ ულუფას უშვებდა მის უკვე მონამლულ სისხლში. როცა პირველად მივედით სტუმრად ჩემთან, შინ – შინ: ამ სიტყვაზე თითქოს ენა მტყდება – დედაჩემს გადაბმულად ორი სიტყვაც კი არ უთქვამს რძლისთვის. არხის შორიახლო ცხოვრობდა, ნახევრად ბნელ, დაბალჭერიან ბინაში, რომელიც სახლის პატრონის კატების სუნით ქოთდა. საჩუქრად უცხოური სიგარეტი და ერთი ბოთლი ალუბლის ნაყენი მივართვით. მაღლობის ნიშნად ერთი ჩაიფრუტუნა და გვითხრა: იმედი მაქვს, აქ დაბინავებას არ ფიქრობთო. იქვე ახლოს, იაფიან სასტუმროში გავჩერდით, სადაც ონკანიდან ყავისფერი წყალი მოდიოდა და ანას ხელჩანთაც ვილაცამ აგვნაპნა იმავე დღეს. მერე დედა ზოოპარკში წავიყვანეთ. ბაბუნიების ცქერისას ბევრი იცინა და ისეთი ხმით გვითხრა, ვილაცას მაგონებენო, მივხვდი, მე მგულისხმობდა. ერთ-ერთი მაიმუნი ჭუჭუს ინვალებდა და მხარს ზემოდან მიბნედილი თვალებით გასცქეროდა სივრცეს. „სადაგელი!“ – ჩაილაპარაკა დედამ და ზურგი შეაქცია.

ჩაი იქვე დავლიეთ, კაფეში, სადაც ერთმანეთში ირეოდა სპილოების მოძახილი და ბრბოს ღრიანცელი. დედამ უცხო სიგარეტს გაუსინჯა გემო, მაგრამ ორი-სამი ნაფაზის მერე ხაზგასმულად უკმაყოფილო სახით ჩააქრო საფერფლეში – აქაოდა, დაზავების იმედი არ გქონდესო.

– სულ მაქსს რატომ გეძახის? – წაისისინა, როცა ანა დახლისკენ წავიდა მისთვის ფუნთუშის ასალებად. – საიდან მოიტანა?

– ახლა ასე მქვია, – ვუთხარი. – არ წაგიკითხავს, რაც გამოგიგზავნე? ჩემი დანერილი წიგნები... ფსევდონიმად მაქვს.

როგორც იცოდა ხოლმე, გოროზად აიჩეჩა მხრები.

– ეგ წიგნები სხვისი დანერილი მეგონა.

სიბრაზე მაგიდასთან ჯდომაზეც კი ეტყობოდა – წკიპზე იჯდა, გვერდულად, წელგამართული. ხელები მაგრად ჩაეწლო მუხლებზე დადებული ხელჩანთისთვის, ქუდი კი გვერდზე მოჰბრეცოდა და ჰაიჰარად დავარცხნილი ჭალარა კულულები მოუჩანდა. ნიკაპზეც ემჩნეოდა ჭალარა ბუსუსები. ამრეზით მიმოიხედა.

– რა ადგილია! იმედია, არ მიპირებ, აქ დამტოვო მაიმუნებთან ერთად, გალიაში. ახლა იმათი ბანანები მინდა?!

ანამ ფუნთუშა მოუტანა. დედამ ცხვირი აიბზუა.

– ეგ რაღად? მე არ მითხოვია.

– კარგი რა, დე! – ვეუბნები.

– ეგრე ნუ მეძახი!

მაგრამ გამომშვიდობებისას მაინც წაიტირა – გამოღებულ კარს ამოეფარა და ბავშვივით დაიმალა სახე ხელით, საკუთარ თავზე გაბრაზებულმა. იმ ზამთარს მოკვდა, არხის პირას, სკამზე მჯდომი, წლის იმ დროისათვის უჩვეულოდ თბილ საღამოს. არავინ იცოდა, გულის უკმარისობას თუ უჩიოდა. მტრედები ჯერაც მისი ხელით მიმობნეულ ნამცეცებს კენკავდნენ ბილიკზე, როცა ვილაც ჩამოძონძილი მანანნალა მიუჯდა გვერდზე და თავისი ბოთლიდან სასმელი შესთავაზა. თავიდან ვერც მიხვდა, მკვდარს თუ ელაპარაკებოდა.

– უცნაურია, – თქვა ანამ. – ერთ წამს ხარ, მეორე წამს კი უკვე აღარ...

ამოიოხრა, ხეებს გახედა. ამ ხეების ცქერა უყვარდა, იზიდავდა, სულ უნდოდა, გარეთ გასულიყო და ხეებთან დამდგარიყო, ფოთლებში ქარის შრიალისთვის ესმინა. ოღონდ უკვე ველარ გავიდოდა, ველარასოდეს. „ერთ წამს ხარ, მეორე წამს კი...“ – სწორედ ასე თქვა.

ვილაც მელაპარაკებოდა. ქალბატონი ფისო. ვითომ რამდენი ხანი დავბორიალებდი ამ ჩემი მოგონებების ბნელ ტალანებში?

სადილი დასრულდა, ქალბატონი ფისოც უკვე გვემშვიდობებოდა. როცა ილიმება, სახე კიდევ უფრო უპატარავდება, პაჭუა ცხვირის ირგვლივ თითქოს ეჭმუჭნება ხოლმე. ფანჯრიდან ვხედავდი, როგორ იგრაგნებოდა ღრუბლები, თუმცა დასავლეთისაკენ გადახრილი ნოტიო მზე ჯერ ისევ იჭყიტებოდა ცის მომწვანო-ბლანტი ნაკუნებიდან. წამით ისევ საკუთარი სახება დამიდგა თვალწინ: ვზივარ სკამზე, ვეება მაიმუნივით, მოვარდისფრო ქვედა ტუჩი ჩამომვარდნია, უშველებელი ხელები უღონოდ ჩამომიყრია მაგიდაზე და მართლა დამწყვდეულ, წამლით გაბრუებულ, გათიშულ გორილას ვგავარ. ხანდახან, ბოლო დროს კი სულ უფრო და უფრო ხშირად, მეჩვენება, თითქოს საერთოდ არაფერი აღარ ვიცი, თითქოს თუ რამ მქონდა თავში, ამომივარდა, ან წვიმის თქეშმა გამომირეცხა. შიშისაგან დადამბლავებულ, მოთმინებით ველოდები ხოლმე, როდის დამიბრუნდება ეს ყველაფერი – ოღონდ განსაკუთრებული იმედის გარეშე. ქალბატონი ფისო მაგიდიდან თავის ნივთებს კრეფდა და იმ გადამწყვეტი წამისთვის ემზადებოდა, როცა ბოძებით ფეხებს დანდობილი, მონყვეტით, ერთი ბიძგით წამოდგებოდა. მის ვავასური უკვე წამომდგარიყო და დობილის გვერდით იდგა – ახლა იმასლა ნატრობდა, დროზე გაეტიოს აქედანო. პოლკოვნიკი მეორე მხრიდან ამოსდგომოდა სტუმარს, სასაცილოდ წინ წახრილი, უაზროდ აფათურებდა პაერში ხელებს, იმ კაცივით, მძიმე ტვირთის ასანევად რომ ემზადება, ოღონდ საკუთარ ძალებში არცთუ მთლად დარწმუნებული.

- ესეც ასე! - თქვა ქალბატონმა ფისომ და ორივე ხელი მაგიდის ზედაპირს დაჰკრა. მერე სწრაფად შეავლო თვალი ჯერ მის ვაფასურს, მერე პოლკოვნიკს. იმათაც უფრო ახლოს მიიწიეს მისკენ, თითქოს მართლა აპირებდნენ, აქეთ-იქიდან ილღიებში ამოედოთ ხელი და ასე წამოეყენებინათ.

მერე გარეთ გამოვედით, გვიანი შემოდგომის საღამოს მოსპილენძისფრო შუქში. ქარი გამეტებით ეხლებოდა სადგურის გზას, ხეების კენწეროებს არხევდა და უსასრულო ქარავენებად მიერეკებოდა ყვითელ ფოთლებს. სადღაც გულისგამანვრილებლად ხმიანობდნენ ჭილყვაკები. წელიწადიც იწურებოდა. რატომ მგონია, სანაცვლოდ რამე ახალი დაიწყება-მეთქი? კალენდარში რიცხვის შეცვლის გარდა, არც არაფერი. ქალბატონ ფისოს მანქანა - კოხტა, მომცრო, წითელი მოდელი, ჭიამაიასავით ხალისიანი, ჭიშკართან იდგა, ეზოში. კარგა ხანს იხვნემა, ვიდრე უკუსვლით ჩაჯდებოდა შიგ - ჯერ ვეება უკანალს მოათავსებდა ვითომდა ვეფხვისტყავიან სავარძელზე და მერე ფეხებსაც შენაყობდა, ცალ-ცალკე, წვალეებ-წვალეებით. პოლკოვნიკმა ჭიშკარი გაულო და იქამდე იდგა გზაზე, სანამ, თავისი ჭკუით, გასვლაში არ დაეხმარა ხელების გამალებული ქნევა-ქნევით. მანქანის გამონაბოლქვის, ზღვის, ბალის ნეშომპალას სუნი ერთმანეთში აირია. არაფერი მესმის, არაფერი, ერთი ბებერი მაიმუნი ვარ და ეგაა. ქალბატონმა ფისომ მხიარულად აახმიანა საყვირი, ხელიც დაგვიქნია. შუშის იქიდან გაღიმებული სახე მოგვანათა. მის ვაფასურმაც საპასუხოდ დაუქნია ხელი - არცთუ გულითადად. მანქანა, როგორც იქნა, გასწორდა გზაზე, სარკინიგზო ხიდისკენ აილო გეზი და მალე თვალსაც მიეფარა.

- კარგად აცივებულა! - თქვა პოლკოვნიკმა, ხელები მოიფშვნიტა და სახლისკენ დააღირა თავი.

მის ვავასურმა ამოიოხრა.

სადილი იმდენ ხანს გაგვიგრძელდა, ვახშმის იმედი აღარც უნდა გვექონოდა. თან გუნებაზეც ვერ გახლდით მაინცადა- მაინც. აშკარად ვამჩნევდი, მის ვავასური ჯერაც აღელვებუ- ლი იყო დობილთან სიტყვიერი შეხლა-შემოხლის მერე. რო- ცა პოლკოვნიკი სამზარეულოში შეჰყვა – ეგებ სალამოს ჩაის მაინც გამოვრჩეო – ქალმა საკმაოდ უხეშად მოიშორა თა- ვიდან და ისიც ყურებჩამოყრილი გაეშურა თავისი ოთახისა- კენ, ფეხბურთის მატჩის რადიორეპორტაჟის მოსასმენად. მე ფანჯარასთან მოვიკალათე, ნიგნი გადავშალე – ბელის მო- ნოგრაფია გახლდათ ბონარზე, მოსანყენზე მოსანყენი. ვერც დავუდე კითხვას გული და ნიგნი მალევე გადავდე გვერდზე. ქალბატონი ფისოს სტუმრობამ ჩვენი მყიფე წონასწორობა კიდევ უფრო შეარყია. ჰაერში თითქოს უხმო ზუზუნი ისმო- და – იფიქრებდი, წვრილი, უკიდურესობამდე დაჭიმული სი- მი შეარხიეს და ჯერ ისევ თრთისო... ფანჯრიდან გავცქერო- დი, თანდათან როგორ ბნელდებოდა გარეთ. ჩამავალი მზის ბოლო გამონაშუქში შავად მოჩანდა გზის გადაღმა მდგარი ხეები. გუნდ-გუნდად მორიალე, ხმაჩახლეჩილი ჭილყვაგები ლამის გასათევ ადგილს ირჩევდნენ. ანაზე ვფიქრობდი – თა- ვი ვაიძულე, მეფიქრა. ერთგვარი ვარჯიში მოვიგონე. ისეა ჩარჩენილი ჩემში, როგორც დანა ჭრილობაში. არადა, თან- დათან მაინც მავინყდება: ხსოვნაში ჩარჩენილი ხატება ნელი- ნელ ხუნდება, ფერი გადასდის, ვარაყი ეცლება. ვითომ ერთ მშვენიერ დღეს მთლად გადაიშლება ხსოვნის ტილო? ახლალა ვხვდები, რა ცუდად მცნობია. ანუ – როგორ ზერელედ, რამ- დენად ცალმხრივად. მაგრამ ამაში საკუთარ თავს არ ვადანა- შაულებ და ეგებ სულ ტყუილად? ვითომ მეტისმეტად ზარმა- ცი ვიყავი? თუ ზედმეტად ყურადღებაგაფანტული, საკუთარ

თავში ჩაკეტილი? კი, ესეც იყო, მაგრამ მაინც არა მგონია, ბრალეულობაზე მიდგეს ჯერი, როცა დავიწყებისა და ზერელე ცოდნის ამბავია! მე მგონი, მაინც მეტი სმეტს ველოდი ამ გაცნობა-შეცნობისგან. საკუთარ თავს ისე ცუდად ვიცნობ, სხვა როგორღა უნდა შემეცნო...

თუმცა, არა, ვტყუი, ეგ არაა საქმე. სინამდვილეში არც გვინდოდა ერთმანეთის უკეთ გაცნობა. პირიქით, საპირისპიროსაც კი ვისახავდით მიზნად. მგონი, უკვე ვთქვი კიდევ: ახლა უკან დაბრუნებისა და ქექვა-ჩხრეკის დრო არაა, თავისით მოვიდა ფიქრი და არც ვუძალიანდები – ანამ პირველი დანახვისთანავე იმით მიმიზიდა, მისი მეშვეობით ჩემს თავზე საკუთარი წარმოდგენების განხორციელების შესაძლებლობა რომ დავინახე. არ ვიცი, რას ვგულისხმობდი, როცა ამას ვამბობდი, მაგრამ ახლა ნელ-ნელა რალაცას მაინც ვხვდები, ასე მგონია. ვცდი მაინც. დრო თავზე საყრელი მაქვს, ეს კვირა საღამოები ისედაც უსასრულოდ იწელება.

ბავშვობიდანვე მინდოდა, ვილაც სხვა ვყოფილიყავი. შეგონება – შეიცან თავი შენი! – მწარე გემოს მიტოვებდა ენაზე, რამდენჯერაც კი მასწავლებელი გამეორებას მაიძულებდა. საკუთარ თავს მშვენივრად ვიცნობდი და სრულებითაც არ მომწონდა. ამჯერადაც მომიწევს ახსნა: უკმაყოფილო იმით კი არ ვიყავი, რასაც პიროვნულად, არსობრივად წარმოვადგენდი – თუმცა ისიც ძნელი დასადგენია, რას ნიშნავს ჭეშმარიტად ერთადერთი და განუმეორებელი პიროვნული მე – არამედ იმით, თუ ზემოქმედებათა რა ერთობლიობა, მიდრეკილებები, ნასესხები აზრები, კლასობრივი ჩვევები მომეცა დაბადებიდანვე, განუმეორებელი პიროვნულობის სანაცვლოდ. დიახ, სწორედ სანაცვლოდ. პიროვნულობა, რაც სხვებს გამოარჩევს, ან, ჩემი აზრით, უნდა გამოარჩევდეს, მე არასოდეს გამაჩნდა. ყოველ-

თვის გამოკვეთილი არავინ ვიყავი, ვისი მოურეველი სურვილიც გაურკვეველ ვინმედ ყოფნა გახლდათ. ვიცი, რასაც ვგულისხმობ. ანას პირველი დანახვისთანავე მივხვდი, რომ ის უნდა ქცეულიყო ჩემი გარდასახვის საშუალებად. ის ერთი დიდი სარკე იყო, რომელიც ყველა ჩემს სიმრუდეს გაასწორებდა. რატომ არ გინდა, ის იყო, რაც ხარო? – მეკითხებოდა ხოლმე ჩვენი ქორწინების პირველ დღეებში. იყო, და არა შეიცნოო... ეტყობა, ვეცოდებოდი, როცა ხედავდა, რა ამოდ ვცდილობდი ამ უსასრულო სამყაროს მოხელთებას. ცხადია, ნათქვამი – იყავი, რაც ხარ! – იმას ნიშნავს, შენ ვინც გინდა, ის იყავიო... ეს იყო ჩვენი უსიტყვო შეთანხმება, რითაც ერთმანეთი უნდა გაგვეთავისუფლებინა ტვირთისაგან, მუდმივად სხვათა თვალთ გვეცქირა საკუთარი თავისთვის. ყოველ შემთხვევაში, მან ნამდვილად გამათავისუფლა ამისაგან, მაგრამ მე რალა გავაკეთე მისთვის? ალბათ არშეცნობისკენ ამ ლტოლვაში ის არ უნდა ჩამეთრია – უმეცრების ეს სურვილი მხოლოდ ჩემში უნდა ჩარჩენილიყო.

ასეა თუ ისე, ის კითხვა, რაც ახლა მანუხებს, ისევ და ისევ ცოდნა-არცოდნას უტრიალებს. სხვა ვინ ვიყავით, თუ არა ჩვენ? კარგი, ანას მოვეშვათ, ვინ ვიყავი მე, თუ არა მე? ფილოსოფოსები გვიმტკიცებენ, რომ წინდანინ განსაზღვრულნი ვართ და საკუთარ არსებას სხვათა მეშვეობით ვაცნობიერებთ. განა ვარდი სიბნელეშიც ნითელია? უშორეს პლანეტაზე, სადაც ვერავინ ვერაფერს გაიგონებს, ტყეში ხე მაინც ხმაურით წამოიქცევა? საკითხავია, ვის შეიძლებოდა ვცნობოდი, თუ არა ანას? ვის შეიძლებოდა სცნობოდა ანა, თუ არა მე? აბსურდული შეკითხვებია. ერთად ბედნიერები ვიყავით; ან უბედურები არ ვყოფილვართ, რაც ადამიანთა უმეტესობისათვის მიუღწეველი რამაა. განა ეს ცოტაა?

იყო დაძაბულობაც, ტკივილიც – უამისოდ როგორ შეიძლება
ორი ადამიანის თანაარსებობა! ყვირილი, კივილი, თეფშების
ლენვა, ხელით შეხებაც და მეტიც... იყო სერუი და სხვა მის-
ნაირები, ჩემს ტურფებზე რომ აღარაფერი ვთქვათ. კი, ასე
ჯობია. მაგრამ ყველაზე გაარჯლებული ჩხუბის დროსაც კი
ჩვენი სიშმაგე მხოლოდ მოჩვენებითი იყო, ისეთივე თამაში,
როგორიც ქლოისა და მაილზის ბლლარძუნი. ბოლოს ყველა-
ფერი სიცილით მთავრდებოდა – მწარე, გიჟური სიცილით,
მაგრამ ეს მაინც სიცილი იყო, სინანულისა და სიმორცხვის...
ოღონდ ჩვენი გაცხარებისა კი არ გვრცხვენოდა, არამედ –
სიცხარის ნაკლებობისა. ვჩხუბობდით, რათა გვეგრძნო, ნამ-
დვილი გრძნობა განგვეცადა, ცოცხალ და არა ისეთ ნაძალა-
დევ ადამიანებად აღგვექვა თავი, როგორებიც სინამდვილეში
ვიყავით. მე ვიყავი.

შეგვეძლო კია? მე თუ შემეძლო სხვანაირად მოქცევა?
მოვახერხებდი სხვაგვარად ცხოვრებას? უაზრო კითხვებია.
ცხადია, შემეძლო, მაგრამ არ ვისურვე. აქედანაა თავად შე-
კითხვის უაზრობაც. და მაინც, სადაა ნამდვილობის ის ეტა-
ლონი, რასაც ჩემს გამოგონილ მე-ს შევადარებდი? აბაზანაში
მყოფ სამოცდაათი წლის მეუღლეს ბონარი ბოლომდე იმ გო-
გოდ ხატავდა, პირველი დანახვისას რომ დაუდგა თვალწინ. მე
რატომღა უნდა მოვთხოვო საკუთარ თავს იმაზე მეტი, ვიდ-
რე ამ დიდმა და ტრაგიკული ბედის მხატვარმა მოსთხოვა?
რაც შეგვეძლო, თავს არ ვზოგავდით – არც ანა და არც მე.
ერთმანეთს მივუტევეთ ყველაფერი ის, რაც არ ვიყავით. მე-
ტი რა უნდა მოსთხოვო ადამიანს ტანჯვისა და ცრემლის ამ
საყუდელში? „ნუ ხარ ესე გაბუტული! – მითხრა ერთხელ. –
მეც მძულდი. სულ ცოტათი. ბოლო-ბოლო, ჩვენც ადამიანები
ვართ“. და მაინც, ამ ყველაფრის მიუხედავად, არ მცილდება

განცდა, რომ რალაც გაგვისხლტა ხელიდან, მე გამისხლტა, ოღონდ არ ვიცი, რა.

ბილიკს გადაუხვხვიე. ყველაფერი აირ-დაირია. რატომ ვიტანჯავ თავს ამ ამოუხსნელი ქარაგმებით – ვითომ მაკლია ტვინის ჭყლეტა? მოეშვი მაგას, მაქს, თავი შეიცოდდე.

მალე მის ვაეასურიც შემოვიდა, ბინდ-ბუნდის ჩრდილებში მორიალე აჩრდილივით. ხომ არ გცივათო, მკითხა. ბუხრის დანთება შემომთავაზა. მე ქალბატონ ფისოს ამბავი ვკითხე – ვინაა, სად გაიცანით-მეთქი. ისე, სიტყვის მასალად. მაშინვე არ მიპასუხა, და ჩემი კითხვის პასუხად ვერც ჩათვლიდი, მერე ისეთი რამ მითხრა:

– იცით, ეს სახლი ვივიენის ნათესავებისაა.

– ვინ ვივიენის? – გავიკვირვე.

– ფისოსი...

– ახლა გასაგებია.

ბუხართან ჩაცუცქდა, ხვნეშა-ხვნეშით დასწვდა გამხმარი პორტენზიის ლეროს.

– შეიძლება უკვე მისიც გახდა აქაურობა, – დაამატა მერე. – აკი ნათესავების უმრავლესობა დაეხოცა.

ვუთხარი, ეს სახლი თქვენი მეგონა-მეთქი.

– არა, – მითხრა და მოლუშული სახით დახედა გამხმარ ყვავილებს. მერე მზერა ჩემზე გადმოიტანა და რალაცნაირად ეშმაკურად გამიღიმა, თან ენის წვერიც კი გამოაჩინა. – მე რალაც დანამატივით ვიგულისხმები...

პოლკოვნიკის ოთახიდან ყრუდ მოისმოდა სტადიონზე თავმოყრილი ხალხის გუგუნე და კომენტატორის ალგზნებული ხმა. ეტყობა, ვილაცამ გოლი გაიტანა. ნეტავ ამ სიბნელეში რა ათამაშებთ?! ალბათ დამატებით დროზე თუ მიდგა საქმე.

– არასოდეს გათხოვილხართ? – ვკითხე.

მორცხვად გაილიმა და ისევ დახარა თვალები.

- არა, - მითხრა. - არასოდეს.

სწრაფი მზერა მესროლა. ლანვებზე ორი ლაქა აუწითლდა.

- ვივიენი ჩემი მეგობარი იყო. ანუ ფისო.

- გასაგებია, - ვუთხარი. ან სხვა რა უნდა მეთქვა.

ახლა პიანინოზე უკრავს. შუმანს, „ბავშვობის სურათებს“.

ჩემს მოთმინებას თუ სცდის.

უცნაურია, არა? როგორ იღექება გონებაში ერთი შეხედვით უმნიშვნელო რალაც-რალაცები. „კედრების“ უკან, სადაც სახლის კუთხე მოუვლელ მდელოს ემიჯნება, შავი, დალუნული სანვიმარი მილის ქვეშ, ადრე ერთი კასრი იდგა - ცხადია, ახლა უკვე დიდი ხნის გამქრალია. ხის კასრი, ძველებური, მუცელგაბერილი. მოქლონები დრო-ჟამს ჩაეშავებინა და სალტეები ჟანგს დაეხრა. პირი ცალ მხარეს ისე გაგლუვებოდა, მიერთების ადგილებს ხელის გადასმითაც ვერ მიაგნებდი. მუცელი, პირიქით, ხაოიანი ჰქონდა, ლელქაშივით, ოლონდ უფრო ნოტიო და გრილი. არ ვიცი, რამდენ წყალს იტევდა, ისე კი სულ პირთამდე სავსე მხვდებოდა ხოლმე - ეტყობა, ამ მხარეში ხშირი ნვიმების გამო. მით უფრო, ზაფხულში. შიგ რომ ჩაიხედავდი, წყალი ნავთივით შავი და ბლანტი ჩანდა. ოდნავ დაფერდებული იდგა და წყლის ზედაპირიც სადგურზე მატარებლის ყოველ ჩავლაზე ლიცლიცებდა, შემკრთალ ჭავლებად თრთოდა. ბალის ამ მიგდებულ კუთხეში, ეტყობა, სწორედ ამ კასრის წყალობით, განსაკუთრებულად რბილი და გრილი ჰაერი ტრიალებდა. რალა არ იზრდებოდა იქ: ჭინჭარი, გვიმრა... სხვების სახელები აღარც მახსოვს. დილაობით მუდამ მომწვანო შუქი იდგა ხოლმე, განსაკუთრებულად უც-

ნაური. რაკი კასრში მხოლოდ ნეიმის წყალს აგროვებდნენ, არ ვიცი, სიხისტის თუ პირიქით, მეტი სილბოს გამო, თავის დასაბანად ზედგამოჭრილად მიაჩნდათ. ერთ მზიან დილასაც სწორედ იქ წავანყდი მისის გრეისს, რომელიც როუზს თავის დაბანაში ეხმარებოდა.

მახსოვრობას მოძრაობა არ უყვარს. ამჯობინებს, გაქვე-
ვებული სურათები შემოინახოს და უამრავი დამახსოვრებუ-
ლიდან ესეც ნახატივით ჩამრჩა გონებაში: როუზი წელში მოხ-
რილა, ხელებით მუხლებს დაყრდნობია, საპნის ქაფშერჩენილი
გრძელი, შავი, მბზინავი თმა სახეზე ჩამოშლია. ფეხშიშველია,
მალალ ბალახში მის ფეხის თითებს ვხედავ. თხელი, მოკლე-
სახელოებიანი ტილოს პერანგი აცვია – ზუსტად ისეთი, იმხა-
ნად რომ იყო მოდაში, მხრებში ზედმეტად განიერი და წელში
ვინრო, მკერდზე ლურჯ-წითელი რაღაც უცნაური ნაქარგით.
ლილები დაუხსნია და ორ მომცრო, ჩიკორივით ნანვეტებულ
ძუძუს ვავლებ თვალს. მისის გრეისს ლურჯი სატინის ხალათი
აცვია და ლურჯივე თხელი ფლოსტები წამოუცვამს ფეხებზე.
ბუდუარული განწყობა გამოუტანია ეზოში. თმა კუს ბაკნის
ფორმის ორი სარჭით აქვს დამაგრებული ყურებთან. რაღაცას
ეძახდნენ ასეთ სარჭებს – ახლა არ მახსენდება. ეტყობა, ლო-
გინიდან ახალი წამომდგარია და დილის შუქზე უფრო მკვეთ-
რად მოუჩანს სახის უხეში, მსხვილი ნაკვთები. ზუსტად ისე
დგას, როგორც ვერმეერის გოგო რძის დოქით ხელში. თავი
მარცხნივ გადაუხრია, ერთი პეშვი როუზის მძიმედ ჩამოყრი-
ლი თმისთვის შეუშვერია, მეორით კი მკერივ, ვერცხლისფერ
ჭავლს ასხამს ტუჩმოტეხილი, მომინაქრებული დოქიდან.
ის ადგილი კეფაზე, სადაც წყალი ეცემა, თეთრად მოუჩანს
როუზს, თითქოს მთვარის ლაქაა პიეროს სახელოზეო. „უფ,
უფ, უფ!“ – ვიშვიშებს როუზი ყინულივით ცივი წყლის გამო.

საბრალო როუზი. ისე არც მახსენდება მისი სახელი, თუკი რალაც სანყალობელი ზედსართავიც არ მოვაყოლე. რამდენი წლის იქნებოდა მაშინ? ალბათ ცხრამეტის, ბევრი-ბევრი – ოცის. მაღალ-მაღალი, თვალშისაცემად თხელი, ნელწვრილი და გრძელფეხება. მოკლედ, თხემით ტერფამდე ჩამოქნილი. ვინმე, მაგალითად, ქლოისავით ენამწარე, იმასაც იტყოდა, სახის ნაკვთები არ უვარგაო – ფარაონისებური ნესტოები ჰქონდა და მოგრძო ცხვირზე კეხი ედგა, თან მცირედ გამრუდებოდა კიდეც, ოდნავ მარცხნისაკენ, და როცა პირდაპირ უყურებდი, თვალი გატყუებდა: თითქოს ერთდროულად პროფილშიც ხედავდი, პიკასოს რომელიმე უცნაური პორტრეტივით. თუმცა ეს ნაკლად კი არა, ხიბლის მომმატებელ ღირსებად უფრო უჩანდა – თითქოს რალაც იღუმალებას მატებდა მის სახეს. როცა ჩაფიქრდებოდა და არ იცოდა, თუ უთვალთვალებდა ვინმე – ვთქვათ, ჩემნაირი ცნობისმოყვარე ლანირაკი – ბოლომდე ჩაქინდრავდა თავს, თვალებს დამალავდა, მონყენით ჩამოიდებდა ლოყას მხარზე და დუჩოს მადონას ემსგავსებოდა – სევდიანს, ფიქრიანს, იმ ბუნდოვან ოცნებებში წასულს, რომელთაც ახდენა არასოდეს ეწერათ.

ამ ზღვის მარილით გაჯერებული ზაფხულის ტრიპტიქის მთავარი ფიგურა, უცნაურია, მაგრამ სწორედ იგია – ყველაზე მკაფიოდ შემორჩენილი ჩემი მახსოვრობის კედელს... მიზეზი ალბათ ისაა, რომ პირველი ორი, ქლოი და დედამისი, თავიდან ბოლომდე ჩემი ქმნილებაა, მაშინ, როცა როუზი ვილაც სხვისი, უცნობის ხელითაა ნაკვეთი. იმ ორ გრეისს მუდმივად ვუბრუნდები ხოლმე: ხან დედას, ხანაც ქალიშვილს. აქ ფერს ვამატებ, იქ რალაც დეტალს ვცვლი და მთელი ამ სწორება-გადასწორების შედეგი ისაა, რომ მათი სახება უფრო და უფრო ბუნდოვანდება, არ კი იკვეთება – გინდაც შორიდან დაუწ-

ყო ცქერა საკუთარ ნახელავს. ხოლო როუზი დასრულებული პორტრეტია, ერთხელ და სამუდამოდ მომთავრებული. ეს იმას არ ნიშნავს, თითქოს უფრო ცოცხალი ან უფრო მნიშვნელოვანი იყო ჩემთვის, ვიდრე ქლოი ან დედამისი; რა თქმა უნდა, არა. მაგრამ მისი თვალნათლივ წარმოდგენა მაინც უფრო იოლად და დაუბრკოლებლად შემიძლია; არა იმიტომ, ჯერ კიდევ აქ რომაა, რადგან მისი ის ვერსია, რომელიც აქაა, იმდენად შეცვლილა, ცნობაც კი გაგიჭირდება კაცს. იმას – მახსოვრობას შემორჩენილს – კვლავაც უქუსლო ფეხსაცმელები, შემოტყეცილი შავი შარვალი და იისფერდაკრული პერანგი აცვია. მართალია, სხვა ტანისამოსიც ეცვა ხოლმე, მაგრამ მე მაინც მუდმივად ასე გამოწყობილი წარმომიდგება თვალწინ. როგორც წესი, არეულ-დარეულ სტუდიაში, რეკვიზიტის ათასნაირი ნაყარ-ნუყარის ფონზე იხატება მისი პორტრეტი; გარშემო კი მომჩვარული ფარდები, დამტვერილი, ნაჭრისყვავილებიანი ჩალის ქუდი, ვინძლო სულაც მუყაოს კედლის კუთხე და იდუმალი შუქ-ჩრდილების მოოქროსფრო-მოთეთრო რიალია. მისი არსებობა ჩემთვის იმდენად მძაფრი არ ყოფილა, როგორც ქლოისა თუ მისის გრეისის; ან როგორ იქნებოდა... მაგრამ რალაც მაინც გამოარჩევდა – კუნაპეტი თმა და თეთრი სახე, რასაც ვერც თაკარა მზე და ვერც ზღვაური ვერ უცვლიდა ფერს.

მე მგონი, სწორედ ის საქმე ებარა, რასაც ძველ დროს – მართლა შორეულ წარსულს ვგულისხმობ და არა იმ დღეებს, ახლა რომ ვიგონებ – გადიობას ეხადნენ. თუმცა გავლენის მოკრძალებული სფერო, ალბათ, გადიასაც ექნებოდა, საბრალო როუზი კი სრულიად უმწეო გახლდათ ტყუებებისა და მათი დაუდევარი მშობლების გადამკიდე. ქლოი და მაილზი აშკარად კრიჭაში ედგნენ; ის იყო მათი ყველაზე ბოროტი ხუმრობების,

დაცინვისა თუ უსასრულო გამასხრებების საგანი. ურთიერთობაში ორგვარი გეზი ჰქონდათ არჩეული: ხან ისეთი სრული უგულებელყოფა, თითქოს უჩინმაჩინად მიაჩნიათო, ხან კი, პირიქით, ყოველ მის ნათქვამს თუ ნამოქმედარს, სრულიად ჩვეულებრივსა და ბუნებრივს, ბოლომდე უკირკიტებდნენ და ათასნაირად შეუტრიალ-შემოუტრიალებდნენ ხოლმე. როცა სახლში მიდი-მოდიოდა, ისინიც სულ კუდში დაჰყვებოდნენ, ლამის ქუსლებზე აბიჯებდნენ ფეხს და მუდმივად უთვალთვალებდნენ – სუფრას აწყობდა, წიგნს იღებდა, თუ სარკეს არიდებდა მზერას... თითქოს ეს ყველაფერი უკიდურესად უცნაური, წარმოუდგენელი ყოფილიყო და მანამდე მსგავსი არც არაფერი ენახათ. სანამ შეეძლო, ცდილობდა, ყურადღება არ მიექცია, თუმცა ბოლოს მაინც მოუტრიალდებოდა ხოლმე აჭარხლებულ-აცახცახებული და ევედრებოდა, გთხოვთ, გეხვეწებით, თავი დამანებეთო. თან ცდილობდა, ხმისთვის არ აენია, რათა მშობლებს არაფერი გაეგოთ. ცხადია, ტყუპებსაც სწორედ ეს უნდოდათ, უფრო ეძალებოდნენ, დაჟინებით ამტერდებოდნენ ვითომ გაკვირვებულები და ქლოიც კითხვას კითხვაზე აყრიდა: *იმ თეფშზე რა იდო? ეგ წიგნი მოგწონს? სარკეში რატომ ვერ იყურები?* იქამდე არ მოეშვებოდა, სანამ თვალზე ცრემლს არ მოადენდა და სახეს არ აულენავდა დარდისა თუ უძლური ბრაზისაგან. მერე შეტრიალდებოდნენ და კმაყოფილები გაეცლებოდნენ, პატარა დემონებივით ახარხარებულები.

როუზის საიდუმლო ერთ შაბათ საღამოს შევიტყვე, როცა ქლოის შევუარე „კედრებში“. რომ მივედი, მამამისის მანქანაში ჯდებოდა. ეტყობა, ქალაქში აპირებდნენ წასვლას. ჭიშკართან გავეჩერდი: წინა დღით შევთანხმდით, რომ ჩოგბურთი უნდა გვეთამაშა. ვითომ დაავინყდა? რა თქმა უნდა, დაავინყდა.

მენყინა. როგორი იყო შაბათ სალამოს ასე მარტო, უსაქმოდ და უაზროდ დარჩენა?! ჩემი მუავე სახე მაილზმაც შეამჩნია, ჭიშკარს რომ უღებდა მამამისს და როგორც იცოდა ხოლმე ამ მართლა პატარა ეშმამ, ბოროტად ჩაიქირქილა. მისტერ გრეისმა სარკეში მკიდა თვალი, თავი ქლოისკენ გადახარა, რალაც უთხრა და თანაც თავისებურად ჩაიციინა. ახლა უკვე თავად გარემოც დამცინოდა, ღვარძლიანად. მისტერ გრეისმა მადიანად ააღმუვლა ძრავა, ადგილიდან მოწყვიტა მანქანა და კიდევ კარგი, დროზე გავხტი განზე – კარლო გრეისს, მამაჩემის არ იყოს, იუმორი მეტად თავისებურად ესმოდა. სწორედ ამ დროს ქლოიმაც დამტვერილი შუშის იქიდან მკიდა თვალი – გაკვირვებით, თითქოს არც კი იცოდა, იქ რომ ვიყავი, ან იქნებ მართლა ახლალა დამინახა. რაც შემეძლო, დაუდევრად დაეუქნიე ხელი. იმან გამიღიმა, ვითომ შენუხებულმა მოპრუნა ტუჩები და მობოდიშების ნიშნად მხრები აიჩეჩა, ლამის ყურებამდე აზიდა. მანქანამ სელა შეანელა, ახლა მაილზიც ჩაჯდა შიგ. ქლოიმ შუშას მიადო ცხვირი და უხმოდ მითხრა რალაც, მერე კი ისე ასნია ხელი, დალოცვისას რომ იციან ხოლმე. მეც რალა დამრჩენოდა – გავუღიმე, მხრებიც ავიჩეჩე და თავიც დაეუქნიე. მანქანამ მტვრის ბუქი დააყენა. უკანა შუშაში მაილზის ავად მომღიმარი სახე გაკრთა.

სახლი მიტოვებულს ჰგავდა. კარს ჩაუჯარე და ირიბად ჩარიგებულ ხეებს ჩაუყყევი ბალის ბოლოსკენ. უფრო იქით რკინიგზა გადიოდა და იქაურობას მუდამ ფისისა და ზეთის სუნი უდიოდა. მეტისმეტად ახლო-ახლო დარგულ ხეებს ავად-მყოფური, უბადრუკი იერი ედოთ. ზარმაცად არხევდნენ ტოტებს, ვედრებით აღმართულ მკლავებს რომ მიუგავდათ. ნეტავ რა ჯიშის ხეები იყო? მუხები არა, ალბათ უფრო ვერხვები. სანამ გავიაზრებდი, უკვე რომელიღაც ხეზე მივცოცავდი.

საკვირველი კი იყო ჩემგან: არც დიდი გამბედაობით გამოვიჩნეოდი და არც თავგადასავლების სიყვარულით. სიმაღლისაც ყოველთვის მეშინოდა და დღემდე ასეა. სულ ზევით და ზევით მივინვედი: ჯერ ერთ ტოტს ჩავავლებდი ხელს, ფეხს მოვინაცვლებდი, მერე – მეორეს და ასე ავდიოდი ტოტიდან ტოტზე. რთული არ იყო, თუმცა ფოთლები ავი სისინით მენინალმდეგებოდნენ და ხის რტოებიც სახეში გამეტიებით მცემდნენ. მალე ლამის კენწეროში მოვექეცი და იქლა შევჩერდი. შიში არაფრისა მქონდა, ანძაზე აცოცებულ მეზღვაურად ნარმომედგინა თავი. ქვემოთ უსასრულო სივრცე გადაშლილიყო, ზემოთ კი მოციმციმე ცამდე თითქოს ხელის განვდენალა დამრჩენოდა. ამ სიმაღლეზე ნიავი ზღვის ნაპირის, კვამლისა და პირუტყვის სუნით გაჯერებულ, მკვრივ ნაკადად ქცეულიყო. ცისკიდურზე ქალაქის სახურავები მოჩანდა, უფრო შორს და მალლა კი მირაჟით გაქვავებულიყო პანია, ვერცხლისფერი, უძრავი გემი ზღვის ფერმკრთალ სილურჯეში. ტოტზე ჩიტი ჩამოჯდა, გაოცებულმა შემომხედა ცალი თვალით და მერე შეურაცხყოფილი ხმიანობით გამეცალა. უკვე აღარც კი მახსოვდა ქლოს გულმავინყობა, იმდენად ავეტანე სიხარულსა და სიამაყეს – ყველასა და ყველაფრისაგან ასე მალლა, ასე შორს ყოფნის გამო. ამიტომაც ვერ შევნიშნე როუზი, ვიდრე მისი ტირილის ხმა არ მომესმა.

ხის ქვეშ იდგა მხრებანურული, გვერდებზე იდაყვებმიბჯენილი, თითქოს თავადვე აკავებდა თავს, რომ არ ნაქცეულიყო. აცახცახებული, თითებით ჭმუჭნიდა ცხვირსახოცს, მაგრამ ეს ყველაფერი იმდენად წააგავდა რომელიმე ბულვარული რომანის სცენას, თავიდან ისიც ვიფიქრე, ცხვირსახოცი კი არა, სასიყვარულო წერილი ჩაუბლუჯავს-მეთქი. ზემოდან დავცქეროდი – შავი თმის შუაზე გამყოფი ხაზი დამბალი

ცხვირსახოცივით თეთრად კრთოდა, ხოლო როცა ნაჩქარევად შეტრიალდა მოულოდნელად გაგონილი ნაბიჯების ხმაზე, ბილიკზე მომავალი მისის გრეისიც დავლანდე – თავი ჩაექინდრა, გულ-ხელი დაეკრიფა და თითები მხრებზე შემოეჭდო. ფეხშიშველი იყო, მოკლე შარვალი და ქმრის თეთრი პერანგი ეცვა, მისთვის მეტისმეტად ფართო. როუზის შორიახლო შეჩერდა, მცირე ხანს უხმოდ იდგა, ერთი-ორჯერ თითქოს მიბრუნდ-მობრუნდა, ძველებურად გულხელდაკრეფილი. თითქოს როუზივით, ისიც თავად აკავებდა საკუთარ თავს, ანდა ბავშვივით ანანავებდა.

– როუზ, – თქვა რალაც ნაძალადევი სიმხიარულით, ლიქნის ელფერიც რომ დაკრავდა. – რა იყო როუზ, რა გენყინა?

როუზმა ჯერ სახე აარიდა, ბრაზიანად ჩაიფრუტუნა, მერე კი ლამის იყვირა:

– რა იყო? როგორ თუ რა იყო?!

ეტყობა, ვერ მოზომა, ხმა გაეზარა, ბრაზიანადვე მოიხოცა ცხვირი და ისე ამოიოხრა, თითქოს გული ამოაყოლაო. იმ სიმაღლიდანაც კი ვხედავდი, მისის გრეისი ილიმებოდა და თან ტუნს იკვნეტდა. სადღაც შორიდან ახლა სტვენა მოისმა. სალამოს მატარებელი – შავ-შავი ორთქლმავალი და ათიოდე მწვანედ შეღებილი ხის ვაგონი ქალაქიდან მოუყვებოდა ველ-მინდვრებს და ბოლქვა-ბოლქვად ისროდა თეთრ ბოლს. მისის გრეისი უსიტყვოდ მიუახლოვდა როუზს, იდაყვზე შეეხო, მაგრამ იმან ხელი აუკრა – თითქოს ამ შეხებამ ცხელი შანთივით დაწვაო. თავხედმა ქარმა დაუბერა, მისის გრეისს პერანგი აუფრიალა და შიშველი მკერდის ქვედა ნაწილი გამოუჩინა. „კარგი ახლა, როუზი, გეყოფა!“ – აღუღუნდა ისევ და ამჯერად მოახერხა, მისთვის ხელკავი გამოედო და თუმცა ის უძალიანდებოდა, მოქაჩა კიდევც, თავისკენ შემოაბრუ-

ნა. მერე ერთად მოჰყვნენ ხეებქვეშ წინ და უკან სიარულს. როუზს ფეხები ებორკებოდა, თუმცა გაუჩერებლად ლაპარაკობდა, ლაპარაკობდა... თავჩაქინდრულ მისის გრეისს, მგონი, ხმაც არ გაუღია; დაძაბულ მხრებსა და აცაბაცა სიარულზე ვატიყობდი, სიცილს ძლივს იკავებდა. ასლუკუნებული, ხმათრთოლებული როუზის სიტყვებიდან სულ რამდენიმე გავარჩიე: *სიყვარული... სისულელე... მისტერ გრეისი...* პასუხად კი მისის გრეისის ერთადერთი შეძახილი: *კარლო?! –* რასაც გოცებისა თუ ეჭვის გამომხატველი ხმამალალი სტვენაც მოჰყვა. უცებ მატარებელიც მოგვადგა და ჩემს მუხლებს შორის მომწყვდელი ხის ტოტიც ერთიანად აძაგდა. ორთქლმავალი რომ გამისწორდა, მემანქანის ჯიხურში შევიხედე და გამჭვარტლულ სახეზე თეთრად მოელვარე, ჩემკენ მომართული თვალები შემომეფეთა. როცა ისევ ქალებს დაეხედე, შეჩერებულიყვნენ და ახლა პირისპირ იდგნენ მაღალ ბალახში. მისის გრეისს როუზისთვის მხარზე ჩამოედო ხელი და უღიმოდა. როუზს კი ნესტოები შესწითლებოდა, ნამტირალევ თვალებს მჯილებით იმშრალებდა. უცებ ორთქლმავლის ბოლი მეცა თვალებში, დამაბრმავა, და როცა ისევ გამოვიხედე, უკვე სახლისკენ მიაბიჯებდნენ ბილიკზე.

ასე იყო. როუზს იმ ბავშვების მამა ჩავარდნოდა გულში, ვისი გადიობაც ევალებოდა. თავისთავად, ძველთაძველი ამბავია, თუმცა საკვირველი კია, მე რატომ არ მომეჩვენა მაშინ უჩვეულოდ. რას ვფიქრობდი, რას ვგრძნობდი? ყველაზე ნათლად როუზის თითებში მოჭმუჭნული ცხვირსახოცი და ლურჯი, დაბერილი ვენები მახსოვს მისის გრეისის ღონიერ, შიშველ წვივებზე და ცხადია, ორთქლმავლის გამონაბოლქვი, როცა უღრიალ-ჭრიალით გაჩერდა სადგურზე, მერე აქოშინებულ-ათუხთუხებულმა, ერთი კიდევ ამოიქმინა და გზის

გასაგრძელებლად გაემზადა. აბა, რა მოსატანია ცოცხალი არსება მისსავე ხელით შექმნილი საგნების ამგვარ ურყევ ძალასთან?

როცა როუზი და მისის გრეისი თვალს მიეფარნენ, მეც ჩამოვცოცდი ხიდან; თუმცა ეს აცოცებაზე ბევრად რთული გამოდგა. უხმაუროდ ჩავუარე გაყურებულ, უკვე ბინდში ჩანთქმულ სახლს და სადგურისკენ გაუყუვევი გზას იმ უკაცრიელ საღამოს. მატარებელი უკვე გასულიყო ბაქნიდან და ახლა სადღაც სხვაგან იქნებოდა, სრულიად სხვაგან.

ბუნებრივია, დრო არ დამიკარგავს – ჩემი აღმოჩენა უმალვე ქლოის გაუზიარე. მისი რეაქცია მთლად ისეთი არ გამოდგა, როგორსაც ველოდი. მართალია, თავიდან თითქოს გაოგნდა, მაგრამ მალევე დაიბრუნა არხეინი იერი და მგონი, გამიბრაზდა კიდევ – მე რას მეუბნებოდი, ენაზე ვინ გექაჩებოდაო. გუნება მომეშხამა. ასე მეგონა, ჩემს მონათხრობზე ჩვეულებისამებრ ჩაიფხუკუნებს და მეც მთელ ამ ამბავს ხუმრობაში გავატარებ-მეთქი. არადა, ახლა იძულებულს მხდიდა, ყველაფერი სხვანაირად დამენახა. მაგრამ, აბა, რანაირად? ან იმთავითვე ხუმრობად რატომ უნდა ჩაგვეთვალა? მხოლოდ იმ მიზეზით, სიცილი ბავშვისთვის თავშესაფარი და შიშების მხამრიდი როა? მართალია, როუზი ჩვენზე თითქმის ორჯერ უფროსი იყო, მაგრამ მაინც ჩვენს ნაპირზე იდგა – იმ ნყალგამყოფის ნაპირზე, უფროსების სამყაროსაგან რომ გვმიჯნავდა. ისედაც გასივებული მქონდა თავი იმაზე ფიქრით, ეს უფროსები რეებს სჩადიან, ჩუმ-ჩუმად რას ეშმაკობენ-მეთქი, და ახლა იმის წარმოდგენა, კარლო გრეისის ასაკის კაცი რომ როუზთან დაიჭერს საქმეს – თანაც ვინ: ეს ლიპიანი, ბან-

ჯგვლიანი, ჭალარაგამორეული, შორტებში მოტანტალე – ერთობ დამთრგუნველი იყო ჩემი სათუთი, ჯერაც მყიფე გრძობებისათვის. ნეტავ თუ გაუმხილა სიყვარული ვაჟბატონს? და იმანაც თუ თანაუგრძნო? თვალნინ გამირბენდა ხოლმე, როგორ ეხუტებოდა ფერმკრთალი როუზი ამ სატირს ბანჯგვლიან მკერდზე და ეს ხილვა თან მიზიდავდა და თან შიშის ზარსაც მცემდა. და მისის გრეისი? რა მშვიდად მოისმინა როუზის ის აბნეულ-დაბნეული აღსარება! როგორ უდარდელად, სიცილითაც კი. რატომ თვალეები არ ამოსჩიჩქნა თავისი წითლად მბზინავი, წამახული ფრჩხილებით?

ცალკე ის ვერ ამეხსნა, მაინც რა უტიფრად და მშვიდად ნიღბავდნენ ისინი თავიანთ ურთიერთობას! კარლო გრეისის უდარდელობა ახლა უკვე სრულ სიყალბედ მეჩვენებოდა – მართლაცდა, უსულგულო მაცდურის მეტი სხვა ვინ იცინებდა ასე უგვანად, თავხედურად?! გამოაგდებდა წინ ნიკას და მოჰყვებოდა მკერდზე ბანჯგვლის ფხანას, ისე, რომ მისი ფრჩხილების ფხაჭუნი კილომეტრზე ისმოდა! ის ამბავი, ხალხი როუზს შემთხვევით გამვლელზე მეტ ყურადღებას რომ არ აქცევდა, მხოლოდ მის ეშმაკობასა და ვერაგობაზე მიუთითებდა! როუზი გაზეთს რომ მიაწოდებდა და ისიც უხმოდ რომ გამოართმევდა ხოლმე, აგდებულად, ჩემი აღგზნებული წარმოსახვა ამაშიც რალაც ფარულ აზრსა და მნიშვნელობას ხედავდა. კარლოს წინაშე მისი ეს მორცხვი და თავშეკავებული ქცევა მხოლოდ ავხორცი მონაზვნის ფარისევლობას მაგონებდა. რაკი ახლა მისი ფარული სირცხვილის ამბავიც შევიტყვე, უფრო შორსაც წავედი – წარმოვიდგენდი ხოლმე, როგორ ეხუტებოდნენ ერთმანეთს ლოგინში, მესმოდა მათი გახშირებული სუნთქვა, მათი შეკავებული ოხვრა-კენესაც მესმოდა...

და მაინც, რამ უბიძგა ეგეთი გულახდილობისაკენ? და თან ვისთან – მისივე სატრფოს ცოლთან! ან რა იფიქრა საბრალო როუზმა, როცა პირველად მოჰკრა თვალი ჭიშკარზე მაილზის ცარცით ნანერს: რ.მ. + კ.მ. და იქვე მიხატულ ქალის ტორსს – ნერტილებიან ორ რგოლს, ორ მრუდე ხაზს თეძოების მოსანიშნად, უფრო ქვემოთ კი – ორ ფრჩხილს შორის მოქცეულ პანია შვეულ ხაზს? ალბათ სისხლმა აასხა ტვინში, სირცხვილისაგან ალმური მოედო სახეზე. იფიქრებდა, ქლოიმ გამოჩხრიკა ყველაფერიო, ჩემზე ეჭვს ვერ მიიტანდა. თუმცა უცნაური კია და, ქლოიმ ამით ვერაფერი მოიგო, მგონი, პირიქითაც კი მოხდა. ახლა, როცა გოგოს შეხედავდა ხოლმე, გადიის მზერაში რალაც ახალი, ფოლადივით მტკიცე გამომეტყველება ჩნდებოდა, რაც, ჩემდა გასაკვირად, ქლოისაც ისე აბნევდა, ადრე რომ არასოდეს შემემჩნია. როცა მახსენდება ერთის სუსხიანი და მეორის დარცხვენილი თვალები, უნებურად იმ დასკვნამდე მივდივარ, საბედისწერო მოქცევის დღეს მომხდარი ის ამბავი უთუოდ როუზის ფარული ლტოლვის საიდუმლოს გამჟღავნებამ გამოიწვია-მეთქი. ბოლოსდაბოლოს მე რატომ გამოვაკლდე მელოდრამებით გატაცებულ იმ კალმოსანთა რიცხვს, საბოლოო ნერტილის ეფექტურად დასამაზე რომ ეკეტებათ ტვინი?!

მოქცევამ მთელი ნაპირი დატბორა, ქვიშის ბორცვებამდე, თითქოს ზღვა კანში ველარ ეტევაო. უხმოდ ვისხედით შემალლებულზე ჩვენ სამნი – ქლოი, მაილზი და მე – და ნყლის ჯიუტ მატებას შევცქეროდით. მიტოვებული საყარაულოს რუხ, საღებავგადაცლილ ფიცრის კედელს ზურგით მივყრდნობოდით, გოლფის მოედნის პირველ მიჯნასთან. ცოტა ვიცურავეთ, მაგრამ მალევე მოგვბეზრდა ზღვის ეს უტალღე-ბო, ჯიუტი მოძალემა – ერთდროულად მშვიდი და ავისმომასწავებელი. ცა ერთიანად გადათეთრებულიყო და ზუსტად მის

შუაგულში უძრავად ეკიდა მზის ბრტყელი, მკრთალი ოქროსფერი დისკო. თოლიები ჩხავილ-ჩხავილით ეხლებოდნენ აქეთ-იქით, ჰაერი არ იძროდა. თუმცა, არა, კარგად მახსოვს, ქვიშიდან კანტი-კუნტად ამონვერილი ბალახის თითოეული ღერო ირხეოდა, ესე იგი, ქარი თუ არა, ნიავე მაინც უბერავდა. ან იქნებ სხვა დღე მახსოვს, როცა პირველად შევამჩნიე ქვიშიდან ამონვერილი ბალახის ღეროები? ქლოის საცურაო სამოსი ეცვა და მხრებზე თეთრი მაისური მოეგდო. თავზე გადაგლესილი სველი თმა მუქად უჩანდა. მქრქალ, მოთეთრო შუქზე მისი სახე ლამის უნაკვთებო გეგონებოდათ და პროფილში ისე ჰგავდა გვერდით მჯდომ მაილზს, თითქოს ორი ერთნაირი მონეტა მოუჭრიათო. ქვემოთ, ქვიშის ბორცვებს შორის, როუზი იწვა, გულალმა, პირსახოცზე. ხელები თავქვემ ამოედო და მძინარეს ნააგავდა. ზღვის ქაფიანი ენა ცოტაც და ქუსლებს აულოკავდა. ქლოი მალი-მალ აპარებდა მისკენ თვალს, მერე ჩაიცინა და თქვა: „ეგებ, შეითრიოს კიდეც...“

საყარაულოს კარი მაილზმა გააღო. იქამდე არ მოეშვა ბოქლომს, სანამ სარჭი არ მოარყია და ბუდიდან არ ამოაგდო. შიგ ერთადერთი მომცრო ოთახი იყო, ფსიტის სუნით აქოთებული. კედელთან ხის გრძელი მერხი იდგა, იმის ზემოთ ფანჯარა იყო, რიგიანი ჩარჩოთი, თუმცა შუშაამოგდებული. ქლოი მუხლებით შედგა მერხზე, იდაყვები რაფას ჩამოაყრდნო და ფანჯრიდან გაიხედა. ერთი მხრიდან მე ჩამოვუჯექი, მეორიდან კი – მაილზი. ნეტავ რატომ მაგონებს რალაც ეგვიპტურს ის ჩვენი ასე ჩამოჯდომა? ჩამუხლული ქლოი გარეთ იყურება, მე და მაილზი მერხზე ვსხედვართ და პატარა ოთახს ვათვალიერებთ... ვითომ იმიტომ, მეც ჩემს „მკვდართა ნიგნს“ რომ ვწერ? ქლოი სფინქსი იყო, ჩვენ კი – მისი მსხდომარე ქურუმები. თოლიების ჭყვილის გარდა, სხვა ხმა არ ისმოდა ირგვლივ.

- ნეტა მართლა დაიხრჩოს, - თქვა ფანჯარაში თავგა-
ყოფილმა ქლოიმ და თავისებურად, ეშმაკურად ჩაიხითხითა.
- იმედი მაქ, ეგრეც იქნება, ჰი-ჰი! ვერ ვიტან, მეზიზღება...

უკანასკნელი სიტყვები. სისხამი დილა იყო, რიჟრაჟი,
როცა ანა გონს მოვიდა. დანამდვილებით ვერ ვიტყვი, მელვი-
და თუ მესიზმრა, რომ არ მეძინა. იმ ღამეებს საწოლთან მიდ-
გმულ სავარძელში ვათენებდი და უცნაურად პროზაული ჰა-
ლუცინაციები მსტუმრობდა: ძილ-ბურანში ვხედავდი, როგორ
ვუმზადებდი საქმელს, ან მასზე ველაპარაკებოდი იმ ადამია-
ნებს, ვინც მანამდე თვალით არასოდეს მენახა. ზოგჯერ, უბ-
რალოდ, მასთან ერთად დავაბიჯებდი უჟმურ, უსახურ ქუჩებ-
ში, ანუ მე დავაბიჯებდი, ის კი გათიშული იწვა ჩემ გვერდით
და მაინც ახერხებდა, ემოძრავა, როგორღაც ფეხი აენყო ჩემ-
თვის, გამკვირვებულ ჰაერში გადაადგილებულიყო ლერწმის
მინდვრისკენ მიმავალ გზაზე. გონზე მოსულმა, დაცვარულ
ბალიშზე თავი მოაბრუნა, თვალეგაფართოებულმა, ღამის
სანათის დაბინდულ შუქზე შემომხედა - შეშინებულმა და
დაბნეულმა. მგონი, ვერც მიცნო. უცებ გამომეცალა ძალა,
დავიზაფრე და სისხლი გამეყინა ძარღვებში - სწორედ ისე,
ულრან ტყეში მოულოდნელად უცხო მხეცს რომ გადააწყდები.
ვგრძნობდი, როგორ ნელა, გაპარულად მიცემდა გული, თით-
ქოს ერთნაირი, უსასრულო წინალობების გადალახვა უნევსო.
ანამ ისეთი ხმით დაახველა, თითქოს ძვლებიანი აბგა შეარ-
ხიესო. ვიცოდი, ეს უკვე დასასრული იყო, მაგრამ ვერ ვხვდე-
ბოდი, მე რა უნდა მექნა, ვისთვის დამეძახა - არიქა, ცოლი
მიკედება, მიშველეთ-მეთქი, დროზე! აზრი არ მიტრიალებდა
თავში, თითქოს შიგ ბეტონი ჩაესხათ. ანა თვალს არ მამო-
რებდა, ისევ გაოცებული, ისევ ეჭვიანი მზერით მომჩერებო-
და. დერეფანში ვილაცას რაღაც დაუვარდა ჟღრიალით. ეს ხმა

გაიგონა და მგონი, ცოტათი დამშვიდდა. ეგებ იფიქრა, რომ მე ვუთხარი რალაც და თვითონაც გამიგო, რადგან მოუთმენლად გააქნია თავი რამდენჯერმე, თითქოს მეუბნებოდა: არა, რას ამბობ, რა სისულელეა! მერე ხელი გამოინვდინა და კლანჭივით მომადო მაჯაზე. მაიმუნებმა იციან ასე ხელის ჩაღება. დღემდე ვგრძნობ, აქამდე არ მიშვებს... დაფეთებული წამოვვარდი სკამიდან, სანოლთან მუხლებზე დავემხე, როგორც სასწაულით შეძრული ვინმე მორწმუნე. ანა ჯერაც მაჯაში ჩამფრენოდა. მეორე ხელი შუბლზე დავადე, მეგონა, მისი აღგზნებული ფიქრების შეგრძნობას მოვახერხებდი, გავიგებდი, სულ ბოლოს რა გაუელვებდა თავში. ნეტავ მანამდე თუ შემიხედავს მისთვის ასეთი დაჟინებით? თითქოს მხოლოდ მზერით დავაკავებდი, თითქოს იქამდე არ დამტოვებდა, სანამ მოვახერხებდი და თვალს არ დავახამხამებდი. მძიმე-მძიმედ სუნთქავდა, სულის მოსათქმელად შეჩერებული მორბენალივით, ორი იმდენი გზა რომ ელოდება წინ. რალაცნაირი მშრალი სუნი მოდიოდა მისგან, ჩამომჭკნარ ყვავილებს რომ ასდით, ისეთი. სახელით მივმართე, იმან კი უცებ ისევ დახუჭა თვალები უკმაყოფილო სახით, აქაოდა, როგორ არ გესმის, უკვე ანა აღარა ვარ, საერთოდ აღარავინ ვარო. მერე ისევ გაახილა და ერთხელაც მომაჩერდა, უფრო ჯიუტად, ვიდრე ოდესმე. ოღონდ უკვე არა გაოცებით, არამედ მკაცრად, მომთხოვნად. ეტყობა, სურდა, უთუოდ გამეგო და მიემხვდარიყავი; რის თქმასაც აპირებდა. მაჯაზე ხელი მიშვა, თითები ზეწარზე მოაფათურა რალაცის მოსაძიებლად. ხელი მოკვიდე – ვგრძნობდი, როგორ უფეთქავდა ძარღვი ცერა თითის ძირში. რალაც ჩავილულულე, სრული უაზრობა. არ დამტოვო თუ რალაც მაგდაგვარი. იმან კი ისევ ისე, მოუთმენლად გადააქნია თავი და თავისკენ მიმიზიდა. „სხვები თუ საათებს აჩერე-

ბენ, - ნამიჩურჩულა შეთქმულივით, - მე დრო გავაჩერე", - თქვა და საზეიმო იერით გამილიმა. ღმერთმანი, გამილიმა.

ჩემ გვერდით მუხლებზე მდგომ ქლოის ასე მონყევით, უცებ რომ არ გადაეგდო მხრებზე მოხურული მაისური, ალბათ ვერც გავბედავდი, მისთვის თეძოზე დამედო ხელი. გრილი, დახორკლილი კანი ჰქონდა, მაგრამ ვგრძნობდი, მის ქვეშ როგორ უფეთქავდა სისხლი. გარეგნულად არაფერი შეუმჩნევია, ისევ ისე გასცქეროდა რალაცას, ალბათ წყლის უწყვეტ მატებას, და მაშინ მეც ფრთხილად ავაცურე ხელი ზემოთ, ვიდრე თითებით ახლა ნაჭერი არ შევიგრძნე. მისი მაისური, თავიდან მუხლებზე რომ დამეცა, ქვემოთ ჩაცურდა და იატაკზე ჩასრიალდა. რატომღაც, გადაგდებულ თაიგულსა თუ დაჭრილ ჩიტს მივამგვანე. მეტი არც მომინდებოდა არაფერი - ვიჯდებოდი ასე, მის ტაკოზე ხელმიდებული, გულაბაგუნებული და მოპირდაპირე ფიცრულ კედელს თვალგამტერებული. მაგრამ უცებ, მსუბუქი მოძრაობით, ერთი მუხლი მერხზე გადმონაცვლა და ჩემს გაოგნებულ თითებს თავისი წიაღის გზა გაუხსნა. მერე ზღვის წყლით გაჟღენთილი საცვლის ქვეშ შეცურებულ თითისწვერებს ფეხები მოუჭირა, მოიმწყვდია. უცებვე, თითქოს დენმა დაუარა მთელ ტანშიო, ხელებიდან გამომეცალა და მეგონა, ყველაფერი მორჩა-მეთქი. ვცდებოდი: შემოტრიალდა, გვერდზე მომიჯდა, სახე მომიშვირა საკოცნელად. სველი თასმები უკან ეკვრებოდა, კისერზე, ამიტომაც თავსუკან გადაინია ხელები, ნასკვი გაიხსნა და სველი სამოსი წელამდე ჩაინია. თან ვკოცნიდი, თან გვერდზე თავგდანეული, ცალი თვალით შევცქეროდი მის კისრის მალეებს, მთელ ხერხემალს, ვინრო ნაპრალს მის ბოლოში... მოუთმენელი მოძრაობით მიმატანინა ხელი ოდნავ ამობურცულ ძუძუსთავთან, მკერივსა და ცივთან. მის გვერდით მაილზი იჯ-

და, ფეხები გადმოეკიდა მერხზე, თავი კედლისთვის მიედო და თვალები დაეხუჭა. ქლოიმ ალაღბედზე მოიძია მისი ხელი, ჩაბლუჯა, ტუჩები დაჭიმა და უფრო ვიგრძენი, ვიდრე გავიგონე, როგორ ამოუშვა ხორხისმიერი კენესა.

ვერც გავიგე, როგორ გაიღო კარი, უბრალოდ, ოთახში სინათლემ იმატა. ქლოის სხეული გაუხევედა, მერე სწრაფად მიაბრუნა თავი და რალაც ჩემთვის სრულიად გაუგებარი ჩაილაპარაკა. კარში როუზი იდგა, ისიც საცურაო სამოსში გამონყობილი და ალბათ ამიტომაც ის გრძელი, თეთრი, წვრილი ფეხები ახლა კიდევ უფრო თეთრად, გრძლად და წვრილად მოუჩანდა. კარში გახირული თითქოს ორ ქარს შუა იყო მოქცეული – ერთი მის გარეთ გადაევენას ლამობდა, მეორე კი გარედან უბიძგებდა აქეთ. ქლოიმ ნაჩქარევად შეიკრა თასმები, კიდევ ერთხელ გამოსცრა ბრაზიანად იგივე სიტყვა, ამ ჯერზეც რომ ვერ გავარჩიე – არ ვიცი, როუზის მეტსახელი იყო თუ უბრალო ლანძღვა; მელიასავით ჩახტა მერხიდან, როუზს ილლიის ქვეშ გაუძვრა და გაუჩინარდა. „ახლავე დაბრუნდით, მის! – გაბზარული ხმით უყვირა როუზმა. – ახლავე-მეთქი, ვის ვეუბნები!“ მერე მე გამომხედა – უფრო სინანულით, ვიდრე ბრაზით, თავი გადააქნია, შეტრიალდა და სირაქლემასავით გააბიჯა მალალ, მზედაუკრავ ფეხებზე შემდგარმა. ჯერაც ჩემ გვერდით, მერხზე მოკალათებულმა მაილზმა დაგუდულად ჩაიხითხითა. მივაჩერდი: ასე მეგონა, დაილაპარაკა, რალაცა თქვა-მეთქი.

რაც მერე მოხდა, თითქოს მინიატურასავით, ერთგვარ კამეასავით შემომჩნა ხსოვნაში, ან ისეთი მომრგვალებული პეიზაჟივით, ზემოდან რომ დასცქერი და მხოლოდ ნაპირებში ხედავ დრამის იმ უმცირეს დეტალებს, ძველ ოსტატებს ვითომ სასხვათაშორისოდ რომ უყვარდათ გამოხატვა, და

თვალისთვისაც ძნელი შესამჩნევია ოქროსა და ზურმუხტის, ზღვისა და ცის ბრჭყვიალებში. ცოტა ხანს სულს ვითქვამდი ნაპირზე, მაილში კი თვალს არ მაშორებდა – აბა, ერთი, რას იზამსო. საყარაულოდან რომ გამოვედი, ქლოი და როუზი პატარა, მოტიტვლებულ ადგილას იდგნენ ქვიშის ბორცვებს შორის, წყლის პირას, და გააფთრებულები რაღაცას უყვიროდნენ ერთმანეთს. სიტყვები არ მესმოდა. მერე ქლოი გაეცალა, რამდენჯერმე დაბზრიალდა ადგილზე და ქვიშა აყარა ფეხით, როუზის პირსახოცსაც გაპკრა და გვერდზე მიაგდო. ვიცი, ეს მხოლოდ ჩემი წარმოსახვაა, მაგრამ თვალნათლივ კი ვხედავ, როგორ ხარბად ულოკავენ პატარა ტალღები ქუსლებს. ბოლოს ერთიც შეჰყვირა რაღაც, უცნაურად, მონწყვეტით აიქნია მკლავი, შებრუნდა და იქვე, სილაში ჩაჯდა, ზედ წყლის პირას. მოხრილ მუხლებს მკერდით ეყრდნობოდა, ხელები შემოეჭდო და გაშტერებული მზერა ცისკიდურისთვის მიეპყრო. დოინჯშემოყრილი როუზი მის ზურგს თვალს არ აშორებდა, ოღონდ როცა მიხვდა, პასუხს მაინც ვერ ველირსებო, გაბრაზებული შეუდგა საკუთარი ნივთების მოგროვებას – პირსახოცის, წიგნის, საცურაო ქუდის... ზურგს უკან მაილზის ხმა გავიგონე, წამში ჩამიქროლა გვერდით. ისიც ქლოის მიუჯდა, მხარზე ხელი მოხვია და თავი თავზე მიადო. როუზი შეეყოვნდა, იჭვნეული მზერით გახედა ასე ჩახუტებულებს, მთელი სამყაროსთვის ზურგშექცეულებს. ისინი კი მშვიდად წამოდგნენ, ლივლივა წყალში შეაბიჯეს, ზედ განვნენ და გაცურეს – გვერდიგვერდ, ნელა, უფრო და უფრო შორს.

ჩვენ თვალს არ ვაშორებდით, როუზი და მე. იმას მოგროვილი ნივთები მკერდზე მიეხუტებინა, მე ისე, უაზროდ ვიდექი. არც ვიცი, რაზე ვფიქრობდი, არც მახსოვს, საერთოდ თუ ვფიქრობდი რამეს. არის ხოლმე ასეთი წუთები – მართალია,

არცთუ ხშირად – როცა გონება, უბრალოდ, გიცარიელდება. უკვე მართლა შორს იყვნენ ის ორნი. ფერგამკრთალ ნერტილებადლა მოჩანდნენ ფერგამკრთალ ცასა და კიდევ უფრო ფერგამკრთალ ზღვას შორის. მერე ერთი ნერტილი გაუჩინარდა. ამის შემდეგ ძალიან სწრაფად მოთავდა ყველაფერი, ანუ ის, რაც ჩვენ დავინახეთ: წყლის ზედაპირი კიდევ ერთხელ, ოდნავ შეირხა ერთადერთი ნერტილის ირგვლივ და... მორჩა. ზღვის გულგრილმა ზედაპირმა ხელახლა შეიკრა პირი. ვილაც ყვიროდა.

როუზმა და მეც იქით გავიხედეთ და ჭალარა, სახელეწილი კაცი დავინახეთ – ქვიშის ბორცვზე ჩამორბოდა თავპირისმტვრევით. ყვითელი პერანგი, ხაკისფერი შარვალი და ორფერი ფეხსაცმელი ეცვა, თან გოლფის ჯოხს იქნევდა თავს ზემოთ. თუმცა ფეხსაცმელები, შეიძლება, ჩემი გამონაგონია. აი, ხელთათმანი კი ნამდვილად ეკეთა მარჯვენა ხელზე, რომლითაც ჯოხი ეჭირა. ღია ყავისფერი, სათითურებნაჭრილი, ზურგზე დაჩვრეტილი. არ ვიცი, ასე ძალიან რატომ მიიზიდა ჩემი ყურადღება. კაცი ყვიროდა, მაშველებს დაუძახებთო. მთლად გადარეული ჩანდა, ისე იქნევდა იმ თავის ჯოხს, როგორც ზულუსი მეომარი – კომბალს. დაიცა, ზულუსი – კომბალს? არა, ალბათ უფრო შუბს. ამასობაში მისი ყვანჭების დამტარებელი ბიჭი, ერთ ვილაც უასაკო, ჩატვიდულჩაკოსტუმებული ჯეელი, თავისი აღჭურვილობიანად, ბექობიდან დამცინავი სახით გადმოსცქეროდა ამ ყველაფერს და ცალ ფეხს დაუდევრად გაკრავდა ხოლმე ყვანჭებიან ტომარას. მერე დაკუნთული, ახალგაზრდა კაცი გამოჩნდა, შემოტკეცილი შორტები ეცვა. არ ვიცი, საიდან გამოგვეცხადა ასე დაბარებულივით. უყოყმანოდ შევარდა წყალში და სწრაფი, გამოზომილი მოძრაობებით გაცურა. ამ დროს როუზი უკ-

ვე გიჟივით აწყდებოდა ნაპირზე აქეთ-იქით, სამ ნაბიჯს გადადგამდა ერთ მხარეს, გაჩერდებოდა, შემოტრიალდებოდა, მეორე მხარეს დაალირებდა თავს და ასე, უსასრულოდ. ზუსტად საბრალო, ჭკუიდან გადამცდარი არიადნესავით, კუნძულ ნაქსოსის ნაპირზე... თავისი პირსახოცი, ნიგნი და საცურაო ქუდი ჯერაც მაგრად ჰქონდა ჩახუტებული. მერე ხელმოცარული მაშველიც მობრუნდა, სარკესავით დამდგარი წყლიდან ნელმონყვეტილი გამოვიდა, თავი გადააქნია და ხელი ჩაიქნია. აზრი აღარა აქვსო, – ბურტყუნებდა თავისთვის. როუზმა ნამოიკივლა, ცრემლი წასკდა, შეშლილივით თავის ქნევას მოჰყვა და გოლფის მოთამაშეც უსიტყვოდ მიაშტერდა. მერე ყველანი კვალში ჩამდგარი მომყვებოდნენ უკან, უფრო და უფრო პატარავდებოდნენ, რადგან მე თავქუდმოგლეჯილი გავრბოდი „კედრებისაკენ“. არ ვიცი, გზა რატომ არ მოვჭერი და სასტუმროს ეზოთი არ შევიმოკლე მანძილი. ბევრად იოლი იქნებოდა, მაგრამ არაფრის გაიოლება არ მინდოდა. არც იქამდე მიღწევა მინდოდა, სადაც მივრბოდი. სიზმარში ხშირად ვუბრუნდები ხოლმე იმ დღეს – ქვიშაში მივრბივარ, რომელიც უფრო და უფრო დიდ წინააღმდეგობას მიწევს, და მეჩვენება, რომ ფეხები უკან მრჩება. რას განვიცდიდი? ყველაზე მეტად, ალბათ, ძრწოლას. ვერ ამეხსნა, რანაირად შეიძლებოდა ორი ცოცხალი არსება ასე უცებ, უაზროდ, სამუდამოდ გამქრალიყო. თუმცა მჯეროდა კია მათი სიკვდილი? ჩემს წარმოდგენაში რალაც ვეება, კაშკაშა სივრცეში გარინდებულიყვნენ, ხელიხელჩაკიდებულნი, ფართოდ თვალგახელილნი, მდუმარედ მიჩერებულნი შუქის უსაზღვრო სიღრმეებს.

როგორც იქნა, რკინის მწვანე ჭიშკარიც გამოჩნდა. მანქანა ეზოში იდგა, მთავარი კარიც – როგორც არაერთხელ – ბოლომდე იყო გამოღებული. სახლში სიჩუმესა და სიმშვი-

დეს დაესადგურებინა. ოთახებში ისე მივბორიალებდი, ვითომ მეც არიელივით სულად ვქცეულიყავი, გათავისუფლებულ და თავგზააბნეულ აჩრდილად. კონი გრეისი სასტუმრო ოთახში დამხვდა. შემომხედა, პირზე ხელი აიფარა, შუადღის ბლანტი, რძისფერი შუქი ეღვრებოდა ზურგზე. სიჩუმე იდგა, მარტო ფანჯრის იქით ზუზუნებდა მთვლემარედ ზაფხულის ხვატი. მერე კარლო გრეისიც შემოვიდა, თქვა, *მგონი, ისევ მოიშალა ეს ოხერიო*, და სიტყვა გაუნყდა. მერე ასე ვიდექით სამივე, სრულ მდუმარებაში. ბოლომდე.

როგორია?

ლამეა. ისეთი მდუმარება გამეფებულა, თითქოს ირგვლივ აღარავინ დარჩენილა, მეც კი აღარ ვარ თითქოს. ზღვის ხმაც კი არ მესმის, არადა, სხვა დროს არ ჩუმდება ხოლმე – ღმუის, ღრიალებს, ხან უფრო ახლოს და ხანაც უფრო შორს. არ მინდა მარტო ყოფნა. ასე მარტოდმარტო. აჩრდილად მაინც დამბრუნებოდი. რა, ბევრს ვითხოვ? ან სიჩუმე რაღას ნიშნავს – ყოველდღიური, ყოველღამეული, უსასრულო, გაუთავებელი... შენი დუმილი ნისლს ჰგავს – ჯერ ცისკიდურზე გაინვართა, ნამში კი უკვე ირგვლივ შემოგვეჯარა, ჩვენც ხელის ცეცებით მოვიძიეთ ერთმანეთი, ჩავებლაუჭეთ. ყველაფერი იმ დღეს დაიწყო, ექიმი ტოდის მონახულების მერე, როცა კლინიკიდან უკაცრიელ ავტოსადგომზე გამოვედით. მანქანები სველი, მბზინავი დელფინებივით მიწყობოდნენ ერთმანეთს. გაყურებულები. აღარც ის ახალგაზრდა ქალი ჩანდა სადმე, მაღალ, პაკიპუკა ქუსლებზე შემდგარი. მერე ზაფრამ ჩვენი სახლიც დაამუნჯა. მოგვიანებით დუმილი უკვე საავადმყოფოს დერეფნებს, პალატებსა და მოსაცდელსაც მოედო. სულ ბოლოს

კი უკვე იმ უკანასკნელ სამყოფელშიც დაისადგურა. გამო-
მიგზავნე შენი აჩრდილი, რა იქნება. თუნდაც შესაშინებლად.
ჯაჭვები ააჩხარუნე, იატაკზე ათრიე სუდარა, ტყის ალქაჯი-
ვით იღმუვლე... რაც გინდა, ის ქენი, სულ ერთია. მაგისტო-
საც მადლობელი ვიქნები.

სადაა ჩემი ბოთლი? ლოთი ბერიკაცის სანოვარა. ეგაა
ახლა ჩემი იმედი და სასოება.

მის ვავასური თანაგრძნობით მიცქერის, მე კი თვალს
ვარიდებ. იცის, რა შეკითხვებიც მინდა დაეუსვა, რა შეკით-
ხვებიც მტანჯავს ჩამოსვლის დღიდანვე, ოღონდ სითამა-
მე არ მყოფნის, ხმამალა გამოვთქვა. ამ დილასაც, როცა
შემატყო, როგორ ვცდილობდი სათქმელის ჩამოყალიბებას,
ისევ გადააქნია თავი, ოღონდ მტრულად არა: „ვერაფრით და-
გეხმარებით, – მითხრა ღიმილით. – ეგ უნდა იცოდეთ“. რას
ნიშნავს ეს უნდა? მე, საერთოდ, ძალიან ცოტა რამ ვიცი.
სასტუმრო ოთახის მინაშენში ვსხედვართ, ფანჯარასთან, რო-
გორც მანამდე არაერთხელ. გარეთ ნათელი, სუსხიანი დღე
დგას, ნამდვილი ზამთრის პირველი დღე. ეს ყველაფერი ან-
მყოში ხდება, მის ვავასური წინდას კემსავს – ეჭვი მაქვს,
პოლკოვნიკისათვის. საგანგებო ხის მონყობილობა აქვს, მოზ-
რდილი სოკოს მსგავსი, რომელზეც ქუსლს გადაჭიმავს ხოლ-
მე. მამშვიდებს მისი ჩვეული საქმიანობის ცქერა. სიმშვიდე
კი მართლა მჭირდება. თავი თითქოს სველი მატყლით მაქვს
გამოტენილი და პირშიც ნარწყევის მომწარო გემოს ვგრძნობ.
ვერც მის ვავასურის რძიანი ჩაი მიშველის ახლა და ვერც
ძველი ჯარისკაცის თხელი, გახუხული ჭვავის პურის ნაჭერი.
საფეთქელზეც გვარიანი სისხლჩაქცევა მეტყობა და მიფეთ-

ქავს კიდევ. მის ვავასურის პირდაპირ ვზივარ დარცხვენილი და განადგურებული. უხიაგი მოზარდით ვგრძნობ თავს – უფრო მეტად, ვიდრე ოდესმე.

არადა, მართლა რა დღე იყო გუშინ... მერე ლამეც და ღმერთო, შენ მაპატიე, დილაც როგორი გამითენდა! კარგად კი ინყებოდა ყველაფერი. ბედის ირონია იყო, აბა, რა – როგორც მერე გამოჩნდა. პოლკოვნიკის ქალიშვილმა შეგვატყობინა, ქმართან და ბავშვებთან ერთად ვაპირებ ჩამოსვლასო. პოლკოვნიკი ვითომ განსაკუთრებულს არაფერს იმჩნევდა, სასხვათაშორისოდ ჩავვიგდო სიტყვა, მაგათი შემოსევალა გვაკლდაო, მაგრამ საუზმობისას მღელვარებისაგან ისე უცახცახებდა ხელები, მაგიდაზე ფინჯნებს სულ რაკარუკი გაუდიოდათ. მის ვავასურმა დაიჟინა, სტუმრები სადილზეც უნდა დარჩნენ, ქათამს შევწავაო. ისიც იკითხა, ბავშვებს რისი ნაყინი უყვართო. არ ღირს ასე შენუხებაო, – აბუტბუტდა პოლკოვნიკი, არადა, ზედ ეტყობოდა, მეტად ნაამები დარჩა, წამით თვალეზიც კი აუნყლიანდა. არც მე ვიტყოდი უარს, თვალი შემეველო მისი ქალიშვილისა და იმ ნაქები სიძისთვის. თუმცა ბავშვების სტუმრობა ცოტა მაფრთხობდა: ზოგადად, ვერ ვეგუები პატარებს. მთლად ჟილ დე რე კი არ უნდა ვიყო, მაგრამ მაინც...

სტუმრებს შუადღისათვის ველოდით, მაგრამ თორმეტზე ეკლესიის ზარმაც ჩამოკრა, სადილობაც გადავიდა, და ჭიშკართან არც მანქანა გაჩერებულა და არც ბავშვების მხიარული ჭყლოპინი გაგვიგია. პოლკოვნიკი ბოლთას სცემდა, მალი-მალ დაიხედავდა ხოლმე მაჯაზე, უკმაყოფილო სახით, ან ფანჯარასთან გაირინდებოდა, სივრცეს მიშტერებული. მე და მის ვავასური ეკლებზე ვიჯექით, კრინტის დაძვრაც ვერ გაგვებდა. მთელ სახლში დატრიალებული შემწვარი ქათმის სურნელი ყოვლად უსინდისო ცდუნებად გვექცა. უკვი

მოსალამოვებულიყო, ტელეფონმა რომ დარეკა. შევკრთით. პოლკოვნიკს ისეთი სახით მიედო ყურმილი ყურზე, თითქოს მღვდელია და აღსარებას ისმენსო. მოკლე საუბარი გამოვიდა. ჩვენ არაფერს ვიმჩნევდით. სამზარეულოში შემობრუნდა და ჩაახველა. „მანქანა გაფუჭებიათ“, – თქვა, თან თვალს გვარიდებდა. ცხადია, ტყუილი უთხრეს. ან იქნებ თავად გვატყუებდა? უხერხულად გაულიმა მის ვავასურს. „ქათმისთვის ბოდიშს გიხდით...“ – უთხრა.

ნავიდეთ, თითო გადავკრათ-მეთქი, შევთავაზე, მაგრამ იუარა. ცოტა დავილაღე და უცებ, რატომღაც, თავიც ამტიკვდაო, მოიმიზეზა. მერე თავის ოთახში ავიდა. მძიმე-მძიმედ მიაბიჯებდა კიბეზე და საძინებლის კარი უხმაუროდ მოიხურა ზურგს უკან. „ღმერთო ჩემო“, – ჩაილაპარაკა მის ვავასურმა.

მე კიდევ ბარში ნავედი და გავილენე. არ ვაპირებდი, მაგრამ ასე კი მოხდა. შემოდგომის ისეთი უჟმური საღამო იყო, ჩამავალი მზის დუნე შუქი მხოლოდ იმას რომ გახსენებს, როგორი ნათელი დღეები იდგა სულ რამდენიმე თვის წინ. გადავლილ წვიმას გზაზე გუბეები დაეტოვებინა, საღამოს ცაზე უფრო ფერმკრთალი, თითქოს დღის მონარჩენი მათში პოულობდა აღსასრულს. ქარი ქროდა და ისე მიფრიალებდა პალტოს კალთებს, თითქოს ჩემივე პატარა შვილები ამტორლიალებოდნენ და მეხვეწებოდნენ, მამა, ბარში ნუ შეხვალო. მაინც შევედი. ეს ბარიც ერთი უღიმღამო, უხალისო რამაა და იქაურობის ლამის ნახევარი უშველებელ ტელევიზორს უკავია – ზუსტად იმის ცალს, მის ვავასურს რომ უდგას სახლში. პანორამული ეკრანი აქვს და სულ ჩართულია, ოღონდ ხმა კი ბოლომდე აქვს ჩანეული. მეპატრონე ერთი სქელი, დონდლო, ზანტი ვინმეა, სიტყვაძუნნი. რალაც უცნაური გვარი აქვს, ახლა არ მახსენდება. ბრენდი დაუუკვეთე, სულ ორმაგები. იმ საღამოს ამბები

ბუნდოვნად მახსოვს, ქუჩის ფარნის გამონათებებივით. ვილაც ბერიკაცს გადავეკიდე, ან პირიქით, ის შემომიჩნდა, მერე ვილაც ბევრად ახალგაზრდა ცდილობდა ჩვენს დაზავებას – არ ვიცი, შვილი იყო მისი თუ სულაც შვილიშვილი. ხელი ვკარი, ის კიდევ, პოლიციას გამოვიძახებო, დამემუქრა. როცა მეპატრონეც ჩაერია – ბარაგრი, ასეთი გვარი ჰქონდა, ნამდვილად – იმასაც ნავეჯიკავე, ხელიც კი მოუქნიე და რალაცას გაეყვიროდი ხმაჩახლეჩილი. ღმერთმანი, თავს არ ვგავდი! ასეთები ნაღდად არ მჩვევია. არ ვიცი, რა მეტაკა. ანუ იმის გარდა, რაც ჩვეულებრივ ეტაკება ხოლმე კაცს. ბოლოს, როგორც იქნა, დამაშოშმინეს და მეც კუთხეში, მღუმარე ტელევიზორთან მივუჯექი მაგიდას. ვიჯექი და რალაცას ვბურტყუნებდი ჩემთვის. თან გულიანად ამოვიოხრებდი ხოლმე. არადა, როგორ ჰგავს მთვრალის ეს ოხვრა-ხენეშა მოთქმა-გოდებას... ბარის ფანჯრიდან დანახულ სალამოს მიმქრალ შუქს ბრაზიანი, მონითალო-მოყავისფრო ელფერი გადაკრავდა, ერთდროულად მიმზიდველიც და შიშის მომგვრელიც, ნამდვილი ზამთრის ფერი. არა, ზამთრის სანინაალმდეგო არც არაფერი მაქვს – პირიქით, შემოდგომას თუ არ ჩავთვლით, წელიწადის უსაყვარლესი დროა ჩემთვის, მაგრამ ახლა ნოემბრის მიმწუხრის შუქი რალაც იმგვარის მაუნყებელს ჰგავდა, რაც მხოლოდ ზამთარს აღნიშნავდა, რამაც ერთიანად მომშხამა და დამადარდინა. მონოლილ დარდთან გასამკლავებლად, ბრენდიზე უკეთესს რას ვინატრებდი, მაგრამ ბარაგრიმ ახალ შეკვეთაზე ცივი უარი მტკიცა. ახლა ვხედები, სწორადაც მოიქცა, თუმცა მაშინ ისევ ავუხირდი, ჩემი აღშფოთება ხმამაღლაც გამოვხატე და როცა მაინც ვერაფერს გავხედი, „კედრებისკენ“ ნამოვჩანჩალდი ისევ – ჩემი საკუთარი, წინასწარ მომარაგებული ბოთლისკენ, სიყვარულით „ჩემს პატარა სანოვარას“ რომ ვეძახი. კიბეზე პოლ-

კონიკ ბლანდენს გადავეყარე და მცირე ხანს რალაცაზე კი ვილაპარაკეთ, ოღონდ წარმოდგენა არა მაქვს, რაზე.

უკვე მთლად დაღამებულიყო, მაგრამ ოთახში ვერ გავჩერდი. ბოთლი ილღიაში ამოვიჩარე და ისევ გარეთ გამოვედი, ქუჩაში. მერე რაც მოხდა, მხოლოდ ნაგლეჯ-ნაგლეჯ დამამახსოვრდა: მახსოვს, ქარით აქანავებული ლამპიონის ქვეშ ვიდექი და რალაც უმთავრეს, უდიადეს გამოცხადებას ველოდი, თუმცა მალევე მომბეზრდა ეს ლოდინი და ხელიც ჩავიქნიე. მერე სრულ სიბნელეში ვიჯექი ზღვის ნაპირას, ქვიშაში, ფეხებგანვართული; კალთაში უკვე ჩაცლილი ბოთლი მედო. შორს, ზღვაში, რალაც შუქები კრთოდა და ციმციმებდა, თუმცა შეიძლება მეჩვენებოდა კიდეც, რადგან იმ წყლებში არავინ თევზაობდა ხოლმე. სქელი პალტო მეცვა, მაგრამ მაინც შემცივდა, ერთიანად გამიჟდა ტანში ქვიშის სინოტივე. არადა, სიცივემ და სინოტივემ კი არ წამომადგო ფეხზე, არამედ – უეცარმა განზრახვამ, იმ შუქებს მივახლოებოდი, გამერკვია ერთი, რა ანათებდა იმ სიშორეში. ეგებ ზღვაში შესვლისა და გაცურვის სურვილიც კი გამჩენოდა, მაგრამ რალაცას წამოვედე, ნავიბორძიკე და ზედ წყლის პირას მოვადინე ზღართანი. საფეთქელიც მაგრად დავკარი საიდანღაც ამონვერილ ქვას. არ ვიცი, რამდენ ხანს ვეგდე ასე – ხან მთლად გათიშული, ხან კი თითქოს გონსმოსული. მახსოვს, განძრევა არ შემეძლო, ან იქნებ არც მინდოდა. კიდეც კარგი, ზღვის მიქცევა დაემთხვა. ისე, დიდად არც მტკიოდა რამე და არც მანალვლებდა. სინამდვილეში სრულიად ბუნებრივადაც მიმანდა, იქ რომ ვეგდე, სრულ სიბნელეში, ჩაშავებული ცის ქვეშ. ტალღების სუსტ ციმციმს მივშტერებოდი, ცნობისმოყვარე და თან მფრთხალი თაგუნების გუნდით რომ დაცუხცუხებდნენ აქეთ-იქით. ჩემსავით მთვრალი, ერთგული ბოთლიც წინ და უკან, რაკა-

რუკით დაგორავდა კენჭებზე. სადღაც ზევით კი ქარი დაქროდა ჰაერის უჩინარ სიცარიელეში.

მერე, ეტყობა, დამეძინა, ან მართლა გავითიშე, რადგან არც მახსოვს, როგორ მიპოვა პოლკოვნიკმა, თუმცა თავად ამტკიცებს, დალაგებული ლაპარაკობდით და არც გამძალიანებისხართ, როცა სახლში წამოგიყვანეთო. ეტყობა, ასეც იყო, ანუ მართლა არ ვიყავი მთლად გათიშული, თორემ მარტო ვერც წამომაყენებდა და ვერც ჩემს ოთახამდე მომათრევდა ზურგით. ისე, რა იცოდა, სად უნდა ვექებნე? კიბეზე გასაუბრებისას – თუმცა ამას საუბარს ძნელად დაარქმევს კაცი, რადგან ასე მითხრა, ძირითადად, თქვენ ლაპარაკობდით მოქოქილივითო – დაბეჯითებით მითქვამს, ყველაზე იოლი სიკვდილი ზღვაში დახრჩობაა-მეთქი. როცა შუალამეს გადასცილებია, მე კი ჯერაც არ ვიყავი მისული სახლში, შეშინებია – უფიქრია, მართლა არ აუტეხოს თავს რამეო და ნაპირ-ნაპირ წამოსულა ჩემს მოსაძებნად. კარგა ხანს მოუნია წინ და უკან სიარული და ის იყო, ხელის ჩაქნევასაც აპირებდა, როცა უცებ მთვარისა თუ რომელიღაცა კაშკაშა ვარსკვლავის შუქზე ქვებზე გართხმული დავუნახივარ. გზად არაერთხელ შევჩერებულვართ, გვიკამათია – მე თურმე სულ რაღაც ღრმა აზრებს ვაფრქვევდი. ბოლო-ბოლო, „კედრებამდეც“ მოვალნიეთ. პოლკოვნიკმა კიბეზე ამიყვანა და ოთახში დამაბინავა. ისე, ეს ყველაფერი მხოლოდ მისივე მონაცოლია – მე თვითონ ამ ჩვენი უკან მობრუნებისა არაფერი მახსოვს. მოგვიანებით, როცა გაუგონია, როგორ ვარწყევდი – სხვათა შორის, ხალიჩაზე არა – ფანჯრიდან, უკანა ეზოში, და ჩემი ბრაგვანის ხმაც შემოსმია, შემოსულა და იმ ღამით მეორეჯერ ვუნახივარ ძირს უგონოდ გართხმული, ამჯერად – სანოლის ფეხთან. მერელა მიმხვდარა, საჩქაროდ ექიმს უნდა ვუხმოთო.

დილით ადრე გამელვიდა, ჯერ ისევ ბნელოდა. თავიდან რაც დავინახე, ჰალუცინაცია მეგონა. პოლკოვნიკი იქ იყო, როგორც ყოველთვის, თავის უზადო ტვიდის სამოსში გამონყობილი; იმ ღამეს თურმე საერთოდ არ დანოლილა და ახლა წინ და უკან მიდი-მოდიოდა მოლუშული. და რაც უფრო გასაკვირია, ჩემს ოთახში დამხვდა მის ვავასურიც. როგორც გავარკვიე, მასაც გაუგონია, უფრო სწორად, ტანით უგრძნია, როგორ მოვადინე ზღართანი იატაკზე, ფანჯრიდან რწყევის მერე. ის თავისი იაპონური კიმონო ეცვა, თავზე კი ისეთი ბადე გადაეკრა, ბავშვობის მერე არა ქალზე რომ არ მენახა. ჩემგან ცოტა მოშორებით იჯდა, კედელთან მიდგმულ სკამზე, გვერდულად. ხელები კალთაში დაეკრიფა, თავი ჩაელუნა და თვალის ბუდეები ორ ცარიელ, შავ ღრმულად მოუჩანდა. სანათი, თავიდან, რატომღაც, სანთელი რომ მეგონა, მაგიდაზე ენთო; ირგვლივ სინათლის წრე შემოეხაზა – ზუსტად ისე, როგორც ჟერიკოსა თუ დე ლა ტურის ნახატებზე. გაოცებულს – ეს რა ხდება ჩემს თავს და ამ ორს აქ რა უნდა-მეთქი – ისევ ჩამეძინა. ან იქნებ გონებაც დაკარგე.

როცა ისევ გამომელვიდა, უკვე დღეც დამდგარიყო და ფანჯრებზეც ფარდები გადაენიათ. ოთახი რალაცნაირად დარცხვენილად გამოიყურებოდა – ფერმკრთალი, სახედაჭმუჭნული, როგორც ახლად გაღვიძებული, ჯერაც სახემოუნესრიგებელი ქალი. გარეთ ერთიანად გადათეთრებული ცა ისე დაბლა ეკიდა, გეგონებოდა, სახურავიდან კაცი ხელს მიანდენსო. დაბანგულ გონებაში ბუნდოვნად ამომიტივტივდა ნუხანდელი სამარცხვინო ამბები. ქვეშაგები ერთიანად მოჩაჩულ-არეულიყო, გვარიან ბრძოლაგადატანილივით, და ოთახშიც ნარწყევის მძაღვ სუნი იდგა. ხელი ავნიე. იმავე წამს თავში საშინელმა ტკივილმა დამიარა, როცა თითი საფეთქელზე მომიხვდა – იმ ადგილზე,

სადაც თავი ქვას დაეკარი. ისე შევხტი, სანოლი გემბანივით ატორტმანდა და სწორედ მაშინ დავლანდე ჩემს სკამზე ჩამომჯდარი ახალგაზრდა კაცი: წინ წამოხრილიყო, იდაყვები სანერ მაგიდაზე დაებჯინა და წიგნს კითხულობდა. ლითონისჩარჩოიანი სათვალე ეკეთა, მალალი, შემელოტებული შუბლი ჰქონდა და შეთხელებული, გაურკვეველი ფერის თმა. ტანსაცმელიც რაღაც უსახური ეცვა, გაცვეთილი ველვეტის ნაჭრისა. სანოლის ქრიალი რომ გაიგონა, აუჩქარებლად მოაშორა მზერა ფურცელს, თავი მოაბრუნა და შემომხედა. მგონი, გაიღიმა კიდევ, თუმცა უხალისოდ. მერე მკითხა, თავს როგორ გრძნობთო. გავეტერდი, სხვანაირად ვერ იტყვი. შევეცადე სანოლში წამოვმჯდარიყავი, არადა, ისე გამიჭირდა, თითქოს ლეიბი რაღაც ბლანტი, ნებოვანი სითხით ყოფილიყო გაჟღენთილი. უცნობს ერთდროულად მკაცრი და ახსნა-განმარტების მომლოდინე სახით მივაჩერდი, ის კი, ვითომც აქ არაფერიო, მშვიდად მათვალეიერებდა. მერე მითხრა, ექიმმა (ეს სიტყვა ისე წარმოთქვა, ვითომ ამ ქვეყნად მხოლოდ ის ერთადერთი ექიმი არსებულიყო) ადრევე მოგინახულათო – ზუსტად ასე თქვა, ადრევეო – და შეშფოთებულმა ახლა იმაზე დავინწყე ფიქრი, ჩემდა უნებურად მეორედაც ხომ არ ნავეხეტე სადმე-მეთქი. მერე ისიც დაამატა, ტვინის შერყევაზე აქვს ეჭვი და ალკოჰოლურ ინტოქსიკაციაზეო... ეჭვი? ერთი ეს მითხარით, რა იყო აქ საეჭვო?!

– კლერს ამოვეყვი, – თქვა. – ახლა სძინავს.

ჯერომი! ის ნიკაპნაკვეთილი მიჯნური! როგორც იქნა, ვიცანი. ნეტავ ხელახლა რით და როგორ მოიგო ჩემი ქალიშვილის გული? ან იქნებ ერთადერთი ესაა, ვისთან დარეკვაც კლერს მოუვიდა აზრად შუალამისას, როცა პოლკოვნიკმა, მის ვავასურმა თუ რა ვიცი, ვინ დაურეკა და შეატყობინა, კიდევ რა ახალ შარში გახვეულიყო მამამისი. თუ მართლა ასეა, ესეც

ჩემი ბრალი ყოფილა და ეგაა... თავ-ბედს ვინყველიდი, ვინ-
ძლო მართლა იტალიელი დოქების ნაქონ ამ სარეცელზე გარ-
თხმული, გაშტიერებული, გონებადაბინდული და იმის ძალაც
არ მქონდა, ნამოვმდგარიყავი, ამ არამზადისთვის ქეჩოში ჩა-
მევლო ხელი და ერთხელ და სამუდამოდ ამეკრა გუდა-ნაბა-
დი. არადა, თურმე უარესი წინ მელოდა: ოთახიდან გავიდა –
ვნახავ ერთი, კლერმა თუ გაიღვიძაო – მერე კი უკვე ერთად
დაბრუნდნენ უკან. ჩემს ქალიშვილს, აჩეჩილს, თვალეზჩანით-
ლებულს, პირდაპირ საცვლებზე სანვიმარშემოცმულს, ისეთი
სახე ჰქონდა, თვალი ვერ გავუსწორე. იმან კი პირდაპირ მა-
ჯახა – თითქოსდა დაუფიქრებლად გადაეშვა წყალში – ეს-
ესაა, დავინიშნეთო. უცებ ისე დავიბენი, ვერც მივხვდი, რაზე
ლაპარაკობდა და ეს წამი საკმარისი გამოდგა ერთხელ და
სამუდამოდ ჩემს გასანადგურებლად. ძალაც ვერ მოვნახე, ამ
თემას კიდევ მივბრუნებოდი და, აი, რაც დრო გადის, მისი
გამარჯვებაც ჩემზე სულ უფრო და უფრო მტკიცდება. ასე,
თვალის ერთ დახამხამებაში იგებენ და აგებენ ბრძოლებს...
ჩემი თუ არ გჯერათ, დე მესტრის წიგნი მაინც გადაშალეთ.

მაგრამ ამასაც არ დასჯერდა: პირველი წარმატებით გათა-
მამებული, ჩემი დროებითი უმწეობით ფრთაშესხმული, მომდგა
და დოინჯშემოყრილმა, ზედიზედ დამაყარა კაპიტულაციის პი-
რობები: დაუყოვნებლივ უნდა ჩამელაგებინა ბარგი, „კედრებს“
გამოვმშვიდობებოდი და საშუალება მიმეცა, შინ წავეყვანე.
შინო – სწორედ ასე თქვა. იქ უკვე თავად იზრუნებდა ჩემ-
ზე, ზრუნვაში კი – როგორც ნათლად ამიხსნა – უპირველეს
ყოვლისა, სასმელსა და ყველანაირ სტიმულატორებსა თუ სა-
ძილე საშუალებებზე უარის თქმა იგულისხმებოდა, ვიდრე ექი-
მი (ეტყობა, ისევ ის ერთადერთი ექიმი) კვლავ შესაფერისად
არ ჩამთვლიდა – არ ვიცი, რისთვის, ალბათ ცხოვრებისთვის.

რა უნდა მექნა, როგორ გავძლიანებულიყავი? ისიც მითხრა, დროა, საქმეს დაუბრუნდეო. „უკვე ამთავრებს, – მოახსენა თავის რჩეულს ერთგვარი დაუფარავი სიამაყით, – მონოგრაფიას ბონარზე“. ვაჟკაცობა არ მეყო, მეღიარებინა, ეს ჩემი შრომა ჯერ პირველი თავის ნახევარს და უბის წიგნაკში ჩანიშნულ რამდენიმე ნედლ მოსაზრებას არ გაცვილებია-მეთქი. თუმცა, აბა, ახლა ამას რა მნიშვნელობა აქვს. შემძლია სხვა გზასაც ვენიო, მაგალითად, პარიზში დავსახლდე და ხატვას მოვკიდო ხელი, ანდა მონასტერში ბერად აღვიკვეცო, დღეები უსასრულობის მშვიდ ჭურეტაში გავატარო... ანდა სულაც დიდი ტრაქტატი დავწერო მკვდრების თაობაზე. ვხედავ კიდეც საკუთარ თავს სენაკში გამოკეტილს, მაგიდასთან მიმჯდარს, წვერმოშვებულს; ხელში ბატის ფრთა მიჭირავს, ფერხთით მოთვინიერებული ლომი მიზის და ფანჯრიდან გავცქერი გლეხების პანია ფიგურებს, ზვინებს რომ დგამენ შორს, ფერდობზე. თავს ზემოთ მტრედი დამტრიალებს ლულუნ-ლულუნით. აბა რა, ცხოვრება ათასგვარი უცნაურობითაა დაფეხმძიმებული...

ახლა, ალბათ, სახლსაც აღარ გამაყიდინებენ.

მის ვავასური ამბობს, კი მომენატრებით, მაგრამ, მგონი, სწორად იქცევითო. აქედან წასვლა ჩემი არჩევანი არ გახლავთ, იძულებითი ნაბიჯია-მეთქი, – ვუთხარი. გაელიმა. „მაქს, თქვენ ის კაცი არა ხართ, ვინმემ რამე გაიძულოთ!“ – მითხრა. ამაზე ველარაფერი ვუპასუხე – არა იმიტომ, ნებისყოფა რომ შემიქო, უბრალოდ, შევცბი, სახელით რომ მომმართა. პირველად ცხოვრებაში. ოღონდ არა მგონია, ამით უფლება მომცა, მეც როუზი დავუძახო. ერთგვარი ფორმალური მანძილი აუცილებელია ჩვენ შორის ჩამოყალიბებული თბილი ურთიერთობების შესანარჩუნებლად. ისე, მართლა ახლა ჩამოყალიბებულის თუ ბოლო რამდენიმე კვირის მანძილზე აღდგენილის? თუმცა, ამ

ნამიერი სიახლოვის გავლენით, მაინც ხელახლა წამომიტივტივდა ძველი, ჯერაც დაუსმელი შეკითხვები. ძალიან მინდოდა მეკითხა, იდანაშაულებდა თუ არა თავს ქლოის სიკვდილში – მჯერა, თუმცა ვერასოდეს ვერ დავამტკიცებ, რომ პირველი ქლოი წავიდა ფსკერისკენ, მაილზი მერელა მიჰყვა, როცა მის გადარჩენას ცდილობდა; თუ ფიქრობდა, რომ მათი ასე ერთად დახრჩობა თავიდან ბოლომდე შემთხვევითობა იყო? რომ მეკითხა, ალბათ მიპასუხებდა კიდეც, არაა გულჩათხრობილი ქალი. ისედაც ბევრი მელაპარაკა გრეისებზე – კარლოსა და კონიზე – როგორ დაენგრათ ცხოვრება და ტყუულების ამბის მერე მალევე როგორ გარდაიცვალა ორივე: ჯერ კარლო – ანეერიზმით, მერე კი კონიც – ავტოავარიისში. ავარიის ამბავი რომ ვკითხე, უცნაურად შემომხედა და ტუჩებაცაცახებულმა მითხრა, *კონი ის ქალი არ იყო, თავი მოეკლაო...*

თურმე ბოლომდე კარგი ურთიერთობა ჰქონია მათთან, არასოდეს გადაკვრითაც არაფერში დაუდანაშაულებიან და არც საყვედური უთქვამთ ოდესმე. „კედრებშიც“ იმათ მიშოვეს სამსახური, ფისოს ნათესავებს იცნობდნენ და სიტყვაც შემანიესო, – ასე მითხრა. *მას მერე აქა ვარ, უკვე ამდენი წელიაო, – დაამატა.*

ზემოთ პოლკოვნიკის ფეხის ხმა ისმის. თითქოს ფრთხილობს, მაგრამ მაინც გვარიანად ბრავუნობს. ვიცი, უხარია ჩემი წასვლა. წუხანდელი დახმარებისათვის მადლობა გადაუუხადე – მგონი, სიკვდილს გადამარჩინეთ-მეთქი, ვუთხარი და მაშინ მივხვდი სწორედ, სიმართლეს ვეუბნებოდი. შერქვიფდა, აფორიაქდა, ეამა კიდეც. *ეს ხომ ნებისმიერის ვალიაო, მითხრა ხმაგაბზარულმა და უხერხულად მომითათუნა მხარზე ხელი. გამომშვიდობებისას საჩუქარიც კი მისახსოვრა – „სუონის“ ფირმის ავტოკალამი. მგონი, მისივე ხნის უნდა იყოს, ბუდე-*

ში იდო და თან მოყვითალო, თხელ ქალღმერთს გაეხვიათ. სხვათა შორის, ამ ყველაფერს სწორედ იმ კალმით ვწერ, ვაგვირისტებ, შეიძლება ითქვას, ისე სწრაფად და თავისუფლად დასრიალებს კალამი ფურცელზე. შიგადაშიგ დათხანნილი ლაქა რა მოსატანია. მაინც სად გამოჩნდება? არც კი ვიცოდი, რა მეთქვა. არაფრის თქმა არაა საჭირო, მე მაინც ვერაფერში გამოვიყენე და თქვენ კი ვინძლო იმ თქვენი ნიგნის წერაში გამოგადგეთო, – ასე მითხრა. მერე შეტრიალდა და ბებრული, უფერული, ხმელ-ხმელი ხელების ფშვნიტით გავიდა ოთახიდან. შუა კვირა იყო, მაგრამ მაინც ჩაეცვა ის თავისი ყვითელი ჟილეტი. უკვე ველარასოდეს გავიგებ, მართლა გადამდგარი სამხედროა თუ იბრალებს. ესეც კიდევ ერთი შეკითხვა, მის ვავასურისათვის რომ დამრჩა საკითხავი.

– ყველაზე მეტად ის მენატრება, – მეუბნება, – კონი... ქალბატონი გრეისი.

ეტყობა, ისე მივაშტერდი, ამჯერადაც თავისი თანამგრძნობი მზერა მომაგება.

– აბა, ის კაცი ჩემთვის რა იყო, – მითხრა, – არც არაფერი. გამახსენდა, როგორ იდგა ხის ქვეშ აქვითინებული, მხრებში ანურული, თავჩაქინდრული, როგორ ჭმუჭნიდა დამბალ ცხვირსახოცს ხელში.

– სულ არაფერი, – თქვა ისევ.

და ახლა ისიც დამიდგა თვალნინ, მაშინ, ბალახზე, ჩემ უკან ჩამომჯდარი, სწორედ იქით რომ იყურებოდა, საითაც მეც ხარბად გამირბოდა თვალი...

ანა გამთენიისას გარდაიცვალა. მართალი გითხრათ, იმ დროს მის გვერდით არ ვყოფილვარ. გარეთ გამოვედი, საა-

ვადმყოფოს კიბეზე ვიდექი. მინდოდა, ღრმად ჩამესუნთქა დილის ბნელი, მოციმციმე ჰაერი და სიმშვიდისა და ზაფრის სწორედ იმ წამს მეორე, დიდი ხნის წინანდელი წამი მომაგონდა: ბელილესში ვიყავი და არ ვიცი, რატომ, იმ დღეს მარტო წავედი საცურაოდ – ქლოი და მაილზი სად იყვნენ, არ მახსოვს, მშობლებთან ერთად თუ გაემგზავრნენ სადმე და ეს, სავარაუდოდ, მათი ერთ-ერთი ბოლო, ან სულაც უკანასკნელი ერთობლივი მგზავრობა უნდა ყოფილიყო. ცა დაბურულიყო, ნიავიც არ ქროდა და ზღვაც არ ირხეოდა, მხოლოდ ნაპირს ელამუნებოდა პანანინა, აქოჩრილი ტალღები – ჯერი-ჯერზე, მოულალავად, თითქოს თვლემამორეული მკერავი უსასრულოდ ამოკლებს კაბის არშიასო. თითო-ოროლა დამსვენებელი გამოსულიყო სანაპიროზე, ჩემგან შორს, და უძრავი, მკვრივი ჰაერი მათ ხმებს თითქოს კიდევ უფრო შორეულად აქცევდა. წელამდე ვიდექი სრულიად გამჭვირვალე წყალში, მშვენივრად ვხედავდი ფსკერზე დატალღულ ქვიშას, პანია ნიჟარებს, კიბორჩხალას მოტეხილ საცეცსა და საკუთარ ტერფებს, შუშის ჭურჭელში მოთავსებული უცნაური არსებებივით თეთრსა და უცხოს. ასე ვიდექი და უცებ – უცებ კი არა, რალაცნაირი შენელებული მოძრაობით – ზღვა აზავთდა, კი არ აღელდა, არა, ნელ-ნელა შედგა ყალყზე – ქვემოდან, ფსკერიდან, თითქოს ვეება არსებამ ტანი აიქნიაო. წამით მეც ამიტაცა, ნაპირისკენ წამიყვანა და მერე ძირს დამიშვა, სილაზე, ვითომც არაფერი მომხდარაო, და მართლაც არ მომხდარა არაფერი, არაფერი განსაკუთრებული – უბრალოდ, უსასრულო სამყარომ კიდევ ერთხელ გულგრილად აიჩეჩა მხრები.

ჩემს დასაძახებლად ექთანი გამოვიდა. მის ხმაზე შევტრიალდი, უკან მივყევი, და მაშინაც ზღვაში შევაბიჯე თითქოს.

სერია
„დიობენეს ბიბლიოთეკა“

უკვე გამოიცა:

ჯონ ბენვილი

ზღვა

გ. კ. ჩესტერტონი

მოთხრობები მამა ბრაუნზე

რომენ გარი

თეთრი ძაღლი

ჯულიან ბარნსი

ფლობერის თუთიყუში

პიტერ კერი

ძარცვა

ჯონ ფაულზი

კოლექციონერი

პოლ ოსტერი, ჯონ მაქსველ კუტზე

აქ და ახლა

ჰენრი მილერი

კირჩხიბის ტროპიკი

მილან კუნდერა

ყოფის აუტანელი სიმსუბუქე

ჯეკ კერუაკი

გზაზე

ჯონ მაქსველ კუტზე

სირცხვილი

ჩაკ პალანიკი

მებრძოლთა კლუბი

უილიამ ფოლკნერი

დროშები მტვერში

პ. გ. ვუდჰაუსი

დაიკიდე, ჯივზ!

პოლ ოსტერი

მისნის ლამე

ედით უორტონი

უმანკოების ხანა

უმბერტო ეკო, კარდინალი მარტინი

რა სწამს მას, ვისაც არ სწამს

ორჰან ფამუქი

სტამბოლი

თანამედროვე ირლანდიურ ლიტერატურაში
ჯონ ბენვილის (1945) სახელი გამორჩეულია.
მის დახვეწილ, სტილისტურად უნაკლო
პროზას ხშირად ვლადიმირ ნაბოკოვისას
ადარებენ. ბენვილი არაერთი
ლიტერატურული ჯილდოს მფლობელია, მათ
შორის ბუკერის პრემიის, რომელიც მწერალს
2005 წელს მიენიჭა რომანისთვის „ზღვა“.

„ზღვა“ ხანში შესული მაქს მორდენის
მონათხრობია, რომელიც მეუღლის
გარდაცვალების შემდეგ ზღვისპირა სოფელში
ჩადის. იგი იხსენებს ბავშვობაში ამ ადგილას
გატარებულ ზაფხულს, როცა გრეისების
ოჯახი გაიგნო – ადამიანები, რომლებმაც მის
მეხსიერებაში წარუშლელი კვალი დატოვეს.